# 古典交慮大师究車骨干!

潘美月·杜潔祥 主編

第二二編 第四冊

《呂氏春秋》校補(下)

蕭旭著

花木蘭文化出版社 出版

# 古典文獻研究輯刊

二二編

潘美月・杜潔祥 主編

第 **4** 冊 《呂氏春秋》校補(下)

蕭旭著



#### 國家圖書館出版品預行編目資料

《呂氏春秋》校補(下)/蕭旭 著一初版一新北市:花木

蘭文化出版社,2016 [民 105]

目 2+248 面; 19×26 公分

(古典文獻研究輯刊二二編:第4冊)

ISBN 978-986-404-497-9 (精裝)

1. 呂氏春秋 2. 校勘

011.08

105001912



ISBN: 978-986-404-497-9

## 古典文獻研究輯刊

二二編 第四冊

## 《呂氏春秋》校補(下)

作 者蕭旭

主 編 潘美月 杜潔祥

總編輯 杜潔祥

副總編輯 楊嘉樂

輯 許郁翎 編

企劃出版 北京大學文化資源研究中心

版 花木蘭文化出版社 出

計 長 高小娟

聯絡地址 235 新北市中和區中安街七二號十三樓

電話:02-2923-1455/傳真:02-2923-1452

址 http://www.huamulan.tw 信箱 hml 810518@gmail.com 網

刷 普羅文化出版廣告事業 印

版 2016年3月 初

全書字數 394559字

定 價 二二編 15 冊 (精裝) 新台幣 28,000 元

版權所有。請勿翻印

《呂氏春秋》校補(下) 蕭 旭 著

	上冊	
MY	前 言	1
	《孟春紀》卷第一校補	9
	《仲春紀》卷第二校補	
目	《季春紀》卷第三校補	43
H	《孟夏紀》卷第四校補	59
	《仲夏紀》卷第五校補	71
	《季夏紀》卷第六校補	81
次	《孟秋紀》卷第七校補1	11
	《仲秋紀》卷第八校補1	23
	《季秋紀》卷第九校補1	35
	《孟冬紀》卷第十校補1	55
	《仲冬紀》卷第十一校補 1	
	《季冬紀》卷第十二校補1	
	《有始覽》卷第十三校補 1	
	《孝行覽》卷第十四校補 2	11
	下 冊	
	《慎大覽》卷第十五校補····································	153
	《先識覽》卷第十六校補 2	
	《審分覽》卷第十七校補 2	
	《審應覽》卷第十八校補	
	《離俗覽》卷第十九校補 3	
	《恃君覽》卷第二十校補	
	《開春論》卷第二十一校補 3	
	《慎行論》卷第二十二校補 4	
	《貴直論》卷第二十三校補 4	
	《不苟論》卷第二十四校補 4	
	《似順論》卷第二十五校補 4	
	《士容論》卷第二十六校補 4	
	後 記 4	

## 《愼大覽》卷第十五校補

### 《愼大》校補

#### (1) 大臣同患,弗周而畔,桀愈自賢,矜過善非

高誘注: 患,憂也。心懼盡見誅,故同憂也。不周於義,而將背畔也。 其所行者非而反善也。

按:劉如瑛曰:「周,忠信,親近。」其說是也,《董子·王道》:「群臣畏恐,莫敢盡忠,紂愈自賢。」「莫敢盡忠」是其誼也。《管子·小稱》:「務(矜)爲(僞)不久,蓋虛不長。」《韓子·難一》:「矜僞不長,蓋虛不久。」「善」當校作「蓋」,掩飾之義。《商子·禁使》:「棄惡蓋非。」是其例也。馮振曰:「周,合也。弗周謂離散也。」 [註1] 陳奇猷訓周爲合,又讀善爲繕,訓修治,謂與「飾」同義。王利器訓周爲終竟。皆非是。

#### (2) 不恤其眾

按:清華簡(一)《尹至》簡2作「弗器其又(有)眾」。整理者注:「器讀 爲虞,憂也。恤亦訓憂。」(註2)沈建華曰:「器讀爲恤。」(註3)原 注是。

<sup>[</sup>註1] 馮振《呂氏春秋高注訂補(續)》,《學術世界》第1卷第9期,1935年版,第16頁。

<sup>[</sup>註2] 《清華大學藏戰國竹簡 (壹)》,中西書局 2010 年版,第129 頁。

<sup>[</sup>註 3] 沈建華《清華楚簡〈尹至〉釋文試解》,《中國史研究》2011年第1期,第69頁。

#### (3) 湯謂伊尹曰:「若告我曠夏盡如詩。」

高誘注:詩,志也。

按:俞樾曰:「有韻之詞,即所謂詩也。高訓詩爲志,於義轉迂。」陳奇猷曰:「高說固誤,俞說亦未得。詩者蓋即四方之歌謠。」清華簡(一)《尹至》簡 4:「女(汝)告我夏熙率若寺。」整理者注:「熙,讀爲同音之隱,痛也。寺讀爲時,訓爲是。《呂氏》自高誘注以下均未能通解,對照簡文,知『詩』應讀爲『時』字。」(註4)廖名春曰:「隱指隱情。『夏隱』有夏的隱情。」(註5)沈建華曰:「歷,從李文釋隱。《爾雅》:『隱,占也。』郭璞注:『隱度。』《爾雅》:『率,循也。』又『若,順也。』寺,讀時,訓此。『若時』即順此。」(註6)黃人二、趙思木曰:「此字當是從見得義,從亞得聲,蓋即『俔』字,《說文》:『俔,一曰閒見。』字亦見《爾雅》,郭璞注:『《左傳》謂之諜。』『夏俔』者,謂伊尹在夏『閒見』所得。」(註7)黃懷信曰:「隱字原訓痛,亦可通,但不如從《說文》訓『蔽也』合理。夏隱,謂夏人幽隱蔽藏之情,即上伊尹所告諸事。」(註8)讀「詩(寺)」爲時(是),訓此,得之。「若寺」、「如詩」猶言如此,代指上文伊尹告湯的話。率,皆也,盡也。「夏黫」當是「黫夏」倒文,本書作「曠夏」,待考。

#### (4) 故令師從東方出於國,西以進

按:令,《路史》卷 23 羅苹注引誤作「合」。清華簡(一)《尹至》簡 5 作「自西哉西邑, 今亓(其)又(有)夏」。整理者注:「哉即『捷』字古文『戡』, 克也。今, 讀爲或, 即《說文》『戡』字古文, 勝也。」(註9)復旦大學出土文獻與古文字研究中心研究生讀書會曰:「我們認爲『哉』即甲骨、金文屢見的『弋』字,當從陳劍先生說釋讀爲『翦』。」(註10)沈建華、黃懷信並曰:「哉即弋字。《說文》:『傷也,

<sup>[</sup>註 4] 《清華大學藏戰國竹簡 (壹)》,中西書局 2010 年版,第 130 頁。

<sup>(</sup>註 5) 廖名春《清華簡與〈尚書〉研究》,《文史哲》2010年第6期,第123頁。

<sup>[</sup>註 6] 沈建華《清華楚簡〈尹至〉釋文試解》,《中國史研究》2011年第1期,第70頁。

<sup>(</sup>註 7) 黃人二、趙思木《清華簡〈尹至〉補釋》, http://www.bsm.org.cn/show\_article.php? id=1383, 2011 年 1 月 11 日。

<sup>[</sup>註 8] 黃懷信《清華簡〈尹至〉補釋》, http://www.bsm.org.cn/show\_article.php?id= 1416, 2011 年 3 月 17 日。

<sup>[</sup>註9] 《清華大學藏戰國竹簡 (壹)》,中西書局 2010 年版,第130 頁。

<sup>[</sup>註10] 復旦大學出土文獻與古文字研究中心研究生讀書會《清華簡〈尹至〉、〈尹誥〉

從戈才聲。』」「註 111 劉洪濤曰:「哉,應該釋『截』,讀爲殲。」「註 12)

#### (5) 未接刃而桀走,逐之至大沙,身體離散,為天下戮

按: 呂調陽曰:「大沙即南巢。」譚戒甫曰:「《墨子·三辯篇》作『湯放桀于大水。』『水』疑『沙』之壞脫字。」陳奇猷曰:「『至』字當衍。放、逐同義。『逐之大沙』即《書·仲虺之誥》所云『成湯放桀于南巢』。」王利器曰:「《山海經·大荒西經》:『成湯伐夏桀于章山,克之。』郭注:『章山,山名。』《路史·後紀》卷 14 引《山海經》此注云:『章山名大沙,或云沙丘。』《墨子·三辯篇》:『湯放桀于大水。』『水』當爲『沙』字之壞文相涉而誤也。」《御覽》卷 82 引《帝王世紀》:「桀未戰而敗績,湯追至大涉,遂禽桀於焦,放之歷山,乃與妺喜及諸嬖妾同舟浮海,奔於南巢之山而死。」考清華簡(一)《尹至》簡 5 作「夏 图(播)民內(入)于水」。「大沙」、「大涉」皆「大水」之誤,指南巢。

#### (6) 靖箕子之宮

高誘注:以箕子避亂,佯狂而犇,故清浄其宮以異之也。

按:《逸周書·克殷解》、《御覽》卷780引《尚書大傳》、《荀子·大略》、《禮記·樂記》、《韓詩外傳》卷3、《家語·辯樂解》、《白虎通·德論》作「釋箕子之囚」,《史記·殷本紀》、《周本紀》、《樂書》、《魯周公世家》並同,《史記·留侯世家》作「釋箕子之拘」,《集解》引徐廣曰:「釋,一作式。拘,一作囚。」《新序·善謀》作「軾箕子之門」,《淮南子·主術篇》、《泰族篇》作「解箕子之囚」,《淮南子·道應篇》作「柴箕子之門」,《漢書·留侯傳》作「式箕子門」。「釋箕子之囚(拘)」

研讀札記》,http://www.gwz.fudan.edu.cn/SrcShow.asp?Src\_ID=1352,2011年1月5日。所引陳劍説見《甲骨金文「%」字補釋》,《甲骨金文考釋論集》,線裝書局 2007年版,第99 $\sim$ 106頁。

<sup>(</sup>註11) 沈建華《清華楚簡〈尹至〉釋文試解》,《中國史研究》2011 年第 1 期,第 71 頁。黃懷信《清華簡〈尹至〉補釋》, http://www.bsm.org.cn/show\_article.php?id =1416,2011 年 3 月 17 日。

<sup>[</sup>註12] 復旦大學出土文獻與古文字研究中心研究生讀書會《清華簡〈尹至〉、〈尹誥〉研讀札記》一文下的評論,http://www.gwz.fudan.edu.cn/SrcShow.asp?Src\_ID =1352,2011 年 1 月 5 日)2011 年 1 月 6 日。

與「解箕子之囚」義同。「釋」音誤作「式」、「軾」,後人因改「囚」作「門」,以與之相應。《淮南子》作「柴箕子之門」者,許愼注:「紂死,箕子亡之朝鮮,舊居空,故柴護之也。」此文作「靖」,當讀爲影,《說文》:「影,清飾也。」高注訓清淨,則是讀靖爲淨。武王既釋箕子之囚,因而爲之清飾打掃其宮室也。畢沅讀靖爲凊,俞樾讀靖爲旌,王叔岷從俞說,馬敘倫讀柴、靖爲棧,皆未是。

#### (7) 士過者趨, 車過者下

高誘注:過商容之里者趨,車載者下也。

按:俞樾校「士」作「徒」,引《晏子春秋·內篇諫下》「載過者馳,步過者 趨」爲證,陳奇猷、王利器從之,是也。《後漢書·五行志》劉昭注引 《風俗通》:「車過者下,步過者趨。」

#### (8) 庶士施政去賦

高誘注:施之於政事,去其繇賦也。

按:《禮記·樂記》:「庶民弛政。」王引之曰:「《呂氏》云云,施政與弛征同,謂免其征役,去其賦稅,所以優待庶士也。」(註13) 孫鳴鏘、吳闓生說同,王利器從二氏說,皆本王氏。陳奇猷曰:「孫讀施爲弛,是,但讀政爲征則非。政,禁令。若讀政爲征,與繇賦義複。」陳說是,石光瑛亦謂「政」讀如字,指政事(註14)。「施政」即是「施刑」、「弛刑」,另詳《去私篇》校補。《管子·五輔》:「薄徵斂,輕征賦,弛刑罰,赦罪戾,宥小過,此謂寬其政。」是爲確證。也作「弛政」,《家語·辯樂解》:「庶民弛政。」《禮記·樂記》、《史記·樂書》作「弛」。「弛」是「弛」俗字。

#### (9) 孔子之勁舉國門之關,而不肯以力聞

高誘注:勁,彊也。孔子以一手捉城門關顯而舉之,不肯以有力聞於天下。

按:注「顯」,畢沅疑是「翹」;陶方琦疑是「顓」,借爲「端」;許維遹疑

<sup>[</sup>註13] 王引之《經義述聞》卷14,江蘇古籍出版社1985年版,第328頁。王念孫《呂氏春秋校本》亦曰:「施讀曰弛。」轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第315頁。

<sup>[</sup>註14] 石光瑛《新序校釋》,中華書局 2001 年版,第716 頁。

是「顓」,與「端」並借爲「揣」;陳奇猷疑是「楗」。陳說近是,後世音轉作槤,敦煌寫卷 S.617《俗務要名林》:「槤,音輦。」《玉篇》:「槤,横關木。」《營造法式》卷 2 引《義訓》:「門持關謂之槤(音連)。」《廣韻》:「槤,横關柱。」《集韻》:「槤,門持關謂之槤。」

#### (10) 墨子為守攻,公輸般服,而不肯以兵加

高誘注:不肯以善用兵見知於天下也。

按:加,諸家據注及《列子·說符》、《淮南子·道應篇》校作「知」,是也,《黃氏日抄》卷 56 引正作「知」,《御覽》卷 322 引《墨子》同。

#### (11) 善持勝者,以術彊弱

高誘注:言能以術彊其弱也。

舊校:一本作「善持勝者,不以彊弱」。

按:《列子·說符》、《淮南子·道應篇》作「以強爲弱」、《御覽》卷 322 引《墨子》同。譚戒甫乙作「以弱術彊」、讀術爲遂、訓「成」。陳奇猷從譚氏乙文、讀術爲御。陳說通借不足信。徐仁甫曰:「當作『以彊術弱』。術、習也。謂以彊效法弱也。」徐氏乙作「以彊術弱」是也,但所釋則非。術讀爲率、循服也。

## 《權勳》校補

#### (1) 故小利,大利之殘也;小忠,大忠之賊也

按:此古諺語。《韓子·十過》:「十過:一曰行小忠,則大忠之賊也;二曰顧小利,則大利之殘也。」《說苑·敬慎》、《說叢》並云:「小忠,大忠之賊也;小利,大利之殘也。」

#### (2) 虞公濫於寶與馬而欲許之

高誘注:濫,貪。

按:濫,《韓子·十過》作「貪」、《淮南子·人間篇》作「惑」。馬敘倫、楊樹達謂「濫」借爲婪、惏,是也。字又作藍、嚂、爁、爁、爁、嚂、嘘、韭15〕。王筠謂「濫」借爲「爁」,訓過差也(註16)。陳奇猷謂「濫」

<sup>[</sup>註15] 參見蕭旭《〈荀子·大略〉「藍苴路作」解詁》,收入《群書校補(續)》,花木

訓貪得義於「鑒」之訓見。皆非是。

#### (3) 夙繇之君將斬岸堙谿以迎鐘

按:將,《困學紀聞》卷 20 引同,《初學記》卷 24 引刪之,《冊府元龜》卷 743 作「特」。「特」乃形譌。俞樾曰:「『斬』當爲『鏨』,小鑿也。字亦作嶄。」陳奇猷曰:「斬,裁也,截也。俞說非。」孫詒讓則謂「斬」是「塹」之省 (註 17)。俞說亦不誤,鏨是用於鑿的工具,語源是「斬」,用作動詞,自有繫義。

#### (4)(赤章蔓枝)斷轂而行

高誘注:山中道狹,故斷車轂而行去。

按:《韓子·說林下》作「斷轂而驅」、《冊府元龜》卷743作「斬轂而行」。 陳奇猷引《考工記》「行澤者欲短轂,行山者欲長轂。短轂則利,長轂 則安」,謂赤章蔓枝必是行澤地。陳說非是,長轂則車行慢,故安;短 轂則車行速,故利。赤章蔓枝斷轂而行者,欲其速也。王利器正解作「疾 行」。

#### (5) 不戰,必剗若類,掘若壟

高誘注:劉,滅也。若,汝也。壟,冢也。

按:王念孫曰:「『剗』與『殘』同,下文云『殘豎子之類』。」(註18)是也。 陳奇猷謂剗借爲戩,非是。另詳《知士篇》校補。

## 《下賢》校補

#### (1) 日以相驕,奚時相得?若儒墨之議與齊荊之服矣

按:徐仁甫曰:「時,猶由也。」王利器說同。儒墨之議固不同,齊荊之服 亦多異(王利器有說),故取以爲譬。陳奇猷謂齊荊之服指淳于髠說服 齊王救薛,荊服而薛安,非是。

蘭文化出版社 2014 年版,第 1967~1968 頁。

- [註16] 王筠《說文解字句讀》,中華書局 1988 年版,第502 頁。
- [註17] 孫詒讓:《墨子閒詁》,中華書局 2001 年版,第502 頁。
- [註18] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第315頁。

#### (2) 卑為布衣而不瘁攝

高誘注: 瘁,病也。攝,猶屈也。

按:馬敘倫曰:「瘁借爲啐,攝借爲攝。《說文》:『啐,驚也。攝,服也。』」陳奇猷曰:「瘁當與《本生》『下爲匹夫而不惛』之惛同意。惛,悶也。」陳說是也,而未得其字。「惛」是憂義。此文「瘁攝」義同。《文選·歎逝賦》李善注引《蒼頡篇》:「瘁,憂也。」本字作悴,《說文》、《廣雅》並云:「悴,憂也。」《莊子·在宥》《釋文》引《廣雅》作「瘁」。高注訓病,義亦近。攝,朱駿聲讀爲懾(註19),是也。言憂恐、憂懼,字亦音轉作溼,俗字作濕。《方言》卷1:「溼,憂也,陳楚或曰溼,或曰濟;自關而西秦晉之閒或曰怒,或曰溼;自關而西秦晉之閒凡志而不得、欲而不獲、高而有墜、得而中亡謂之溼,或謂之怒。」即此文之誼(註20)。彭鐸讀攝爲牒,訓羸,非是。

#### (3) 狠乎其誠自有也

按:狠,一本作「很」,一本作「懇」。畢沅改作「豤」,謂即「懇」,蔣維 喬、許維遹、王利器從畢說。馬敘倫謂借爲「慇」。陳奇猷謂畢改非, 「狠」即「豤」,實「懇」本字。陳說是也,其初文是「圣(苦骨切, 音窟)」。《方言》卷 12:「墾,力也。」「懇」是用心力的後出專字。

#### (4) 覺乎其不疑有以也

按:「覺乎」狀不疑。覺,讀爲塙。《說文》:「塙,堅不可拔也。」俗字亦作確、确、碻。下文「確乎其節之不庳也」,確亦讀爲塙也。字亦作譽,《賈子·道德說》:「譽乎堅哉謂之命。」字或作慤,《淮南子·時則篇》:「誠信以必,堅慤以固。」

#### (5) 桀乎其必不渝移也

高誘注:桀,特也。渝,變也。移,易也。

按:陳奇猷、王利器從高注,「桀」訓特立,非是。桀乎,猶言桀桀乎,用力移動之貌,音轉亦作「傑傑」、「偈偈」、「朅朅」、「勘勘」(註21)。

<sup>[</sup>註19] 朱駿聲《說文通訓定聲》,武漢市古籍書店 1983 年版,第 144 頁。

<sup>[</sup>註20] 參見蕭旭《〈爾雅〉「蟄,靜也」疏證》。

<sup>[</sup>註21] 參見蕭旭《象聲詞「札札」考》,收入《群書校補(續)》,花木蘭文化出版社 2014 年版,第 2206~2207 頁。

#### (6) 悤悤乎其心之堅固也

高誘注: 悤悤,明貌。

按: 悤悤,一本作「怱怱」,俗字。《說文》:「悤,多遽悤悤也。」非此文之誼。高注訓明貌,《正字通》引《讀書通》指出讀爲聰,亦與此文狀堅固不合。俞樾知其誤,改「悤悤」作「勿勿」,訓勉勉,陳奇猷、王利器從之。余謂「悤悤」不誤,疑讀爲惷意,固執無知之貌。今吳語猶有「夢惷」之語。或高注本作「不明貌」,今本脫「不」字。字亦作「怱怱」,《三國志‧華佗傳》:「適値佗見收,怱怱不忍從求。」字又作「稷稷」,《莊子‧則陽》:「是稷稷何爲者耶?」子路見有夫妻臣妾登屋棟者,故有此語。言其愚蠢無知也。《釋文》:「稷,音總,字亦作總,李云:『聚貌。』」成玄英本作「總總」,疏云:「總總,眾聚也。」林希逸曰:「稷稷,紛紛也。」馬敘倫讀爲「畟畟」(註 22)。四說皆誤。

#### (7)[風乎其高而無極也],昏乎其深而不測[也]

按:孫志祖、楊樹達、陳奇猷據《文選·雜詩》李善注引補「風乎其高無極也」句。陳奇猷曰:「『風』字無義,疑誤,未詳所當作。」風,讀爲豐,字亦作豐。《說文》:「豐,大屋也。《易》曰:『豐其屋。』」今《易・豐》作「豐」。《廣雅》:「寷,大也。」猶言高大。《方言》卷1:「豐、厖,大也。凡物之大貌曰豐厖,深之大也。」《列子·楊朱》:「豐屋美服。」

#### (8) 就就乎其不肯自是

高誘注:就就,讀如「由與」之與(由)。

按:方以智謂「就就」是「悠悠」、「遙遙」、「攸攸」、「繇繇」音轉(註23), 其說不切。畢沅曰:「注『由與』即『猶豫』。」畢說是也,郭店楚簡《成 之聞之》:「及其專長而厚大也,則聖人不可由與獸之。」劉釗引高注讀 「由與」爲「猶豫」(註24)。「就就」即「猶猶」,《淮南子,兵略篇》:

<sup>[</sup>註22] 馬敘倫《莊子義證》卷 25,收入《民國叢書》第 5 編,(上海) 商務印書館 1930年版,本卷第7頁。

<sup>[</sup>註23] 方以智《通雅》卷 9,收入《方以智全書》第 1 册,上海古籍出版社 1988 年版,第 348 頁。

<sup>[</sup>註24] 劉釗《讀郭店楚簡字詞札記 (三)》,《古文字研究》第22輯,中華書局2000

「擊其猶猶,陵其與與。」陳奇猷謂「就」取遷就義。王利器謂「就就」即「油油」,浩浩之貌。皆非是。

#### (9) 鵠乎其羞用智慮也

高誘注: 鵠讀如「浩浩昊天」之浩,大也。

按:陳奇猷引《離騷》「浩蕩」王注「浩猶浩浩,蕩猶蕩蕩,無思慮也」,謂 高注義隔。「浩浩」亦大義,陳氏未會通。鵠,讀爲傲。言其倨傲,故 羞用智慮也。《墨子·非儒下》:「夫儒,浩居而自順者也。」《史記·孔 子世家》作「倨傲」。

#### (10) 假乎其輕俗誹譽也

按:馬敘倫曰:「『假』疑當爲『嘏』。《說文》:『嘏,大遠也。』或爲『傲』字之譌。《莊子・天地篇》:『雖以天下譽之,得其所謂,警然不顧。』辭義正同,可爲例證。『傲』當作『警』。」許維遹曰:「假猶遐也。遐,遠也。」陳奇猷曰:「《廣韻》:『假,易也。』易,輕也。馬、許說非。」馬氏前說是,所引《莊子》亦是。《爾雅》:「假,大也。」亦「嘏」借字。音轉亦作「夏」,《方言》卷1:「夏,大也。自關而西,秦晉之閒凡物之壯大者而愛偉之謂之夏;周鄭之閒謂之暇(假)。」又「嘏,大也。秦晉之閒凡物壯大謂之嘏,或曰夏。」今吳語尚謂自矜大爲「假」,與「警(傲)」義近。

#### (11) 其大無外,其小無內

高誘注:道在大,能大,故無復有外;在小,能小,故無復有內。

按:王利器引諸書互參,文繁不錄。《文子·自然》:「至大無外,故爲萬物蓋;至細無內,故爲萬物貴。」《文子·道原》:「深閱廣大,不可爲外析毫剖芒,不可爲內無環堵之宇而生有無之總名也。」《淮南子·俶眞篇》:「深閱廣大,不可爲外析毫剖芒,不可爲內無環堵之宇而生有無之根。」《楚辭·遠遊》:「其小無內兮,其大無垠。」此則王氏所不及者,亦足參證。高誘注是也,言道之變化,能大能小。《大戴禮記·王言》:「布諸天下而不窕,內諸尋常之室而不塞。」《淮南子·原道篇》:「處

年版,第 242 頁;其說又見劉釗《讀郭店楚簡字詞札記》,《郭店楚簡國際學術研討會論文集》,湖北人民出版社 2000 年版,第 92 頁。

小而不逼,處大而不窕。」又《兵略篇》:「是故入小而不偪,處大而不窕。」又《俶眞篇》:「處小隘而不塞,橫扃天地之間而不窕。」又《氾論篇》:「是以舒之天下而不窕,內之尋常而不塞。」又《人間篇》:「內之尋常而不塞,布之天下而不窕。」又《要略》:「故置之尋常而不塞,布之天下而不窕。」(註25) 高注:「窕,緩也。布之天下,雖大不窕也。」《荀子・賦篇》:「此夫大而不塞者與?充盈大字而不窕,入郤穴而不偪者與?」銀雀山漢簡《尉繚子》:「〔開之〕,大而不咷(窕);關之,細而不欬(閡)。」皆足發明其義。陳奇猷以無窮大無窮小說之,而謂「高注未晰」,非是。

(12) 士有若此者,五帝弗得而友,三王弗得而師,去其帝王之色,則 近可得之矣

高誘注:去,猶除也。除其尊寵盈滿之色,則近得師友矣。

按:王利器引《孔叢子·陳士義》:「去其帝王之色,則幾乎得賢才矣。」 近,猶言幾乎、庶幾。陳奇猷解爲「近前即可得如此之士,不必遠求」, 非是。

#### (13) 夫相萬乘之國而能遺之

高誘注:遺,猶全也。

按:畢沅改注「全」作「舍」,夏味堂《拾雅》卷2同(註26),至確。言子 產相萬乘之國而能遺其相之尊貴也。陳奇猷曰:「『遺』有謙恭下人之意, 謙恭下人者蓋委曲求全,故高訓爲全。」曲說耳。

## 《報更》校補

(1) 堪士不可以驕恣屈也

高誘注:堪,樂也。

<sup>(</sup>註25)《淮南子·人間篇》、《淮南子·氾論篇》、《大戴禮記·王言》「置」作「内」,《氾論篇》「布」作「舒」,並義同。《家語·王言解》「内」作「納」,「内」 爲「納入」義本字。

<sup>[</sup>註26] 夏味堂《拾雅》卷 2,收入《續修四庫全書》第 192 册,上海古籍出版社 2002 年版,第 21 頁。

按:孫志祖疑「堪士」是「湛士」,畢沅從其說。朱駿聲申高注,謂「堪」借爲「煁」(註27)。俞樾謂堪之言克,克訓能。蔣禮鴻從俞說。孫詒讓曰:「堪,勝也,任也。堪材,謂材力強勝能任事者,與《呂覽》『堪士』義同。」(註28)陳漢章曰:「堪,勝也,任也。凡可任於國事者即堪士矣。」(註29)馮振曰:「堪,任也。」(註30)王利器說同馮氏,皆本於孫氏。劉師培謂「堪」即「沈伏」之沈(註31)。于省吾謂「堪士」即「堪事」。陳奇猷謂「堪士」即高士。堪訓克,不得轉訓能,俞說誤。余謂堪讀爲嵁,高峻貌,此指高峻的山,用作名詞。《莊子·在宥》:「故賢者伏處大山嵁岩之下,而萬乘之君憂慄乎廟堂之上。」本書《謹聽》:「故當今之世,求有道之士,則於四海之內、山谷之中,僻遠幽閒之所。」《觀世》略同。《類聚》卷57宋顏延之《七釋》:「其居也,依隱嵁陰,結架清深。」《水經注·灉水》:「山有涌泉,奔流衝激山嵁及溪中。」嵁士,岩穴之士,猶言隱士,指賢者。音轉作嶄(嶃)、巉。音轉又作嵌、厱,指山崖的洞穴。

#### (2) 昔趙宣孟將上之絳,見骫桑之下,有餓人臥不能起者

按:畢沅曰:「骫,古委字。《淮南子・人間訓》作『委桑』、《左傳》作『翳桑』。」蔣維喬等曰:「委、翳雙聲。《左傳・宣二年》、《說苑・復恩篇》作『翳桑』,上文高注亦作『翳桑』。」王叔岷曰:「《書鈔》卷 145、《初學記》卷 26 引亦並作『翳桑』。」《公羊傳・宣公六年》作「暴桑」,何休注:「暴桑,蒲蘇桑。」《方言》卷 13:「魮,廢也。」錢釋曰:「《釋詁》:『毗劉,暴樂也。』郭注云:『謂樹木葉缺落蔭疏。』暴桑,當訓暴樂之暴,亦毗廢之意……委讀若萎,言桑之既萎者,與暴桑之義正合。何休注……亦失之。」(註 32) 朱起鳳曰:「委、翳雙聲字。蒲蘇

<sup>[</sup>註27] 朱駿聲《說文通訓定聲》,武漢市古籍書店 1983 年版,第87頁。

<sup>[</sup>註28] 孫詒讓《札追》卷4,中華書局 1989 年版,第112頁。

<sup>[</sup>註29] 陳漢章《〈周禮·地官〉孫疏校補》,《學術集林》卷 2,上海遠東出版社 1994 年版,第59頁。

<sup>[</sup>註30] 馮振《呂氏春秋高注訂補(續)》、《學術世界》第1卷第9期,1935年版,第17頁。

<sup>[</sup>註31]劉師培《呂氏春秋斠補自序》,《國粹學報》第5卷第11期,1909年版,第6 頁:又見《國學叢刊》第2卷第4期,1925年版,第127頁。

<sup>[</sup>註32] 錢繹《方言箋疏》,上海古籍出版社 1984 年版,第724 頁。

即扶疏,與杜氏『多蔭翳』之說正合。」(註33)《御覽》卷836、862、《黃氏日抄》卷56引此文亦作「翳桑」,蓋皆據《左傳》改。陳奇猷曰:「翳桑謂枯死之桑也。委、萎、骫皆翳之同音通假字。杜注《左傳》謂『翳桑,桑之多蔭翳者』。以其字又作委、萎度之,則似訓枯死爲宜。」陳說「翳」爲本字,是也,餘說皆誤,諸書無作「萎桑」者,亦不取枯萎爲義。「骫桑」同「委桑」,皆「翳桑」音變。《方言》卷13:「翳,掩也。」郭璞注:「謂掩覆也。」翳桑謂桑葉覆蓋之桑,故杜注云「多蔭翳」。「蒲蘇」是「扶疏」音轉,又音轉作「婆娑(媻娑、蔢荽)」,枝葉分散貌。暴,讀爲勾。《說文》:「勾,覆也。」暴桑謂桑葉覆蓋之桑,故何注云「蒲蘇桑」,言其枝葉之盛也。余舊說從錢、陳二氏(註34),誤矣,亟當訂正。

#### (3) 宣孟止車,為之下食,蠲而餔之,再咽而後能視

按:《說苑·復恩》作「爲之下飱,自含而餔之」。「食」是「飱」或「飡」 脫誤,「飱」同「餐」。《列子·說符》記載「爰旌目餓於道,狐父之 盗見而下壺餐以餔之,爰旌目三餔而後能視」,本書《介立》同,事 亦相類。《後漢書·張衡傳》李賢注、《御覽》卷 426、743 引《列子》 「餐」作「飱」,《御覽》卷 499 引作「飡」,亦同。陳奇猷曰:「『蠲』 字無義,疑是『續』之假字。《後漢書·趙壹傳》:『昔原大夫贖桑下 絕氣,傳稱其仁。』李賢注:『贖即續也。』李注並引《呂氏》此文。」 王利器曰:「蠲,除也。」蠲,疑以同音讀爲鋗、梋。《說文》:「鋗, 小盆也。」《廣雅》:「梋,盂也。」《廣韻》:「梋,椀屬。」謂以盆或 碗餔之也。

#### (4) 臣宦於絳,歸而糧絕

按: 宦,《說苑·復恩》作「居」。向宗魯曰:「《左傳》、《史記》皆云『宦三年』,疑作『宦』是。」(註35)《後漢書·崔駰傳》李賢注引作「官」,亦形近易譌。

<sup>[</sup>註33] 朱起鳳《辭通》卷9,上海古籍出版社 1982 年版,第863 頁。

<sup>[</sup>註34] 蕭旭《淮南子校補》,花木蘭文化出版社 2014 年版,第625 頁。

<sup>[</sup>註35] 向宗魯《說苑校證》,中華書局 1987年版,第127頁。

#### (5) 宣孟與脯一朐

按:《禮記·曲禮上》:「以脯脩置者,左朐右末。」鄭玄注:「屈中曰朐。」 孔疏:「朐謂中屈也。屈脯朐朐然也。」《儀禮·士虞禮》鄭玄注:「朐, 脯及乾肉之屈也。」《公羊傳·昭公二十五年》何休注:「屈曰朐,伸曰 脡。」朐之言句,曲也。脡之言挺,直也。

#### (6) 臣有老母,將以遺之

按:《說苑·復恩》作「將以貢之」。畢沅曰:「《御覽》卷 836『將』作『請持』二字,《初學記》卷 26、《後漢書·趙壹傳》注『將』亦作『持』。」蔣維喬等曰:「《類聚》卷 72、《御覽》卷 862 亦作『持』,《後漢書·崔駰傳》注引作『將』。按『將』、『持』形近義通。《荀子·成相篇》楊注:『將,持也。』」蔣說非是,「持」乃「將」形誤。彭鐸曰:「『將』字《說苑·復恩篇》同,《左傳·宣公二年》作『請』,將即請也,一聲之轉。」彭說是,「將」、「請」是助動詞。《冊府元龜》卷 769 引此文亦作「將」。《史記·晉世家》作「願遺母」。願亦請也。向宗魯曰:「《呂氏》作『遺』,《左》、《史》並同。案『貢』字亦可通,或『遺』損脫作『貴』,因誤改爲『貢』。」(註 36)向氏後說是。

## (7)宣孟曰:「斯食之,吾更與女。」

高誘注:斯,猶盡也。

按:斯,《說苑·復恩》同,《後漢書·崔駰傳》李賢注、《冊府元龜》卷 769 引刪之。梁玉繩解作「離析」;范耕研謂「語助無義」,又解作「此」, 陳奇猷從范氏後說。高注不誤。《左傳·宣公二年》作「(靈輒)食之, 舍其半……使盡之」,尤爲確證。斯食之,猶今言全吃掉。

#### (8) 晉靈公欲殺宣孟,伏士於房中以待之,因發酒於宣孟

高誘注:發,猶致也。

按:《說苑·復恩》作「晉靈公欲殺宣孟,置伏士於房中,召宣孟而飮之 酒」,《史記·晉世家》「晉靈公飮趙盾酒,伏甲將攻盾」。《史記·刺 客傳》:「光伏甲士於窟室中而具酒請王僚。」《御覽》卷 55 引無「甲」

<sup>[</sup>註36] 向宗魯《説苑校證》,中華書局 1987年版,第127頁。

字,其事亦相類,「伏士」、「伏甲」即「伏甲士」。《說苑》「置」字是 衍文。《晉世家》下文「伏士」凡四見,是名詞,與此不同。發,猶 言徵召。發酒,謂徵召之而飲酒也。洪頤煊、梁履繩謂「發」是飲酒 禮名,陳奇猷從之,王利器謂是發禮,皆非是。

#### (9) 一人追疾,先及宣孟,之面曰

按:《說苑·復恩》作「一人追疾,先及宣孟,見宣孟之面曰」,此文「之面」上脫「見宣孟」三字。孫鳴鏘乙作「面之」,以「宣孟面之」爲句,解「面」作「不正視」;陳奇猷解「面之」作「背之」;王利器乙作「面之」,解作「正視」。俱誤。

### (10)此《書》之所謂「德幾無小」者也,宣孟德一士,猶活其身,而 況德萬人乎

按:《說苑‧復恩》脫「幾」字。畢沅曰:「《墨子‧明鬼篇》:『禽艾之道之曰:「得璣無小,滅宗無大。」』德幾無小,猶所謂惠不期多寡,期於當阨云耳。得與德古字通用。」許維遹曰:「僞古文《伊訓》改之曰:『爾惟德罔小,萬邦惟慶;爾惟不德罔大,墜厥宗。』」《墨子‧明鬼下》引其語,復解之云:「此言鬼神之所賞,無小必賞之;鬼神之所罰,無大必罰之。」言鬼神之報應也。德,讀爲得。幾、璣並讀爲機,福祥,即指鬼神之所賞。僞古文《伊訓》亦不合《墨子》說。徐仁甫曰:「幾,猶其,語助詞。『得』同『德』,『璣』同『幾』。」非是。

#### (11) 孟嘗君令人禮貌而親郊送之

按:畢沅曰:「《齊策》『禮貌』作『體貌』。」送,《戰國策·齊策三》、《冊 府元龜》卷 242 作「迎」。

#### (12) 荊甚固

高誘注:固,護,以侵兼人。

按:李寶注曰:「固,殭固。」陳奇猷曰:「高注『護』下疑脫『恡』字。《管子·幼官》尹注云:『固謂護恡。』『護恡』爲侵凌貪得之意。」王利器曰:「『固』讀如今人言固執己見之固,亦含護短義。」高注「固,護」

是以聲爲訓。固,讀爲婟,字或作怙、愐、嬳,貪得吝嗇義 [註 37] ,故引申爲以侵兼人。「護恡」是同義複詞,此不必補字。

#### (13) 齊王知顏色

高誘注:知,猶發也。

按:《黄氏日抄》卷 56 解此文云:「愚謂此見於顏面之意,《左傳》『喜可知也』之證。」黃說得之。畢沅曰:「《齊策》作『和其顏色』。」王念孫曰:「作『知』者是也,高注訓知爲發,發謂發動也……或言『形』,或言『動』,或言『知』,皆發動之謂也……《管子,心術篇》曰:『見於形容,知於顏色。』《內業篇》作『和於形容,見於膚色』。『和』亦『知』之誤。」(註38)劉如瑛曰:「《自知》:『文侯不說,知於顏色。』高注:『知,猶見也。』發亦表現義。正文『知』下當有『於』字。」王利器說同劉氏。諸說皆是也。《管子,內業》劉績注亦據《心術》校作「知」。陳奇猷曰:「知即動也。《策》自作『和其顏色』,不必同也。」陳氏失考矣。《冊府元龜》卷 242、889 亦誤作「和」。《淮南子・齊俗篇》:「風雨之變,可以音律知也。」《御覽》卷 13 引作「和」,《劉子·心隱》同。《戰國策·趙策四》:「和於身。」馬王堆帛書作「知」。《荀子·不苟》:「君子易知而難狎。」《韓詩外傳》卷 2 作「和」。皆其相調之例。馬王堆帛書《稱》:「內事不和,不得言外;細事不察,不得言〔大〕。」「和」亦「知」爲(註39)。

#### (14)疾舉兵救之

按:舉,《戰國策·齊策三》作「興」,《冊府元龜》卷 242 作「出」。

#### (15) 顛蹙之請,坐拜之謁,雖薄(得)則薄矣

按:畢沅曰:「坐拜,《策》作『望拜』。得,舊訛作『薄』,今從《策》改正。」許維遹曰:「『坐』字義勝。坐亦跪也。」陳奇猷曰:「『坐』字

<sup>[</sup>註37] 參見蕭旭《「不護細行」正詁》,收入《群書校補(續)》,花木蘭文化出版社 2014年版,第2037~2038頁。

<sup>(</sup>註38) 王念孫《戰國策雜志》,收入《讀書雜志》卷1,中國書店1985年版,本卷第78頁。

<sup>[</sup>註39] 參見蕭旭《馬王堆帛書〈經法〉四種古佚書校補》,收入《群書校補》,廣陵書社2011年版,第28頁。

是,但非跪義。此坐字乃共坐以相傾談之意。『顚蹷』即『顚沛』,偃僕,狼狽也。」顚蹷,本義是跌倒,引申爲匍匐義。《禮記·奔喪》:「故匍匐而哭之。」鄭玄注:「匍匐,猶顚蹷,或作扶服。」《玉篇》:「匍,匍匐,伏也,手行盡力也,顚蹶也。」又考《子華子·北宮意問》:「故曰天道遠,人道邇,待蓍龜而襲吉福之末也,顚蹶望拜而謁焉,其待(得)則薄矣。」正本《齊策》,是其所據亦作「望拜」。「待」、「得」形聲俱近。

## 《順說》校補

(1) 善說者若巧士,因人之力以自為力,因其來而與來,因其往而與往

高誘注:與,猶助也。

按:陳奇猷申高說,非是。徐仁甫曰:「與,猶從也,隨也。」其說是也,下文「不設形象,與生與長」、「與盛與衰,以之所歸」,皆同。《淮南子‧ 暨形篇》:「蛤蟹珠龜,與月盛衰。」高誘注:「與,猶隨也。」《論衡‧ 書虚》:「濤之起也,隨月盛衰。」文例正同。《荀子·非相》:「與時遷 徙,與世偃仰。」《淮南子·氾論篇》:「與之屈伸偃仰,無常儀表。」 亦其例。

#### (2) 而言之與響

按:陶鴻慶讀「而」爲「如」,于省吾從之,是也。言,猶聲也。《管子· 心術下》:「不言之言,聞於雷鼓。」又《內業》作「不言之聲,疾於 雷鼓」,是其例。本書《功名》:「猶表之與影,若呼之與響。」「呼」 指呼聲。楊昭儁曰:「與,如也。」于省吾改「言」作「音」,皆非是。 陳奇猷補作「因而言之,與影與響」,尤爲無據。

#### (3) 與盛與衰,以之所歸

高誘注:歸,終也。

按:言隨其盛衰,因之而終。孫鳴鏘曰:「以,用也。歸謂各得其所欲也。」 (註40)徐仁甫曰:「以,猶如也。『以』下脫『水』。言如水之所歸也。」

<sup>(</sup>註40)孫鏘鳴《呂氏春秋高注補正》,《國故》第2期,1919年版,第6頁。

陳奇猷曰:「以,猶使也。歸,假爲懷。謂使之念念不忘。」皆非是。

#### (4) 力雖多,材雖勁,以制其命

高誘注:勁,彊也。

按:言受說者力雖多,材雖勁,而善說者因人之力以自爲力,亦已制彼之命。 陳奇猷改「以」作「不」,以「力雖多,材雖勁」屬說者,非是。

#### (5) 順風而呼,聲不加疾也;際高而望,目不加明也,所因便也

按:際,《黃氏日抄》卷 56 引同。彭鐸曰:「際疑當作隮,《爾雅》:『隮, 升也。』《說文》:『躋,登也。』隮、躋同字。」「際」是借字,不煩 改作。王念孫謂「際」是「登」誤,王叔岷從王說;馬敘倫謂「際」 是「隥」誤,「隥」讀爲「登」,陳奇猷從馬說。皆未得。

#### (6) 寡人之所說者勇有力,而無為仁義者

按:畢沅據《列子·黃帝》、《淮南子·道應》校作「寡人之所說者勇有力也,不說爲仁義者」,許維適引《治要》卷 39 引作「寡人之所悅者勇有力也,不悅爲仁義者」以證其說,並是也。陳奇猷謂畢改非是,云:「『爲』與『謂』通。謂,說也。」陳說大誤,《列子》、《淮南》之「說」,同「悅」,而非「謂說」。

#### (7) 客之以說服寡人也

按:服,《列子·黃帝》同,《淮南子·道應篇》作「勝」。

#### (8) 田贊衣補衣而見荊王

高誘注:補衣,弊衣也。

按:《御覽》卷 356 引脫上「衣」字。補衣,《新序,雜事五》作「儒衣」。 石光瑛謂「儒」字不誤(註41)。

#### (9) 其名又甚不榮

按:又,《新序·雜事五》作「尤」,音近相通。

#### (10)役人不倦,而取道甚速

<sup>[</sup>註41] 石光瑛《新序校釋》,中華書局 2001 年版,第701 頁。

按:速,《意林》卷2引同,《御覽》卷571、《事類賦注》卷11引作「遠」,《冊府元龜》卷788亦作「遠」。「速」字是,與上文「欲速至齊」相應。

## 《不廣》校補

(1)越聞之,古善戰者,莎隨賁服,却舍延尸

高誘注:莎隨,猶相守,不進不却。賁,置也。服,退也。軍行三十里 爲一舍。却舍以緩其尸,使齊人得收之,彼得尸而財費之。

按:《冊府元龜》卷735引注作「賁,置也,服則置之」,蓋臆改,《永樂大 典》卷 11903 引同今本。《駢雅》卷 2:「莎隨,遲疑也。」蓋亦據高 注而引申之。(a)《儀禮·十慮禮》:「尸及階,祝延尸。」鄭玄注:「延, 進也。」却舍延尸謂退軍以便齊人進尸。陳奇猷曰:「却,讓也。延, 接納也。言善戰者使其敵退讓屋舍以納尸。」所說皆誤。(b) 惠棟曰: 「『賣』、『奔』通。」孫鏘鳴曰:「莎隨賁服,注未明,再考。」(註42) 吳承仕曰:「高注『莎隨』近之,『賁服』官與同意。服訓爲退,則賁 當訓爲進。賁服猶進卻也。」朱起鳳曰:「莎隨即沙隨也,莎隨賁服, 本窗越語,越以春秋時人,說春秋時事,義本直捷。自高氏曲爲之解, 而本恉湮矣。」(註 43) 朱起鳳之子吳文祺訂正其父之說,云:「高注 不可解。《辭誦》舊以地名沙隨當之亦非。《大戴禮記‧夏小正》:『緹 縞。縞也者,莎隨也。』是莎隨乃縞之別名。『莎隨賁服』云者,言不 用干戈而用玉帛也。」〔註 44〕李寶洤曰:「莎隨賁服,四字義未詳, 俟再考。高注恐臆說,未可信。」(註45)譚戒甫曰:「『莎隨』疊韻連 字也。《爾雅翼》:『莎,莖葉都似三稜,根周匝多毛,謂之香附子。』 《博雅》:『地毛,莎蔭也。』蓋莎根周匝多毛,因謂地毛莎蔭;莎蔭 即狀其毛周匝之形,長言之曰莎蔭,短言之亦曰莎也。引申爲凡周匝 之稱。……則『莎蔭』即『果隋』無疑。此『莎隨』義爲周匝包裹,

<sup>[</sup>註42] 孫鏘鳴《呂氏春秋高注補正》,《國故》第2期,1919年版,第6頁。

<sup>[</sup>註43] 朱起鳳《辭通》卷2,上海古籍出版社1982年版,第143頁。

<sup>[</sup>註44] 吳文祺主編《辭通續編》,上海古籍出版社 1991 年版,第23 頁。

<sup>[</sup>註45] 李寶淦《呂氏春秋高注補正》,民國12年鉛印本,第14頁。

蓋即兵家戰陳包圍之法,高謂相守不進不卻,正其義也。《禮・射義》 注:『賁,讀爲僨,猶覆敗也。』服,即降伏之義。然則莎隨賁服者, 始猶今言包圍敵兵,繳械投降耳。」(註46)陳奇猷曰:「『莎隨』當即 『委隨』,義爲不能屈伸。『賁服』當即『般伏』,皆即『匍伏』,亦即 『匍匐』。謂古之善戰者,使敵人不能屈伸,即既不能退,又不能進, 皆匍匐地上。」王利器曰:「春秋宋有沙隨,見《左,成十六年》。《大 載禮記・夏小正》:『緹縞。縞也者,莎隨也。』是以『莎隨』爲言, 非止一端。高氏注意,似讀『委隨』。『賁』與『奔』通。賁服即奔服。 《韓非子‧初見秦篇》:『天下徧隨而服。』疑與此同意。」「委隨」無 不能屈伸義(註47),且「莎隨賁服」的主語是善戰者,而不是敵人, 陳氏臆說。「莎隨」即「莎挼(捼)」,倒言則作「挼莎」、「捼莎(莎)」, 音轉則作「摩沙」、「摩挲」,再轉則爲「媻娑」、「婆娑」、「盤姍」,故 爲不進不却義,爲遲疑義。《禮記‧曲禮上》鄭玄注:「澤,謂捼莎也。」 《廣韻》:「捼,捼莎,一曰兩手相切摩也,俗作按。」又「莏,手按 莎也。」《集韻》:「莎,捼莎,以手切摩也。」又「莏,捼莏,澤手也, 或作莎。」又「莎,捼莎,手相切摩也,通作莎、沙。」兩手切摩謂 之「挼莏」,兩足旋行謂之「莎隨」,其義一也。《大戴禮記‧夏小正》: 「正月緹縞。」《傳》:「縞也者,莎隨也。緹也者,其實也。」《爾雅》: 「薃、侯莎。其實、媞。」郭璞注引《夏小正》作「薃也者、莎蔭。 媞者,其實」。《廣雅》:「地毛,莎隋也。」《爾雅釋文》、《御覽》卷 997 引《廣雅》作「莎ດ」。草名「莎隨(ດ、隋)」者,言其摩挲於 地耳。《左傳・成公十六年》: 「公會晉侯、齊侯、衛侯、宋華元、邾人 干沙隨。」杜預注:「沙隨,宋地,梁國寧陵縣北有沙隨亭。」(註48) 《太平寰宇記》卷 12 引作「沙隋」。地名「沙隨(隋)」,或以其地多 產莎隨草之故耳。(c) 賁服,陳氏讀爲「般伏」,可從,但不是「匍伏」。 「般伏」亦作「盤伏」。句言善戰者摩挲盤伏不進,又退軍以延尸。

<sup>[</sup>註46] 譚戒甫《校呂遺誼》,國立武漢大學《文哲季刊》第3卷第2期,1933年版,第344頁。引者按:《爾雅翼》見卷8,譚氏節引之。今本《廣雅》作「莎隋」。

<sup>[</sup>註47] 參見蕭旭《〈説文〉「委,委隨也」義疏》,收入《群書校補》,廣陵書社 2011 年版,第1413~1418頁。

<sup>[</sup>註48] 《水經注。汳水》引誤作「沙陽亭」。

(2) 文公聽之,遂與草中之戎、驪土之翟,定天子于成周 舊校:與,一作「興」。

按:王利器從一本作「興」。劉師培曰:「『草』爲『莫』之譌。」譚戒甫從劉說,又指出「莫與漠、幕二字並通。此莫中當指西方流沙而言」 (註49)。宋慈裏謂此文「係傳聞之訛,蓋是時戎、翟出王,晉文納王, 大刺謬也」(註50)。陳奇猷從地理上駁劉說,並指出「『興』字乃『與』 字形近之譌」。「草」字不誤,王利器引《國語·晉語四》「公說,乃 行賂於草中之戎與麗土之翟以求東道」,韋昭注:「二邑戎翟間,在晉 東。」《御覽》卷799引《國語》作「驪土之狄」,又「求」作「啓」。 此文謂文公向戎、翟借道,語未明晰,或有脫文。劉、宋二氏皆失考 《晉語》矣。

## 《貴因》校補

(1) 三代所寶莫如因,因則無敵

按:《淮南子·泰族篇》:「故能因,則無敵於天下矣。」《文子·自然》同。

(2) 禹通三江五湖,决伊闕,溝迴陸,注之東海,因水之力也 高誘注:迴,通也。

按:《玉海》卷 23、《永樂大典》卷 2260、11903 引同今本。王念孫曰:「『溝迴陸』當作『週溝陸』。週,通達也。陸,道也。週溝陸者,通溝道也。《本經篇》『平通溝陸』正與此義同。」陳奇猷曰:「王說非是。『迴陸』顯係地名。『迴陸』當即『圃陸』,雙聲通假。『圃陸』即『大陸』。高注『迴』字當係『溝』字。『力』當爲『勢』之殘闕字。」王念孫乙作「週溝陸」至確,王利器從之;但釋「陸」則誤。陳氏妄改,又亂說音轉。上博楚簡(二)《容成氏》簡 26:「禹乃迵三江五湖,東注之海。」本書《古樂》:「禹通大川,决壅塞,鑿龍門,降通漻水,以導河,疏三江五湖,注之東海,以利黔首。」《孟子·滕文公下》:「洚水者,洪

<sup>[</sup>註49] 譚戒甫《校呂遺誼》,國立武漢大學《文哲季刊》第3卷第2期,1933年版,第344~345頁。

<sup>[</sup>註50] 宋慈裒《呂氏春秋補正》,《華國月刊》第3期第4冊,1926年版,第9頁。

水也。使禹治之,禹掘地而注之海。」《淮南子·泰族篇》:「禹鑿龍門,闢伊闕,决江濬河,東注之海,因水之流也。」又《本經篇》:「舜乃使禹疏三江五湖,闢伊闕,導瀍澗,平通溝陸,流注東海。」《御覽》卷81引「平通溝陸」作「通溝洫」。《文子·自然》「古之瀆水者,因水之流也。」「迵溝陸」、「通溝陸」即指掘地通漻水也。陸,讀爲漻、澇、潦、大水。俗字作逵,《玉篇》:「逵,凝雨。」《廣韻》:「逵,凝雨澤也。」

#### (3) 湯、武以千乘,制夏、商,因民之欲也

按:《淮南子·泰族篇》:「湯、武革車三百乘,甲卒三千人,討暴亂,制夏、 商,因民之欲也。」《文子·自然》:「征伐者,因民之欲也。」

(4)如秦者立而至,有車也;適越者坐而至,有舟也。秦、越,遠塗 也。竫立安坐而至者,因其械也

按:舉沅謂「立」、「坐」對舉,駁高注,姜宸英《湛園札記》卷3說略同。《白氏六帖事類集》卷3引《愼子》:「行海者坐而至越,有舟故也。」 (註51)《御覽》卷768引《愼子》:「行海者生(坐)而至越,有舟也; 行陸者立而至秦,有車也。秦、越,遠塗也。安坐而至者,械也。」 即此文所本(吳承仕已引)。《鹽鐵論·貧富》:「行遠者假於車,濟江 海者因於舟。」亦本之《愼子》。《說文繫傳》「舟」字條引《莊子》:「坐 而至越者,舟也。」疑徐氏誤記出處。

#### (5) 讒慝勝良

高誘注:讒,邪也。慝,惡也。

按:慝,《治要》卷39引作「匿」,省借字。

(6) 膠鬲曰:「朅至?」

高誘注: 朅,何也。言以何日來至殷也。

按:楊愼曰:「朅之爲言盍也。」陳第取其說(註52)。《正字通》:「朅,與

<sup>[</sup>註51] 《白帖》在卷11。

<sup>[</sup>註52]楊慎《丹鉛總錄》卷21,景印文淵閣《四庫全書》第855冊,臺灣商務印書館1986年初版,第591頁。陳第《屈宋古音義》卷3,中華書局2008年版,

『曷』通。」王念孫曰:「朅,猶曷也。」馮振說同王氏(註 53)。諸 說皆是。朅,《御覽》卷 10 引作「何時」,《後漢書·郅惲傳》李賢注 引作「何日」,《書·武成》孔疏引《帝王世紀》、《資治通鑑外紀》卷 3、《通志》卷 3 亦作「何日」。

#### (7)天雨,日夜不休

按:天,《荀子·儒效》楊倞註引同,《後漢書·郅惲傳》李賢注、《御覽》 卷10引脫誤作「大」。《韓詩外傳》卷3作「天雨,三日不休」。

## 《察今》校補

(1) 天下之學者多辯,言利辭倒,不求其實,務以相毀,以勝為故

按:馬敘倫曰:「倒借爲譸。」范耕研謂「倒」字似衍文。陳奇猷謂范說不可從,「辭倒」即《韓子》「倒言」、「倒其言」。《韓子》「倒」是動詞,與此不同,陳說非是。此文「倒」字疑當乙在「多」下,「辯言利辭」是古人成語。

(2)有道之士,貴以近知遠,以今知古,以益所見,知所不見

按:《意林》卷2引無「益」字。劉文典謂「益」字衍文。譚戒甫改「以益」作「蓋以」。徐仁甫謂「益」爲「其」誤。陳奇猷曰:「此文不誤。益即增益、增長,義近於今所謂推論。」陳說近是,而未得其字。益,讀爲釋,尋釋、推理。

#### (3) 荊人欲襲宋,使人先表澭水

舊校:澭,一作「灌」。

按:蔣維喬等曰:「《御覽》卷 396 正作『灌水』。」陳奇猷曰:「澭水,未詳。或曰:『澭』、『灌』皆『灈』字形近而譌。」「澭」字是,「澭」同「灉」,亦省作「雝」、「雍」。《爾雅》:「水自河出爲灉。」《釋文》:「灉,字又作澭。」《說文》:「灉,河灉水,在宋。」《水經注·睢水》引《爾

第 231 頁。

<sup>[</sup>註53] 馮振《呂氏春秋高注訂補(續)》,《學術世界》第1卷第9期,1935年版,第19頁。

雅》、《說文》並作「雝」、《史記·夏本紀》《集解》、《類聚》卷8引《爾雅》作「雍」。《說文》「汳」字條云:「汳水受陳留浚儀陰溝,至蒙爲雝水,東入於泗。」蒙即宋都。《廣韻》:「澭,水名,在宋。灉,上同。」

#### (4) 澭水暴益

高誘注:暴,卒。益,長。

按:益,《御覽》卷396引作「灌水暴溢」。「溢」是後出分別字。

#### (5) 軍驚而壞都舍

按:徐仁甫曰:「而猶如也。」王利器曰:「而讀爲如。都舍謂大舍也。」 竊謂「而」讀如字,連詞。「壞」疑「攘」形譌。《淮南子·兵略篇》 許慎注:「攘,亂也。」《廣韻》:「攘,擾攘。」《說文》作「孃」,云: 「孃,煩擾也。」《釋史》卷 146、《春秋戰國異辭》卷 31 引此文作「壞」, 即「攘」形譌。都舍謂城居之民。

#### (6) 嚮其先表之時可導也

高誘注:導,涉也。嚮其施表時水可涉也。

按:下文云「荊人尙猶循表而導之」。江紹原曰:「《說文·寸部》云:『導,引也。』又《辵部》:『道,所引道也。』『導』、『道』疑本一字,然以今人習慣觀之,《呂覽》二『導』字只消寫作『道』。又《足部》:『蹈,踐也。』故二『導』字或竟是『蹈』之借字。」(註54)陳奇猷曰:「導,引也。高非是。」江氏後說讀導爲蹈是也,指蹈水,涉水。上文「荊人弗知,循表而夜涉」,「涉」異字同義。字亦省作道,《列子·黃帝》:「呂梁懸水三十仞,流沫三十里,黿鼉魚鼈所不能游,向吾見子道之。」張湛注:「道,當作蹈。」《韓詩外傳》卷1:「任重道遠者,不擇地而息。」《說苑·建本》同,《家語·致思》「道」作「涉」,故高注「導」訓涉也。

## (7) 今世之主法先王之法也,有似於此,其時已與先王之法虧矣 高誘注:虧,毀也。

<sup>(</sup>註54) 江紹原《讀呂氏春秋雜記》,《中法大學月刊》第5卷第1期,1934年版,第31~32頁。

按:王念孫、俞樾並讀虧爲詭,訓異。陳奇猷曰:「高釋固誤,王、俞說亦 非也。時豈可謂與法異耶?此文當有脫誤,疑當作『其時已與先王之時 異,而先王之法虧矣』。虧,損也。」王、俞說是,陳氏不知此是省略 句,而勇補六字,大誤。其時者,指當時之法。非謂時與法異也。

#### (8) 故曰良劍期乎斷,不期乎鏌鎁

按:陳奇猷刪「良」字,非是。《御覽》卷 896 引作「良劍期乎斷,不期乎莫耶」、《御覽》卷 344、《記纂淵海》卷 44 引《墨子》:「良劍期乎利,不期乎莫耶。」「斷」謂斷物。沈祖縣謂「『斷』字上脫一字」(註55),非是。

#### (9) 遽契其舟

舊校:契,一作「刻」。

按:遽契,《後漢書·張衡傳》李賢注、《書鈔》卷 122、《御覽》卷 344、769 引同(註 56),《淮南子·說林篇》亦同;《類聚》卷 60、《貞觀政要》卷 3 注引作「遂刻」,《御覽》卷 499、《事類賦注》卷 16、《黃氏日抄》卷 56 引作「遽刻」,《記纂淵海》卷 42、52、《冊府元龜》卷 954引作「遽鍥」(王利器已及《類聚》、《淮南子》)。《書鈔》卷 137 引作「乃於墜處契其舟」。「遂」、「處」皆「遽」形譌,《書鈔》卷 137 又增「乃於墜」三字以足其文。刻、契亦音之轉耳。「鍥」是俗字,宋慈雯謂「鍥」非(註 57),失考矣。

#### (10) 從其所契者入水求之

按:契,《類聚》卷 60 引作「契刻」,《御覽》卷 499、《事類賦注》卷 16、《黄氏日抄》卷 56 引作「刻」。《類聚》蓋誤合異文。

#### (11) 其父雖善游,其子豈遽善游哉

按:下句,《意林》卷2引作「其子未必能邪」,《御覽》卷395引作「其子豈遽能游之哉」。

<sup>[</sup>註55] 沈瓞民(祖縣)《讀呂臆斷(續)》,《制言》第2期,1935年版,本文第5頁。

<sup>[</sup>註56] 《書鈔》據孔本,陳本作「遽刻」。

<sup>[</sup>註57] 宋慈裒《呂氏春秋補正》,《華國月刊》第3期第4冊,1926年版,第10頁。

## 《先識覽》卷第十六校補

## 《先識》校補

(1)夏太史令終古出其圖法, 埶而泣之, 夏桀迷惑, 暴亂愈甚, 太史 令終古乃出奔如商

按:《史通·史官建置》引作「夏太史終古見桀惑亂,載其圖法,出奔商」,《書鈔》卷55引作「太史終古見桀惑亂,出其圖法而泣,乃出奔商」,《御覽》卷235引作「夏太史令終古見夏桀惑亂,載其圖法而泣,乃出奔商」,《古文苑》卷16《東觀箴》章樵註引作「夏太史終古見桀惑亂,載其圖法奔商」。此文「夏桀」上脫「見」字。下文「殷內史向摯見紂之愈〔暴〕亂迷惑也,於是載其圖法,出亡之周」,又「晉太史屠黍見晉之亂也,見晉公之驕而無德義也,以其圖法歸周」,並有「見」字。蔣維喬等謂「夏」是「見」誤,不盡確。陳奇猷於「夏太史令終古」下臆補「見桀惑亂」,無據。執而泣之者,謂泣諫也,而夏桀不聽,暴亂愈甚。

#### (2) 商王大亂,沈於酒德

按:楊樹達曰:「沈假爲酖。《說文》:『酖,樂酒也。』」楊說是,字亦作湛。《書,微子》:「我用沈酗於酒,用亂敗厥德。」《漢書·霍光傳》引作「湛」。孔疏:「人以酒亂,若沈於水。故以耽酒爲沈也。」《墨子·非攻下》:「予既沈漬殷紂於酒德矣。」《史記·宋世家》:「紂沈洏於酒。」

「耽」是沈湎於酒的分別字。《詩・抑》:「荒湛於酒。」《漢書・五行志》引作「沈」。清華簡(五)《厚父》:「毋湛於酒。」《書・無逸》:「無若殷王受(紂)之迷亂酗於酒德哉!」「酗」字義近。

#### (3) 辟遠箕子,爰近姑與息

高誘注:箕子忠臣而疏遠之,姑息之臣而與近之。

按:《資治通鑑外紀》卷2「辟」作「避」,「與」在下「妲己爲政」上。楊 愼曰:「《檀弓》曰:『細人之愛人以姑息。』注:『姑,且也。息,休 也。』其義殊晦。按《尸子》云:『紂棄犂老之言,而用姑息之語。』 注:『姑,婦女也。息,小兒也。』其義始明白,合表出之。」(註1) 方以智曰:「姑息有三解,一作『獻息』。升庵引《尸子》云云。元美 仍主姑息爲且休之辭。焦弱侯曰:『姑, 姏姑也。息, 頑童也。』智按: 《唐韻》作『��息』。《曹植傳》:『大發士息,前後三送。』言士卒子 息也。博南言:《許戫妻劉夫人碑》:『孫息盈房。』今亦有嗣息、弱息 之語。《呂·先識》云云,《御覽》引武王曰:『紂愛近姑與息。』則『爰』 是『愛』訛。以此徵之,確指兒女子輩,元瑞譏升庵,正未必當。」 [註2] 畢沅亦引《尸子》注說之。梁玉繩引方氏後一說。朱駿聲取《尸 子》注,指出「息,叚借爲孳」〔註3〕。郝懿行曰:「婦謂之息:案俗 作媳,稱媳婦非也。《禮·檀弓》、《呂氏春秋·觀世篇》、《尸子》云云。 愚案:息謂婦也。姑與息對言,即謂姑與婦爾……至於《檀弓》、《尸 子》、《呂覽》並以姑與息連文,其義一也。姑息之愛,蓋謂婦人之仁, 鄭注非是。『乃若棄黎老之言,用姑息之語』,即是謂紂惟婦言是用。《尸 子》之注亦未得矣。」〔註4〕《欽定禮記義疏》卷9:「案:姑息猶言 姑婦,所謂婦人之仁也,鄭訓苟容取安,亦通。」章太炎曰:「據此及 《尸子》,則《檀弓》云云,姑息猶言婦寺之忠耳。」李賡芸曰:「《呂

<sup>(</sup>註1)楊愼《丹鉛總錄》卷14,景印文淵閣《四庫全書》第855冊,臺灣商務印書館1986年初版,第503頁。楊愼所引《檀弓》注,與今本鄭玄注「息,猶安也。言苟容取安也」不合;又所引《尸子》,未詳所據。《繹史》卷20引《尸子》「語」作「謀」。「姑,且。息,休也」是《法言·問明》司馬光注語。

<sup>[</sup>註 2] 方以智《通雅》卷 19,收入《方以智全書》第 1 册,上海古籍出版社 1988 年版,第 659 頁。

<sup>(</sup>註3) 朱駿聲《說文通訓定聲》,武漢市古籍書店 1983 年版,第215 頁。

<sup>(</sup>註 4) 郝懿行《證俗文》卷 4,收入《續修四庫全書》第 192 册,上海古籍出版社 2002 年版,第 464 頁。《呂氏》見《先識篇》,郝氏誤記作下一篇篇名《觀世》。

氏》及《尸子》『姑息』,說與《小戴》異。」譚戒甫曰:「『與』字疑 讀者據高注旁注『爰』字下,後又轉鈔在『姑息』二字中耳。『爰』當 爲『援』之省。《說文》:『援,引也。與,黨與也。』《御覽》據誤本, 因改『爰』爲『愛』,方以智、梁玉繩皆未細察也。」沈祖縣曰:「『與』 字衍。《禮·檀弓》鄭注:『姑息,苟安也。』」陳奇猷曰:「爰,語辭 也。『姑』當訓婦,男可謂之息。爰近姑與息猶言近婦人與男寵。」王 利器曰:「姑息猶後世言婦孺,孺謂少艾也。章氏以『婦寺』釋之,是 也,而義猶未盡也,輒爲補說之。」此文「爰近姑與息」不誤,諸家 解「姑息」爲「婦童」等皆誤。考《廣雅》:「獻,息也。」曹憲獻音 姑。王念孫曰:「《檀弓》云云,姑與獻通。《爾雅》:『苦,息也。』苦 與甗亦聲近義同。」 (註 5) 《文選・思玄賦》:「姑純懿之所廬。」王 念孫指出「二李訓姑爲且,非也」,亦引《爾雅》、《廣雅》及《檀弓》 訓姑爲息(註6)。王氏訓息止是,但李善、李賢訓且亦不誤。「甝(姑)」 本當訓且息,舊注各側重一端,相合則義全耳。《方言》卷 13:「鹽, 目也。」郭璞注:「盬猶虧也。」戴震曰:「盬讀爲姑息之姑。《廣雅》: 『嫴,且也。』皆古字假借通用。《玉篇》、《廣韻》有『��』字,並云: 『뤒,息也。』」 〔註 7〕 錢繹曰:「《玉篇》:『盬,姑也。』按盬之言姑 且也。《唐風・鴇羽篇》毛傳云:『盬,不堅緻也。』《小雅・四牡篇》 傳云:『盬,不堅固也。』《漢書・息夫躬傳》:『器用盬惡,孰當督之?』 鄧展注云:『盬,不堅牢也。』是也。《廣雅》:『嫴,且也。』《玉篇》: 『苟,且也。』《內則篇》鄭注:『姑,猶且也。』《檀弓篇》鄭注云: 『姑,猶略也。』《周官·典婦功》:『辨其苦良。』鄭眾注:『苦讀爲 盬。』《漢書・禮樂志》:『則夫婦之道苦。』孟康曰:『苦音盬。夫婦 之道行盬不固也。』並字異而義同。注『盬猶戯也』者,《廣雅》:『戯, 息也。』曹憲音姑。《玉篇》、《廣韻》並云:『魁,息也。』《爾雅》:『苦, 息也。』《檀弓》:『細人之愛人也以姑息。』苦、姑亦與戲同,是盬猶 戯也。」(註8)尋《玉篇》:「戯,戯息也。」《廣韻》:「戯,戯息,《禮

<sup>[</sup>註 5] 王念孫《廣雅疏證》,收入徐復主編《廣雅詁林》,江蘇古籍出版社 1992 年版,第 130 頁。

<sup>[</sup>註 6] 王念孫《讀書雜志》卷 16《餘編下》,中國書店 1985 年版,本卷第 86 頁。

<sup>[</sup>註7] 戴震《方言疏證》,收入《戴震全集(5)》,清華大學出版社 1997年版,第2476 頁。

<sup>[</sup>註 8] 錢繹《方言箋疏》,上海古籍出版社 1984 年版,第 780 頁。

記》作『姑』。」諸家引文釋語脫一「虧」字。「虧(姑)息」猶言苟 安、《檀弓》是動詞義、鄭玄注「息、猶安也。言苟容取安也」不誤。 《尸子》及此文是名詞義,指苟安取容之人。《書·泰誓中》:「今商王 受力行無度,播棄黎老,昵比罪人。」此可與《尸子》相印證。「罪人」 指苟安取容之人,而不是婦童。《後漢書‧朱穆傳》:「親其忠正,絕其 姑息。」義亦同。柳從辰曰:「《尸子》云云,言婦孺之私也。《呂氏》 云云。」 (註 9) 非是。「盬 ( 苦 )」訓不堅固者,指器物粗略,字或作 楛、枯(註10);今人言「姑且」、「苟且」者,亦是粗略、不精細的引 申義,義皆相因。王引之謂毛傳、鄭箋爲誤(註11),蓋亦偶未會通耳。 黄侃曰:「婟,此姑息字。」(註12) 考《說文》「婟」、「嫪」互訓,謂 戀惜不能去,黃說非是。敦煌寫卷 P.2011 王仁昫《刊謬補缺切韻》卷 1:「虧,程。」關長龍曰:「前『胍』字條注文『息』字疑當移置本條 下,『處』字注文《王二》作『息 駐( 駐字衍)』,《廣韻》作『處息, 《禮記》作姑』可證。原有注文『程』則爲後『籲』字條注文竄入。」 (註13) 其說近是,而未盡善。「息虧」是「息虧」形譌,同「虧息」, 「虧」非衍文。宮舊藏唐吳彩鸞書王仁昫《刊謬補缺切韻》亦誤作 「虧」。「程」是「稜(棱)」誤書。

#### (4) 又示以鄰國不服,賢良不舉

按:舉,《說苑·權謀》作「興」。舉,任用。「舉賢良」是先秦二漢成語。 陳奇猷曰:「『舉』、『與』通。與,從也。」非是。

#### (5) 男女切倚

高誘注:切,磨。倚,近也。

按:畢沅曰:「切倚,《淮南,齊俗訓》作『切踦』,注:『踦,足也。』《說 苑》同。」沈祖縣曰:「高注是也。當作『切倚』。《淮南》作『踦』,形 聲之誤。《說苑》亦譌爲『切踦』。」陳奇猷曰:「高注是,沈說則非也。

<sup>[</sup>註 9] 柳説轉引自王先謙《後漢書集解》卷 43《校補》,中華書局 1984 年版,第 522 頁。

<sup>[</sup>註10] 參見蕭旭《淮南子校補》,花木蘭文化出版社 2014 年版,第 200 頁。

<sup>[</sup>註11] 王引之《經義述聞》卷5,江蘇古籍出版社1985年版,第136頁。

<sup>[</sup>註12] 黃侃《字通》,收入《説文箋識》,中華書局 2006 年版,第 156 頁。

<sup>(</sup>註13) 張涌泉主編《敦煌經部文獻合集》第6冊,中華書局 2008 年版,第2884~2885 頁。引者按:《王二》指故宮舊藏裴務齊正字本《刊謬補缺切韻》。

倚、踦字通。切倚乃相依偎之意。訓踦爲足,非是。」《淮南·齊俗篇》 是許愼注,故與高說不同。《說文》:「踦,一足也。」彼注脫「一」字。 陳直曰:「切,摩也。切踦,當作足相摩解。」[註14]陳奇猷說爲長。

#### (6) 其主弗知惡

按:知,《說苑·權謀》同,《大事記解題》卷5引誤作「之」。

#### (7) 威公薨, 肂, 九月不得葬

高誘注:下棺置地中謂之肂。

按:《冊府元龜》卷 796 引注作「棺柩置地上謂之肂」。「上」字誤。

#### (8) 周鼎著饕餮,有首無身,食人未咽,害及其身,以言報更也

按:畢沅曰:「更,償也。」王利器曰:「吳闓生曰:『更當訓速。』更訓爲償,吳說非是。」《玉海》卷88引同,《爾雅翼》卷21引誤作「速」。

#### (9) 是棄其所以存,而造其所以亡也

按:造,讀爲操,取也(註15)。敦煌寫卷 P.2172《大般若涅槃經音》:「造:操,造至也。」先以「操」爲「造」注音,再釋義。

## 《觀世》校補

(1) 千里而有一士,比肩也;累世而有一聖人,繼踵也

按:王利器、徐仁甫引徵諸書,並是也。《類聚》卷 20 引《申子》:「千里有賢者,是比肩而立也。」《御覽》卷 401 引《申子》:「百世有聖人,猶隨踵而生。」此二氏未及者。

(2) 對曰:「齊人累之,名為越石父。」

高誘注:累之,累然有罪。

按:《晏子春秋·內篇襍上》標題作「晏子之晉,睹齊纍越石父」,正文作 「吾爲人臣僕于中牟」;《新序·節士》作「齊人纍之,吾名曰越石甫」;

<sup>(</sup>註14) 陳直《讀子日札·淮南子》,收人《摹廬叢著七種》,齊魯書社 1981 年版,第 101 頁。

<sup>[</sup>註15] 參見蕭旭《淮南子校補》,花木蘭文化出版社 2014 年版,第 385 頁。

《史記·管晏傳》作「越石父賢,在縲紲中」。「石父(甫)」是古人常用名,亦作「碩父」、《博古圖》卷2載「伯碩父鼎」。

「纍」同「縲」,「累」則省借字,本指大索,用為動詞,言係纍、拘束。 有罪無罪皆曰「纍」。爲人臣僕,是亦係纍也。李寶洤曰:「累之,係纍 之也。纍、累通用。」(註 16) 王利器說同,而尤詳,是也。《淮南子· 本經篇》:「驅人之牛馬,傒人之子女。」高誘注:「傒,繫囚之繫。」 《說文》:「��,女隸也。」「��」即「��」。《孟子·梁惠王下》:「��其 父兄,係累其子弟。」《尉繚子,武議》:「殺人之父兄,利人之財貨, 臣妾人之子女。」《孟子》「係累」即指傒(溪),爲人臣妾而言。《史記》 作「縲紲」,則是複言,初非謂越石是罪人也。孫星衍曰:「言庸身爲僕 也。《呂氏春秋》、《新序》作『齊人累(《新序》作纍)之』、《史記》承 其誤,則云『越石父在縲紲中』。按此云『負芻息于塗側』,又云『見使 將歸』,又云『我猶且爲臣請鬻于世』,則非罪人也。」(註17)孫氏所解 「庸身爲僕」本自得之,而指《呂氏》、《新序》、《史記》爲誤,則尚未 知「累」字之義。瀧川資言曰:「所謂累之者,言以負累作僕,義與《晏 子春秋》同,史公解累爲縲紲,非也。」(註18) 范耕研曰:「累者謂於 饑凍耳,非有罪也。」馬敘倫校作「齊之纍人」。陳奇猷讀累爲贅。徐 仁甫曰:「累,讀爲壘,謂羈壘於此。又『累』爲累贅之累。」皆未得。

#### (3) 遽解左驂以贖之,載而與歸

按:《新序·節士》同,《晏子春秋·內篇襍上》作「遂解左驂以贈之」。「遂」、「贈」皆形譌字。《史記·管晏傳》作「解左驂贖之」,《正義》引《晏子》作「贖」,《文選·四子講德論》李善注、《御覽》卷 475、486、694、《記纂淵海》卷 48引《晏子》亦作「贖」。《文選》注引《晏子》仍誤作「遂」。

#### (4) 君子屈乎不己知者,而伸乎己知者

按:屈伸、《晏子春秋・內篇襍上》作「詘申」、《新序・節士》、《冊府元龜》

<sup>[</sup>註16] 李寶淦《呂氏春秋高注補正》,民國12年鉛印本,第15頁。

<sup>(</sup>註17) 孫星衍《晏子春秋音義》卷下,收入《諸子百家叢書》,上海古籍出版社 1989 年影印浙江書局本,第95頁;其説又見孫星衍《問字堂集》卷3《晏子春秋序》, 收入《叢書集成初編》第2527冊,商務印書館民國28年初版,第75頁。

<sup>[</sup>註18] 瀧川資言《史記會注考證》,上海古籍出版社 1986 年版,第 1295 頁。

卷 842 作「詘信」。「屈」、「信」是借字。

#### (5) 嬰聞察實者不留聲,觀行者不譏辭

高誘注:實,功實也。言欲察人之功實,不復留意考其名聲也。欲觀人 之至行,不譏刺之以辭。

按:《晏子春秋·內篇襍上》作「省行者不引其過,察實者不譏其辭」,《新序·節士》、《冊府元龜》卷 842 作「察實者不留聲,觀行者不幾辭」。李寶注、陶鴻慶、陳奇猷、王利器謂「譏」訓察,是也。譏、幾,並讀爲機,《說文》:「機,精謹也。」朱駿聲曰:「此譏察之本字。」(註19)不留聲,謂察實者耳不聽其人自己的言論。《說郛》卷 70 引馬融《忠經》:「目不狗色,耳不留聲。」馬敘倫曰:「『譏』疑是『論』字之譌。」陳奇猷曰:「留亦察也。」皆非是。徐仁甫曰:「『譏』通『稽』,稽亦留也。又按:『譏』與『幾』通,猶察也。」上說非是。

#### (6) 嬰可以辭而無棄乎

高誘注:辭,謝也。謝不敏而可以弗棄也。

按:《晏子春秋·內篇襍上》、《新序·節士》同。高注辭訓謝,猶今言道歉。 陳奇猷曰:「辭,責讓之也,高訓爲謝(《說文》:『謝,辭去也。』),非 是。」陳氏未得高義。

#### (7) 此令功之道也

按:令,當從《晏子春秋·內篇襍上》、《新序·節士》、《冊府元龜》卷 842 作「全」,形近而譌也。《說苑·政理》:「必全功成名布義。」陳奇猷曰: 「令,善也。作『令』亦通。」非是。

#### (8) 鄭子陽令官遺之粟數十秉

按:許維遹曰:「《聘禮》:『十斗曰斛,十六斗曰籔,十籔曰秉。』鄭注云: 『秉,十六斛。』」陳奇猷曰:「《新序》『秉』作『乘』。」《高士傳》 卷中、《冊府元龜》卷 805 亦作「乘」,二字形近,考《論語·雍也》: 「冉子與之粟五秉。」《集解》引馬融亦曰十六斛爲秉。疑「秉」字是 (註 20),不至多至數十乘。《御覽》卷 830 引《風俗诵》:「斛者,角

<sup>[</sup>註19] 朱駿聲《說文通訓定聲》,武漢市古籍書店 1983 年版,第 568 頁。

<sup>[</sup>註20] 石光瑛《新序校釋》亦校作「秉」,中華書局 2001 年版,第934 頁。

也。庾,三斛四斗。秉,二十四斛。」與馬、鄭說不同。至其語源,《六書故》卷 22:「秉、把同聲,實一字。古無把字,所秉曰秉,去聲, 今作柄。」王念孫曰:「秉之言方也。方者,大也,量之最大者也。」 (註 21) 王說是也。

#### (9) 其妻望而拊心曰

按:《新序·節士》同,《莊子·讓王》、《列子·說符》、《高士傳》卷中「望」 下有「之」字。許維遹訓望爲怨,是也。《御覽》卷 507 引《高士傳》 作「妻撫心而怒曰」,蓋臆改。

#### (10) 聞為有道者妻子,皆得逸樂

按:逸,《莊子·讓王》、《列子·說符》、《新序·節士》、《高士傳》卷中作 「佚」,古字通。

#### (11) 君過而遺先生食

按:過,《莊子·讓王》、《新序·節士》、《高士傳》卷中同。石光瑛曰: 「《列子》『過』作『遇』,形近而誤。過,過存也,作『遇』無義。《釋文》云:『遇,一本作過,或作適。』以一本爲是。一云:過猶多也。」 [註221 「過」訓過存是探望義,而此文子陽並未親自探望,乃是令官遺之粟。王利器取王先謙說,解爲「過聽」,則是增字足義,非是。 作「遇」字是,「遇」謂厚待,以恩相接也。

# 《知接》校補

#### (1) 無由接而言見, 流

高誘注: 流讀「誣妄」之誣, 億不詳審也。

按:有二說:畢沅改「流」作「詤」,云:「《說文》:『詤,夢言也。』惠 氏於《左氏襄二十九年傳》『祗見疏也』,亦謂當爲『詤』。」(註 23)

<sup>[</sup>註21] 王念孫《廣雅疏證》,收入徐復主編《廣雅詁林》,江蘇古籍出版社 1992 年版,第 680 頁。

<sup>[</sup>註22] 石光瑛《新序校釋》亦校作「秉」,中華書局 2001 年版,第 934~935 頁。

<sup>[</sup>註23] 惠楝説見《春秋左傳補註》卷 4,景印文淵閣《四庫全書》第 181 册,臺灣商務印書館 1986 年初版,第 185 頁。

陳奇猷從畢說。黃生曰:「謊,按此即古之謊字,虛言曰謊(呼光切)。 此言盲者目不見物,常疑人言爲虛,故曰見謊。高誘即讀爲誣,亦太從 便矣。」(註24)翟灝曰:「謊,按今俗俱加艸爲謊。」(註25)王筠曰: 「段氏改謊作謊。案如段氏說,則謊即今之謊字,似非許意。」(註26)

#### (2) 何以為之莽莽也

高誘注:爲,作也。莽莽,長大貌也。

按:楊昭儁曰:「此『爲之』,下爲『孰之』、『爲之』,三『之』字皆訓是也,此也。」于鬯、楊樹達說同,其說本於王引之,見下文。《類聚》卷85、《御覽》卷820引此文正作「爲此」。

#### (3) 孰之壤壤也,可以為之莽莽也

高誘注:壤壤,猶養治之。莽莽,均長貌。

按:舉沅曰:「壤壤,紛錯之貌。」王念孫曰:「《類聚》卷 85 引此『壤壤』作『灌灌』,又引注云:『灌灌,叢貌。』」王引之曰:「兩『之』字皆訓爲是。」(註27) 蔣維喬等曰:「《類聚》卷 85 引『壤壤』作『灌灌』。《御覽》卷 820 引『孰之壤壤』作『此權權何(引者按:「何」屬下句)』,引注作『權權,由養治也(引者按:《御覽》原文「也」作「之」)』。按『壤壤』疑爲『灌灌』之譌。灌,叢也,聚也。高氏注曰『猶養治之』,乃不知叢聚之義而即以灌溉之義釋之。《御覽》作『權權』,則形似之誤矣。」陳奇猷曰:「畢謂壤壤爲紛錯之貌,是。攘,亂也。『壤』蓋即假爲『攘』也。蔣改『壤』爲『灌』,非是。高注『養治』二字疑誤,未詳所當作。」《類聚》引「孰」作「熟」,《類聚》引注作「莽莽,長兒」,《御覽》引注作「莽莽,長兒也」。今本「均」字衍文。畢說是,本字作穰,俗字作纕,《集韻》:「纏,絲棼也。」「養治」不

<sup>[</sup>註24] 黄生《義府》,黄生、黄承吉《字詁義府合按》,中華書局 1954 年版,第 214 ~215 頁。

<sup>[</sup>註25] 翟灝《通俗編》卷 17, 商務印書館 1958 年版,第 373 頁。

<sup>[</sup>註26] 王筠《說文解字句讀》,中華書局 1988 年版,第87 頁。

<sup>(</sup>註27) 王引之《經傳釋詞》卷 9,收入《叢書集成初編》第 1260 册,商務印書館民 國 28 年初版,第 132 頁。王念孫《呂氏春秋校本》説同,轉引自張錦少《王 念孫〈呂氏春秋〉校本研究》,《漢學研究》第 28 卷第 3 期,2010 年出版,第 315 頁。

誤,猶言治理。高氏轉展而說之,謂何以紛亂之麻絲,可以製成莽莽之長布乎?《史記·孝文本紀》:「天生蒸民,爲之置君以養治之。」

(4) 管仲曰:「齊鄙人有諺曰:『居者無載,行者無埋。』今臣將有遠行,胡可以問?」

高誘注:謂臣居職有謀計,皆當宣之於君,無有載藏之於心也。行謂即世也。亦當輸寫所知,使君行之,無有懷藏,埋之地中。

按:楊愼曰:「言生不隱謀,死不隱忠也。」(註 28) 馮惟訥取其說,又指 出:「載,讀作稱。埋,叶,陵之反。」郭子章、梅鼎祚說同(註29)。 虞兆湰曰:「蓋謂人之居止者,凡物皆不當載負;人之行徙者,凡物 皆不當埋藏。高氏訓解甚謬。至下云『今臣將有遠行』,然後以遠行 喻死耳。」(註30)梁玉繩取其說,杭世駿說同(註31)。李慈銘曰:「居 者無載謂家居者無任載之物,以不爲行計也。行者無埋謂行路者無埋 藏之物,以不爲居計也。故下云『今臣將有遠行,胡可以問』,以死 比遠行,謂己不爲居計,無所藏之物,胡可問也。」陶鴻慶曰:「載 爲車載,埋謂埋藏。鄙諺謂居者不爲行者之備,行者不爲居者之事。」 金其源曰:「載謂載於路,行者之事也。埋謂藏於家,居者之事也。」 馮振曰:「居者、行者,乃泛言居住與行旅之人;下文『今臣將有遠· 行』,乃借以譬即世。高注於此,以居謂居職,行謂即世,此乃管仲 取譬之意,非齊諺本意也。」[註 32] 陳奇猷曰:「居謂止於家。行者 爲活人,埋者爲死人。《審分》:『止者不行,行者不止。』最足解釋 此文。」居者、行者,指活人、死人,下「遠行」即承「行者」而言。 高誘注及楊愼說並無錯誤,猶今言生不帶來,死不帶走。載亦藏也,

<sup>[</sup>註28] 明·楊慎《古今諺》卷1,古典文學出版社 1958 年版,第172頁。

<sup>[</sup>註29] 明·郭子章《六語·諺語》卷 2,明萬曆刻本。馮惟訥《古詩紀》卷 10,梅 鼎祚《古樂苑》卷 43,分別收入景印文淵閣《四庫全書》第 1379、1395 册, 臺灣商務印書館 1986 年初版,第 72、456 頁。

<sup>[</sup>註30] 虞兆湰《天香樓偶得》,收入《四庫全書存目叢書·子部》第 98 册,齊魯書 社 1995 年版,第 286 頁。

<sup>[</sup>註31] 杭世駿《訂訛類編》續補卷上,收入《續修四庫全書》第 1148 册,上海古籍 出版社 2002 年版,第 122 頁。

<sup>[</sup>註32] 馮振《呂氏春秋高注訂補(續)》,《學術世界》第1卷第9期,1935年版,第20頁。

不必是車載或載於路。管仲引古諺語,本意是說應當盡言,然以下是轉語,是說今臣雖將死,卻沒有什麼可說的,故云「胡可以問」。

#### (5) 豎刁自宮以近寡人

按:宫、《御覽》卷446、《永樂大典》卷11602引作「害」,形之譌也。

#### (6) 死生,命也;苛病,失也

按:畢沅曰:「《御覽》卷 446 作『苛病,本也』。觀下文『守其本』,似『本』字是。」松皋圓曰:「本作『苛病失本也』,傳寫互脫一字耳。」孫鳴鏘曰:「失讀曰佚,謂淫佚也。」蔣維喬等曰:「松說是也,《御覽》卷 735 作『苛病天也』,『天』乃『失』之誤。孫說疑非。」陳奇猷曰:「松、蔣說非。失謂有所失也。孫說亦通。」《御覽》卷 446、《永樂大典》卷 11602 引作「痾病本也」,《御覽》卷 735 引作「病是天也」,畢氏、蔣氏均失檢。諸說皆誤,此文當作「苛病天也」,「失」、「本」皆「天」形誤。言死生苛病都是天命,有定數。《莊子·大宗師》:「死生,命也;其有夜旦之常,天也。」文例正同。

#### (7) 君不任其命,守其本,而恃常之巫,彼將以此無不為也

按:蔣維喬等曰:「《御覽》卷 446『任』作『用』。」陳奇猷曰:「《說文》: 『任,保也。』《御覽》改作『用』,非。」《說文》作「任,符也」,《繫傳》作「任,保也」。任訓保是保舉義,非此文之誼,陳說非是。任, 信也。恃,《御覽》卷 446 引作「待」,誤。《永樂大典》卷 11602 引亦 誤作「用」、「待」。

### (8) 食不甘, 宮不治

按:宮,《御覽》卷 446、《永樂大典》卷 11602 引作「官」,又卷 491 引《吳 王春秋》亦作「官」(當即此文,而誤題出處),疑「宮」誤。

#### (9) 公慨焉歎涕出曰

按:《御覽》卷 446、《永樂大典》卷 11602 引作「公慨焉歎涕曰」,《御覽》卷 491 引《吳王春秋》作「公慨然出涕曰」。

# 《悔過》校補

(1) 皆以其氣之趫與力之盛

高誘注:趫,壯也。

按:馬敘倫曰:「趫,借爲歊,《說文》曰:『氣上出也。』」楊樹達曰:「趫,《淮南·道應訓》作『高』,趫與高聲義皆相近,然此趫疑讀爲驕。」陳奇猷曰:「以《淮南》作『高』字證之,則馬說是也。《漢書·敘傳》顏注:『歊歌,氣盛也。』『高』蓋即『歌』之省文也。」趫,讀爲喬、僑。《說文》:「喬,高而曲也。」又「僑,高也。」高大則壯,故高注訓壯也。「歌」爲熱氣上出之貌,無壯義。

(2) 晉若遏師必於殽,女死不於南方之岸,必於北方之岸,為吾尸女 之易

高誘注:識之易也。

按:遏、《左傳、僖公三十二年》作「禦」。陳奇猷曰:「『岸』疑爲『阜』 形近之譌。《左傳》云:『殽有二陵焉。其南陵,夏后皋之墓也;其北 陵,文王之所辟風雨也。必死是間,余收爾骨焉。』陵與阜同義。爲 猶將也。尸猶言收尸。高訓爲識,非。」陳氏改「岸」作「阜」殊爲 無據。《說文》:「岸,水厓而高者。」水厓高者爲岸,山厓高者亦爲 岸。《爾雅·釋丘》:「重厓,岸。」郭璞注:「兩厓累者爲岸。」《荀 子·宥坐》:「三尺之岸,而虛車不能登也。」楊倞註:「岸,崖也。」 其初文作厂,《說文》:「厂,山石之厓巖,人可居。」彭鐸曰:「岸讀 爲院,此山岸本字。」非是。王利器曰:「爲,使也。」「爲」表示判 斷,不訓將、使。「易」謂辨識之易,高注不誤。句言殽之南北二岸, 是我爲你收尸易於辨識的地方。

### (3) 師行過周,王孫滿要門而窺之

高誘注:要,徼也。

按:洪頤煊曰:「《左氏僖公三十三年傳》作『王孫滿尚幼觀之』。要即幼假借。」馬敘倫曰:「高、洪二說並非是。要借爲鬮,《說文》:『鬮, 關下牡。』鬮門而窺之。」楊樹達曰:「洪說非也。《呂氏》不謂王孫 滿爲幼年也。門既下楗,從何得窺?馬說自相矛盾,不可通矣。」陳 奇猷曰:「要門即遮門,亦即閉門之意。謂王孫滿閉門,然後從門縫而竊視之也。《左傳》『尚幼』當爲『幼門』之調。幼爲要之假字。竊視當從門縫,若大開門扇則是觀,不得謂之窺也。」王利器曰:「諸說都有未安。要,徼也。徼,求也。即今言要求也。」徐仁甫曰:「『要』同『腰』。『腰門』指今街居大門之外,另爲半截門向外開者,或古已有之。又疑『要』訓結約,結約其門,不及閉門之門也。」顧莉丹曰:「高注釋『要』爲『徼也』,『徼』即爲求義。『門』當訓作守門人。」(註 33) 高注要訓徼,不誤。「徼」同「邀」,《玉篇》:「邀,遮也。」俗字作闡,《廣雅》:「闄,遮也。」《廣韻》:「闄,隔也。」此文「窺」指觀看,不是竊視,《左傳》、《國語·周語中》皆作「王孫滿觀之」。秦師過周襲鄭,從周北門經過,王孫滿立於門中窺視之,此即要門而窺之。

#### (4) 過天子之城,宜橐甲束兵,左右皆下,以為天子禮

按:畢沅引梁仲子曰:「《左氏傳·僖三十三年》《正義》引作『櫜甲束兵』。」陳奇猷曰:「橐,囊也。櫜,甲衣也。則作橐作櫜均通。」《說文》:「櫜,車上大橐。」二字形近易譌。《左傳·昭公元年》:「子哲櫜甲以見子南,欲殺之。」《御覽》卷 355 引作「橐」。《左傳·襄公二十四年》:「皆取冑於橐。」《御覽》卷 308 引作「橐」。皆其例。《周禮·函人》:「橐之欲其約也。」鄭玄注引鄭司農曰:「謂卷置櫜中也。」《左傳·僖公三十三年》杜預注作「卷甲束兵」,是杜與鄭合。孔疏引服虔曰:「無禮,謂過天子門,不囊甲束兵。」是服氏所見,亦作「櫜」字。

# (5) 超乘者五百乘

高誘注:超乘,巨踊車上也。

按:舉沅曰:「注『巨踊』之『巨』,當從《左傳》『距踊曲踊』之距。」王利器從其說。陳奇猷曰:「『距踊曲踊』見《左傳·僖公二十八年》,杜注云:『距踊,超越也。曲踊,跳踊也。』」《左傳·僖公三十三年》、《國語·周語中》皆作「超乘者三百乘」。韋昭注:「超乘,跳躍上車,無威儀,所以敗也。」此注「車上」當乙作「上車」。距踊,直跳也,今言

<sup>[</sup>註33] 顧莉丹《〈呂氏春秋〉校注札記》,蘇州大學 2008 年碩士學位論文,第29頁。

跳高。曲踊,横跳也,今言跳遠。距之言巨、矩,取「直」爲義,與「曲」相對。畢說愼矣。

#### (6) 何其久也

按:陳奇猷曰:「『何其久也』文義未備,疑當作:『《詩》曰:「何其久也, 必有以也。何其處也,必有與也。」』今脫去三句,遂致文義不相屬矣。」 此亦陳氏妄補古書之例。上文云「寡君固聞大國之將至久矣」,此承之 而問,文義正相應。

#### (7) 以迷惑陷入大國之地

舊校:陷入,一作「以及」。

按:一本誤。《文選·述祖德詩》李善注引作「陷入」。

# 《樂成》校補

# (1) 禹之决江水也,民聚瓦礫,事已成,功已立,為萬世利

按:《御覽》卷 82 引「事已成」上有「及其」二字。《韓子·顯學》:「昔禹 決江濬河,而民聚瓦石。」舊注:「欲以擊禹也。」舊注臆說不足信。《鹽 鐵論·擊之》:「昔夏后底洪水之災,百姓孔勤,罷於籠臿,及至其後, 咸享其功。」(二書王利器已引)民聚瓦礫,言民之勤苦於事,與下文 「樂成功」對舉。

#### (2) 孔子始用於魯,魯人鷖誦之曰

按:畢沅曰:「『鷺』蓋魯人名,《孔叢子》作『謗』,《御覽》同。」孫詒讓曰:「鷺,當與『豎』通,畢校非是。」(註 34) 鷖誦,《御覽》卷 694 引作「謗」,《孔叢子·陳士義》、《資治通鑑外紀》卷 8 作「謗誦」,《中論·審大臣》作「謠」。曹庭棟曰:「鷖古通翳,隱也。」王利器從曹說。孫詒讓曰:「鷖當讀爲緊,發聲也。」章太炎曰:「畢氏非也。鷖當借爲癥,《說文》云『劇聲也』。又通作殿,《說文》『殿』下云『一日病聲也』。」陳奇猷曰:「『鷺』即『翳』之異文。翳,密也,義即今

<sup>[</sup>註34] 孫詒讓《籀廎讀書錄·呂氏春秋》,收入《籀廎遺著輯存》,中華書局 2010 年版,第349 頁。

語『秘密』。《孔叢》、《御覽》皆因不明『鷖』字之義而改之,不足據。」徐仁甫曰:「鷖,讀爲翳,即上文所謂『陰奸』。」章說是也,字亦作意、噫,痛傷之聲。《玉篇》:「譩,不平之聲也,恨辭也,作噫同。」《廣韻》:「譩,忿也。噫,恨聲。」《孔叢》作「謗誦」不誤,是承上文「未識先君之謗何也」之問的答語,字正當作「謗」,陳說非是。

#### (3) 翳裘而鞞,投之無戾;鞞而翳裘,投之無郵

高誘注:投,棄也。「郵」字與「尤」同。投棄孔子無罪尤也。

按:畢沅曰:「『鞸』字舊訛『鞞』,按當作『鞸』,與『芾』、『韍』、『紱』字同。《孔叢子》正作『芾』。」陳奇猷從之。畢改非是,古從畢從卑之字通用。《御覽》卷 694 引上「鞞」作「鞞」,下仍作「鞞」,字亦同。《中論·審大臣》作「素鞞羔裘,求之無尤;黑裘素鞞,求之無戾。」亦作「鞞」字。作「求」者,蓋「投」形誤作「授」,又改作「求」。文廷式曰:「無戾、無郵,疑皆指人跡罕到之地,與《詩》『投畀有北』、『投畀有吳』句法正同,皆怨毒呪詛之詞。」(註 35) 臆說無據。

#### (4) 用三年,男子行乎塗右,女子行乎塗左

按:王利器引《禮記·王制》「道路,男子由右,婦人由左,車從中央」及《內則》「道路,男子由右,女子由左」,是也。《御覽》卷 195、694 引此文「左」、「右」二字互倒。

#### (5) 子產始治鄭,使田有封洫,都鄙有服

高誘注:封,界。洫,溝也。服,法服也。君子小人各有制。

按:俞樾曰:「都鄙有服者,都鄙有制也。」陳奇猷曰:「此『服』指衣冠無疑。俞氏未得其義耳。」考《左傳·襄公三十年》:「子產使都鄙有章,上下有服,田有封洫。廬井有伍。」《類聚》卷 50 引司馬彪《續漢書》「上下有序,都鄙有章。」「有服」指有章有序,俞說是也。

### (6) 夫開善豈易哉

高誘注:開,通也。

按:譚戒甫曰:「『開善』二字似不甚妥,疑本作『開業』,猶《孟子》所謂

<sup>[</sup>註35] 文廷式《純常子枝語》卷15,收入《續修四庫全書》第1165冊,上海古籍出版社2002年版,第213頁。

『創業』也。」許維遹曰:「開當訓始。」陳奇猷曰:「許說是。『開善』 猶言始爲善事、善政。」諸說皆非。開善猶言開導善事。《列女傳》卷 3:「所以開善遏淫也。」

#### (7) 已得中山,還反報文侯,有貴功之色

舊校:貴,一作「青」。

按:畢沅引盧文弨曰:「疑是『負功』。」蔣維喬等曰:「《意林》作『責』。」 劉文典曰:「《說苑·復恩》作『喜功』,當從之。」王叔岷謂作「喜」 義長。楊樹達曰:「『負』訓恃,『負』字是也。『責』與『貴』字皆『負』 之形近誤字也。《說苑》作『喜』者,文自不同。」陳奇猷曰:「貴, 尚也。」陳說是也。《書鈔》卷 135 引亦作「貴」。

#### (8) 故哅哅之中,不可不味也

按:味,讀爲物,猶言物色、審察、辨別。《禮記·仲尼燕居》:「味得其時。」《家語·論禮》:作「物」。又《檀弓上》:「瓦不成味。」《荀子·禮論》作「陶器不成物」。

# 《察微》校補

#### (1) 故智士賢者相與積心愁慮以求之

高誘注:積累其仁心,思慮其善政,以求致治也。

按:惠棟曰:「愁之言斂也。」王引之讀愁爲揫、雛、趙 [註 36] ,馬敘倫說同;金其源讀爲楢,皆訓積聚。陳奇猷、王利器皆從王說。「愁」是愁苦義,不必拘於對文說之。本書《察賢》:「天下之賢主,豈必苦形愁慮哉?」《淮南子,詮言篇》:「苦心愁慮,以行曲故。」

#### (2) 子貢贖魯人於諸侯,來而讓,不取其金

按:許維遹曰:「《文選·答東阿王牋》注引『讓』作『辭』,與《淮南·道 應篇》合。」《文選·百辟勸進今上牋》李善注引「讓」作「辭」,王利 器已指出許氏失檢。《三國志·田疇傳》裴松之注、《御覽》卷 477 引亦

<sup>[</sup>註36] 王念孫《召氏春秋校本》亦讀愁爲揫,轉引自張錦少《王念孫〈召氏春秋〉 校本研究》,《漢學研究》第28卷第3期,2010年出版,第315頁。

作「辭」,《家語·致思》同。

#### (3) 自今以往

按:往,《三國志·田疇傳》裴松之注引作「來」,《淮南·道應篇》亦作 「來」。

#### (4) 戲而傷卑梁之處女

按:傷,《御覽》卷305引誤作「侍」。

#### (5) 卑梁人操其傷子以讓吳人

按:操其傷子,《御覽》卷305引誤作「扶其侍子」。「操」當作「摻」,俗作「攙」。

#### (6) 克夷而後去之

高誘注:夷,平。

按:《御覽》卷305引誤作「堯夷而復去之」。

#### (7) 吳楚以此大隆

高誘注:「隆」當作「格」。格,關也。

按:《白帖》卷 82、《御覽》卷 496 引作「吳楚大爭」。孫詒讓、于鬯、章太炎、馬敘倫、王利器、陳奇猷並讀隆爲鬨(註37)。《楚辭·離騷》:「五子用失乎家巷。」王念孫曰:「『失字因王注而衍。楊雄《宗正箴》曰:『有仍二女,五子家降。』降與巷古同聲而通用。『巷』讀《孟子》『鄒與魯鬨』之鬨。劉熙曰:『鬨,構也,構兵以鬭也。』鬨字亦作圈,《呂氏春秋·慎行篇》:『崔杼之子,相與私糰。』高誘曰:『糰,鬭也。』降亦鬨也。《呂氏春秋·察微篇》:『吳楚以此大隆。』大隆謂大鬭也。隆與降通(隆亦格鬭之名,字可不改)。」(註 38) 諸說皆本於王氏,孫詒讓說全同於王氏,俞樾說亦同(註 39),而皆未列出處,斯亦通人之弊也。王說是矣,余謂讀降爲攻亦通。

<sup>[</sup>註37] 王利器説又見《鹽鐵論校注 (定本)》,中華書局 1992 年版,第126 頁。

<sup>[</sup>註38] 王念孫《讀書雜志》卷16《餘編下》,中國書店1985年版,本卷第59頁。

<sup>[</sup>註39] 俞樾《群經平議》卷29,收入王先謙《清經解續編》卷1389,上海書店1988 年版,第5冊,第1195頁。

#### (8) 又反伐郢,得荊平王之夫人以歸,實為雞父之戰

高誘注:郢,楚國都也。

按:劉師培曰:「即《左傳》入郹事,『郢』蓋『郹』誤,而高已訓爲楚都。」 劉說疑不確。《列女傳》卷 4:「伯嬴者,秦穆公之女,楚平王之夫人, 昭王之母也。當昭王時,楚與吳爲柏舉之戰,吳勝楚,遂入至郢,昭 王亡。吳王闔閭盡妻其後宮,次至伯嬴。」《御覽》卷 491 引《吳越 春秋》:「吳師入郢,闔閭既妻昭王夫人,又及於伯嬴。伯嬴,秦康公 之女,平王之夫人,昭王之母也。」又卷 440 引張勃《吳錄》:「吳入 郢也,自王以下,位班處宮而妻其室,次及伯嬴。伯嬴者,昭王之母 也。」皆以伐郢而得平王夫人。

#### (9) 夫弩機差以米則不發

按:孫鳴鏘曰:「古以一黍之廣爲一分,則以米計之也。」(註40) 許維遹曰:「《尸子·分篇》云:『夫弩機,損若黍則不鉤,益若口則不發。』據此,『米』或爲『黍』之壞字。」許氏所引《尸子》,《書鈔》卷 125「損則不鉤,益則不發」條引作「夫弩機,損若黍則不鉤,益若口〔則不〕發」,下「則不」二字是孔廣陶據上句補(註41),是也。「機」指弩牙。《素問·離合眞邪論》「故曰知機道者不可掛以髮,不知機者扣之不發。」《靈樞經·九針十二原》同。「益若」下之脱文,疑是「髮」字。胡文英曰:「案:差一米,所差少也,吳中謂所差不多曰『差一米米』。」(註42)徐仁甫曰:「今俗言猶謂『差一顆米』,即『米』不必『黍』之壞字。」

#### (10) 締於襄公之廟也

高誘注:禘,大祭也。

按:禘,《淮南子,人間篇》作「禱」。禱亦祭也。

# (11)以魯國恐不勝一季氏,況於三季

<sup>[</sup>註40] 孫鏘鳴《呂氏春秋高注補正》、《國故》第3期,1919年版,第7頁。

<sup>(</sup>註41)《書鈔》(孔廣陶校注本),收入《續修四庫全書》第1212 册,上海古籍出版 社2002 年版,第573 頁。

<sup>[</sup>註42] 胡文英《吳下方言考》卷7,收入《續修四庫全書》第195冊,上海古籍出版社2002年版,第58頁。

按:以,猶舉也、全也(註43)。

#### (12) 同惡固相助

高誘注:同惡昭公。

按:高氏以「同惡」屬上句「況於三季」,故注云然。王念孫、俞樾、陶鴻慶屬下句,是也。銀雀山漢簡《六韜》:「同請(情)相成,同亞(惡)相助,同好相趨。」《逸周書·大武解》:「五和:一有天無惡,二有人無郤,三同好相固,四同惡相助,五遠宅不薄。」《史記·吳王濞傳》:「同惡相助,同好相留,同情相成,同欲相趨,同利相死。」(王利器已引今本《六韜》及《史記》)皆其確證。

# 《去宥》校補

(1) 王因藏怒以待之

按:藏,《淮南子·修務篇》同,《說苑·雜言》作「懷」,義同。

(2) 荊威王學書於沈尹華,昭釐惡之,威王好制,有中謝佐制者, 〔為〕昭釐謂威王曰

高誘注:制,術數也。中謝,官名也。佐王制法制也。

按:范耕研曰:「高注『制』字前曰術數,後曰法制,必有一誤。以『法制』 爲勝。」(註44)陳奇猷曰:「『制』義未詳。高此注訓術數,下注又訓 法制,未知孰是?」下文「中謝,細人也,一言而令威王不聞先王之 術」,作「術」字。《渚宮舊事》卷3作「王好術」、「申謝佐術者」,「申」 是「中」形誤。《渚宮舊事》卷1言「楚產之尤著者……觀從〔則〕申 射士、慎子、范蠉、杜赫、昭過、江乙、陳軫」,亦誤。「書」指刑書, 法律條文。高注訓術數、法制,皆是也。于鬯謂「佐制」是人名,臆 說耳。陳直曰:「中謝爲楚之中射士也。」其說是也,射士有上中下三 等,官名。陳奇猷又曰:「《漢書·古今人表》有『沈尹華』,即此人。」 考《左傳·官公十二年》:「沈尹將中軍。」杜預注:「沈或作寢。寢,

<sup>(</sup>註43) 參見蕭旭《古書虛詞旁釋》,廣陵書社 2007 年版,第14~15 頁。

<sup>[</sup>註44] 范耕研《呂氏春秋補注》,《江蘇省立國學圖書館第六年刊》,1933 年版,第92頁。

縣也,今汝陰固始縣。」孔疏:「楚官多名爲尹。沈者,或是邑名, 而其字或作寢。《哀十八年》有『寢尹吳由于』,因解寢爲縣名,不言 寢是而沈非也。」「沈」是「寢」音轉(註45),地名。「尹」是官名。 「華」則是人名。《左傳・襄公二十四年》有「沈尹壽」,又《昭公四 年》有「沈尹射」、《哀公十六年》有「沈尹朱」、本書《當染》有「沈 尹蒸」、《尊師》有「沈申(尹)巫」(註46)、《愼行》有「沈尹戍」、 《察傳》有「沈尹筮」、《贊能》有「沈尹莖」、皆楚人、是其比也。 李惇曰:「《宣十二年左傳》『邲之戰,孫叔敖令尹也,而將中軍者爲 沈尹』,注云:「沈或作寢。寢,縣也。』《韓詩外傳》所載楚樊姬事, 與《淮南子》、《新序》正同,但《淮南》、《新序》並曰虞邱子,惟《外 傳》則曰沈令尹,乃知沈尹即虞邱子。令尹者其官,沈者其氏或食邑 也。」孫詒讓曰:「李說是也。沈尹莖,《呂氏春秋,察傳篇》又作『沈 尹筮』,字形並相近,未知孰爲正也。(註 47) 李氏謂「沈者其食邑」 是也,而云「沈者其氏」則誤,孫氏未辨。畢沅校《贊能》,謂「莖」 當作「筮」。許維遹曰:「《文選・五君詠》注、《渚宮舊事》引『莖』 作『筮』,與《察傳篇》合。」蔣維喬等曰:「畢校是也。他書作『蒸』、 『巫』、『華』及此作『苹』,皆形近之誤。《御覽》卷 424、《文選・五 君詠》注、《渚宮舊事》正作『筮』、且與《察傳篇》合、可證也。吳 闛生謂『莖』乃『筮』之或體,無當。」陳奇猷曰:「范耕研謂『尹』、 『申』、『蒸』、『莖』、『巫』、『筮』、『竺』皆傳寫之誤,特不知孰爲正 字,其說最通。」考上博簡(六)《莊王既成》作「驇(沈)尹子桱」 (註48),則作「沈尹茲」是正字。

### (3)王不說,因疏沈尹華

按:疏,《渚宮舊事》卷3誤作「流」。

<sup>[</sup>註45] 參見蕭旭《〈史記〉校札》,收入《群書校補(續)》,花木蘭文化出版社 2014 年版,第1999頁。

<sup>[</sup>註46] 《治要》卷39引作「沈尹筮」,《新序·雜事五》作「沈尹竺」。

<sup>[</sup>註47] 孫詒讓《墨子閒詁》,中華書局 2001 年版,第 15 頁。李惇説見《群經識小》卷 5,收入《續修四庫全書》第 173 册,上海古籍出版社 2002 年版,第 46 頁。

<sup>[</sup>註48] 馬承源主編《上海博物館藏戰國楚竹書 (六)》,上海古籍出版社 2007 年版,第 242 頁。

# 《正名》校補

(1) 名正則治,名喪則亂

按:王利器引《管子·樞言》「有名則治,無名則亂,治者以其名」。按《管子·樞言》「名正則治,名倚則亂,無名則死,故先王貴名」亦當引之。《長短經·適變》引《申子》:「昔者堯之治天下也以名,其名正則天下治;桀之治天下也亦以名,其名倚而天下亂,是以聖人貴名之正也。」此皆本書所本。《韓子·揚權》:「名正物定,名倚物徙。」亦本之。倚,邪也。

(2) 故君子之說也……足以喻治之所悖,亂之所由起而已矣 高誘注:喻,明。悖,惑。

按:金其源從高注。馬敘倫曰:「悖借爲蔽。」陳奇猷曰:「悖,逆也。」 諸說並誤。王利器曰:「以下句例之,『悖』上當有『由』字。」劉如 瑛曰:「悖,通『勃』,興起之意,與『起』互文。『悖』上當有『由』 字。畢沅引盧說,謂悖、勃通,且云高注『惑』疑是『盛』之訛,其 說是。」王、劉說是也,「悖」上亦可能脫「從」字。《慧琳音義》卷 32 引《蒼頡篇》:「勃,出也。」又卷 72 引《爾雅》:「勃,作也。」 言君子之說,足以明治亂之所由興作也。

(3) 夫賢不肖、善邪辟、可悖逆,國不亂、身不危,奚待也 高誘注:不肖者賢之,邪辟者善之,悖逆者可之也。言亂亡立至,無所 復待也。

按:待,讀爲得。「奚待」即本書《知接》「奚由相得」、「無由相得」之誼。 本書《下賢》:「奚時相得」亦同,時亦由也。

### (4) 居鄉則悌

按:《公孫龍子·跡府》、《孔叢子·公孫龍》作「處鄉則順」。

(5) 尹文曰:「竊觀下吏之治齊也,方若此也。」

按:《公孫龍子·跡府》「方」上有「其」字,當據補。方,猶道也、術也。 楊樹達、陳奇猷謂「方」訓「正是」,非是。

# 《審分覽》卷第十七校補

# 《審分》校補

(1) 今以眾地者,公作則遲,有所匿其力也;分地則速,無所匿遲也。 主亦有地,臣主同地,則臣有所匿其邪矣,主無所避其累矣

按:《治要》卷 36 引《尸子》:「使眾者,詔作則遲,分地則速,是何也?無所逃其罪也。言亦有地,不可不分也。君臣同地,則臣有所逃其罪矣。故陳繩則木之枉者有罪,措準則地之險者有罪,審名分則群臣之不審者有罪。」(註1)劉咸炘、王利器指出此乃本書所本。彭鐸曰:「疑『公』本作『召』,與『詔』通。」其說是也。「主」當是「言」形誤。以,猶使也。孫鳴鏘曰:「今以眾地者,謂以眾治地。」以「地」爲動詞,亦是也。馮振曰:「以,與也。公,共也。」(註2)高亨曰:「『眾地』當作『眾作』,『公作』當作『公地』。」楊樹達曰:「眾地,謂眾人公有之地。以,用也。孫說非。」陳奇猷曰:「『眾』蓋『共』之假字。孫、楊皆非。高亨所改殊謬。」諸說皆誤。

(2) 人與驥俱走,則人不勝驥矣;居於車上而任驥,則驥不勝人矣 按:上「人」字,王利器曰:「《治要》『人』作『今』,《金樓子,立言篇下》

<sup>[</sup>註1] 《長短經·適變》引脫「措準則地之險者有罪」九字,餘同。《意林》卷1引 末三句,「險」上有「廢」字。

<sup>[</sup>註2] 馮振《呂氏春秋高注訂補(續)》,《學術世界》第1卷第10期,1935年版,第85頁。

同。《淮南子·道應篇》:『人與驥逐走,則不勝驥;託於車上,則驥不能勝人。』」《御覽》卷 896 引亦作「今」;又卷 394 引《吳氏春秋》同,當即本書,涉上條引《吳越春秋》而誤。「今」是假設之辭。《意林》卷 2、《黃氏日抄》卷 56 引同今本作「人」,蓋據《淮南子》而改。

(3) 則眾善皆盡力竭能矣, 諂諛詖賊巧佞之人無所竄其姦矣 高誘注: 竄, 猶容也。

按:無所,猶言不得。楊樹達曰:「竄,匿也。視訓容爲切。」馮振說同(註3)。王利器曰:「《荀子·儒效篇》:『惠施、鄧析不敢竄其察。』楊註:『竄,隱匿也。』又《大略篇》:『貧窶者有所竄其手。』楊註:『竄,容也。』《潛夫論・考績篇》:『而佞巧不得竄其姦矣。』」高注竄訓容不誤,容是容置、安措、施用之義。本書《君守》:「險陂讒慝諂謏巧佞之人無由入。」高注:「無從自入而見用也。」可移以釋此文。汪繼培引此文高注,是也。彭鐸曰:「《字林》:『竄,逃也。』」(註4)彭說非是。

### (4) 堅窮廉直

高誘注:堅,剛也。

按:窮,劉師培謂「叡」譌;章太炎讀爲空,訓誠殼;譚戒甫讀爲匔,訓 謹敬;陳奇猷謂「匑」、「窮」同,章、譚說是。余讀窮爲鞏,《爾雅》: 「鞏,固也。」

(5) 故按其實而審其名,以求其情;聽其言而察其類,無使放悖 按:類,《治要》卷39引同,當作「貌」,形之譌也。

### (6) 幽厲之臣不獨辟

高誘注:殺戮不辜曰厲,壅過不達曰幽,皆惡謚也。

按:畢沅曰:「《逸周書》、《獨斷》、蘇明允皆作『壅遏』。」畢氏未判斷正 誤。《逸周書·諡法解》、《獨斷》卷下「達」作「通」,義同。「過」 是「遏」形誤。「壅遏」與「不達(通)」義相承。《淮南子·主術篇》:

<sup>[</sup>註 3] 馮振《呂氏春秋高注訂補(續)》,《學術世界》第 1 卷第 10 期,1935 年版, 第 85 頁。

<sup>[</sup>註 4] 汪繼培、彭鐸《潛夫論箋校正》,中華書局 1985 年版,第 63 頁。

「守官者雍遏而不進。」又《天文篇》高誘注:「擁遏未通。」《御覽》卷 208 引《尚書大傳》:「溝瀆擁遏,水爲民害。」《玉篇》:「堨,擁 堨也」「雍遏」、「擁遏」、「擁堨」並同「壅遏」。《賈子·修政語下》引《鬻子》:「無夭遏之誅。」一本「夭遏」作「大過」。《文選·辨命論》李善注引《莊子》司馬彪注:「徑廷,激遏之辭。」當作「激過」。皆二字相譌之例。

#### (7) 譽以高賢,而充以卑下;贊以潔白,而隨以汙德

高誘注:充,實。以汙穢之德,隨潔白之蹤。

按:王利器從高注。馬敘倫曰:「『汙德』與『潔白』不對。『德』疑『雜』之譌,聲相近也。隨疑借爲墮,或借爲勸,歌、元對轉通假也。」楊樹達曰:「汙假爲宴。《說文》:『宴,鹵貪也。』德假爲得,謂貪得也。」陳奇猷曰:「隨,循也。『汙德』當作『汙侵』,字亦作『漫』。『汙侵』爲貪得之意。馬、楊說未允。」馬氏讀「隨」爲「墮」是也,餘說皆非。《淮南子·說山篇》:「以潔白爲污辱。」《御覽》卷820引華嶠《後漢書》:「潔白不受垢汙。」(註5)以「潔白」與「污辱」(以白造緇日辱)、「垢汙」對文。此文「潔白」指品行道德高潔,故以「汙德」與之對舉。不必拘於每字對文而改「德」字。言別人以高潔贊之,而自己墮落以汙德。下句「任以公法,而處以貪枉」,才言及「貪枉」。

## (8) 任以公法,而處以貪枉;用以勇敢,而堙以罷怯

按:馬敘倫曰:「堙疑借爲啞,《說文》:『臥也。』」蔣維喬等曰:「張本『堙』作『埋』。」陳奇猷曰:「用,行也。堙,塞也。『用以勇敢,而堙以罷怯』,猶言行以勇敢而充實以疲怯。行是外表,充實是內在。馬氏失考。」陳說未得其句法,此文「用」與「任」同義對舉,言以其有公法、勇敢而任用之,但結果卻是貪枉、罷怯。「堙」訓塞是也,與上文「實」、「充」同義。

#### (9) 知而不為,和而不矜

高誘注:和則成矣,不自矜伐。

按:馬敘倫曰:「矜借爲競。」陳奇猷曰:「和讀爲宣,布也。矜,誇也。高

<sup>[</sup>註 5] 《後漢書·南蠻傳》、《御覽》卷 786 引《九州記》同。

注非,馬說亦通。」高注是,「矜」本指矛柄,馬氏讀矜爲競者,求其本字耳,實亦取高說。《淮南子·本經篇》:「委而弗爲,和而弗矜。」《文子·下德》:「委而不爲,知而不矜。」和而不矜,謂和同於眾,而不矜伐也。此處數句皆道家之要旨。陳說誤。

#### (10) 止者不行,行者不止,因形而任之,不制於物,無肯為使

高誘注:止者不行,謂土也。行者不止,謂水也。因形而任之,不令土 行,不令水止也。不制物者,不爲物所制,物不能制之也。若 此人者,王公不能屈,何肯爲人之使令者乎?

按:陶鴻慶曰:「無肯爲使,言不爲物役,高注非。」其說是也,王利器申其說。陳奇猷曰:「畢校本改『形』作『刑』,然畢氏無說。馬敘倫、許維遹、蔣維喬謂當作『形』。案馬、許、蔣說非也。形、刑通,但以『刑』爲正。刑,法範也。讀形本字,無義。」陳說殊誤,陳氏以此篇爲法家之言,故必解爲「法」。此處數句明是道家無爲之說,陳氏未得其誼。《管子·心術上》:「無爲之道因也。因也者,無益無損也。以其形,因爲之名,此因之術也。」此雖法家語,亦由道家學說而出。「以其形,因爲之名」正「因形而任之」之誼。《淮南子·兵略篇》:「因形而與之化,隨時而與之移。」此雖兵家說,亦由道家學說而出,可移以釋「因形而任之」。道家崇尚「因」,即無爲、順應自然之義。本書有《貴因篇》。

### (11) 此之謂定性於大湫,命之曰無有

高誘注:性,命也。大湫,猶大竇。

按:陳奇猷曰:「《說文》:『竇,空也。』《淮南·俶眞訓》:『精有湫盡而神無窮極。』以『湫』與『盡』連文、《廣雅》:『湫,盡也。』盡與空義近,故高訓爲竇。」王利器說同,而尤詳。「湫」取清靜、空虛爲義,故命之曰無有。《淮南子·原道篇》:「湫漻寂寞。」高誘注:「湫漻,清靜。」《賈子·容經》:「喪紀之志,漻然愁然憂以湫。」「愁然」即「湫然」。本書《重言》:「湫然清淨者,衰經之色也。」《意林》卷2引作「愀然」、《說苑·權謀》亦作「愀然」、《論衡·知實》作「愁然」、並同,皆形容清淨之貌。

# 《君守》校補

(1) 故曰中欲不出謂之扃,外欲不入謂之閉

按:外欲,徐仁甫據《淮南子·主術篇》、《文子·上仁》校作「外邪」。 閉,《淮南》作「塞」。

(2)惟彼君道,得命之情,故任天下而不彊,此之謂全人

按:彊,四部叢刊本誤作「疆」。《文選·解尚書表》:「是以僶俛從事,自同全人。」李善注引此文作「強」。彊、強,正、借字,猶言勉強、僶俛、努力。言如此則任天下而不須勉強也。《管子·任法》:「上以公正論,以法制斷,故任天下而不重也。」重猶難也,義亦相會。高亨讀彊爲僵,訓債仆,陳奇猷、王利器從其說,非是。

# 《任數》校補

(1) 且夫耳目知巧,固不足恃,惟脩其數、行其理為可 高誘注:理,道。

按:陳奇猷曰:「行有察義。理謂成物之文。高注未允。」陳說誤。「脩」當作「循」,遵循也。「循其數」即篇名「任數」之誼。本書《序意》:「行也者,行其理也。行數,循其理,平其私。」「行其理」與「循其數」猶言遵行其規律、術數。

#### (2) 北懷儋耳

按:儋耳、《賓退錄》卷4引同、《意林》卷2引作「弭耳」、《子略》卷4引作「靡耳」。「弭」、「靡」古通、然國名「弭(靡)耳」無考、當是譌字。《山海經・大荒北經》:「有儋耳之國、任姓、禺號子、食穀。」郭璞注:「其人耳大下儋、垂在肩上。」亦作「耽耳」、《淮南子・墬形篇》:「誇父、耽耳在其北方。」高誘注:「耽耳、耳垂在肩上。耽讀〔褶〕衣之褶(「褶」字據王念孫說補)、或作攝。以兩手攝耳、居海中。」王念孫曰:「褶、攝二字聲與耽不相近、耽字無緣讀如褶、亦無緣通作攝也。耽皆當爲耴、今作耽者、後人以意改之耳。《說文》:『耴、耳垂也。』《廣韻》:『耴耳,國名。』正謂此也。字或作聶、《海外北經》

云:『聶耳之國在無腸國東,爲人兩手聶其耳,縣居海水中。』即高注 所云『以兩手聶耳,居海中』者也。<br/>
東與聶聲相近,故《海外北經》 作聶。耴與褶、攝聲亦相近,故高讀耴如褶,而字或作攝。」(註 6) 「儋耳」是南越國名,今海南島是也,參見《史記・貨殖列傳》及《漢 書·武帝紀》、《昭帝紀》、《地理志》、《南粤傳》,王利器指出又稱作「緩 耳」、《水經注·溫水》謂即「離耳」、本字作瞻、《說文》:「瞻、垂耳 也。」「儋耳」非北方國名,北方國名當作「耴耳」,音轉又作「聶耳」, 「耴」譌作「耽」,又改作「儋」(註7)。《駢雅》卷5:「八極:…… 北曰祝栗曰儋耳。」所據亦是誤本《呂氏》。畢沅曰:「《大荒西經》〔注〕 作『闐耳』(原文脫「注」字)。」松皋圓曰:「『儋耳』在南海,宜以 『闐耳』爲正。」松氏知「儋耳」是誤字,而未得正字。劉師培曰:「《山 海經》注引作『闡耳』,蓋『闡』通作『耴』,別本作『耴』,因訛爲『耽』, 與《淮南》同。又易爲『儋』,輾轉承訛。」譚戒甫曰:「《海內北經》 有『闡非』,郝懿行云:『伊尹《四方令》云「正西闡耳」,疑即此,「非」、 「耳」形相近。』據此頗疑『闖非』爲『闖茸』之誤,『耳』即『茸』 之省文。此『儋』乃『闐』之假,不爲字誤也。劉謂輾轉承訛,似不 然矣。」蔣維喬等曰:「《恃君覽》云『雁門之北,儋耳所居。』《淮南・ 覽冥篇》亦云『北有儋耳之國。』」王利器曰:「耴、貼、耽、瞻,諸 字音義並近。」陳奇猷曰:「此文不誤,《大荒北經》、《淮南,覽冥》 及本書《恃君》作『儋耳』可證。《逸周書・王會解》所述之伊尹《四 方令》,『闐耳』在正西,當非此『儋耳』。」劉師培說本不大誤,譚戒 甫混作西方之「闖耳」,陳奇猷、王利器已駁之;而陳奇猷謂「儋耳」 不誤,則亦失考也。

#### (3)無唱有和,無先有隨

按:本書《審應》:「人唱我和,人先我隨。」《史記·太史公自序》:「主倡而臣和,主先而臣隨。」皆足互證。《管子·白心》:「人不倡不和,天不始不隨。」這是否定句式。

<sup>[</sup>註 6] 王念孫《淮南子雜志》,收入《讀書雜志》卷 13,中國書店 1985 年版,本卷 第 9~10 頁。

<sup>[</sup>註7] 參見黃暉《論衡校釋》,中華書局 1990 年版,第382~383 頁。

(4) 習者曰:「一則仲父,二則仲父,易哉為君。」

高誘注:習,近習,所親臣也。

按:劉師培謂「習」當從《書鈔》卷 49 引校作「贊」 (註8) 。陳奇猷曰: 「《韓非》作『優笑』,《新序》作『在側者』,義皆同也。」習者,《論 衡·自然》作「左右」,《冊府元龜》卷 239 作「其近習者」。二「則」, 《韓子·難二》作「曰」。

#### (5) 藜羹不斟

按:畢沅曰:「『斟』乃『糂』之訛。《愼人篇》作『糝』。」向宗魯說同 (註9)。許維遹曰:「《墨子·非儒下篇》、《荀子·宥坐篇》並作『糂』, 楊注:『糂與糝同。』《說文》云:『古文糂從參。』」王利器曰:「《莊 子·讓王篇》、《韓詩外傳》卷7、《說苑·雜言篇》作『糝』。《淮南子· 繆稱篇》:『羊羹不斟而宋國危。』羹不斟字用法正與此同……不必遽 定爲訛字也。」王氏引《淮南》非也,二文不同。《文選·君子行》李 善注、《類聚》卷79、《御覽》卷838引此文作「糁」(註10)。《冊府 元龜》卷842亦誤作「斟」。譚步雲曰:「不斟:〔形〕稍有增加、隨之 減少;疾病稍愈、隨即加劇。《方言》:『斟,益也。南楚凡相益而又少 謂之不斟。凡病少愈而加劇亦謂之不斟。』(卷三)《呂氏》云云。」 (註11) 譚氏據誤字爲說,失之愈遠。

### (6) 顏回索米,得而爨之

按:《類聚》卷 79、《御覽》卷 838 引「爨」上有「來」字,《冊府元龜》卷 842 同。

#### (7) 孔子望見顏回攫其甑中而食之

按: 攫,《論衡,知實》作「掇」。

#### (8) 食潔而後饋

按:孫志祖曰:「《御覽》卷 838『後』作『欲』,李善注《文選·君子行》

<sup>(</sup>註8)劉師培《呂氏春秋斠補自序》,《國學叢刊》第2卷第4期,1925年版,第126 頁。

<sup>[</sup>註 9] 向宗魯《説苑校證》,中華書局 1987年版,第 422 頁。

<sup>[</sup>註10] 《類聚》據宋紹興刻本,四庫本亦誤作「斟」。

<sup>[</sup>註11] 譚步雲《古楚語詞彙研究》,花木蘭文化出版社 2015 年版,第 189 頁。

作『食潔故饋』。」《御覽》卷 838 引「而後」作「欲」,《類聚》卷 79 引同(又引「潔」作「絜」),《冊府元龜》卷 842 亦同,孫氏失檢。「欲」是「故」形譌。陳奇猷曰:「『食潔而後饋』義不可通,蓋孔子祗見顏回攫甑中而食之,並未見煤室入甑,自不當言『食潔而後饋』。余謂當作『饗而後饋』。」陳氏妄改,不可信也。顏回攫甑中而食之,以手取之,是則不潔也,故孔子有此語。

#### (9) 嚮者煤室入甑中

高誘注:煤室,煙塵之煤也。入猶墜也。

按:煤室,《文選·君子行》李善注引作「炱煤」,引高注作「炱煤,煙塵也。炱讀作臺。入猶墮也」;《御覽》卷838引作「埃煤」,《類聚》卷79引作「埃煤」,引高注作「埃煤,煙塵煤也」;《家語·在厄》作「埃墨」,《御覽》卷181引作「埃塵墨」,又卷850引作「埃塵」;《白氏六帖事類集》卷4引作「塵」,又引下文「埃墨」作「焙煤」,又卷28亦作「焙煤」。畢沅改「煤室」作「煤炱」,改注作「煤炱,煙塵也。入猶墮也」,曰:「室與炱形近致訛。」王引之曰:「今本《家語》『炱』誤作『埃』,蓋『炱』字似『矣』而誤爲『矣』,後人又加『土』旁耳。墨、煤古同聲。案『煤室』當作『臺煤』,臺與室相似而誤,蓋正文借臺爲炱。今本『臺煤』二字誤倒。畢校非也。」(註13)蔣維喬、王利器並從王引之說。王氏謂「『室』當作『臺』,借臺爲炱」是,餘皆失之。「炱煤」二字平列,故可倒作「煤臺」也(註14)。陳奇猷曰:「『室』當係『實』之假字。『實』有顆粒結合成球之義。畢、王未之考,輾轉竄改,失之。」陳說誤考,而厚誣前人。

# 《勿躬》校補

#### (1) 祓篲日用而不藏於篋

高誘注: 祓篲, 賤物也, 日用掃除, 故不藏於篋。

<sup>[</sup>註12] 四庫本《白帖》分別在卷13、91。

<sup>[</sup>註13] 王念孫《呂氏春秋校本》説同,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第315頁。

<sup>(</sup>註14) 詳見蕭旭《孔子家語校補》,收入《群書校補(續)》,花木蘭文化出版社 2014 年版,第 433~435 頁。

按:被,四庫本、四部叢刊本誤作「被(被)」。王利器曰:「《淮南子‧說 山篇》:『鼎錯(鏏)日用而不足貴。』與此義大同。《莊子・達生篇》: 『操拔篲以待門庭。』(註15)『拔篲』即『祓篲』。《說文》:『祓,除 **熙祭也。』」王氏引二書證此文,是也,而釋「祓」則誤。「篲」是「彗」** 俗字、《說文》:「彗、掃竹也。」即今掃帚。祓、拔之言拂也、《書鈔》 卷 136、《御覽》卷 703 引秦嘉婦《與嘉書》:「今奉旄牛尾拂一枚,可 拂塵垢。」即今撣帚。《莊子》成玄英疏:「拔篲,掃帚也。」褚伯秀 曰:「拔篲,上蒲末切。李氏舊註云:『把也。』鬳齋《口義》:『同根 拔之拔。拔篲,掃帚也。』諸解略而不論,無隱范先生云:『拔讀同 拂。拂、篲皆服役者所執。』解義通而音訓未明,詳玩字形,參之以 理,而得其說。拔當是帗,傳寫小差,《監韻》帗音拂,與翇同,全 羽也,亦侍者所執。」(註16)所引李氏舊註,即《釋文》所引李頤說; 所引鬳齋《口義》,是林希逸《口義》;所引范先生說,是其師范應元 說,陸樹芝亦從范說(註17)。陸西星曰:「拔篲,拔連茹之草以爲帚。」 (註18) 官穎曰:「拔,讀作拂,拂塵具也。」(註19) 武延緒曰:「晉俗 謂平地除日拔,李訓爲把,非是。蓋拔與拂通。」(註20)馬敘倫曰: 「拔借爲帗、《說文》曰:『帗、一幅巾也。』篲爲彗或體。」(註21) 鍾泰曰:「拔讀如拂。篲,帚也。拂與帚二物皆所以去塵。」 [註 22] 王叔岷曰:「拔讀爲拂。」(註 23) 諸家讀拔爲拂是也,餘說皆非。程瑤 田曰:「余謂拔篲即拜篲,蓋以拜爲掃帚聲轉之故,謂之拔篲。」(註24) 其說非是。

<sup>(</sup>註15) 引者按:原書作「侍」,王氏筆誤作「待」。

<sup>[</sup>註16] 褚伯秀《南華眞經義海纂微》卷58,景印文淵閣《四庫全書》第1057冊,臺灣商務印書館1986年初版,第466頁。

<sup>[</sup>註17] 陸樹芝《莊子雪》卷中,嘉慶四年儒雅堂刊本,本卷第86頁。

<sup>[</sup>註18] 陸西星 (長庚)《南華眞經副墨》卷5,萬曆六年刊本。

<sup>[</sup>註19] 宣穎《南華經解》卷19,同治五年半畝園刊本。

<sup>[</sup>註20] 武延緒《莊子札記》卷2,永年武氏壬申歲刊所好齋札記本(民國21年刊本)。

<sup>[</sup>註21] 馬敘倫《莊子義證》卷 19,收入《民國叢書》第 5 編,(上海)商務印書館 1930 年版,本卷第 6 頁。

<sup>[</sup>註22] 鍾泰《莊子發微》卷 19,上海古籍出版社 2002 年版,第 419 頁。

<sup>[</sup>註23] 王叔岷《莊子校詮》,中華書局 2007 年版,第 685 頁。

<sup>[</sup>註24] 程瑤田《釋草小記》,收入《程瑤田全集》第3冊,黃山書社2008年版,第119頁。

#### (2) 虞姁作舟

按:《御覽》卷 769 引同,有注:「姁音劬、詡二音。」陳奇猷曰:「《墨子· 非儒》云:『巧垂作舟。』」孫詒讓曰:「畢云:『《書鈔》引作倕,《御 覽》作錘,《事類賦》引作工倕。』俞云:『巧垂當作功垂,字之誤也。 功垂即工垂也。是稱工垂者、工其官、垂其名。』案:《山海經・海內 經》云『義均是始爲巧倕,是始作下民百巧』,《楚辭·九章》亦云『巧 倕』,又見《七諫》。俞說未塙。」(註 25) 孫說是也,《初學記》卷 25 引《墨子》亦作「巧倕」。《類聚》卷71引《墨子》云「棄作舟」,「棄」 乃「垂」形譌。此文作「姁」,讀爲竘,指巧匠。《方言》卷7:「竘, 治也。吳越飾貌爲竘,或謂之巧。」郭璞注:「謂治作也。語楚聲轉耳。」 《廣雅》:「竘,治也。」又「竘,巧也。」蓋「竘」謂治作之巧善。《說 文》:「竘,健也。一曰匠也。讀若齲。《周書》有『竘匠』。」《小爾雅》: 「匠,治也。」《說文》竘訓匠者,亦治義,與《方言》合。《御覽》 卷 371、724 引《尸子》:「醫竘者、秦之良醫、爲宣王割痤、爲惠王治 痔,皆愈。張子之背腫,謂鈎曰:『背非吾背也,子製焉。』醫鈎善治 疾,張子委製焉。」「竘」同「竘」、《御覽》卷 743、《困學紀聞》卷 20 引正作「竘」。蓋以巧命名,故作舟之巧匠稱作虞姁,良醫稱作醫 - 竘,其義一也。《山海經·海內經》:「帝俊生禺號,禺號生淫梁,淫梁 生番禺,是始爲舟。」帝俊即嚳。郭璞注引《世本》:「共鼓、貨狄作 舟。」《類聚》卷71、《初學記》卷25、《廣韻》「舟」字條、《御覽》 卷 769 引同。《玄應音義》卷 17 引《世本》:「共鼓、貿(貨)狄作舟 舩。」(註26)又引宋忠注:「黃帝臣也。」《說文》:「舟,船也。古者 共鼓、貨狄刳木爲舟,剡木爲楫,以濟不通。」《法華玄義釋籤》卷 15 引《博物志》:「貨狄造舟。」《初學記》卷 25 引《物理論》:「化狐 作舟。」又引束晳《發蒙記》:「伯益作舟。」《路史》卷 14:「共鼓、 化狐作舟車,以濟不通。」羅荦注:「化狐即貨狄,《說文》作貨狄。 按古貨布,貨止作化。」「狐」是「狄」形譌。王筠曰:「古化、貨通 用。《物理論》作化孤,孤蓋譌字。《發蒙記》作伯益,案伯益亦作化 益、益、狄聲近、蓋即一人。惟《大荒北經》曰『番禺是始爲舟』、《墨

<sup>[</sup>註25] 孫詒讓《墨子閒計》,中華書局 2001 年版,第 294 頁。

<sup>[</sup>註26] 《慧琳音義》卷7、55、70引「貿」作「貨」。

子》曰『巧倕爲舟』,《呂覽》曰『慮姁作舟』,皆不同。」(註27)

#### (3) 乘雅作駕

舊校:「雅」一作「持」。

按:畢沅曰:「《荀子·解蔽篇》云:『乘杜作乘馬。』疑舊校『持』字乃『杜』字之誤。杜即相土也。」王國維曰:「持、杜聲相近。相土或單名土,又假用杜也。」譚戒甫曰:「畢校是也。惟頗疑『持』爲『特』誤,特、杜雙聲。正文『雅』字原本作『特』。」陳奇猷曰:「畢、王說是。但『雅』字亦不誤。《莊子·讓王》《釋文》云:『土,敕雅反。』是土、雅同韻。乘杜、乘土、乘雅一也。」乘雅,《玉海》卷 78、125、148、《小學紺珠》卷 5 引同,《冊府元龜》卷 908 亦同,《事物紀原》卷 2 引作「乘時」,《儀禮集傳通解》卷 32 作「乘特」。《竹書紀年》卷上:「帝相十五年,商侯相土作乘馬,遂遷於商丘。」王國維說得之,「時」亦「持」音轉。陳奇猷說「土、雅同韻」甚誤,所引《莊子釋文》「土,敕雅反」者,彼文是「其土苴以治天下」的釋文,「土」是「藞」的借字,「土苴」即「藞磋」、「拉雜」的轉音 [註 28],不可據以說此文。王念孫曰:「『乘杜』蓋『桑杜』之誤。相、桑古同聲,故借桑爲相。」其說亦是也。

#### (4) 豈必勞形愁弊耳目哉

按:王念孫曰:「『愁』下似脫『心』字。」(註29) 許維遹曰:「『愁』下疑脫『慮』字。」陳奇猷從許氏說,又讀愁爲揫。王利器曰:「《儀禮集傳集注》卷32引『愁』下爲『心』字,本書《當染篇》『不能爲君者,傷形費神,愁心勞耳目』云云,尤與本文相合也。」二王說是也,《墨子·當染》:「傷形費神,愁心勞意。」亦與此文義同。《莊子·漁父》:「苦心勞形以危其眞。」《淮南子·道應篇》:「苦心勞形。」又《原道篇》:「夫任耳目以聽視者,勞形而不明;以知慮爲治者,苦心而無

<sup>[</sup>註27] 王筠《説文解字句讀》,中華書局 1988 年版,第 321 頁。王氏引「狐」誤作 「孤」。

<sup>[</sup>註28] 參見蕭旭《「垃圾」考》,收入《群書校補》,廣陵書社 2011 年版,第 1390~ 1392 頁。

<sup>[</sup>註29] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第315頁。

功。」「愁心」即「苦心」。

#### (5) 神合乎太一,生無所屈,而意不可障

高誘注:太〔一〕,通(道)也。神與通(道)合生口,乃無〔所〕詘 厭;志意通達,不可障塞。

按:注語據吳承仕校正。注「詘厭」,猶言屈服。厭,服也。

# (6)故善為君者,矜服性命之情,而百官已治矣,黔首已親矣,名號 已章矣

按: 王念孫、俞樾皆改「矜」作「務」,馬敘倫、王利器從其說,馬氏又讀服爲復。陳奇猷謂諸說皆誤,讀矜爲兢、謹,訓服爲順從,皆非是。考本書《先己》:「樂備君道,而百官已治矣。」高誘注:「樂服行君人無爲之道,則百官承使化職事也。」「備」是「服」借字。可證此文「服」當訓服行。

#### (7) 墾田大邑

按:《戰國策·秦策三》:「墾草剏邑。」姚宏曰:「剏,錢、劉一作仞,曾一作入。」《史記·蔡澤傳》「剏」作「入」。《管子·小匡篇》:「墾草入邑。」《韓子·外儲說左下》:「墾草仞邑。」《新序·雜事四》:「墾田剙邑。」睡虎地秦簡《爲吏之道》:「根(墾)田人(仞)邑。」銀雀山漢簡《王法》:「豤(墾)草仁邑。」裘錫圭謂「剙(創)」乃「仞」之誤,「入」、「大」爲「人」之誤,「仞」、「人」並讀爲牣(註30)。裘說是也。許維遹曰:「仞,入也。入,得也。」陳奇猷曰:「大,擴充也。剙,剙造也。則作『大』作『剙』均通。『入』乃『大』之誤,『仞』乃『剙之誤。』」二氏皆誤。

### (8) 辟土藝粟

按:王叔岷曰:「《御覽》卷 273 引『藝』作「生」、《韓子·外儲說左下》 同。」《管子·小匡》作「聚粟」、《戰國策·秦策三》、《新序·雜事四》 作「殖穀」。藝亦殖也。

<sup>[</sup>註30] 裘錫圭《考古發現的秦漢文字資料對於校讀古籍的重要性》,收入《裘錫圭學 術文集》卷 4,復旦大學出版社 2012 年版,第 370~371 頁。

#### (9)人主知能、不能之可以君民也,則幽詭愚險之言無不職矣

按:孫鳴鏘、松皋圓疑「職」當作「識」。俞樾讀職爲識,許維遹從之。 俞說是也,「職」是「識」本字,《呂氏》存其舊。王引之曰:「暫, 讀曰漸。漸,詐欺也。遇讀『隅髊智故』之隅,字或作偶,《淮南· 原道篇》曰:『偶瞇智故,曲巧僞詐,皆姦邪之稱也。』《本經篇》曰: 『衣無隅差之削。』高誘注曰:『隅,角也。差,邪也。全帷爲衣裳, 無有邪角。』衣邪謂之隅差,人邪謂之偶髊,聲義皆相近矣。《呂氏》 曰:『則幽詭愚險之言無不戢矣。』(王氏徑改『職』作『戢』),愚亦 即『暫遇姦宄』之遇。」(註31) 陳奇猷引王念孫曰「愚即『暫遇姦宄』 之遇。『職』當作『戢』」,是誤王引之語作其父語。陳氏解「職」作 「職位」,補此文作「則幽詭愚險之言〔不入於朝,有職者〕無不職 矣」,全是臆測。陳奇猷又批評王氏「不明法家之旨,故不得『愚』 字之解而讀愚爲遇矣」,陳氏不知王氏之義,而厚誣古人。王氏讀愚 爲遇,實是解作「邪」。

# (10)若此則形性彌羸,而耳目愈精;百官慎職,而莫敢愉經 高誘注:愉,解。綖,緩。

按:王念孫曰:「『羸』當爲『贏』。贏與盈古字通。『綖』當爲『綎』。綎讀爲挺,緩也。『偷』即『偷』。此以贏、精、綎、名爲韻,若作綖,則失其韻矣。」馬敘倫曰:「愉借爲媮,『綖』蓋『緣』之別體。《說文》:『緣,偏緩也。』」楊樹達曰:「王說是矣。《說文》:『縊,緩也。』」裴學海曰:「《廣雅》:『緣,緩也。』高注訓綖爲緩者,以綖與緣古同音通用,故緣訓緩,綖亦訓緩也。『綖』在寒部,『精』、『名』皆在青部,寒青二部之字可以協韻。」(註32)陳奇猷曰:「王謂愉讀偷,改綖爲綎,是也;但改羸爲贏則非。唐卷子本《玉篇》引此作『莫敢愉綎,引注作『愉,解。綎,綬』,與王說正合,但『緩』形誤爲『綬』耳。羸,瘦也,有收斂之意。」《說文》:「綎,系(絲) 綬也。」《玉篇殘卷》引作「絲緩(綬)也」。胡吉宣曰:「高注『綖緩』即『綎綬』之形誤,言以負責愼職,不敢解綬,不任事也。」[註33]胡氏又曰:「緩解義

<sup>[</sup>註31] 王引之《經義述闡》卷3,江蘇古籍出版社1985年版,第82頁。

<sup>[</sup>註32] 裴學海《評高郵王氏四種》,《河北大學學報》1962年第2期,第113頁。

<sup>[</sup>註33] 胡吉宣《玉篇校釋》,上海古籍出版社 1989 年版,第 5355~5356 頁。

重複。上文云『百官愼職』,故接云『不敢解綬』,不任事也。王念孫校『綖』爲『綎』譌,據此可爲王說鐵證。」[註34] 胡說「不敢解綬」非是,高注「愉,解」者,非解脫義。王念孫注曰:「解,與『懈』同。」「愉綖」當從王念孫、楊樹達說,猶言懈怠。《廣雅》:「懈、緣、挻,緩也。」王念孫曰:「諸書無訓挻爲緩者,挺當爲挺之誤也。」錢大昭曰:「挻未聞,疑與延同。」王樹枏曰:「挺讀爲延。」(註35) 朱駿聲曰:「挻,叚借爲緣,字多誤作挺。」又曰:「挺,叚借爲縊。」(註36) 「挺」之訓緩,當從朱駿聲、楊樹達讀爲縊,與「挻」音異,非一字也。水泉子漢簡《蒼頡篇》:「〔抑按〕開灸疾偷廷。」「偷廷」即此文「愉綎」(註37)。

#### (11) 名實相保,之謂知道

按:劉如瑛曰:「保、孚古音同,義亦相通。孚,符信。」其說是也,孚、 保並讀爲符,信也。漢代人習言「名實相副」,副亦借字。

# 《知度》校補

#### (1) 有術之主者,非一自行之也,知百官之要也

按:范耕研曰:「一,皆也。或是衍文。」陳奇猷曰:「范前說是。或曰『一 自即一己,猶言自己一人。』亦通。」「一」猶言每一事,范氏前說近 之。

# (2) 若此則工拙愚智勇懼可得以故易官,易官則各當其任矣

按:蔣維喬等曰:「李善注《文選·從遊京口北固應詔詩》引作『若此則工 拙愚智可得而知矣』,又《長笛賦》注作『愚智勇懼可得而知』。據此, 今本疑有錯奪,當作『若此則工拙愚智勇懼可得〔而知矣〕,故易官,

<sup>[</sup>註34] 胡吉宣《〈玉篇〉引書考異》,收入《語言文字研究專輯》(上),《中華文史論 叢增刊》,上海古籍出版社 1982 年版,第 125~126 頁。

<sup>[</sup>註35] 王念孫《廣雅疏證》,錢大昭《廣雅疏義》,王樹枏《廣雅補疏》,並收入徐復 主編《廣雅詁林》,江蘇古籍出版社 1998 年第 2 次印刷,第 134~135 頁。

<sup>[</sup>註36] 朱駿聲《説文通訓定聲》,武漢市古籍書店 1983 年版,第762、873 頁。

<sup>[</sup>註37] 「抑按」據北大漢簡《蒼頡篇》補,參見抱小《說水泉子漢簡〈蒼頡篇〉之 「疾偷廷」》, http://www.gwz.fudan.edu.cn/SrcShow.asp?Src\_ID=2708。

易官則各當其任矣』。」王利器曰:「易,治也。」陳奇猷曰:「此文不誤。『故』指法典。謂人皆行其情,蒙厚純樸,則工拙愚智勇懼皆無所藏,因此可得據之法典以調整其官職……。《選》注不足據。」據《選》注二引,今本「故」是「知」形譌,「以知」即「而知」。易,讀爲施,猶言設置、任用、任命。言如此則可得而知臣下之工拙愚智勇懼,並據以任命其官職也。《荀子·王霸》:「論德使能而官施之者,聖王之道也。」「官施之」猶言任用之爲官,舊說皆未得,不具引錄。或讀易爲賜、錫,甲骨文、金文賜多作易字,亦通。《甲骨文合集》9464:「己酉卜亙貞:易禾。」陳氏解爲「調整」,非是。

(3)故子華子曰:「厚而不博,敬守一事,正性是喜。群眾不周,而務成一能。盡能既成,四夷乃平。唯彼天符,不周而周。此神農之所以長,而堯、舜之所以章也。」

高誘注:忠信爲周。

按:《路史》卷 13 引同,惟脱「群眾不周」四字。道藏本《子華子·虎會問》「厚而」上有「道之爲治」四字,「一事」作「其一」,「是喜」作「內足」,「四夷」作「四境」,「不周而周」作「不周而同」,「章也」下還有「夏后氏之所以勤也」八字。四庫本《子華子》「博」作「薄」,「博」是形譌或借字;「是喜」當作「內足」。《老子》第 38 章:「是以大丈夫處其厚不居其薄,處其實不居其華。」馬王堆帛書本二「處」作「居」,「薄」作「泊」。《韓子·解老》引作「處其厚不處其薄」,《文子·上仁》引作「居其厚不居其薄」。即《子華子》所本。「而周」當作「而同」,本書《精論》:「故未見其人而知其志,見其人而心與志皆見,天符同也。」《淮南子·本經篇》:「不言之辯,不道之道,若或通焉,謂之天府。」《文子·下德》同。「天府」即「天符」,通亦同也。馮振曰:「周,而也,徧也。」(註38) 非是。

### (4) 不伐之言,不奪之事

按:《治要》卷 39 引同,《淮南子·主術篇》、《文子·上仁》、《子華子·虎 會問》亦同。之,猶其也,指臣下。王念孫、陶鴻慶改「伐」作「代」,

<sup>[</sup>註38] 馮振《呂氏春秋高注訂補(續)》,《學術世界》第1卷第10期,1935年版,第86頁。

王利器引《管子》證其說,是也。楊樹達謂伐訓矜伐,奪當作奮,矜奮。陳奇猷謂兩說均通,失之。余舊說謂「伐」訓批駁(註39),亦誤。

#### (5) 督名審實

按:《子華子・虎會問》作「循名覈實」、《淮南子・主術篇》、《文子・上仁》 作「循名責實」。

#### (6) 以不知為道,以奈何為實

高誘注:以不知爲貴,因循長養,不〔違〕戾自然之性,故以不可奈何爲實也。

舊校:「實」一作「寶」。

按:實,畢沅、王念孫、俞樾、吳汝倫、劉文典據《淮南子·主術篇》校作「寶」,是也。《子華子·虎會問》作「寶」,《路史》卷13引同。《治要》卷39、《愛日齋叢抄》卷5引已誤作「實」。《廣雅》:「寶,道也。」王念孫引此文作疏證(註40),亦是。王利器指出《文子·上仁》此句誤作「以禁苛爲主」,是也;劉師培謂「奈何」當據校作「禁苛」(註41), 眞矣。注「戾」上王念孫據《治要》引補「違」字(註42)。

### (7) 堯曰:「若何而為及日月之所燭?」

按:《子華子·虎會問》無「及」字,《路史》卷13引亦無。《愛日齋叢抄》 卷5引已衍「及」字。吳闓生曰:「爲,讀化。」非是。

(8)禹曰:「若何而治青北、化九陽、奇怪之所際?」 高誘注:際,至也。

按:王念孫曰:「『青北』疑當作『青北』。」沈祖縣說同(註 43)。孫詒讓曰:「『青北』當作『青北』,『奇怪』當作『奇肱』。『肱』字《說文》

<sup>[</sup>註39] 蕭旭《淮南子校補》,花木蘭文化出版社 2014 年版,第 221 頁。

<sup>[</sup>註40] 王念孫《廣雅疏證》,收入徐復主編《廣雅詁林》,江蘇古籍出版社 1992 年版,第 232 頁。

<sup>[</sup>註41]劉師培《呂氏春秋斠補自序》、《國粹學報》第5卷第11期,1909年版,第5 頁;又見《國學叢刊》第2卷第4期,1925年版,第125頁。

<sup>[</sup>註42] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第315頁。

<sup>[</sup>註43] 沈瓞民(祖縣)《讀呂臆斷》,《制言》第1期,1935年版,本文第8頁。

作『太』,與『怪』形近,故譌。」陳奇猷曰:「孫說是也。『太』與『怪』形不近,此乃因後人熟習『奇怪』一詞,遂致譌誤耳。『化』字『所』字當衍。際猶間也。高訓爲至,殊不成義。」王利器曰:「疑『化』當作『北發』。」北大漢簡(一)《蒼頡篇》簡2:「賓剿向尚,馮奕青北。」「青北」疑亦「青北」之譌。陳說「化」衍,是也,而「所」字不衍。《子華子·虎會問》作「若何而治青北、九陽、奇怪之所際」,《路史》卷13引同,正無「化」字。《愛日齋叢抄》卷5引已衍「化」字。「怪」俗字作「恠」、「佐」、「佐」等形(註44),其右旁與「太」形近,故致譌耳。高注際訓至,是也,青丘、九陽、奇肱之所至,言其遠也。「際」是「接」借字。

- (9)(任登)言於襄子曰:「中牟有士曰膽、胥己,請見之。」襄子見 而以為中大夫
- 按:見,猶今言介紹。陳奇猷曰:「見讀爲顯。顯者,謂以名號顯之也。襄子未見膽、胥己而即以爲中大夫也。下『見』下當有『之』字。」陳說殊誤,《韓子·外儲說左上》載此事作:「王(壬-任)登言於襄主曰:『中牟有士曰中章、胥己者,其身甚修,其學甚博,君何不舉之?』主曰:『子見之,我將爲中大夫。』」「子見之」者,明是襄子讓任登介紹中牟之士見於己也。
- (10)襄子曰:「吾舉登也,已耳而目之矣;登所舉,吾又耳而目之, 是耳目人終無已也。」

按:《韓子·外儲說左上》二「舉」作「取」,「終」作「絕」。「絕」字誤。

(11)為中大夫若此其見也,非晉國之故 高誘注:故,法。

按:畢沅改「見」作「易」。陳奇猷曰:「畢改非是。此見亦讀爲顯。其猶而也。」畢改是,《喻林》卷 67、《廣博物志》卷 17 引正作「易」,是明代人猶見不誤之本。「若此其」、「如此其」是古書固定格式,「其」猶之也,下多接形容詞,用法不同「而」。「故」疑「政」形譌。

<sup>[</sup>註44] 參見黃征《敦煌俗字典》,上海教育出版社 2005 年版,第 136~137 頁。

(12)故小臣、呂尚聽,而天下知殷、周之王也

按:聽,《說苑·尊賢》作「聘」,疑是,與下文「聽」避複。

(13) 譬之若夏至之日而欲夜之長也,射魚指天而欲發之當也 高誘注:當,中。

按:陳奇猷曰:「若、《說苑》作『苦』、亦通。」其說非是、《說苑》作「若」、《治要》卷 43、《記纂淵海》卷 55 引同。作「苦」者、盧文弨誤改、向宗魯已辨其誤(註 45)。「譬之若」、「譬之如」句式是古書習語。

# 《愼勢》校補

(1) 凡冠帶之國, 舟車之所通, 不用象譯狄鞮, 方三千里通達

按:《路史》卷30作「冠帶之國, 舟車所至, 不用象譯狄鞮而通者, 方三千里」。

(2) 眾封建,非以私賢也,所以便勢全威

按:全,《路史》卷30 誤作「令」。

(3) 此王者之所以家以完也

高誘注:家,室也。王者以天下爲家,故所以天下爲國。 舊校:「完」一作「室」。

按:家以完,《路史》卷 30 作「家且室」。「完」當作「室」,「家」、「室」皆 用爲動詞,言王者以天下爲家爲室。諸說皆未得,不具引錄。

(4) 以齊、楚則舉而加綱旃而已矣

按:《路史》卷 30 作「以齊、楚則舉如綱旃而已」。今本「加」是「如」形 譌,「而」字衍,當乙作「如舉綱旃」。「綱」是網之大繩,「旃」是曲柄 旗。如舉綱旃,極言其易耳。譚戒甫、劉如瑛校作「舉綱而加旃」,陳 奇猷校作「舉綱加旃」,王利器校作「舉而加旃綱紀」,皆非是。

(5) 湯其無鄣,武其無岐,賢雖十全,不能成功

按:《路史》卷30無二「其」字及「全」字。

<sup>[</sup>註45] 向宗魯《說苑校證》,中華書局 1987 年版,第174頁。

#### (6) 湯武之賢,而猶藉知乎勢,又况不及湯武者乎

按:松皋圓曰:「『藉』、『知』恐殽次。」楊明照說同,王利器從松說。陶鴻慶曰:「『知』當爲『資』。」許維遹曰:「『知』字不誤。知者,接也。」蔣維喬等曰:「松、陶說疑未當也。《釋史》引『知』作『之』,義極明白,可從之。」陳奇猷曰:「陶說義長。資,助也。蔣改爲『藉之乎勢』,亦通。」蔣校是也。徐仁甫曰:「『藉知』當作『知藉』。不然,則『知』爲『之』之聲誤。」其下說是。《路史》卷30「湯武之賢」上有「以」字,「知」作「之」,當據補訂。上文「失之乎勢」,是其反筆。

#### (7) 夫欲定一世,安黔首之命

按:《路史》卷30作「今欲濟一世,安黔首」。

(8)水用舟,陸用車,塗用輔,沙用鳩,山用樏,因其勢也。者令行

按:《路史》卷 30「塗」作「泥」,「者令行」作「因其勢者令行」。畢沅補作「因其勢者其令行」,松皋圓補作「因勢者令行」,沈祖縣補作「因勢者其令行」,皆近之。馮振校作「因其勢也。〔勢便〕者〔其〕令行」 (註 46),譚戒甫補作「因其勢也。勢因者其令行」,王利器校作「因勢者其令行」,皆非是。

### (9) 嘗識及此,雖堯舜不能

按:畢沅曰:「『嘗識及此』疑是『嘗試反此』。」陳奇猷從其說。《路史》卷 30 同今本,畢說疑誤。

### (10) 諸侯不欲臣於人,而不得已,其勢不便,則奚以易臣

按:譚戒甫曰:「已當讀以,句末『臣』字疑『邪』字之誤。當讀云:『諸侯不欲臣於人而不得,以其勢不便,則奚以易邪』。」王利器從其說。陳奇猷曰:「舊讀亦通,今從舊讀。」譚氏妄改。《路史》卷30「不欲臣於人」作「非欲臣人」,餘同今本。言諸侯本不欲臣服於人,而其勢不得已也,哪裡是容易臣服的?

<sup>[</sup>註46] 馮振《呂氏春秋高注訂補(續)》,《學術世界》第1卷第10期,1935年版,第87頁。

(11) 王也者,勢也。王也者,勢無敵也

按:陳奇猷謂「王也者勢也」是衍文,是也,《路史》卷 30 正無此五字。 陳昌齊校作「王也者,勢也,勢無敵也」,陶鴻慶校上句作「王也者王 也」,皆非是。

#### (12) 立適子不使庶孽疑焉

按:適,《路史》卷30作「嫡」,下同。

(13)慎子曰:「今一兔走,百人逐之。非一兔足為百人分也,由未 定。由未定,堯且屈力,而況眾人乎?」

按:《路史》卷 30 引「慎子曰」上,尚有「彭蒙曰:『雉兔在野,眾皆逐之。 積兔在市,莫有志者。』」十九字。《路史》引「今一兔走」作「一兔 走街」,「由未定由未定」作「繇未定分,分未定」,今本當據校訂。《隋 書·文四子傳》引《慎子》:「一兔走街,百人逐之。」「走」下亦有「街」 字。下文「分已定」即是此「分未定」的反筆。陶鴻慶校作「……非 一兔足爲百人欲,由分未定也。分未定,堯且屈力,而況眾人乎」,許 維遹、王叔岷從其說。范耕研改「由」作「分」,皆不盡確。《商君書· 定分》:「一兔走,百人逐之,非以兔〔一可以分百〕也,〔由名之未定 也〕。」(註 47) 明「百人分」之「分」字不當從陶氏改作「欲」,《黄 氏日抄》卷 56 引同今本,《路史》卷 30 引《慎子》同。陳奇猷謂今本 皆不誤,則失之。

(14) 慎子曰:「積兔滿市,行者不顧,非不欲兔也,分已定矣。」

按:《黄氏日抄》卷 56 引「行」作「過」、《路史》卷 30 引《愼子》同。《路史》引「滿」作「在」。《隋書·文四子傳》引《愼子》:「積兔於市,過者不顧。豈其無欲哉,分定故也。」《商君書·定分》:「夫賣〔兔〕者滿市,而恣不敢取,由名分已定也。」(註 48)

<sup>[</sup>註47]《長短經·理亂》引作「一兔走,而百人逐之,非以兔可分以爲百,由名分之未定也」,又《適變》引作「一兔走,百人逐之,非以兔可分爲百,由名分之未定也」,《御覽》卷 638 引作「一兔走,而百人逐之,非兔一可以分百也,由名之未定也」。

<sup>[</sup>註48] 「兔」字據《長短經·理亂》引補。

#### (15) 相攻唯固則危上矣

按:吳闓生曰:「唯讀雖。」不知其何以解釋此文?《路史》卷30引《愼子》 無「唯固」二字。《說苑·正諫》作「相攻雖叛而危之」,「危之」是「危 上」之誤。雖,讀爲唯。「叛」誤作「故」,又易作「固」。

#### (16) 非而細人所能識也

舊校:「而」一作「汝」,「識」一作「議」。

按:陳奇猷曰:「而猶汝也。《說苑·正諫篇》作『議』,與舊校同。」《說苑》作「非細人之所敢議」,《路史》卷30引《慎子》作「非若細人之所議也」。「識」是「議」形譌。

#### (17) 失其數,無其勢,雖悔無聽鞅也與無悔同

按:與無悔同,《路史》卷 30 引《慎子》作「奚益」。無,讀爲亡,亦失也。 《墨子·七患》:「以七患居國,必無社稷。」孫詒讓曰:「『無』疑當 爲『亡』。」 [註 49] 亦不煩改字。

# 《不二》校補

#### (1) 墨翟貴廉

按:孫詒讓曰:「《爾雅》疏引《尸子·廣澤篇》:『墨子貴兼。』廉疑即兼之借字。」王利器申孫說。梁啓超、孫蜀丞謂「廉」是「兼」譌(註50)。《玉海》53、《困學紀聞》卷 10、《容齋四筆》卷 6 引同今本,《困學紀聞》云:「《荀子》曰:『墨子有見於齊無見於畸。』墨子有見於齊,兼愛也。」是王氏亦讀廉爲兼也。陳奇猷曰:「『廉』字似不誤。『廉』蓋即『磏』字。砥礪之意。」余謂「廉」或是「義」之譌,《墨子》有《貴義篇》。

#### (2) 有金鼓,所以一耳必(也);同法令,所以一心也

按:《御覽》卷 338、《樂書》卷 111 引無「有」、「同」二字,省文耳。王

<sup>[</sup>註49] 孫詒讓《墨子閒詁》,中華書局 2001 年版,第25 頁。

<sup>[</sup>註50] 孫蜀丞《呂氏春秋舉正》,《北京圖書館月刊》第2卷第1號,1929年版,第31頁。

利器引《孫子·軍爭》引《軍政》「言不相聞,故爲之金鼓;視不相見,故爲之旌旗。夫金鼓旌旗者,所以一人之耳目也」,是也。《六韜·犬韜·教戰》:「太公曰:『凡領三軍,必有金鼓之節,所以整齊士眾者也。將必先明告吏士,申之以三令,以教操兵起居旌旗指麾之變法。」此呂氏所本。陳奇猷改本文作「置金鼓」,非是。

# 《執一》校補

(1) 天子必執一,所以摶之也

按: 摶、《御覽》卷 77 引誤作「博」。畢沅曰:「摶與專同。」陳奇猷曰: 「摶、聚也,即今語『團結』。」陳說是也,《文子,道德》:「君必執 一,而後能群矣。」可以發明此文。

(2)田駢對曰:「臣之言,無政而可以得政;譬之若林木,無材而可以得材。」

按:二「得」,《淮南子·道應篇》作「爲」。爲,猶得也(註51)。

(3) 成馴教,變習俗

按:《冊府元龜》卷 735 同。陳奇猷曰:「朱本『馴』作『訓』,畢校本作 『訓』。案作『訓』者非也。馴爲馴服之意。許維遹、蔣維喬讀馴爲 訓,亦非。」王利器亦讀馴爲訓,是也。《御覽》卷 446 引正作「訓」。 《董子·俞序》:「將以變習俗而成王化也。」「成王化」即是教訓所 致。《列女傳》卷 1:「塗山獨明教訓而致其化焉。」是也。陳氏必謂 此篇是法家所作,馴服是法家之旨,而教訓是儒家之說,強生分別耳。

(4) 士馬成列,馬與人敵,人在馬前,援桴一鼓,使三軍之士,樂死 若生

按:《御覽》卷 446 引「桴」作「捊」,同;又「一鼓」下有「敵人在前」四字,蓋臆增,《御覽》卷 313 引同今本,《冊府元龜》卷 735 亦同。

<sup>[</sup>註51] 參見蕭旭《古書虛詞旁釋》,廣陵書社 2007 年版,第45 頁。

### (5) 傾造大難,身不得死焉

按:吳闓生曰:「傾讀爲頃,猶卒也。」王念孫、楊樹達、于省吾讀造爲遭 (註52),王利器從于說。于省吾又訓傾爲危。陳奇猷謂「傾」同「頃」, 造訓致。讀造爲遭,讀傾爲頃,是也。「死」上脫「其」字。不得其死, 謂不得以壽終也。

<sup>[</sup>註52] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢 學研究》第28卷第3期,2010年出版,第316頁。

# 《審應覽》卷第十八校補

# 《審應》校補

(1) 孔思對曰:「蓋聞君子猶鳥也,駭則舉。」

按:《孔叢子·抗志》作「蓋聞君子猶鳳也,疑之則舉」。「鳳」是「鳥」誤,《楚辭·九章·抽思》洪興祖補注引子思語正作「君子猶鳥也,疑之則舉矣」。

### (2) 孔思之對魯君也亦過矣

按:陳奇猷乙作「魯君之對孔思」,是也,《孔叢子·抗志》作子思語, 云:「臣竊謂君之言過矣」。

(3) 田詘對曰:「臣之所舉也。」

高誘注:言有是言。

按:彭鐸曰:「《論衡·知實篇》『舉』作『學』,其下文又屢言學,言學爲聖也。然則『學』字是。」王利器從其說。彭校是,但所釋則非。徐仁甫亦校作「學」,但未釋其義。本書《先職》:「所學有五盡。」楊樹達曰:「所學猶言所聞。」(註1)此文義同。黃暉曰:「此文作『學』不誤。蓋所據本不同。」(註2) 黃氏尚未悟「舉」爲誤字也。

<sup>[</sup>註1] 楊樹達《讀呂氏春秋札記》,收入《積微居讀書記》,上海古籍出版社 2006 年版,第249頁。

<sup>[</sup>註2] 黃暉《論衡校釋》,中華書局 1990 年版,第 1101 頁。

# 《重言》校補

#### (1) 援梧葉以為珪

高誘注:削桐葉以爲珪冒以授叔虞。

按:《書鈔》卷 46 引作「授(援)梧桐葉以爲珪」,引注作「翦桐葉以爲珪 而授虞也」;《類聚》卷 88 引作「援桐葉以翦珪」,《事類賦注》卷 25 引 作「剪梧葉以爲圭」,《記纂淵海》卷 95 引作「剪桐葉以爲珪」,《說苑· 君道》作「剪梧桐葉以爲珪」。

### (2) 荊莊王立三年,不聽而好讔

按:「三年」二字屬下句。王念孫曰:「立與同。《新序·雜事二》作『涖政』,今本無『政』字者,後人不知『立』字之義而妄刪之也。」《新序》作「蒞政」,王氏失檢。彭鐸、王叔岷、陳奇猷從王說,又舉《韓子·喻老》作「楚莊王莅政三年」爲證。王說未必是也,《困學紀聞》卷21引同今本,《類聚》卷24引作「楚莊王立,三年不聽朝」。「立」指立爲君,亦就是即位。《說苑·正諫》:「楚莊王立爲君,三年不聽朝。」《類聚》卷20引無「爲君」二字。《史記·楚世家》:「莊王即位,三年不忠。」《吳越春秋·王僚使公子光傳》:「楚莊王即位,三年不聽國政。」《渚宮舊事》卷1:「莊王即位,三年不聽朝而好隱。」

### (3) 其不鳴,將以覽民則也

高誘注:覽,觀。

按:《韓子·喻老》作「觀民則」、《新序·雜事二》作「觀群臣之慝」。則, 讀爲賊;或讀爲側,邪僻不正也,與「慝」義近(註3)。王利器曰:「則, 法也。」趙仲邑曰:「則讀作惻。民惻,人民的痛苦。」(註4)皆非是。

### (4) 有執蹠廂而上視者

高誘注:蹠,踰。

按:孫志祖曰:「疑『蹠縮』即『柘杵』之譌。」畢沅曰:「『縮』字無考。 注以踰訓蹠,亦難曉。《說苑·權謀篇》作『執柘杵』。梁仲子云:『《墨

<sup>[</sup>註 3] 參見蕭旭《韓非子校補》,花木蘭文化出版社 2015 年版,第 97 頁。

<sup>[</sup>註 4] 趙仲邑《新序詳注》,中華書局 1997 年版,第66 頁。

子·備穴篇》云:「用掃若松爲穴戶。」不知掃何物,字與駱相似。』」孫詒讓曰:「駱疑枱之異文。《說文》:『枱,耒耑也。』此『蹠駱』猶言『蹠耒』、『跖钁』也。『柘杵』亦即『跖枱』之譌。注『踰』當爲『蹋』。」譚戒甫曰:「疑『蹠駱』即『席飴』之譌字。」孫詒讓說至確,陳奇猷、王利器從其說,陳氏又云:「『駱』與『枱』皆『利』之異文。本書《審時》有『秮』字,蓋即『駱』之省文。《說文》『枱』即『秮』誤從木者。」陳氏則是臆說。《說文》:「梠,臿也。梩,或從里。」「梠(梩)」與「枱」音義全同,字亦作鈶、觪,俗字又作耜、耛、枞、杞、耙,豈得遽斷爲誤字?其語源是「剚」,刺入土中也(註5),而不是「利」。《管子·小問》作「執席食」,《金樓子·志怪》作「藝席」,《資治通鑑外紀》卷4作「倚杵」,《冊府元龜》卷734作「執蹠胎」,皆誤。

### (5) 艴然充盈, 手足矜者, 兵革之色也

按: 矜,王念孫訓奮動,引《管子·小問》作「手足拇動」爲證。《列女傳》 卷 2 作「忿然充滿手足矜動者,攻伐之色」,亦其確證。

### (6) 君呿而不坠,所言者莒也

高誘注: 呿, 開。 唫, 閉。

按:方以智曰:「《荀子》:『金口蔽舌。』金即噤,古噤、唫、吟隨用。……亦作辞,《說文》:『口閉也。』……《呂覽》 唫是唫訛。」(註6) 畢沅曰:「『唫』本或作『唫』。《說苑》作『吁而不吟』。」朱珔曰:「唫爲噤之假借。」朱駿聲說同(註7)。范耕研曰:「王筠謂:『呿乃山之誤,《說文》:「山,張口貌。」』王說是也。」譚戒甫曰:「《管子》作『口開而不闔』。『唫』當假爲『噤』,《說文》:『噤,口閉也。』」蔣維喬等曰:「『佺』疑爲『唫』之壞字,《日抄》亦作『唫』。」汪榮寶曰:「《說文》無『呿』,即『胠』之異文。」(註8)《冊府元龜》卷734、

<sup>[</sup>註 5] 參見王念孫《廣雅疏證》,收入徐復主編《廣雅詁林》,江蘇古籍出版社 1992 年版,第656頁。

<sup>(</sup>註 6) 方以智《通雅》卷 18,收入《方以智全書》第1冊,上海古籍出版社 1988年版,第 638 頁。

<sup>[</sup>註7] 朱珔《說文假借義證》,黃山書社 1997 年版,第82 頁。朱駿聲《說文通訓定聲》,武漢市古籍書店 1983 年版,第94 頁。

<sup>[</sup>註8] 汪榮寶《論阿字長短音答太炎》,《學衡》第43期,1925年版,第9頁;此文

《資治通鑑外紀》卷4作「呿而不唫」、《韓詩外傳》卷4作「口張而 不掩、舌舉而不下」、《金樓子・志怪》作「口開而闔」、「闔」上脫「不」 字。「全」是「唫」形誤,方、朱、譚讀爲噤,是也。王利器指出《淮 南子·泰族篇》「是以天心呿唫者也」,正作「呿唫」;又引《慧琳音 義》卷 36、47 引《桂苑珠叢》「引氣而張口曰欠欸」(引者按:卷1、 79 所引,王氏誤記),指出「欸即呿也」,皆是。《玄應音義》卷2引 《通俗文》:「張口運氣謂之欠故。」又卷 4:「欠故:又作呿,同。《埤 蒼》:『張口頻伸也。』」《慧琳音義》卷3:「欠故:《埤蒼》云:『欠故, 張口也。』案欠款,張口引氣也,或作呿。」《玉篇》:「敖,張口也。」 《集韻》:「故,出氣。」謂張口呼氣。本字爲噓,《說文》:「噓,吹 也。」《玉篇》引《聲類》:「出氣急曰吹,緩曰噓。」《太玄・玄攤》: 「噓則流體,唫則凝形。」范望注:「噓謂呼也。唫猶噏也。」「噓唫」 即本書「呿唫」,此呿讀噓之確證也。「吁」亦「噓」借字。范耕研取 王筠說,非是。《莊子‧秋水篇》:「公孫龍口呿而不合,舌舉而不下。」 「呿」與本書正同,決非誤字也。《素問·寶命全形論》:「呿吟至微。」 又「虛實呿吟,敢問其方。」王冰注:「呿謂欠呿。吟謂吟嘆。」「呿 吟」亦即本書「呿唫」,王冰注「呿」得之,而於「吟」則未達厥誼。 《論衡·知實》作「君口垂不險,所言莒也」,宋翔鳳曰:「凡出莒字, 必口垂不險,若齊晉字用齒,魯邾字用舌,惟言莒獨異。」(註 9) 劉 盼遂曰:「疑噞當爲唫之聲借。《管子·小問篇》載此事作『開而不闔』, 《呂氏春秋・重言篇》作『呿而不唫』、《說苑・權謀篇》作『吁而不 吟』,《顏氏家訓·音辭篇》作『開而不閉』。諸書皆言管仲張口言莒。 此獨稱口垂不噞,故決斯爲誤也。又案此四字或原作『口噞不垂』。」 (註 10) 蔡偉曰:「『口垂不噞』的『垂』當是『去』的誤字。《上博五· 君子爲禮》簡 6:『毋欽毋去。』季旭昇以爲似可讀爲『毋欠毋呿』, 不要打呵欠,也不要沒事把嘴吧張得大大的;或『毋吟毋噱』,不要 歎氣,也不要大笑。陳劍認爲『欽』當讀爲『唫』或『噤』,指閉口。

又見《華國月刊》第2卷第9期,1925年版,第13頁:又見《北京大學研究所國學門月刊》第1卷第1期,1926年版,第135頁。

<sup>[</sup>註9] 宋翔鳳《管子識誤》,收入《過庭錄》卷14,《續修四庫全書》第1157 册,上 海古籍出版社2002 年版,第533 頁。

<sup>[</sup>註10] 劉盼遂《論衡集解》,古籍出版社 1957 年版,第533 頁。

《墨子·親士》:『臣下重其爵位而不言,近臣則喑,遠臣則唫。』畢 沅校注:『與噤音義同。』《呂氏春秋》高誘注云云。又銀雀山漢簡《曹 氏陰陽》有一段話說:『名去(呿)者勝而唫者敗何也?夫去(呿)生而 唫死,此其大柈也。若事之陰陽不然,夫春夏者方啓,去(呿)者順陽 勝,秋冬者閉臧(藏),唫者順陰勝,故以其時決成敗。』整理小組 把『去』括注爲『呿』。是戰國楚簡、漢簡、《論衡》皆以『去』爲『呿』。 裘錫圭認爲,從字音和字形來看,『去』應該就是當開口講的『呿』的 初文,則楚簡、漢簡及《論衡》以『去』爲『呿』,顯然是淵源有自的。又按『口垂〈去〉不噞』的『噞』當讀爲『斂』。」(註11)劉盼遂讀噞爲唫,是也,亦可讀爲噤。陳劍讀欽爲唫(噤)亦得之。「垂」非誤字,當取宋翔鳳說。過去關於「呿、莒」古音有過一場爭論(註12),余不 諳古音,茲從略。

# 《精論》校補

### (1)海上之人有好蜻者

高誘注: 蜻,蜻蜓,小蟲細腰四翅,一名白宿。

按:王引之曰:「《禮記·曲禮》鄭注曰:『青,青雀,水鳥。』『青』字或作『蜻』、《呂氏》云云、《列子·黃帝篇》『蜻』作『漚』、『漚』與『鷗』同,亦水鳥也。《文選·雜體詩》:『青鳥海上游。』李善注引阮籍《詠懷詩》曰『誰云不可知,青鳥明我心』,又引《呂氏》『有好青者』。作『蜻』者,借字耳。今本高注殆後人而改。」陳奇猷曰:「王說是。《說文》:『鯖,鵁鯖也。』《爾雅》『鵁』字下注云『似鳧』。鳧是水鳥。疑『蜻』之本字爲『鯖』,後誤作『蜻』耳。」「鯖」是本字,「蜻」是借

<sup>[</sup>註11] 蔡偉《誤字、衍文與用字習慣——出土簡帛古書與傳世古書校勘的幾個專題研究》,復旦大學 2015 年博士學位論文,第71~72 頁。

<sup>[</sup>註12] 參看章太炎《與汪旭初論阿字長短音書》,《華國月刊》第 1 卷第 5 期,1924年版,第 2 頁:此文又見《北京大學研究所國學門月刊》第 1 卷第 1 期,1926年版,第 110 頁。汪榮寶《論阿字長短音答太炎》,《學衡》第 43 期,1925年版,第 12~13 頁;此文又見《華國月刊》第 2 卷第 9 期,1925年版,第 17~18 頁;又見《北京大學研究所國學門月刊》第 1 卷第 1 期,1926年版,第 137~138 頁。汪榮寶《與太炎論音之爭》,《甲寅周刊》第 1 卷第 5 號,1925年版,第 11 頁。

字,「青」則是省文,非關誤字也。李善注引作「青」者,李氏喜改其字以從正文,此《選》注通例,未必李氏所見《呂氏》即作「青」字。字亦作鶄,《廣韻》:「鶄,鶄鷗鳥也。」《御覽》卷 925 引《南越志》:「江鷗,一名海鷗,在漲海中隨潮上下,常以三月,風至乃還洲嶼,生卵,似雞卵,色青,頗知風雲。」其名「鯖」者,以色澤名之耳;其名「鷗」者,言如浮漚,以形狀名之耳。《六書故》卷 19:「鷗,古單作漚。或曰:以其浮游水上,狀似浮漚,因以名之。」「浮漚」音轉又作「涪漚」,是「培塿」轉語,圓形高起之義(註13)。

### (2) 其父告之曰:「聞蜻皆從女居,取而來,吾將玩之。」

按:《御覽》卷 950 引「蜻」誤作「蜻蛉」,「玩」作「翫」,餘同。《文選·雜體詩》李善注引作「聞汝從靑遊,盍取來,吾欲觀之」。疑今本「取」上脫「盍」字。「盍」是命令副詞,「而」是連詞。陳奇猷曰:「而猶其也。」王利器曰:「而猶將也。」皆非是。

### (3) 若夫人者,目擊而道存矣

舊校:「擊」一作「解」。

按:許維遹曰:「作『解』非。《莊子·田子方篇》文與此同。郭注:『目裁往,意已達。』《釋文》引司馬云:『見其目動而神實已著也。擊,動也。』」王利器曰:「解謂解遘也。」陳奇猷曰:「王先謙引宣云:『目觸之而知道在其身』,斯得其義。司馬釋爲見其目動,非是。『解』疑爲『觸』字之壞誤。郭注以目擊爲孔子之目往,《釋文》以目擊爲溫伯雪子之目動。」陳氏辨郭與司馬義不同,是也,而餘說皆誤。司馬彪說是,成玄英疏同。擊,讀爲壞、掣,掣動也。作「解」者,是音轉借字,字亦作縣,馬王堆帛書《五十二病方》:「嬰兒瘈者,目縣(解)晚然。」「目縣」即「目乃瞤瘛」,指眼內牽引瞤動(註14)。

### (4) 孔子曰:「淄、澠之合者,易牙嘗而知之。」

按:「合」上當據《淮南子·氾論篇》、《道應篇》補「水」字,《列子·說符》 亦脫。

<sup>[</sup>註13] 參見蕭旭《麵食「餺飥」、「餢飳」、「蝎餅」名義考》。

<sup>[</sup>註14] 參見蕭旭《馬王堆古醫書校補》。

(5)公曰:「吾於衛無故,子曷為請?」

按:於,《列女傳》卷2作「與」。與,猶於也。

(6) 管仲曰:「君之揖朝也恭,而言也徐。」

按:揖朝,《冊府元龜》卷 734、《資治通鑑外紀》卷 4 同,《列女傳》卷 2 作「蒞朝」,即「蒞朝」。徐仁甫謂當乙作「朝揖」,非是。

# 《離謂》校補

(1)鄭國多相縣以書者,子產令無縣書,鄧析致之;子產令無致書, 鄧析倚之

按:范耕研曰:「書者,文字。縣書者,張之通衢,俾眾周知之也。致書者,投遞之也。倚者,依也。倚書者,依倚他物雜而寄之。」楊樹達曰:「致、置古通用。致謂直立之。倚謂邪置之。」王啓湘曰:「縣,古懸字。縣書,蓋今匿名揭帖之類。致書,蓋今送匿名信之類。倚蓋夾雜他物中而致送之。」王利器曰:「致書爲傳書之義也。倚讀爲踦,謂有所踦邪也,即有所偏也。」陳奇猷曰:「諸家所說,與下文『可不可無辨』之義不相蒙。《廣雅》:『縣,抗也。』縣書者,以書相對抗也,即今所謂『答辯』。致、緻古今字,猶文飾也。致書,謂文飾法律。倚,偏也。倚書者,謂曲解法律條文。」范說近之,王利器舉例說明「縣書」是周秦一時風會,亦確。「致書」、「倚書」所指爲何,雖不能確考,但陳說殊誤,則可知也。《廣雅》:「抗、絓,縣也。」又「縣,抗也。」抗、縣互訓,皆懸掛義,「絓」同「掛」。《方言》卷7:「佻、抗,縣也,趙、魏之閒曰佻,自山之東西曰抗,燕、趙之郊縣物於臺之上謂之佻。」陳氏不考,竟解爲「對抗」,殊誤。「緻」無文飾義,「倚」無曲解義,陳氏皆臆說。

(2) 民之獻衣襦袴而學訟者,不可勝數

按:學,《黃氏日抄》卷56引誤作「舉」。

(3)聽言而意不可知,其與橋言無擇 高誘注:橋,戾也。擇,猶異。 按:胡文英曰:「橋,不平也,吳諺謂不平曰坳橋。」(註15)朱駿聲曰:「橋, 叚借爲矯。」(註16)于鬯曰:「橋言者,即《史記·扁鵲傳》所謂『舌 **撟然而不下』**, 舌撟然而不下, 則不知其所以言。橋之言撟也。」范 耕研曰:「橋,借爲矯。以詐用法曰矯。」王利器曰:「橋言猶言矯飾 之言。」陳奇猷曰:「橋蓋以同音假爲窕。《韓非子‧難二》:『語言辨, 聽之說,不度於義,謂之窕言。』字亦假『姚』、『妖』、『膠』爲之。」 于鬯說牽附不足信。「橋言」不是指不平之言,胡說誤。「矯言」指以欺 詐的話妄託上命,亦非此文之誼。「窕言」是指空虛欺詐之言(註17), 與此文指聽言而不知其意的「橋言」不同。橋,讀爲嘺。《廣雅》:「嘺, 誺也。」《廣韻》:「嘺,不知。」《方言》卷 10:「誺,不知也,沅澧 之閒凡相問而不知答曰誺。」郭璞注:「誺,音癡眩,江東曰咨,此 亦知(痴--癡)聲之轉也。」戴震曰:「漆,各本訛作『誺』,今訂正。 《玉篇》云:『漆,不知也,丑脂、丑利二切。誺,同上,又力代切, 誤也。』《廣韻》作誺,以入脂至韻者爲不知,入代韻者爲誤。此注云 『音癡眩』,與丑脂切合。以六書諧聲考之,膝從言桼聲,可入脂、至 二韻,誺從言來聲,應入代韻,不得入脂至韻。《玉篇》、《廣韻》因字 形相近訛舛,遂溷合爲一,非也。」(註18) 盧文弨曰:「戴說非也。《左 傳·宣二年》《釋文》云:『來,力知反,又如字,以协上韻。』…… 正與此音癡同韻,安在從『來』之非而從『桼』之是乎?」(註19) 盧 氏又曰:「案灰咍本與支脂之等韻通(例略),則誺從來非誤甚明。」 (註20)劉台拱曰:「戴本據《玉篇》改誺作膝是也。《集韻》脂、至兩 韻並作『漆』。」〔註21〕錢釋曰:「誺,舊本並同。戴氏據《玉篇》之

<sup>(</sup>註15) 胡文英《吳下方言考》卷5,收入《續修四庫全書》第195冊,上海古籍出版 社2002年版,第44頁。

<sup>[</sup>註16] 朱駿聲《說文通訓定聲》,武漢市古籍書店 1983 年版,第 326 頁。

<sup>[</sup>註17] 參見蕭旭《韓非子校補》,花木蘭文化出版社 2015 年版,第 232~233 頁。

<sup>[</sup>註18] 戴震《方言疏證》卷10,收入《戴震全集(5)》,清華大學出版社1997年版,第2417頁。

<sup>[</sup>註19] 盧文弨《重校〈方言〉》,收入《叢書集成初編》第 1180 册,中華書局 1985 年影印,第 118~119 頁。

<sup>(</sup>註20) 盧文弨《〈方言〉校正補遺》,收入《叢書集成初編》第1180 册,中華書局1985 年影印,第10~11頁。

<sup>[</sup>註21] 劉台拱《方言補校》,《劉氏遺書》卷 6,收入《叢書集成續編》第 15 册,新文豐出版公司 1988 年印行,第 493 頁。

文改誺作膝。盧氏云:『來、黎聲同,來亦可入脂至韻,故定作誺。』 今案:依《玉篇》, 漆、誺二字皆可作, 各本既作誺, 自應仍舊。戴 改作膝亦通,以戴爲謬,非也。《廣雅》:『嘺,誺也。』曹憲誺力代 反。《玉篇》引《埤倉》云:『嘺,不知是誰也。』是誺爲不知也。」 (註 22) 吳予天曰:「按《原本玉篇》:『誺,豬飢、丑利二反。』引《方 言》曰:『誺,不知也。沅澧之間,凡相問而不知答曰誺。』郭璞曰: 『亦如(按『痴』之譌)聲之轉也。』又《龍龕手鏡》云云,皆可證 《方言》舊本作『誺』,而《原本玉篇》並無『談』字,則『談』乃 『誺』字形近之譌可知也。戴氏據今本《玉篇》改易,非也。劉氏依 《集韻》而是戴,錢氏則操兩可之說,均無當。」[註23] 胡吉宣謂「誺」 是「漆」形譌,並指出「嘺、漆聲近義同」(註24)。曹憲音力代反, 是其字從來作「誺」,《集韻》引《博雅》作「嘺,誺也」,是宋本《廣 雅》固如此,曹憲音不誤。《集韻》、《類篇》引《方言》作「誺」,是 宋本《方言》亦如此。《玉篇殘卷》:「一,豬飢、丑利二〔反〕。《方 言》:『・・・不知也。沅澧之間,凡相問而不知答曰誅(・・)。』郭璞 曰:『亦如(知)聲之轉也。』」「·」是「誺」俗字。敦煌寫卷 P.2011 王仁昫《刊謬補缺切韻》卷1:「誺,丑知反,不知。」是作「誺」不 誤。上古音力代反與丑脂、丑利二反可相轉,盧文弨謂「來、黎聲同, 來亦可入脂至韻」,至確。郭璞音癡,是其轉音。《玉篇》謂「又力代 切,誤也」,「誤」字是其解釋語,而不是指「力代切」是誤讀。《玉 篇殘卷》作「誺,力代反,《廣雅》:『誺,誤也。』與謬同,爲僻誤 之誤也」。後世據其轉音丑脂、丑利二切,改其聲符從桼作「談」以 從其讀,「懿」亦非誤字。戴震、劉台拱、胡吉宣謂「誺」是「懿」 形譌,非是,熊加全又從胡氏說改字(註25),一誤再誤。嘺俗字亦音 渤海鄙言多呼人爲酵兒……乃口占云:『崇文崇武不崇文,提戈出塞 號將軍。那個酵兒射雁落,白毛空裏落紛紛。』」《類說》卷 43 引作

<sup>[</sup>註22] 錢繹《方言箋疏》卷10,上海古籍出版社1984年版,第558頁。

<sup>(</sup>註23) 吳予天《方言注商》,上海商務印書館 1933 年版,第62 頁。

<sup>(</sup>註24) 胡吉宣《玉篇校釋》,上海古籍出版社 1989 年版,第 1002 頁。

<sup>[</sup>註25] 熊加全《〈玉篇〉疑難字研究》,河北大學 2013 年博士學位論文,第 522~523 頁。

# 《淫辭》校補

### (1) 以禪緇當紡緇,子豈不得哉

高誘注:得,猶便也。

按:《子華子·神氣》下句作「而豈有所不得哉」,疑當乙作「而豈不有所得 哉」。

### (2) 罪不善,善者故為不畏

按:畢沅曰:「楊倞註《荀子·解蔽篇》引《論衡》作『善者胡爲畏』。」《論 衡》見《雷虛》:「罰不善,善者胡爲畏?」不必據楊注轉引。俞樾刪「不」 字,讀「故」爲「胡」,是也。

劉文典曰:「此疑『胡』誤爲『故』,後人又妄加『不』字耳。」「故」不必視爲誤字。陳奇猷必謂《論衡》臆改,必謂俞說不確,解「故爲」爲「固是」,非是。

### (3) 今舉大木者,前呼輿諤,後亦應之

高誘注:「輿謣」或作「邪謣」。前人倡,後人和,舉重勸力之歌聲也。按:孫鏘鳴、馮振並曰:「『輿謣』亦作『邪許』。」(註 28) 許維遹曰:「《文子・微明篇》『輿謣』作『邪許』,《淮南》同,他籍或作『邪所』,並聲近而義同。」明刊本《文子》作「邪軤」。王利器有詳考,不具引錄。《愛日齋叢抄》卷5引作「與謣」,《事物紀原》卷9引作「輿樗」,《冊府元龜》卷745作「輿誂」,並同。

<sup>[</sup>註26] 《北夢瑣言》卷7,《叢書集成初編》第2841 冊據雅雨堂本排印,商務印書館 民國28 年初版,第63 頁。

<sup>[</sup>註27] 翟灏《通俗編》卷18,商務印書館1958年版,第405頁。

<sup>[</sup>註28] 孫鏘鳴《呂氏春秋高注補正》、《國故》1919年第4期,第9頁。馮振《呂氏春秋高注訂補(續)》、《學術世界》第1卷第10期,1935年版,第89頁。

# 《不屈》校補

#### (1) 以逐暴禁邪也

按:逐,讀爲誅。「题」同「躅」、「屬」,亦音轉作「跦」,「蹢屬」即「跢 珠」,是其證。《史記·主父傳》:「興利除害,誅暴禁邪。」正作「誅」 字。「誅暴」是先秦二漢成語。《管子·小問》:「誅暴禁非,存亡繼絕。」 《韓子·解老》:「愚人以行忿則禍生,聖人以誅暴則福成。」《荀子· 王制》:「如是而可以誅暴禁悍矣。」本書《去私》:「誅暴而不私。」

### (2) 堯、舜、許由之作,非獨傳舜而由辭也,他行稱此

按:陶鴻慶曰:「『作』當爲『行』。」譚戒甫從陶說,並謂「傳舜」當作「傳受」,許維遹說同譚氏。于省吾曰:「陶說非是。作猶爲也。」陳奇猷從于說。《路史》卷 40 作「堯、舜、許繇之作,非獨傳舜辭也,他行稱是」。「作」字不誤。

#### (3) 凡自行不可以幸, 為必誠

按:《路史》卷 40 作「故自行不可以幸,必成」。

(4)蝗螟,農夫得而殺之,奚故?為其害稼也

高誘注:蝗,螽也。食心曰螟,食葉曰螣。今兖州謂蝗爲螣。

按:許維適曰:「王念孫校本改正文『蝗螟』作『螣螟』,注作『蝗螽也』作『螣螽也』。案王改是。下文亦以『螣螟』連文。」陳奇猷曰:「王改是。《仲夏紀》高注云:『螣讀近殆,兗州人謂蝗爲螣。』」《類聚》卷100、《御覽》卷822引皆同今本作「蝗螟」,是唐人所見本已改之。《類聚》引「害稼也」下尚有「蔽天,狀如嚴雪,是歲天下失瓜瓠」十三字,此非本書文字,《開元占經》卷120引《史記》:「秦始皇四年十月,螟蟲從東方來,蔽天,如嚴雪,是歲天下失苽瓠。」今本《史記·秦始皇本紀》:「四年,十月庚寅,蝗蟲從東方來,蔽天。天下疫。」《類聚》蓋脫「史記」二字。

按:于鬯曰:「『大』或『木』字之誤,蓋築具也。」馬敘倫曰:「『大』下

疑有脫字。」譚戒甫曰:「疑『者』字爲『楮』字之脫誤,本在『大』 字下。楮以同音假爲杵。」彭鐸曰:「『大』當作『午』,午,古杵字。 古謂築城爲城,無煩更贅城字。」許維遹曰:「當作『今之城城者, 或操大築築乎城上』,今本脫『城』、『築』二字。大築即大杵。」陳 奇猷曰:「許說是,但『城』字不必重。城即筑城之意。」彭、陳說 「城」不必重,是也。「操大」下必是一名詞,余謂或是「臿(插、 鍤)」字,指鍬子。《新序‧刺奢》:「魏王將起中天臺,令曰:『敢諫 者死。』許綰負操鍤入曰。」「負操鍤」三字、《類聚》卷62引作「負 插」、《意林》卷3引《說苑》作「負蔂操畚」、《御覽》卷456引《周 書》作「負操捶(插)」(註29),《冊府元龜》卷743作「負畚操鍤」。 盧文弨據《意林》補「虆」,校作「負虆操鍤」(註 30)。盧說甚確, 敦煌寫卷 P.2569《春秋後語》作「負纍操插」。《拾遺記》卷 7:「魏明 帝起凌雲臺,躬自掘土,群臣皆負畚鍤,天陰凍寒,死者相枕。」景 宋本《淮南子・要略》:「禹身執虆臿,以爲民先。」《御覽》卷 82、 764、765 引「驀臿」作「畚鍤」、《玉海》卷 23、《路史》卷 22 引作 「虆臿」。《漢書·王莽傳》:「父子兄弟負籠倚鍤。」顏師古注:「籠, 所以盛土也。鍤,鍫也。」

### (6) 人有新取婦者,婦至,宜安矜煙視媚行

高誘注:媚行,徐行。

按:梁玉繩曰:「謂若人在煙中,目不能張,其視甚微也。」徐時棟曰:「愚謂煙視者,蓋目遇煙則不能大開,言新爲婦者,宜下其目微視,似遇煙氣時也。」(註31)凌曙曰:「燕有煙音。《夏小正》:『燕乃睇。』燕視曰睇。煙視即燕睇。」李寶注曰:「安,安舒。矜,矜重。煙視,不明視,如在煙中而視。媚行,謂徐行,其狀柔媚。」馬敘倫曰:「矜疑借爲聆,或借爲敬。煙疑借爲頫,《說文》重文作『俛』;或借爲壁,《說文》:『臥也。』臥與俛義亦近。」譚戒甫曰:「梁望文爲說,似

<sup>[</sup>註29] 趙仲邑曰:「捶,當爲插之誤,插亦即锸。」「插」俗作「**插**」,故《御覽》誤爲「捶」也。趙仲邑《新序詳注》,中華書局 1997 年版,第 182 頁。

<sup>[</sup>註30] 盧文弨《群書拾補》,收入《叢書集成新編》第 3 册,新文豐出版公司 1985 年版,第 169 頁。

<sup>[</sup>註31] 徐時棟《煙嶼樓讀書志》卷15,收入《續修四庫全書》第1162冊,上海古籍 出版社2002年版,第585頁。

非。此『安矜』猶云安重。煙疑以音近假爲矏。《說文》:『矏,目相 戲也。』煙視猶云燕視,謂安順之視也。」楊樹達曰:「媚當讀微。」 陳奇猷曰:「諸說皆可通。」聞一多曰:「媚讀爲俛。《說文》:『頫, 低頭也。』重文作『俛』,同『俯』。媚行即俛行,謂俯首而行也。一 說媚爲偏之訛。偏行亦俯行也。」(註32)王利器曰:「諸家說『煙視』 失之鑿。煙視猶言籠蒙視,訓爲眇視、微視或不敢正視,俱是也。」 梁氏等「人在煙中」云云,確是望文生訓。譚氏讀煙爲暥,以目相戲, 新婦如此,成何體統?馬氏四說亦妄說通假,皆不可信。而陳氏不考, 竟云「諸說皆通」。凌曙所引《夏小正》「燕乃睇」,《夏小正》下文有 解釋說「燕,乙也。言『乃睇』何也?睇者,眄也。眄者,視可爲室 者也。」然則「燕」是鳥名,燕乃睇是說燕鳥此時尋找可以築巢的地 方。援以解釋此文,直是郢書燕說。李寶洤、譚戒甫解「安矜」爲「安 重」,楊樹逹據高注「徐行」,讀媚爲微,皆是也。朱駿聲謂「媚」轉 注訓美、好(註 33),亦未洽。煙,讀爲諲。《爾雅》:「諲,敬也。」 字亦作禋,《廣韻》:「禋,敬也。」煙視,猶言謹視。專字作覭,《玉 篇》:「覡,視貌。」《廣韻》、《集韻》並云:「覡,視也。」

### (7) 門中有斂陷

高誘注: 斂讀日脅。

舊校:「陷」一作「堛」。

按:畢沅曰:「疑即坎窞,注不可曉。梁仲子疑『斂』爲『欲』字之誤。」 朱起鳳說同梁氏(註34),當即襲自彼說。朱駿聲曰:「斂,叚借爲險。」 王紹蘭曰:「『斂』當爲『歙』形之誤。《說文》:『歙,縮鼻也。』凡 地有窪陷,其土歙歙然作蹙縮之形,不韋書因謂之歙陷,故高誘讀歙 日脅矣。」李賡芸、江紹原說同王氏。吳承仕曰:「諸家說並非也。《廣 雅》:『斂,欲也。』曹憲音『呼濫』、『呼甘』二反。《廣雅》訓『欲』 之『斂』即《說文》訓『欲得』之『欲』。此文借『斂』爲『臽坎』 字,本云『門中有斂』,『陷』則爲衍文。高注『斂讀日脅』,斂在談

<sup>(</sup>註32) 闡一多《璞堂雜業·呂氏春秋》,收入《闡一多全集》卷10,湖北人民出版社1994年版,第459頁。

<sup>[</sup>註33] 朱駿聲《說文通訓定聲》,武漢市古籍書店 1983 年版,第595 頁。

<sup>(</sup>註34) 朱起鳳《辭通》卷15,上海古籍出版社1982年版,第1611頁。

部,脅在緝部,聲紐既同,韻部亦近。理既易曉,畢說疏矣。」黃侃曰:「『斂陷』疊韻連語,一曉一匣,猶『頗頷』連語,於音理無妨;即令同紐,亦猶『澹淡』連語耳,何必刪『陷』字乎?以《淮南·本經》注『歙讀日脅』、《主術》注『歙讀協』校此文,疑仍當作『歙』。《廣雅》雖有『斂』字,而訓爲『欲』,非此所施。」 [註 35] 許維適曰:「王紹蘭說是。《淮南·本經篇》高注『歙讀曰脅』,正與此合。」王利器亦從王紹蘭說。蔣維喬等曰:「『斂』當作『欿』。欿、脅古音亦相通。梁說是也,《諸子品節》引正作『欲』。」陳奇猷曰:「諸說皆可通,未知孰是?」《喻林》卷11、《駢志》卷19引同今本,《尚史》卷67、《佩文韻府》卷36、89引作「欲陷」,未知所據。「斂」字不誤,一本作「堛」者,指土塊,蓋妄改。顧炎武曰:「脅,虛業切,上聲則音險。《呂氏》高注云云。」 [註 36] 吳承仕謂「斂」、「脅」音轉,是也,故高注云然。斂,讀爲坎,字亦作欿、埳、堿、坑也。江紹原謂「斂陷」指地臼 [註 37]。

# 《應言》校補

(1) 市丘之鼎以烹雞,多洎之則淡而不可食,少洎之則焦而不熟按:焦,《後漢書·邊讓傳》引傳日作「熬」。

### (2) 然而視之蝺焉美無所可用

高誘注:蝺讀齲齒之齲,齲(蝺),鼎好貌。

按:美、《御覽》卷 918 引誤作「羹」。畢沅曰:「『蝺』字無攷。疑是『竬』, 與『偊』、『踽』皆同。」孫詒讓曰:「蝺當與竘同。《方言》云:『竘, 貌治也,吳越飾貌爲竘。』」陳奇猷從孫說。諸說皆未得。高注「齲

<sup>[</sup>註35] 黃侃《經籍舊音辨證箋識》,附於吳承仕《經籍舊音辨證》,中華書局 2008 年版,第352、408 頁。

<sup>(</sup>註36) 顧炎武《唐韻正》卷20,收入《叢書集成三編》第27冊,新文豐出版公司 1997年印行,第834頁。

<sup>(</sup>註37) 江紹原《讀呂氏春秋雜記》,《中法大學月刊》第5卷第1期,1934年版,第33~35頁:其說又見江紹原《傻新娘故事——讀〈呂氏春秋〉雜記》,《婦女旬刊》第19卷第4號,1935年版,第46~47頁。

齒」者,《後漢書·梁冀傳》:「壽色美而善爲妖態,作愁眉、嗁粃、墮馬髻、折腰步、齲齒笑。」又見《五行志》。李賢注引《風俗通》:「齲齒笑者,若齒痛不忻忻。」惠棟曰:「《呂氏》高注云云,蓋當時之語也。」(註38)洪頤煊曰:「齲當作齲。《說文》:『齲,齒不正也。』《考工記》鄭注:『人之牙齒參差謂之齲。』《詩》曰:『巧笑之瑳。』瑳即鹺字。《說文》:『鹺,齒參差。』即巧笑之貌。《風俗通》以爲『若齒痛不忻忻』,失其義矣。」(註39)洪說是也,然「齲」非誤字,乃借字。《慧琳音義》卷58:「齲齒:謂高下不齊平也,律文作齲。」《集韻》:「齖,齖齲,齒不正。」皆其證。牙齒參差是巧笑貌,美貌。此文則形容鼎之紋飾參差,故亦爲鼎好貌。《風俗通》解爲「若齒痛不忻忻」者,則是讀齲爲鴉,「鴉」即今「蛀牙」之蛀。

# 《具備》校補

### (1) 故誠有誠乃合於情,精有精乃通於天

按:陶鴻慶曰:「兩『有』字皆讀爲又。『情』亦當爲『精』,上下文正相承。」陳奇猷曰:「陶讀有爲又,是,范耕研說同。陶改『情』爲『精』,非是。嬰兒之心至誠,母之心亦誠,是以能合於愛之情,故曰誠又誠乃合於情。精,猶言微妙也。」孫鏘鳴、于鬯皆讀二「有」爲「又」(註40)。惠棟亦曰:「有,又。情,當作『精』。」(註41) 諸氏皆失檢惠說。陳說「情」字不改是,但此文非謂母子之情,乃言宓子治亶父、亶父之民聽宓子之教之情。下文「故凡說與治之務莫若誠」,即承此而言。《鬼谷子・摩》:「說者聽,必合於情,故曰情合者聽。」「精」亦誠也,陳氏解爲微妙,亦誤。《淮南子・覽冥篇》:「夫全性保眞,不虧其身,遭急迫難,精通於天。」又《天文篇》:「人主之情(精),上通

<sup>[</sup>註38] 惠棟《後漢書補注》卷 9,收入《二十四史訂補》第 4 册,書目文獻出版社 1996 年版,第 441 頁。

<sup>[</sup>註39] 洪頤煊《讀書叢錄》卷22,收入《續修四庫全書》第1157冊,上海古籍出版 社2002年版,第761頁。

<sup>[</sup>註40] 孫鏘鳴《呂氏春秋高注補正》,《國故》1919年第4期,第10頁。

<sup>[</sup>註41] 惠棟《周易述》卷 23,景印文淵閣《四庫全書》第 52 册,臺灣商務印書館 1986 年初版,第 297 頁。

於天。」(註 42)《太玄·周》:「信周其誠,上通於天。」《潛夫論· 述赦》:「王者至貴,與天通精。」

<sup>[</sup>註42] 《御覽》卷9、876引「情」作「精」。

# 《離俗覽》卷第十九校補

# 《離俗》校補

(1)世之所不足者,理義也;所有餘者,妄苟也

按:陳奇猷曰:「義讀爲議。議者謂共議立之家法,即該一家之道。」陳說非是,「義」讀如字。「理義」本書習見,《勸學》:「人子人臣不得其所願,此生於不知理義。」又《適音》:「故先王之制禮樂也,非特以歡耳目、極口腹之欲也,將以教民平好惡、行理義也。」又《誣徒》:「此六者得於學,則邪辟之道塞矣,理義之術勝矣。」又《知度》:「凡朝也者,相與召理義也,相與植法則也。上服性命之情,則理義之士至矣,法則之用植矣,枉辟邪撓之人退矣,貪得僞詐之曹遠矣。」此四例,有何家法可言?

### (2) 故布衣人臣之行,潔白清廉中繩,愈窮愈榮

高誘注:繩,正也。

按:《廣雅》:「繩,直也。」「繩」用以取直,故引申有正直之義。「中」讀平聲。陶鴻慶刪「清廉」二字,陳奇猷謂「繩」是名詞,於「中繩」上補「進退」二字,妄刪妄補,都不足取。

### (3) 飛兔、要褭,古之駿馬也,材猶有短

高誘注:飛兔、要裹,皆馬名也。日行萬里,馳若兔之飛,因以爲名也。 「裹」字讀如「曲撓」之撓也。 按:許維遹曰:「『要裹』或作『腰裹』。『要裹』之名,本取疊韻,故他籍作『要裊』,《後漢書·張衡傳》章注引《呂覽》亦作『要裊』。」高、許皆未言其名義。字亦作「腰裊」、「偠優」、「婹處」、「婹嬝」、「婹嬝」、「婹嬝」、「婹嬝」、「婹嬝」、「婹嬝」、「一

(4)舜讓其友石戶之農,石戶之農曰:「棬棬乎后之為人也,葆力之士也。」

按:畢沅曰:「棬棬,《莊子·讓王篇》作『捲捲』,《釋文》云:『音權,郭音眷,用力貌。』」朱駿聲曰:「捲,叚借爲券。」(註2)馬敘倫曰:「棬、捲皆券之借字。《說文》:『券,勞也。』葆借爲抱,《說文》作『裏』。」陳奇猷曰:「《莊子釋文》云:『葆,音保,字亦作保。』是葆、保字通。保,恃也。此言『恃力之士』,故下云『德猶未至』。」《高士傳》卷上亦作「捲捲」。成玄英疏:「葆,牢固也。言舜心志堅固。」林希逸注:「捲捲,自勞之貌。葆力,勤苦用力也。」方以智曰:「惓惓,通作『卷卷』、『拳拳』、『捲捲』。」(註3)王叔岷曰:「古鈔卷子本《莊子》作『惓惓』。棬、捲並借爲券。惓即或券字。」(註4)諸家以「券」爲本字,是也。葆、保,當讀爲寶,重也。馬敘倫校《莊子》云:「葆,疑借爲寶。」(註5)是也。

### (5) 於是乎夫負妻妻携子以入於海,去之,終身不反

按:於是乎夫負妻妻攜子,《莊子·讓王》、《高士傳》卷上作「於是夫負妻 戴攜子」。畢沅據《莊子》改下「妻」作「戴」,至確。陳奇猷曰:「當 作『於是夫負妻攜子』,『夫』同『乎』。『於是夫』即『於是乎』。後人 誤以『夫』爲『夫妻』之夫……《莊子》作『戴攜』,二字同義,『戴』 當係『攜』字之旁注而誤入正文者。」陳氏自誤,而又欲改不誤之《莊

<sup>[</sup>註1] 參見蕭旭《淮南子校補》,花木蘭文化出版社 2014 年版,第317頁。

<sup>[</sup>註 2] 朱駿聲《説文通訓定聲》,武漢市古籍書店 1983 年版,第750 頁。

<sup>[</sup>註 3] 方以智《通雅》卷 9, 收入《方以智全書》第 1 册,上海古籍出版社 1988 年版,第 352 頁。

<sup>[</sup>註 4] 王叔岷《吕氏春秋校補》,其説又見王叔岷《莊子校詮》,中央研究院歷史語言研究所專刊之八十八,1988年版,第1120頁。

<sup>(</sup>註 5) 馬敘倫《莊子義證》卷 28,收入《民國叢書》第 5 編,(上海)商務印書館 1930 年版,本卷第頁。

子》,甚非校書之法。「夫負妻戴」是古人成語,「攜子」者是夫妻共攜。《白氏六帖事類集》卷 4 引《莊子》:「祝牧謂其妻曰:『天下有道,我 敬子佩;天下無道,我負子戴。』」注:「當隱藏也。」 (註6) 《韓詩外傳》卷 2:「楚狂接輿……乃夫負釜甑,妻戴經器,變易姓字,莫知其所之。」(註7) 《御覽》卷 78 引《尸子》:「神農氏夫負妻戴以治天下。」(王叔岷、王利器已引《莊子》佚文及《尸子》以證畢說)《文選·始作鎮軍參軍經曲阿作》李善注引仲長子《昌言》:「古之隱士,或夫負妻戴,以入山澤。」《莊子釋文》引司馬彪曰:「凡言入者,皆居其洲島之上與其曲隈中也。」

#### (6) 而自投於蒼領之淵

高誘注:投,猶沈也。「蒼領」或作「青令」。

按:畢沅曰:「《莊子》作『清冷』,《淮南·齊俗訓》同。」朱駿聲曰:「蒼領,猶清冷也。」(註8) 許維適曰:「『蒼領』與『清冷』同。《中山經》亦作『清冷』。」馮振曰:「滄、清一聲之轉,領、浪亦一聲之轉。或作『滄浪』,或作『清冷』,或作『蒼領』,其實一也。」(註9) 于省吾曰:「『蒼領』即『滄浪』。蒼通滄。領、浪雙聲字。《審時篇》『青零』,孫詒讓謂即『蒼狼』,亦其證也。」《莊子釋文》:「冷音零。」《御覽》卷70引《莊子》誤作「清冷」。諸說皆是,但當以「清冷」爲本字。清冷,言水清寒瀏利也,因用作淵名的名稱,亦作水名的名稱。《孟子·離婁上》:「有孺子歌曰:『滄浪之水清兮,可以濯我纓;滄浪之水濁兮,可以濯我足。』」《高士傳》卷上:「(巢父)乃過清冷之水洗其耳,拭其目。」音轉則作「清冽」、「倩冽」、「倩利」等形。水清寒瀏利則色青,故又爲青色。投,跳也。字或作起、段、设,音轉則爲透、誘(註10)。

<sup>[</sup>註 6] 《白帖》在卷 12。《御覽》卷 691 引同,又卷 403 引《子思子》亦同。

<sup>[</sup>註7] 《列女傳》卷2、《御覽》卷509引嵇康《高士傳》同。

<sup>[</sup>註8]朱駿聲《說文通訓定聲》,武漢市古籍書店 1983 年版,第902 頁。

<sup>(</sup>註9) 馮振《呂氏春秋高注訂補(續)》,《學術世界》第1卷第10期,1935年版,第90頁。

<sup>[</sup>註10] 參見蕭旭《敦煌寫卷〈王梵志詩〉校補》,收入《群書校補》,廣陵書社 2011 年版,第1271~1272頁。

#### (7) 福力忍詢

高誘注:詢,辱也。

按:舉沅曰:「《莊子》『詢』作『垢』。」朱駿聲曰:「垢,叚借爲詬。」 [註111]陳奇猷曰:「『詢』同『詬』。《說文》:『詬,謑詬,恥也。詢, 詬或從句。』『垢』乃同音假字也。」其說本於王念孫(註12)。《莊子 釋文》引司馬彪曰:「垢,辱也。」《御覽》卷 424 引《莊子》作「詬」, 《列仙傳》卷上同。楊明照曰:「垢乃詬之形誤。」未達通假之指。

#### (8) 吾生乎亂世,而無道之人再來詢我

按:詢,《莊子·讓王》作「漫」。

### (9)(卞隨)乃自投於潁水而死

按:朱謀瑋曰:「潁、泂古字通用。椆、洞二字皆誤耳。」(註13) 馬敘倫從朱說。馮振曰:「《說文》:『炯,光也。頌,火光也。』疑本同字。亦潁、泂相通之例證。」(註14) 王利器亦舉《廣韻》「炯音頌」以證朱說。洪頤煊曰:「《釋文》:『椆,直留反,本又作桐,司馬本作泂。』案《水經注》云云,泂、潁聲相近,《史記·伯夷列傳》《索隱》引作『桐水』,與此作『椆水』,皆『泂』字之譌。」(註15) 梁履繩曰:「《水經·潁水注》引云:『卞隨耻受湯讓,自投此水而死。張顯《逸民傳》、嵇叔夜《高士傳》並言投泂水而死,未知其孰是也。』」(引者按:以上皆《水經注》文,陳奇猷以「張顯」以下爲梁氏語,失檢原文所致也)。畢沅曰:「案《莊子》作『椆水』,《釋文》云:『本又作桐水,司馬本作「泂水」。』、《路史》卷37引《莊子》亦作「椆水」。《莊子釋文》:「椆水,直留反。本又作桐水,徐音同,又徒董反,又音封。本又作稠。司馬本作洞,云:『洞水在潁川。一云:在范陽郡界。』」陸

<sup>[</sup>註11] 朱駿聲《説文通訓定聲》,武漢市古籍書店 1983 年版,第 345 頁。

<sup>[</sup>註12] 王念孫《荀子雜志》,收入《讀書雜志》卷 11,中國書店 1985 年版,本卷第 91 頁。

<sup>[</sup>註13]朱謀瑋《水經注箋》卷22,收入《四庫未收書輯刊》第9輯第5冊,北京出版社2000年版,第21~22頁。

<sup>(</sup>註14) 馮振《呂氏春秋高注訂補(續)》,《學術世界》第1卷第10期,1935年版,第91頁。

<sup>[</sup>註15] 洪頤煊《讀書叢錄》卷14,收入《續修四庫全書》第1157冊,上海古籍出版 社2002年版,第683頁。

氏音直留反,是其所見本已誤從周作「椆」也。司馬彪本作「洞水」,不作「泂水」,舉氏、洪氏皆失檢。《文選·長笛賦》李善注、《御覽》卷 424、《集韻》「桐」字條、《五音集韻》「桐」字條引《莊子》作「桐水」,《御覽》卷 509 引嵇康《高士傳》同,亦誤。

#### (10) 吾子胡不位之

按:位之,《莊子·讓王》作「立乎」。「位」作動詞,猶言即位,「立」亦 此義。楊樹達讀立、位爲涖,陳奇猷從之;劉如瑛讀位爲蒞,皆非是。 《列仙傳》卷上作「遂之」。

### (11)(務光)乃負石而沈於募水

高誘注:募,水名也,音「千伯」之伯。

按:畢沅曰:「募無伯音。」文廷式曰:「『千伯』即『阡陌』,募、陌雙聲 字。」(註 16) 吳承仕曰:「『千伯』之『伯』字應作『佰』,形近之誤 也。字亦通作『陌』,正與『募』音近。」黃侃曰:「佰亦與伯同音, 佰既可讀明母,伯又何不可耶?」(註17)文、黃說是。募水,《莊子· 讓王》作「廬水」、《釋文》:「廬水、音閭、司馬本作盧水。」《文選‧ 長笛賦》李善注引《莊子》作「瀘水」、《御覽》卷 509 引嵇康《高士 傳》作「廬水」,《史記·伯夷傳》《索隱》、《路史》卷 37 引《莊子》 作「盧水」,《世說新語·巧藝》劉孝標注引《列仙傳》亦作「盧水」, 《列仙傳》卷上作「蓼水」、《文選·北山移文》李善注引《列仙傳》 作「窾水」。王叔岷曰:「『蓼』疑『募』之誤。據《莊子・外物篇》, 務光非沈於窾水、《選》注誤。」(註18)「募水」待考。負、《莊子》、 《列仙傳》卷上同,當讀爲抱。《御覽》卷 509 引嵇康《高士傳》正作 「抱」。《淮南子·精神篇》高誘注:「務光因抱石自投於深淵而死。」 《韓詩外傳》卷 3:「夫負石而赴河,行之難爲者也,而申徒狄能之。」 《荀子·不苟》作「故懷負石而赴河」。言「懷負」,則負必讀爲抱。《韓 詩外傳》卷 1:「(申徒狄)遂抱石而沉於河。」正作「抱」字,《初學

<sup>[</sup>註16] 文廷式《純常子枝語》卷15,收入《續修四庫全書》第1165冊,上海古籍出版社2002年版,第214頁。

<sup>[</sup>註17] 黃侃《經籍舊音辨證箋識》, 附於吳承仕《經籍舊音辨證》, 中華書局 2008 年版, 第 352、408 頁。

<sup>[</sup>註18] 王叔岷《列仙傳校箋》,中華書局 2007 年版,第 35 頁。

記》卷 6、《事類賦注》卷 6 引作「負」。《莊子·盜跖》:「(申徒狄) 負石自投於河。」《荀子·非十二子》:「負石而墜。」《淮南子·說山 篇》:「申徒狄負石自沉於淵。」亦皆用借字。《史記·屈原傳》:「(屈 原)於是懷石,遂自投汨羅以死。」其事相類,懷亦抱也。

#### (12) 高節厲行,獨樂其意,而物莫之害

高誘注:不欲於物,故物無能害。

按:厲、《莊子·讓王》作「戾」。林希逸注:「戾行,亢也。《刻意》曰:『爲 亢而已矣。』即戾行也。」馬敘倫曰:「戾、厲,皆借爲勸。《說文》: 『勸,勉力也。』今作勵。」陳奇猷、王利器從馬說。《漢語大字典》: 「戾,善也。」(註19) 諸說皆非是。「厲」讀如字,砥厲,俗作礪。「戾」 乃借字。蔡邕《郭有道林宗碑》:「砥節礪行,直道正辭。」《孔叢子・ 公儀》:「砥節礪行,樂道好古。」《三國志·齊王傳》:「砥節厲行,秉 心不回。」

### (13) 不漫於利,不牽於執

高誘注:漫,汙。牽,拘也。

按:高注漫訓汙,則是讀爲浼,《說文》:「浼,汙也。」王念孫、錢釋並從高注(註20),其說可通。余謂漫讀爲悗,字亦作慢,迷惑。《玉篇》:「悗,惑也。」《集韻》:「悗、慢:惑也,或從曼。」本書《審分》:「夫說以智通,而實以過悗。」王念孫曰:「悗訓爲惑,亦與通相反。」《漢書·卜式傳》:「不爲利惑。」《韓詩外傳》卷1:「行爽廉毀,然且弗舍,惑於利者也。」(註21)

### (14) 以愛利為本,以萬民為義

按:楊樹達曰:「此文『義』字與『儀』同,準也。」范耕研說同。陳奇猷曰:「義當讀爲議,謂共議立之家法以爲行動之標準者。」二說非是。

<sup>[</sup>註19]《漢語大字典》(第二版),崇文書局、四川辭書出版社 2010 年版,第 2420 頁。 [註20] 王念孫《廣雅疏證》,收入徐復主編《廣雅詁林》,江蘇古籍出版社 1992 年版, 第 214 頁;王説又見《荀子雜志》,收入《讀書雜志》卷 10,中國書店 1985 年版,本卷第 107 頁。錢繹《方言箋疏》卷 3,上海古籍出版社 1984 年版, 第 215 頁。

<sup>[</sup>註21] 《新序·節士》同。

義亦本也,當讀爲基。《賈子·大政上》:「聞之於政也,民無不以爲本也,國以爲本,君以爲本,吏以爲本。」「以民爲本」又見《晏子春秋·內篇問下》。《淮南子·泰族篇》:「國主之有民也,猶城之有基。」《潛夫論·救邊》:「且夫國以民爲基,貴以賤爲本。」《漢書·谷永傳》:「王者以民爲基,民以財爲本。」此二例則言「以民爲基」,其義一也。

#### (15) 却而去,不自快

舊校:「却」一作「退」。

- 按:舉沅曰:「《御覽》卷 353 作『退而不自快』。」孫蜀丞曰:「《御覽》卷 313 引『却』作『退』。」《御覽》卷 353 引作「退而不自决」,又引下文「心猶不自快」作「心猶不决」,舉氏失檢。《冊府元龜》卷 763「却」亦作「退」。「快」是「決」形誤。不能自決,故問路之人也。楊樹達曰:「快,喜也。」陳奇猷、王利器從其說,非是。
- (16) 叔無孫曰:「矛非戟也,戟非矛也,亡戟得矛,豈亢責也哉?」 高誘注:亢,當也。
- 按:《御覽》卷 313、《冊府元龜》卷 763 同,《御覽》卷 353 作「豈無責乎」。 「亢」形誤作「無」,又易作「無」。亢,抵償,字亦音轉作更,《廣雅》:「更,償也。」《淮南子·詮言篇》:「功之成也,不足以更責。」 高誘注:「更,償也。」「亢責」同「更責」。字又作庚、賡(註 22)。 陳奇猷曰:「《上德篇》:『不能亢矣。』亢亦當也。」其說未切。《上德篇》云:「以德以義,則四海之大,江河之水,不能亢矣;太華之高,會稽之險,不能障矣。」「亢」是阻擋義。

### (17) 吾聞之,君子濟人於患,必離其難

高誘注:濟,入也。

按:馬敘倫曰:「濟借爲齎。」楊樹達曰:「濟當讀爲擠。《說文》云:『擠, 排也。』謂推排人於患也。」陳奇猷曰:「濟,度也。度者,自此方入 於彼方之意,如言『度水』即是。又如『救濟』,意即助其人自患難中 度入安全之境。此皆濟有入義之明證。馬、楊未之察耳。」「齎」是持

<sup>[</sup>註22] 參見王念孫《廣雅疏證》、錢大昭《廣雅疏義》,並收入徐復主編《廣雅詁林》, 江蘇古籍出版社 1992 年版,第394頁。

遺義,非此文之誼。陳氏全是妄說。楊說是也。《淮南子·兵略篇》:「推 其摿摿,擠其揭揭,此謂因勢。」許愼注:「擠,排也。」擠亦推也, 同義對舉。《廣雅》:「擠,推也。」

#### (18) 白縞之冠, 丹績之袧

高誘注: 裥, 纓也。

按:畢沅曰:「『績』疑『績』。」朱駿聲曰:「《說文》:『恂,領耑也。』字亦作袧。按:嬰也。」(註23)楊樹達曰:「《說文》云云,袧蓋恂之或作。」陳奇猷曰:「高、畢說是也。古人之冠恒有纓。」陳說是,但未指出「袧」何以訓纓。余謂「袧」當作「袧」,借爲「鉤」,指冠上的鉤飾物,即纓也。馬頸、馬胸前的樊纓(繁纓)也稱作「鉤膺」,是其比也。

### (19) 東布之衣

按:譚戒甫曰:「文廷式云:『東疑當作柬,練布也。』案《墨子·兼愛中篇》:『練帛之冠。』與此同。」許維遹曰:「『東布』亦見《達鬱篇》,其義未詳。」蔣維喬等曰:「譚說是也。《御覽》卷 387 引正作『練』。練、柬古通。」聞一多曰:「『東』疑當爲『鶇』,『鶇』古『譬』字。《淮南子·說林篇》注:『楚人名布爲曹,今俗間以始織布繫著其傍謂之曹布。』鶇布即曹布也。」(註24)陳奇猷曰:「文說疑是。《說苑·反質》有『練帛之衣。』」《御覽》卷 437 引作「東布之衣」,「東」是「柬」之誤。《達鬱篇》:「列精子高聽行乎齊湣王,善衣東布衣,白稿冠。」江紹原亦謂「東布」是「柬布」或「練布」之訛。《說苑·反質》:「於是更制練帛之衣,大白之冠,朝一年而齊國儉也。」「練帛之衣,大白之冠」即此文之「白稿之冠,練布之衣」,當是儉服。「練」是熟絹,「練布」不辭。考《晏子春秋·外篇》:「田無字見晏子獨立於閨內,有婦人出於室者,髮斑白,衣緇布之衣而無裏裘。」又《內篇雜下》:「晏子衣緇布之衣,麋鹿之裘。」(註25)「緇」是黑色的帛,是古代普通人的服色。「緇布之衣」正是儉服。《戰國策·楚策一》:「昔

<sup>[</sup>註23] 朱駿聲《説文通訓定聲》,武漢市古籍書店 1983 年版,第831 頁。

<sup>[</sup>註24] 聞一多《璞堂雜業·呂氏春秋》,收入《聞一多全集》卷10,湖北人民出版社 1994年版,第458頁。

<sup>[</sup>註25] 《説苑·臣術》同。

令尹子文緇帛之衣以朝,鹿裘以處。」《渚宮舊事》卷 1 作「繒布之衣」,又卷 3 作「繒帛之衣」。「繒」是帛的總名。「繒布」、「繒帛」是絲織品,不是儉服。諸書當以作「緇布」爲正。「繒」、「練」皆「緇」形誤,「練」又省誤作「柬」、「東」、「東」。還有一種可能,「東」是「東」形誤,「東」是「練」省文,「練」是「練」形誤,「練」同「疎」、「疏」。疏布謂粗布(註 26)。《玉篇殘卷》:「練,《文士傳》:『禰衡著布單衣練巾。』《吳志》:『練帳縹被。』《釋名》:『紡麁絲織曰練。練,料也,料料然疏也。』」今本《三國志·荀彧傳》裴松之注引張衡《文士傳》作「疏巾」,又《蔣欽傳》作「疏帳」,《釋名》作「紡麤絲織之曰疏。疏,寥也,寥寥然也。」

#### (20) 終夜坐不自快

按:快,《御覽》卷 400 引同,當據《御覽》卷 387 引作「決」。言整夜坐而不能自決,故召其友而告之也。

### (21) 却而自歿

舊校:「却」一作「退」。

按:俞樾曰:「古人每借歾爲刎,歿即歾之或作體也。《高義篇》『歿頭乎王廷』,歿亦當爲刎。」陳奇猷引王念孫說,謂「歿」、「歾」讀爲刎。其說是也,《御覽》卷 387 引作「退而自刎」,又卷 400、437 引作「退而自殺」。

# 《高義》校補

(1) 君子之自行也, 動必緣義, 行必誠義

舊校:「自」一作「爲」。

按:陳奇猷謂「自」字是,曰:「自猶言獨自。」陳說「自」不必改,是也,但未得其義。自,猶所也(註27)。本書《必己》:「君子之自行也,敬人而不必見敬,愛人而不必見愛。」亦作「自」字。謝德三曰:「自,自己。」(註28) 非是。譚戒甫曰:「《禮・經解》:『故衡誠縣。』注:

<sup>[</sup>註26] 此趙家棟博士説。

<sup>[</sup>註27] 參見裴學海《古書虚字集釋》,中華書局 1954 年版,第693 頁。

<sup>[</sup>註28] 謝德三《〈呂氏春秋〉虛詞用法詮釋》,文史哲出版社 1977 年版,第 145 頁。

『誠,猶審也。』」高亨曰:「誠當讀成。」陳奇猷謂「高說義長」。譚 氏所引《禮》之「誠」,是表態副詞,不當。「誠」當讀如字,信也。 緣義,謂緣於義。誠義,謂誠於義。皆省介詞。

### (2) 孔子見齊景公,景公致廩丘以為養,孔子辭不受

按:致,《說苑·立節》同,《家語·六本》作「置」。置,讀爲致。

#### (3) 翟度身而衣,量腹而食

舊校:「量」一作「裹」。

按:許維適曰:「《墨子》亦作『量』字。」陳奇猷曰:「量亦度也。」《文子·九守》:「量腹而食,度形而衣。」《淮南子·俶真篇》、《精神篇》同,《御覽》卷 431 引《文子》「形」作「身」。《南史·宗測傳》:「量腹而進松術,度形而衣薜蘿。」《墨子》道藏諸本作「置」,亦誤字,吳毓江謂「俗字」(註29),非是。

#### (4) 比於賓萌,未敢求仕

高誘注:賓,客也。萌,民也。

按:賓萌、《墨子·魯問》作「群臣」。求,《冊府元龜》卷 785 作「言」。 孫詒讓曰:「氓指新民也,氓古文作萌。」(註30) 朱駿聲曰:「萌,叚 借爲甿。」又曰:「自彼來此之民曰氓。與甿義別。《說文》:『甿,田 民也。』」(註31) 楊樹達曰:「萌,假爲氓。《說文》:『氓,民也。』」 陳奇猷曰:「此假賓爲民。」「民」、「萌」、「氓」、「甿」一聲之轉,分 言有別,渾言無別。合言之則曰「民氓」、「民萌」、「民甿」。陳氏讀賓 爲民,非是,高注不誤。《莊子·徐無鬼》:「徐無鬼見武侯,武侯曰: 『先生居山林,食芋栗,厭葱韭,以賓寡人久矣。』」《釋文》引李頤 曰:「賓,客也。」「賓萌」音轉又作「賓孟」,《荀子·解蔽》:「昔賓 孟之蔽者,亂家是也。」俞樾曰:「『賓孟之蔽』句正與上文『人君之 蔽』、『人臣之蔽』相對,所云賓孟,殆非周之賓孟,且非人名也。孟 當讀爲萌,孟與明古音相近,故孟可爲萌。猶孟猪之爲明都,孟津之 爲盟津也。《呂氏》高注云云。所謂賓萌者,蓋當時有此稱。戰國時遊

<sup>[</sup>註29] 吳毓江《墨子校注》,中華書局 1993 年版,第 753 頁。

<sup>[</sup>註30] 孫詒讓《周禮正義》,中華書局 1987 年版,第 1167 頁。

<sup>[</sup>註31] 朱駿聲《説文通訓定聲》,武漢市古籍書店 1983 年版,第920、912 頁。

士往來諸侯之國,謂之賓萌。」(註32)

### (5) 越王不聽吾言,不用吾道,而受其國,是以義翟也

舊校:「受」一作「愛」。「是」一作「道」。

按:一本並誤。「受」字是,下文「今可得其國,恐虧其義而辭之」,「得」與「受」相應。《墨子·魯問》作「則是我以義糶也」,《冊府元龜》卷785作「是非義翟也」。畢沅曰:「此『翟』字訛。『糶』字無攷,當是『糶』字之誤。」洪頤煊曰:「『翟』、『糶』皆『耀』字之訛。言我以義炫耀於人。」文廷式曰:「《墨子》誤,當從《呂覽》,義讀如《尚書》『鴟義』之義,後世以養子爲義子,即此意。」(註33)許維適曰:「畢說是。《爾雅》:『糶,賣也。』」許說本於孫詒讓,孫氏且云:「義翟,亦當爲『義糶』。」(註34)陳奇猷曰:「『翟』字不誤,當讀『交易』之易。洪改、畢改殊失古意。」明刊本《墨子》作「糶」,吳毓江從寶曆本作「糧」(註35)。「釋」是穀名,非其誼。余謂翟、糶並讀爲嬥,《說文》:「嬥,一曰嬈也。」又「嬈,一曰嬥也。」《廣韻》:「嬥,嬥嬈,不仁。」《冊府》改「以」作「非」,則以「翟」爲墨子之名,雖通,非其舊。

### (6)秦之野人,以小利之故,弟兄相獄,親戚相忍

按:楊樹達曰:「獄,謂相告以罪名。」陳奇猷申其說。考本書《明理》: 「父子相忍,弟兄相誣。」疑「獄」是「誣」之誤,輕侮也。《鹽鐵 論,周秦》:「父子相背,兄弟相嫚。」嫚亦輕侮之義。本書《節喪》: 「野人之無聞者,忍親戚兄弟知交以求利。」與此所言同指一事。

### (7) 不復於王而遁

高誘注:復,白也。遁,走也。

按:《渚宮舊事》卷2同,《說苑·立節》作「不復於君,黜兵而退」。「退」 是「遁」誤,下文云「將軍之遁也」、「遁者無罪」、「效臣遁」,《說苑》

<sup>[</sup>註32] 俞樾《荀子平議》,收入《諸子平議》卷 14,上海書店 1988 年版,第 276~ 277 頁。

<sup>[</sup>註33] 文廷式《純常子枝語》卷 15,收入《續修四庫全書》第 1165 册,上海古籍出版社 2002 年版,第 214 頁。

<sup>[</sup>註34] 孫詒讓《墨子閒詁》,中華書局 2001 年版,第475 頁。

<sup>[</sup>註35] 吳毓江《墨子校注》,中華書局 1993 年版,第753 頁。

同,與此相應〔註36〕。

(8)子囊曰:「遁者無罪,則後世之為王者將(將者),皆依不利之名 而效臣遁。」

按:依,《渚宮舊事》卷 2、《冊府元龜》卷 739 同,《說苑·立節》誤作 「入」。效,《說苑》、《舊事》同,《冊府》誤作「赦」。

(9) 若是則荊國終為天下撓

高誘注:撓,弱也。

按:宋邦乂本注「弱」誤作「搦」。朱駿聲曰:「撓, 叚借爲橈。」(註 37) 馬敘倫曰:「撓當作橈,或借爲趬,《說文》曰:『行輕也。』」陳奇猷 曰:「依高注,則字當作橈,《說文》:『弱,橈也。』但經傳多借撓爲 之。故《說苑·立節》作『弱』。」《冊府元龜》卷 739「撓」誤作「笑」。 馬氏後說殊誤,趬訓行輕,指行動輕捷,非其誼也。

(10) 荊昭王之時,有士焉,曰石渚。其為人也,公直無私,王使為政 廷,有殺人者,石渚追之,則其父也

按:畢沅改「廷」作「道」,以「道有殺人者」句,云:「廷,《新序》同,皆誤也。今從《外傳》、《史記》作『道』。」王利器從其說。陳奇猷曰:「『政廷』當作『廷理』,係楚國執法之官。」當以「廷有殺人者」句,《書鈔》卷 37 引作「政廷」,《渚宮舊事》卷 2 同,是唐人所見,並同今本。《韓詩外傳》卷 2 作「王使爲理,於是道有殺人者」,《新序・節士》作「王使爲理,於是廷有殺人者」,《史記・循吏傳》作「石奢者,楚昭王相也……行縣,道有殺人者」,《冊府元龜》卷 617 作「昭王使爲理,於是廷有殺人者」。《外傳》之文,《御覽》卷 438 引作「王使爲理,於是有殺人者」。《新序》之文,《御覽》卷 53 引作「楚昭王使爲廷理,有殺人者」,「廷」字誤倒在上;《類聚》卷 49 引作「王使爲理,於是廷尉有殺人者」,「尉」字衍文;《御覽》卷 231 引作「石奢爲理,有殺人者」。作「爲政」是泛指,作「爲理」是專指。「理」指理官,亦稱作「大理」。古書亦作「李」字,《漢書・胡建傳》載「《黃帝李法》」,銀雀山

<sup>[</sup>註36] 參見向宗魯《説苑校證》,中華書局 1987 年版,第87 頁。

<sup>[</sup>註37] 朱駿聲《説文通訓定聲》,武漢市古籍書店 1983 年版,第303 頁。

漢簡《守法十三篇·李法》:「李主法。」《書鈔》引「殺人」作「殺人首」。

(11)以父行法,不忍;阿有罪,廢國法,不可

按:不可,《渚宮舊事》卷2作「不敢」。

#### (12) 不去斧鑕, 歿頭乎王廷

按:王念孫曰:「歿猶刎也。《韓詩外傳》卷2、《新序·節士篇》並作『刎頸』。」(註38) 俞樾、許維遹說同。馮振曰:「『頭』疑當作『頸』,形近而誤。《上德篇》『還歿頭前於孟勝』,與此同誤。」(註39) 陳奇猷曰:「『歿』與『刎』同。」歿頭,《渚宮舊事》卷2、《冊府元龜》卷617亦作「刎頸」,《史記·循吏傳》作「自刎」。頭,當讀爲脰。馮振未達通借。《公羊傳·文公十六年》何休注:「殺人者刎頭。」《釋文》:「頭,如字,本又作脰,音豆。」《儀禮·士虞禮》:「取諸脰隘。」鄭玄注:「古文脰隘爲頭嗌也。」《淮南子·修務篇》:「決腹斷頭。」《戰國策·楚策一》作「斷脰決腹」,鮑注:「脰,項也。」《說文》:「脰,項也。」《玉篇》:「脰,頸也。」《釋名》:「咽,咽物也……青、徐謂之脰,物投其中,受而下之也;又謂之嗌,氣所流通,阨要之處也。」是「脰」指頸項或咽喉。《穀梁傳·僖公十年》:「刎脰而死。」《釋文》:「脰,音豆,頸也。」正作本字「脰」。《說苑·奉使》:「念思非不能拔劍刎頭、腐肉暴骨於中野也。」亦讀爲「刎脰」。

## 《上德》校補

(1) 故古之人,身隱而功著,形息而名彰

高誘注:身沒於前,名明於後世。

按:陳奇猷曰:「高非也。息,寧靜也。形息猶言形性寧靜也。」高注不

<sup>[</sup>註38] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第316頁。王氏《荀子雜志》亦云:「歿頭即刎頭也。」收入《讀書雜志》卷11,中國書店1985年版,本卷第57頁。

<sup>[</sup>註39] 馮振《呂氏春秋高注訂補(續)》,《學術世界》第1卷第10期,1935年版,第91頁。闡一多《璞堂雜業·呂氏春秋》校《上德》「還」作「遂」,收入《闡一多全集》卷10,湖北人民出版社1994年版,第456頁。

誤。本書《適威》云「身已終矣,而後世化之如神」,即「形息而名 彰」之誼。

(2) 舜其猶此乎

舊校:「此」一作「上」。

按:一本誤。《路史》卷21作「舜其由此乎」。

(3) 孟勝曰:「受人之國,與之有符。今不見符,而力不能禁,不能死, 不可。」

按:陶鴻慶乙「有」於「不能死」上,讀爲「又」。陳奇猷謂陶說非是,解爲「有符契之約」。陳說亦非。聞一多曰:「陶說非也。『有』、『以』古聲同通用(見《古書虛字集釋》)。」(註40)聞說是。

# 《用民》校補

(1) 今外之則不可以拒敵,內之則不可以守國,其民非不可用也,不得所以用之也

按:《御覽》卷 271 引上二句作「外之不可以距敵,內之不得以守固」。今本「國」爲「固」形誤。銀雀山漢簡《尉繚子》:「故边可以守固,[□□□] 戰勝。」宋本《尉繚子·兵談》作「則內可以固守,外可以戰勝」。「边」讀爲「內」(註41)。

(2) 不得所以用之, 國雖大, 勢雖便, 卒無眾, 何益

按:陳奇猷曰:「『無』與『彌』通。彌,甚也。」宋邦乂本、四庫本、百子 全書本、世界書局本「無」作「雖」、《御覽》卷 271 引亦同,下文云「國 雖小,卒雖少,功名猶可立」、係反面之筆。惟許維遹誤作「無」,陳氏 據誤字說之,非也。本書《貴因》:「國雖大,民雖眾,何益?」《淮南

<sup>(</sup>註40) [註49] 闡一多《璞堂雜業·呂氏春秋》,收入《闡一多全集》卷10,湖北人民出版社1994年版,第456頁。所引裴學海《古書虛字集釋》,中華書局1954年版,第152頁。吳昌瑩《經詞衍釋》已有「有,猶以也」之說,中華書局1956年版,第52~53頁。

<sup>[</sup>註41] 參見蕭旭《〈銀雀山漢墓竹簡 (一)〉校補》,收入《群書校補 (續)》,花木蘭文化出版社 2014 年版,第89 頁。

子·兵略篇》:「國雖大,人雖眾,兵猶且弱也。」

(3) 壹引其紀,萬目皆起;壹引其綱,萬目皆張

按:《意林》卷 2、《書鈔》卷 27 引無二「膏」字、「皆」字。

(4) 闔廬試其民於五湖,劍皆加於肩,地流血幾不可止

按:可,《劉子‧閱武》作「肯」。《說文》:「可, 肯也。」

(5) 夙沙之民,自攻其君,而歸神農;密須之民,自縛其主,而與文王

按:與亦歸也,從也。

(6) 又復取道

按:復,《治要》卷39引誤作「後」。

(7) 君,利勢也,次官也

按:俞樾曰:「『次官』疑當作『大官』。『大』誤作『欠』,因誤作『次』。」劉師培曰:「『次』爲『羨』之挩。」章太炎曰:「次亦利也,借爲饮字。」陳奇猷謂諸說並誤,「官」爲「館」本字,引《淮南子・兵略篇》「錞鉞牢重固植而難恐,勢利不能誘,死亡不能動,此善爲充榦者也;相地形,處次舍,治壁壘,審煙斥,居高陵,舍出處,此善爲地形者也」爲證,謂此文「次官」即「次舍」。王利器從俞說,舉《子華子・晏子問黨》「若天子者,大官也;有天下者,大器也」爲證。陳說大誤。「次舍」指軍隊駐紮,與此文無涉。俞說近之,而改字則非。《管子·法法》:「勢利官大,無以不從也。以此事君,此所謂誣能篡利之臣者也。」「次」謂職位、官職。句言君主掌握利勢、官職,爲臣下所希冀者。蔣禮鴻曰:「君不可謂之官。『次官』當作『便居』,字之誤耳。」亦非是。

## 《適威》校補

(1) 民之走之也,若决積水於千仞之谿,其誰能當之

按:陳奇猷曰:「《蕩兵》云:『民之號呼而走之,若彊弩之射於深谿也,若

積大水而失其壅隄也。』可互證。」王利器舉《淮南子·兵略篇》「故善善善善善善善善善善善善善善善善,一等相关,为如決積水於千仞之隄」。按皆本於《孫子·軍形》:「勝者之戰,若決積水於千仞之谿者,形也。」

(2) 《周書》曰:「民善之則畜也,不善則譬也。」

高誘注:畜,好。

按:陳奇猷曰:「畜當訓畜養。畜雖可訓好,究嫌義隔。」畜、讐對舉,高 注是也, 黄生、王筠皆取高說, 黄生又指出: 「好音吼……好字古借用 畜,畜音獸。」[註 42]字亦作嬌、慉,《說文》:「嬌,媚也。」敦煌 寫卷 P.2011 王仁昫《刊謬補缺切韻》卷 4:「��,媚。」《廣雅》:「��, 好也。」段玉裁曰:「嬌有媚悅之義。凡古經傳用畜字,多有爲嬌之叚 借者。蘇林(孟康)曰:『北方人謂眉(媚)好爲詡畜。』又如《禮記》: 『孝者、畜也。順於道、不逆於倫、是之謂畜。』《孟子》曰:『《詩》 曰:「畜君何尤。」畜君者,好君也。』《呂覽》高注云云。《說苑》:『尹 逸對成王曰:『夫民善之則畜也,不善則讎也。』又孔子曰:『夫通達 之國皆人也。以道導之,則吾畜也;不以道導之,則吾讎也。』此等 皆以好惡對言,畜字皆取婚媚之義,今則無有用婚者矣。」(註43)阮 元曰:「《呂覽》云云。《說苑》尹逸對成王曰:『民善之則畜也。』此 畜字即『玉女』玉字也。《說文》云云。孟康注《漢書·張敞傳》云: 『北方人謂媚好爲詡畜。』畜與嬸通也。《禮記・祭統》云:『孝者, 畜也。』《釋名》云:『孝,好也,愛好父母,如所說好也。』是愛於 君親者,皆可云畜也。畜即好也,好即玉也。畜與旭同音,故《詩》 『驕人好好』,《爾雅》作『旭旭』,郭璞讀旭旭爲好好。凡此皆王字加 點之玉字,與畜、好相通相同之證也。」﹝註 44﹞王念孫曰:「《說文》

<sup>[</sup>註42] 黄生《字詁》,黄生、黄承吉《字詁義府合按》,中華書局 1954 年版,第 30 頁。王筠《說文解字句讀》,中華書局 1988 年版,第 495 頁。

<sup>[</sup>註43] 段玉裁《說文解字注》,上海古籍出版社 1981 年版,第618 頁。《漢書·張敞傳》顏師古注引孟康曰:「憮音謝,北方人謂媚好爲謝畜。」段氏誤記「孟康」爲「蘇林」,又誤「媚」爲「眉」。所引《禮記》,見《祭統篇》。所引《孟子》見《梁惠王下》。所引孔子語,見《說苑·政理篇》,《家語·致思》同。所引尹逸對成王語,見《淮南子·道應篇》,《文子·上仁》作文子問老子語,段氏亦誤記。

<sup>[</sup>註44] 阮元《毛詩「王欲玉女」解》,《揅經室集一集》卷4,收入《叢書集成初編》

云云,孟康注《漢書,張敞傳》云云。畜與嬸通。《說文》:『媚,說也。』 故媚好謂之畜,相悅亦謂之畜,又謂之好。《孟子,梁惠王篇》:『畜君 者,好君也。』本承上君臣相悅而言。故趙氏注云:『言臣悅君謂之好 君。』好、畜古聲相近。《祭統》、《釋名》云云。畜、孝、好,聲並相 近。」(註45) 裴學海曰:「案王說是而未盡也。《說文》:『旭讀若勖。』 《詩·巷伯》《釋文》引《說文》作『旭讀若好』。《詩·燕燕篇》:『以 勖寡人。』《禮記・坊記篇》引作『以畜寡人』。是好、勖、畜、旭四 字,古皆同音通用。《說文》:『嬌、媚也。媚、說也。』畜訓好,謂是 **婚之借字固可,而謂是好之借字,尤通。《孟子》云『畜君者,好君也』** 者,即以好字釋畜字。明畜君即好君。好本字,畜借字也。《呂氏》云 云,《詩·谷風篇》:『能不我慉,反以我爲讎。』畜、慉皆與讎對文, 亦皆好之借字也。」(註 46) 諸說皆是,相合則完善矣。畜訓媚,猶言 親媚、取悅。《詩‧假樂》:「百辟卿土,媚于天子。」《漢書‧司馬遷 傳》:「日夜思竭其不肖之材力,務壹心營職,以求親媚於主上。」二 例「媚」即此義。《御覽》卷 382 引《通俗文》:「不媚曰嬸(音畜), 可惡曰嬒。」「不媚」是漢人習語(註 47),是「浮媚」、「嫵媚」、「斌 媚」音轉。音轉又作「薄媚」、《廣韻》:「類,類順,頭不媚也。」《集 韻》、《五音集韻》作「頝,薄媚」。是其證。王筠曰:「『不』字或衍, 或美惡不嫌同詞。」(註48) 二說皆非是。我舊說謂「不媚」與「薄媚」 不同[註49],亦誤。言君主善於民則民親之,不善於民則民讐之。《商

第 2198 册,中華書局 1985 年影印,第 67 頁。

<sup>[</sup>註45] 王念孫《廣雅疏證》,收入徐復主編《廣雅詁林》,江蘇古籍出版社 1992 年版,第61 頁。

<sup>[</sup>註46] 裝學海《孟子正義補正》,《國學論叢》第2卷第2期,1930年版,第38~39 頁。

<sup>[</sup>註47] 《易林·明夷之艮》:「鴞鴟取婦,深目窈(窈)身,折腰不媚,與伯相背。」 又《復之蒙》:「鷂鴟娶婦,深目窈身,折腰不媚,與伯相背。」

<sup>[</sup>註48] 王筠《説文解字句讀》,中華書局 1988 年版,第 495 頁。

<sup>[</sup>註49] 蕭旭《敦煌賦校補》,收入《群書校補》,廣陵書社 2011 年版,第 865 頁。《說文》:「鑒,不媚,前卻鹽也。」《繫傳》:「鑒,乍進乍退,無姿製也。」P.2011 王仁的《刊謬補缺切韻》卷 3、《廣韻》並云:「鑒,不媚。」指女子在人前躲閃,忽進忽退,亦是媚好的姿勢。俗作騰,亦作閃,《篆隸萬象名義》卷 9:「隱,女子態,不媚。」《廣韻》:「隱,女子態,又前卻隱媚也。」P.2011 王仁的《刊謬補缺切韻》卷 5:「隱,女子態。」

子·弱民》:「民善之則親,利之用則和。」是其確證。《治要》卷 45 引《政論》:「夫民善之則畜,惡之則讎。」皆足以印證。陳氏誤以爲是君畜養其民,未達厥誼。

#### (3) 務除其災,思致其福

按:蔣維喬等曰:「《治要》、《御覽》卷 602 無『思』字。」《御覽》見卷 620, 蔣氏誤記。「思」是「事」音誤,事亦務也(註50)。《韓子·解老》:「務 致其福,則事除其禍。」

#### (4) 若璽之於塗也,抑之以方則方,抑之以圜則圜

按:徐時棟曰:「按今曰印泥,塗猶泥也。」(註 51) 許維遹曰:「《淮南·齊俗篇》云:『若璽之抑埴,正與之正,側與之側。』許注云:『埴,泥也。』」《淮南》「側」作「傾」,許氏誤記。《御覽》卷 620 引「圜」作「圓」,餘同;又卷 682 引作「印方則方,印圓則圓」。二「抑」字,孔本《書鈔》卷 27 引同,又卷 131 引作「仰」,陳本二卷並作「印」;《六書故》卷 29 「印」字條引作「印」。王利器謂「印」是「抑」誤。「仰」亦是「抑」形譌(註 52)。《文苑英華》卷 514 鄭璲《獻賢能書判對》:「既受其法,如璽印塗;將教所理,猶金在鑄。」上句顯用本書之典(註 53),字亦誤作「印」。

#### (5) 若五種之於地也,必應其類,而蕃息於百倍

按:本書《用民》:「夫種麥而得麥,種稷而得稷,人不怪也。」此即「應其 類」之說也。

#### (6) 驟戰而驟勝

高誘注:驟,數也。

按:陳奇猷曰:「《韓詩外傳》、《淮南》、《新序》並作『數』。案數又與速通,

<sup>[</sup>註50] 參見蕭旭《淮南子校補》,花木蘭文化出版社 2014 年版,第85~86 頁。

<sup>[</sup>註51] 徐時棟《煙嶼樓讀書志》卷 15,收入《續修四庫全書》第 1162 册,上海古籍 出版社 2002 年版,第 586 頁。

<sup>[</sup>註52] 參見《書鈔》卷 27 孔廣陶校語,收入《續修四庫全書》第 1212 册,上海古籍出版社 2002 年版,第 136 頁。

<sup>[</sup>註53] 下句典出《漢書·董仲舒傳》:「夫上之化下,下之從上,猶泥之在鈞,唯甄者之所爲;猶金之在鎔,唯治者之所鑄。

然則驟與數皆速之假字,猶言速戰而速勝也,亦通。」陳氏讀爲速非是,下文云「驟戰則民罷,驟勝則主驕」,速戰不致民罷,故高注不誤。《鹽鐵論·論功》:「戰勝而不休,身死國亡者,吳王是也。」此言不休,尤爲數讀如字之切證。《文子·道德》:「夫亟戰而數勝者,則國必亡。亟戰則民罷,數勝則主驕。」亟亦數也。

#### (7) 東野稷以御見莊公,進退中繩,左右旋中規

按:《莊子·達生》同。《御覽》卷 746 引《莊子》作「進退中繩,周旋中規」、《嬾眞子》卷 5 引《莊子》作「進退中繩,左右旋中矩」。「左右旋中規」當補作「左右旋〔中矩,周旋〕中規」,今本脫四字。《莊子·徐無鬼》:「吾相馬,直者中繩,曲者中鉤,方者中矩,圓者中規,是國馬也。」左右旋即折旋,指轉彎,即指「方者中矩」而言。周旋即指「圓者中規」而言。《禮記·玉藻》:「周還中規,折還中矩。」《釋文》:「還,音旋,本亦作旋。」《說苑·辨物篇》:「行步中規,折旋中矩。」《中論·法象》:「周旋中規,折旋中矩。」

#### (8) 以為造父不過也, 使之鉤百而少及焉

高誘注:不達也。

按:孫鳴鏘曰:「《莊子·達生篇》作『使之鉤百而反』,《釋文》:『司馬云:「稷自矜其能圓而驅之,如鉤復跡,百反而不知止。」』,章太炎曰:「『百』即『阡陌』之陌字。鉤百謂盤旋陌上一周也。」馬敘倫曰:「『鉤百』即《左僖二十八年傳》『距躍三百』之『距百』。杜注:『距躍,超越也。』《說文》:『距,一曰超距。』百者,超之省,《玉篇》云『走貌』。則距百猶躍走也。」金其源曰:「高注『不達也』,非善御之謂。鉤,規也。《莊子》司馬云云。然則『鉤百』者,循環百次也。『少及』者,少選輒及也。」陳奇猷曰:「諸說皆未得。『及』當從《莊子》作『反』。『鉤百』即『奏百』,亦即『走百』、『趨百』,義爲趨走百里。『少』爲『少頃』之省。《史記·叔孫通傳》:『臚句傳。』《索隱》:『蘇林曰:「上傳語告下爲臚,下傳語告上爲句。」』下傳語告上正是『奏』字之義,明『臚句』即『臚奏』矣。高注『不達』者,謂不通達此文之義也。高誘質樸,於所不知,直言『不達』。」徐仁甫曰:「『及』爲『反』字之誤。」王利器曰:「百濟爲趙,《廣韻》:『趙,超越。』……『鉤百』

即『鉤超』也。鉤、奏、趨,俱一聲之轉也。」司馬彪說是,金其源解「鉤百」爲循環百次,陳奇猷、徐仁甫謂「及」當作「反」,皆是也,餘說皆誤。此文當據《莊子》校正,「少」字衍文。「鉤」即「規」,指周旋中規而言。「鉤百」指馬周旋百次,轉了一百個圈子,故司馬云「圓而驅之,如鉤復跡」。《左傳》「距躍三百」,距踊,直跳也,今言跳高;「百」借爲「驀」,俗作超、趙、超,越也,跳也,用爲動量詞。距躍三百,是說直跳了三百跳(註54)。馬敘倫引之,殊爲失當。高注「不達」者,是解釋「少及」,高氏所見本已誤。此注「不達」,不是表示高氏不解其義。陳奇猷讀鉤爲奏,無據。所引《史記》「臚句」,「臚句」是「果贏」轉語,程瑤田曰:「臚句,形聲相轉;匈奴山名『盧朐』(見《武帝紀》),則又言其形矣。」(註55)

#### (9) 煩為教而過不識

高誘注:過,責。識,知。

按:《莊子·則陽》作「匿爲物而愚不識」、《釋文》:「愚,一本作遇。」俞 樾謂「遇」是「過」形誤(註56)。

(10) 子陽極也好嚴,有過而折弓者,恐必死,遂應猘狗而弑子陽 高誘注:子陽,鄭君也,一曰鄭相也。好嚴猛,於罪刑無所赦。家人 有折弓者,恐誅,因國人有逐狡狗之擾,而殺子陽。

按:「應」當作「因」,高注可證。本書《首時》:「鄭子陽之難,猘狗潰之;齊高國之難,失牛潰之。眾因之以殺子陽、高國。」《淮南子·氾論篇》:「鄭子陽剛毅而好罰,其於罰也,執而無赦,舍人有折弓者,畏罪而恐誅,則因猘狗之驚以殺子陽。」亦皆作「因」字。猘,字亦作瘈、狾、猰、唰、狛,謂狂犬,其語源是「趨」,取跳走爲義(註57)。注「狡」、《廣韻》:「狡,狂也。」王利器曰:「『狡』當作『狂』,形近之誤也。」非是。

<sup>[</sup>註54] 參見蕭旭《「蝗蟲」名義考》,收入《群書校補(續)》,花木蘭文化出版社 2014 年版,第2187~2188頁。

<sup>[</sup>註55] 程瑤田《果贏轉語記》,收入《續修四庫全書》第191冊,上海古籍出版社2002年版,第523頁。

<sup>[</sup>註56] 俞樾《莊子平議》,收入《諸子平議》卷19,中華書局1954年版。第375頁。

<sup>[</sup>註57] 參見蕭旭《〈爾雅〉「鍥貐」名義考》,收入《群書校補(續)》,花木蘭文化出版社2014年版,第1825~1826頁。

#### (11) 周鼎有竊,曲狀甚長,上下皆曲,以見極之敗也

高誘注:未聞。

舊校:「竊」一作「窮」。

按:孫鳴鏘曰:「『竊』未詳何物。『有』必是『著』之誤。」金其源曰:「竊之轉訓爲缺。謂周鼎有缺文。」陳直曰:「竊一本作窮是也。窮,極也。謂周鼎之三層紋,曲折之狀,圍遶甚長也。」聞一多曰:「『竊』當從一本作『窮』。『曲』當爲『回』。窮回即窮奇,一曰康回……疑窮奇亦蚼犬之類,或竟同物。蚼之言鉤也,其狀鉤曲,故名。」(註58)陳奇猷曰:「孫謂『有』爲『著』之誤,是。舊以『竊曲』爲讀,誤。『竊』乃『离』之重文。《說文》:『离,蟲也。』舊校云『竊一作窮』,是以『窮曲』爲讀。曲、奇雙聲,窮曲即窮奇。窮奇在書傳中有三說:(a)國名。(b)如虎形之神。(c)狀如牛之獸。第一義爲國名,顯與此文不合。第二、三義如虎、如牛皆不長不曲,亦不合。明『窮』字必是誤文。」王利器亦謂「竊」借爲「离」。孫、陳校「有」爲「著」可從。舊校作「窮曲」亦是。「窮曲」即「窮奇」轉音。陳氏所列「窮奇」三說,是其具體所指,故皆與本書不合。「窮奇」取義於險惡,故惡神、惡人、惡獸、惡地皆得稱爲「窮奇」,雖所指各異,而語源則同。此文則指貪食之獸,字亦作「矜錡」(註59)。

## 《爲欲》校補

#### (1) 誠無欲,則是三者不足以勸

高誘注: 勸,樂也。

按:蔣維喬等曰:「《御覽》卷 625『勸』作『動』。」陳奇猷曰:「『勸』與下文『禁』對文。『動』字誤。高訓勸爲樂,亦非。」景宋本《御覽》卷 625 引作「勸」,蔣氏乃據誤本。王利器曰:「由《御覽》所引,則注文當作『勸,動也』,『動』爲『勉』字形近之誤。」據誤本因生誤說,而失檢不誤之宋本。高誘訓樂者,蓋所見本誤作「歡」。

<sup>[</sup>註58] 聞一多《璞堂雜業·呂氏春秋》,收入《聞一多全集》卷10,湖北人民出版社1994年版,第457頁。

<sup>[</sup>註59] 參見蕭旭《「窮奇」名義考》,收入《群書校補(續)》,花木蘭文化出版社 2014 年版,第 2195~2202 頁。

(2) 會有一欲,則北至大夏,南至北戶,西至三危,東至扶木,不敢 亂矣

高誘注:亂,猶難也。

按:「亂」疑「辭」形誤,猶言推辭,故高注訓難也。陳奇猷解爲「不敢爲 亂」,非是。不敢,猶言不肯、不願(註60)。

(3) 晨寤興,務耕疾庸,棵為煩辱,不敢休矣

高誘注: 撰,古耕字。

按:畢沅曰:「上既云『務耕疾庸』,則撰必非耕字。又似屬下句,闕疑可 也。」梁玉繩曰:「《廣雅》:『穓,耕也。』《五音集韻》作『穓』,疑 與『撰』是一字。然上下必有脫文。」惠棟亦引《廣雅》說之。于鬯 曰:「此文本作『務撰疾庸』,故解云『撰,古耕字』。庸讀爲傭。」譚 戒甫曰:「此疑讀三字爲句,中有譌衍字耳。此或作『晨寤興,疾庸撰, 爲煩辱』。《爾雅》:『庸,勞也。』疏:『謂勞苦。』辱,『耨』省。《說 文》:『耨,薅器也。』則『庸撰』、『煩辱』義正一貫。」蔣禮鴻曰:「『撰 古耕字』疑爲後人校語,非必高注舊文。撰當爲梠之異文,即耒耜之 耜。又《說文》以榸爲梠之或體,則穓又或梩字形近之誤。檢許氏《集 釋》,曰:『王念孫校本,改注撰古梠字。』今存之。」[註61] 王利器 謂「榠」必「穓」之誤無疑,又謂「庸」讀爲「傭」,以「務耕疾庸穓 爲煩辱」爲句。陳奇猷曰:「『撰』字當連下『爲煩辱』爲讀。『撰』即 『分異』之初文。《釋名》:『異者,異於常也。』即今語所謂『特殊』。 『爲』有役作之意。『煩辱』係古人恒言,有勞苦之義。務,專力也。 疾亦力也。庸,蓋即勞作之意。高誘不識『撰』字,誤以爲『穓』,因 謂爲古『耕』字。」譚說全誤,陳氏得其句讀,解「煩辱」及「務」、 「力」、「庸」亦是,餘說則誤。撰,讀爲翼,謹敬也。言謹爲煩辱勞 苦之事,故云不敢休矣。亦借廙字爲之,《玉篇》:「廙,謹敬也,亦作 翼。」《廣韻》:「廙,恭也,敬也。」

#### (4)逆而不知其逆也,湛於俗也,久湛而不去則若性

<sup>[</sup>註60] 參見蕭旭《古書虛詞旁釋》,廣陵書社 2007 年版,第 131~132 頁。

<sup>[</sup>註61] 蔣禮鴻《義府續貂》,收入《蔣禮鴻集》卷2,浙江教育出版社2001年版,第 65~66頁。

- 按:陳奇猷曰:「湛讀爲淫。」《說文》:「湛,沒也。」字亦作沈。言沈溺於俗世。《淮南子·齊俗篇》:「人之性無邪,久湛於俗則易,易而忘本,合於若性。」此文「則」下脫「合於」而字《文子·道原》、《下德》作「即合於若性」,亦可證。《史記·滑稽傳》:「(東方朔)據地歌曰:『陸沈於俗。』」
- (5)無以去非性,則欲未嘗正矣。欲不正,以治身則夭,以治國則亡
- 按:《淮南子·齊俗篇》:「夫縱欲而失性,動未嘗正也,以治身則危,以治國則亂,以入軍則破。」《文子·下德》作「夫縱欲失性,動未嘗正,以治生則失身,以治國則亂人」,《文子·道原》作「夫人從欲失性,動未嘗正也,以治國則亂,以治身則穢」。「動」當作「欲」,「危」、「夭」當作「失」,皆字之誤也。

#### (6) 性異非性,不可不熟

按:王念孫改「異」作「與」(註 62)。孫鳴鏘曰:「『異』疑『與』。」陶鴻 慶說同孫氏,陳奇猷從其說,謂「二字易誤」。「異」讀爲「與」,上古 之、魚二部可通(註 63),不必改字。

#### (7) 聖王執一,四夷皆至者,其此之謂也

按:王念孫曰:「至讀爲質,與『一』爲韻。」(註 64) 陳奇猷曰:「《用民》云:『壹引其紀,萬目皆起;壹引其綱,萬目皆張。爲民綱紀者何也? 欲也,惡也。』即此文所謂『一』者,蓋指『綱紀』也。」陳說非是,本書有《執一篇》,陳氏彼注:「一者道也。」則得之。

#### (8) 執一者至貴也,至貴者無敵

按:「執」字衍文。《淮南子·齊俗篇》:「夫一者至貴,無適(敵)於天下。」《文子·下德》同。本書《圜道》:「一也齊(者)至貴。」(註65)亦無

<sup>[</sup>註62] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢 學研究》第28卷第3期,2010年出版,第316頁。

<sup>[</sup>註63] 例證詳見蕭旭《「首鼠兩端」解詁》,收入《群書校補(續)》,花木蘭文化出版社 2014 年版,第 2255 頁。

<sup>[</sup>註64] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第316頁。

<sup>[</sup>註65] 《文選·雜體詩》李善注引作「一也者至貴也」。

「執」字,另詳彼篇校補。

(9) 群狗相與居,皆靜無爭,投以炙雞,則相與爭矣

高誘注:炙雞,狗所欲之,故鬬爭之。

按:丁聲樹曰:「正文及注『炙雞』當作『雞炙』。炙與跖通,雞足踵也。」陳奇猷曰:「丁說雖辯,但此作『炙雞』自可通。」陳說是,《御覽》卷625、《黃氏日抄》卷56引同今本。

(10) 七日而原不下

高誘注:下,降。

按:下,《韓子·外儲說左上》同,《左傳·僖公二十五年》、《國語·晉語四》、 《淮南子·道應篇》、《新序·雜事四》作「降」。下文「原將下矣」,同。

## 《貴信》校補

(1) 故信之為功大矣

按:功,《御覽》卷430引誤作「政」。

(2) 信立則虛言可以賞矣,虛言可以賞,則六合之內皆為己府矣

按:虚言可以賞,謂不必以實物賞賜,故云六合之內皆爲己府也。陳奇猷讀 賞爲償,解爲「賠償」、「兌現」,非是。

(2) 天行不信,不能成歲;地行不信,草木不大

舊校:下「行」一作「安」。

按:蔣維喬等曰:「《御覽》卷 19『地行』作『地安』,又卷 430『大』作『茂』。」《御覽》卷 19、430 引作「地安」,又卷 19 引「大」作「茂」,卷 430 引仍作「大」,蔣氏誤記。

(3) 春之德風,風不信,其華不盛,華不盛,則果實不生

高誘注:在木曰果,在地曰蓏。

按:德,《演繁露》卷1引作「得」。其華不盛,《緯略》卷6、《說郛》卷23引袁桷《澄懷錄》引作「則花不成」,《演繁露》卷1引作「則其花不成」。《書鈔》卷154引作「春之德風,風不信,則果寔不成」。《劉

子·履信》:「故春之得風,風不信,則花蕚不茂,花蕚不茂,則發生之德廢。」即本此文。得,讀爲德。譚戒甫曰:「據注,疑正文『果實』本作『果蓏』。」陳奇猷引《仲夏》「果實早成」以證此文不誤。陳說是也,《御覽》卷19引同今本,《書鈔》引作「果寔(實)」,皆足證其說。

(4)夏之德暑,暑不信,其土不肥,土不肥,則長遂不精 高誘注:遂,成也。

按:遂,育也。《劉子·履信》:「夏之得炎,炎不信,則草木不長,草木不長,則長嬴之德廢。」即本此文。

(5) 秋之德雨,雨不信,其穀不堅,穀不堅,則五種不成 高誘注:堅,好。成,熟也。

按:《劉子·履信》:「秋之得雨,雨不信,則百穀不實,百穀不實,則收成之德廢。」即本此文。

(6) 冬之德寒,寒不信,其地不剛,地不剛,則凍閉不開 高誘注:不開,氣不通也。

按:王念孫曰:「『開』當爲『關』,注同。」(註60) 俞樾曰:「《孟冬紀》曰:『孟冬行春令,則凍閉不密。』疑此文『開』字亦『密』字之誤。高注本已誤。」孫詒讓曰:「俞校是也。但『開』當爲『閟』,即『密』之假字。」蔣維喬等曰:「《御覽》卷430作『冬寒不信,其地不閉』,與今本文義爲背。俞說甚是,則《御覽》引文旨甚當,但俞氏校『開』爲『密』則非也。孫詒讓云云,甚是。《書鈔》卷156、《御覽》卷27引俱作『凍閉不開』,則唐、宋時已有譌矣。」楊樹達曰:「盛、生、精、成,古青部韻。『開』字不爲韻,《呂》書往往有此。」陳奇猷曰:「『開』字本從开聲,开隸青部,故《呂氏》以開與盛、生、精、成相協。楊氏失之未考。冬凍甚則地剛,地剛則開坼,若凍不甚則地不開坼,故此文云然。」《御覽》卷37引亦作「凍閉不開」。《書鈔》卷156引「不信」上有「生」字,孔廣陶謂今本脫(註67),非是。《書鈔》

<sup>[</sup>註66] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第316頁。

<sup>[</sup>註 67] 《書鈔》卷 156 孔廣陶校語,收入《續修四庫全書》第 1213 册,上海古籍出版社 2002 年版,第 114 頁。

卷 156、《御覽》卷 27、37 引二「剛」上有「成」字;《御覽》卷 430 引作「多寒不信,其地不閇」,「閇」是「閉」俗字。《禮記・月令》:「孟 冬行春令,則凍閉不密,地氣上泄。」本書《孟冬紀》、《淮南子・時 則篇》「上泄」作「發泄」,餘同。孔疏:「凍閉不密,地氣上泄,地災 也。」寒信,則其地剛,凍閉堅密,地氣不上泄;反之,寒不信,則 其地不剛,凍閉不堅密,地氣上泄。《爾雅》:「春爲發生,夏爲長嬴, 秋爲收成,冬爲安寧。」冬之德寒,取其安寧,地氣不上泄。《劉子‧履信》:「冬之得寒,寒不信,則水土不堅,水土不堅,則安靜之德廢。」 即本此文。此文自當從孫校,陳氏以開坼說之,地開坼則地氣上泄, 豈冬之德乎?《說文》:「開,張也,從門,從开。闕,古文開。」段 玉裁曰:「一者,象門閉。從収者,象手開門。」(註68)楊樹達曰:「按 古文從一從収。一者,象門關之形。『關』下云『以木橫持門戶』,是 也。從収者,以兩手取去門關,故爲開也。小篆變古文之形,許君遂 誤以爲從开爾。」季旭昇取楊說(註69)。其字從収得聲(註70),不從 开得聲,「収」隸變作「廾」,因與「一」誤合作「开」。陳氏誤考。

## (7)百工不信,則器械苦偽,丹漆染色不貞

高誘注:貞,正也。

按:《御覽》卷 430 引「貞」作「眞」,無「染色」二字。王念孫曰:「苦, 讀爲鹽。」(註71) 王志平曰:「銀雀山竹簡《王兵篇》云:『官府毋(無) 長,器戒(械)苦俾(窳),朝廷無正,民幸生。』與此對應的是《管 子》的兩段文字。《管子·七法》:『官無常,下怨上而器械不功;朝無 政則賞罰不明,賞罰不明則民幸生。』又《管子·兵法》:『官無常則下 怨上,器械不巧則朝無定,賞罰不明則民輕其產。』其中對應簡文『器 戒(械)苦俾(窳)』的分爲『器械不功』和『器械不巧』,恐以『不功

<sup>[</sup>註68] 段玉裁《説文解字注》,上海古籍出版社 1981 年版,第588 頁。

<sup>[</sup>註69]楊樹達《釋「開」、「闢」、「閉」》,收入《積微居小學述林》卷3,中華書局1983年版,第83頁。季旭昇《說文新證》,福建人民出版社2010年版,第871頁。

<sup>(</sup>註70) 另參見何琳儀《戰國古文字典》,中華書局 1998 年版,第 775 頁:又參見黃 德寬主編《古文字譜系疏證》,商務印書館 2007 年版,第 2928 頁。二氏説與 楊樹達同,而皆不引楊說,未知何故?

<sup>[</sup>註71] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢 學研究》第28卷第3期,2010年出版,第316頁。

(工)』爲正。整理小組注云:『「苦俾」當讀爲「苦窳」,意爲不精緻,與《管子》之「不功」同義。』……『俾』字簡文與『偽』形近。『苦偽』顯係『苦俾』之誤,當讀爲『苦窳』或『苦觚』,苦窳即粗劣、不精巧之意。」(註72)余謂「苦偽」不是誤字,《御覽》卷430引仍作「苦偽」。陳奇猷引《季夏紀》「莫不質良,勿敢偽詐」以明此文,是也,亦可見「偽」字不誤。「苦」謂器物不牢固,王念孫說是也;「偽」指器物不眞,今稱作假貨。「偽」古音讀如訛,音轉則作鴈,俗字作贗、修、諺、喭、彥。蔣斧印本《唐韻殘卷》:「贗,偽物,又作修。」(註73)「苦偽」與「苦俾」義近,不煩改字。《類聚》卷22引魏·阮瑀《文質論》:「麗物苦偽,醜器多牢。」(註74)

#### (8) 以此治人,則膏雨甘露降矣,寒暑四時當矣

高誘注:當,猶應也。

按:治,《御覽》卷 430 引作「君」。馮振曰:「當,正也。高注未切。」

#### (9) 莊公左搏桓公,右抽劍以自承

高誘注:承,佐也。

按:梁履繩曰:「注非也。《左氏昭二十一年傳》:『子皮承宜僚以劍。』《哀十六年傳》:『承之以劍。』杜注云:『拔劍指其喉。』上朱駿聲申高注,云:「承,叚借爲丞。」 [註 76] 陳奇猷曰:「高訓承爲佐不誤。佐,助也。此文謂莊公左手搏桓公,右手抽劍以自助。」梁說是,陳說非也。何九盈申梁說,謂「承」有「指向」義 [註 77]。《管子·大匡》作「(莊公) 左揕桓公,右自承」。《廣韻》:「揕,擬擊也。」字本作抌,《說文》:「抌,深擊也。」謂莊公以左手擊桓公,右手抽劍以自指。

<sup>[</sup>註72] 王志平《〈吕氏春秋〉中的「苦偽」》、《中國語文》1999年第1期,第62~63頁。

<sup>[</sup>註73] 參見蕭旭《韓非子校補》,花木蘭文化出版社 2015 年版,第 115~116 頁。

<sup>[</sup>註74] 《類聚》據南宋紹興本,《記纂淵海》卷 59 引同,嘉靖天水胡纘宗刊本、四庫本《類聚》並誤作「若僞」。

<sup>(</sup>註75)馮振《呂氏春秋高注訂補(續)》,《學術世界》第1卷第10期,1935年版,第92頁。

<sup>[</sup>註76]朱駿聲《說文通訓定聲》,武漢市古籍書店 1983 年版,第65 頁。

<sup>[</sup>註77] 何九盈《詞義瑣談》,《古漢語研究》1988年第1期,第37~38頁。

#### (10) 鈞其死也, 戮於君前

高誘注:鈞,等也。

按:陳奇猷曰:「鈞,今假『均』字爲之。」《御覽》卷 430 引作「均」,《管子,大匡》同。

## 《舉難》校補

(1) 孔子曰:「龍食乎清而游乎清,螭食乎清而游乎濁,魚食乎濁而游 乎濁。」

按:《論衡·龍虛》引孔子語:「龍食於清游於清,龜食於清游於濁,魚食於 濁游於清。」(註78)疑「魚」當據《論衡》,言「食乎濁游乎清」。

(2) **甯戚欲干齊桓公,窮困無以自進,於是為商旅將任車以至齊** 高誘注:任亦將也。

按:《淮南子·道應篇》「至」作「商」,「商」是「適」脫誤,許慎注:「任,載也。」故與此篇高說不同。《新序·雜事五》作「賃車以適齊」,「賃」是「任」借字,脫「將」字,當據此文補。畢沅曰:「注非是,與下『辟任車』不可通。《淮南·道應訓》注云:『任,載也。《詩》曰:「我任我輦。」』此則是已。」惠士奇曰:「《詩》曰:『我任我輦。』任者任車,即《牛人職》所謂牽徬,轅外輓牛,己載公任器者也。載任器,故曰任車。甯戚將任車云云。《詩》所云『我任』者,謂此車,一名牛車,即庶人之役車。康成謂負任者,高誘云任猶將也,皆失之。」(註 79) 范耕研曰:「高此注固非,即其注《淮南》亦未是。任蓋借爲賃,《說文》:『庸也。』言爲他商賈旅人傭車,乃得至齊。」石光瑛曰:「畢校斷從《淮南》注,雖是,然《說文》:『賃,庸也。』此賃之本義。本書字作賃,若訓爲載,則是任之叚字,不如訓庸賃尤通。安知《呂子》、《淮南》不用叚字乎?(《治要》引本書亦作賃)《列女傳》云『將車宿齊東門之外』,彼上文云爲人僕,故文有不同,高誘

<sup>[</sup>註78] 龍谿精舍叢書本、漢魏叢書本、四庫全書本、四部叢刊本、百子全書本、世 界書局本《論衡》皆作「魚食於濁游於清」,黃暉《論衡校釋》本誤作「魚食 於濁游於濁」,中華書局 1990 年版,第 285 頁。

<sup>[</sup>註79] 惠士奇《禮說》卷 9,收入《叢書集成三編》第 24 冊,新文豐出版公司 1997 年版,第 390 頁。

殆據此而誤。」(註80) 尚秉和曰:「《說苑》:『甯戚爲商旅,賃車以適齊。』賃者,雇也。雇即傭也。」(註81) 王叔岷曰:「任即賃之借。」陳奇猷曰:「畢說是。『任車』係一名詞,猶言載物之車。將任車以至齊猶言送載物之車至齊。」許慎注是,畢沅、惠士奇並從其說。王利器曰:「《詩・無將大車》鄭玄箋:『將,猶扶進也。』任車即役車,亦即大車。」其說亦是。字本作將,章太炎曰:「《說文》:『將,扶也。』今浙江謂小兒相扶曰將,音如將。《詩》言『福履將之』、『無將大車』,箋皆訓將爲扶,則古祇作將也。」(註82) 《玉篇》:「將,扶也,今作將。」陳奇猷解「將」爲「送」,非是。

#### (3) 爝火甚盛,從者甚眾

按:爛火,《淮南子·道應篇》、《冊府元龜》卷 241 同,許慎注:「爛,炬火也。」《冊府》注:「爛,熒也。」爛指火炬,亦是小火,故又訓熒。字本作燋,《說文》:「燋,所以然持火也。」《玉篇》:「燋,炬火也,所以然也。」《新序·雜事五》作「執火」,石光瑛曰:「此作『執』,義別,言從人執火隨君迎客者。」(註83)

#### (4) 桓公反,至,從者以請,桓公賜之衣冠,將見之

按:《新序·雜事五》「桓公」下有「曰」字。石光瑛曰:「將,領也,傳也,謂傳領見於桓公也。《呂》書奪『曰』字,畢校仍之,非是。『賜之衣冠將見之』七字,乃桓公之語,蓋從者以請,而桓公答之如此。奪『曰』字,失其義矣。」(註84)賜,《新序》同,《淮南子·道應篇》作「贛」,《御覽》卷444引《淮南》亦作「賜」。《說文》:「贛,賜也。」《淮南子·詮言篇》:「直己而足物,不爲人贛。」《文子·符言》作「賜」,亦其例。字亦作貢,《爾雅》:「貢,賜也。」《史記·仲尼弟子傳》:「端木賜,字子貢。」

<sup>[</sup>註80] 石光瑛《新序校釋》,中華書局 2001 年版,第 677 頁。

<sup>[</sup>註81] 尚秉和《歷代社會風俗事物考》,江蘇古籍出版社 2002 年版,第 313 頁。所引《說苑》,當是《新序》誤記。

<sup>(</sup>註82)章太炎《新方言》卷 2,收入《章太炎全集(7)》,上海人民出版社 1999 年版,第 69 頁。

<sup>[</sup>註83] 石光瑛《新序校釋》,中華書局 2001 年版,第677 頁。

<sup>[</sup>註84] 石光瑛《新序校釋》,中華書局 2001 年版,第 679 頁。

# 《恃君覽》卷第二十校補

## 《恃君》校補

#### (1)制禽獸,服狡蟲

高誘注:狡蟲,蟲之狡害者。

按:陳奇猷曰:「狡,戾也。《戰國策·秦策》:『虎者戾蟲。』則狡蟲亦指 虎豹之類耳。高注未得其義。」王利器曰:「《墨子·節用中》:『爲猛 禽狡獸,暴人害民。』猛即狡也。狡,健也,勇也。蟲,有足謂之蟲。」 《淮南子·覽冥篇》:「狡蟲死,顓民生。」高誘注:「蟲,狩也。」「狩」 是古「獸」字。狡之言狂戾。狡蟲、狡獸指猛獸。

#### (2)此國〔之〕所以遞興遞廢也,亂難之所以時作也

高誘注:不得常,施時盜作耳。

按:陳奇猷乙注文作「施盜時作耳」,云:「施與邪同。高意蓋謂國不得常存者,以邪盜時作耳。」陳說非是。施,讀爲弛,毀廢。謂國遞興遞廢,不得常存,國家毀廢時盜即作耳。

#### (3) 豫讓欲殺趙襄子

按:王利器曰:「《淮南子·主術篇》:『豫讓欲報趙襄子。』高注:『欲爲智 伯報讎,殺趙襄子。』《史記·刺客傳》《正義》引《呂氏》作『報』。」 《正義》未引《呂氏》,王氏誤記。《御覽》卷 374、620、871 引「殺」 亦作「報」。下文「是〔爲〕先知報後知也」,亦作「報」字。

#### (4)(豫讓)又吞炭以變其音

按:馬敘倫曰:「《史記·刺客傳》:『吞炭爲啞。』炭借爲歎,啞借爲喝。」陳奇猷曰:「《趙策》云:『又吞炭爲啞,變其音。』疑此脫『爲啞』二字,而《趙策》則脫『以』字。《說文》云:『啞,笑也,《易》曰「笑言啞啞。」』是『啞』本係形容喀喀之音。《史記·刺客傳》《索隱》云:『啞音鳥雅反,謂瘖病。』謬甚。蓋瘖病不能言,安可又與其友對答乎?馬亦以不知啞字之本義,因以爲喝之假字,非。」王利器曰:「馬說非是。《索隱》云云。則瘖有變音一義,非不能言者也。瘖有不多言一義,所謂要言不煩也……瘖非啞而不能言明矣。」陳、王說誤。此文不必據《策》補「爲啞」,《賈子·階級》:「豫讓舋面變容,吸炭變聲。」亦無「爲啞」。馬氏讀炭爲歎,誤;而讀啞爲喝,不誤。啞、喝指聲破,聲音嘶啞,是一種病態,故《索隱》云「啞,謂瘖病」。字本作嗄,俗作歌,音轉又作沙、誓、嘶〔註〕。

#### (5)以子之材而索事襄子,襄子必近子

高誘注:索,求也。

按:《戰國策・趙策一》「索」作「善」、「必近」下有「幸」字。

#### (6) 柱厲叔事莒敖公

按:蔣維喬等曰:「《御覽》卷 23『敖』作『閔』,又卷 975『敖』誤『陽』。」 景宋本《御覽》卷 975 引亦作「閔」,蔣氏所據爲誤本。《類聚》卷 82、《御覽》卷 23、《古今合璧事類備要》別集卷 44 引「柱」誤作「杜」。

#### (7) 所以激君人者之行,而厲人主之節也

高誘注:激,發也。所以發起君人之行。厲,高也。人君務在知人,知 人則哲,所以厲人主之志節也。

按:畢沅曰:「人主,《御覽》卷 621 作『人臣』,非是。下云『行激節厲, 忠臣幸於得察』,則『節厲』正指人主言。」陳奇猷曰:「畢說是。厲即 砥礪字。節與約同義,《論人》『主道約』即此所云『人主之節』。主道

<sup>[</sup>註1] 參見蕭旭《敦煌寫卷 P.2569、P.5034V〈春秋後語〉校補》,收入《群書校補 (續)》,花木蘭文化出版社 2014 年版,第 1697~1700 頁。

約者,謂人主之道在於無爲。此文蓋謂激發君人者之行,而砥礪人主無爲之道。高訓厲爲高、節爲志節,非是。人主高其志節乃是敗亡之本,如《韓非子·飾邪》謂『國亂節高』爲趙代失敗之因即其例也。」高注不誤,本書《離俗》:「高節厲行,獨樂其意。」是「厲節」即「高節」也。《文選·演連珠》:「是以名勝欲,故偶影之操矜;窮愈達,故凌霄之節厲。」李善注引《廣雅》:「矜,急也。厲,高也。」畢說誤,王利器指出《資治通鑑外紀》卷7、《冊府元龜》卷880亦作「人臣」。柱厲叔死莒公之難,所以激厲君臣之行節,不是只激君。下文「行激節厲」亦就君臣而言,言君行激、臣節厲,則忠臣幸於得察也。陳氏皆牽附之說,「厲約」不辭,「節與約」只在竹節的意義上相同。

## 《長利》校補

#### (1)協而耰,遂不顧

高誘注:協,和悅也。耰,覆種也。顧,視也。

按:《莊子·天地》作「俋俋乎耕而不顧」,《新序·節士》作「耕而不顧」。 劉師培曰:「『協』即《莊子》之『悒悒(俋俋)』。協又訓和。」馬敘倫 曰:「協、俋並作之借。《說文》:『俋俋,勇壯也。』」楊昭儁曰:「《說 文》:『協,同心之龢也。』同心之龢則非一人可知,此『協而耰』即《論 語》之『耦而耕』矣。」譚戒甫曰:「《莊子釋文》:『俋俋,李云耕貌, 一云耕人行貌。《字林》云勇壯貌。』大氐以耕貌爲是。協、俋音近, 故可通用。」陳奇猷曰:「『協』甲骨文象手持力之形。力者田器。此文 謂手持田器而覆種耳。」馬、譚說是。俋俋,用力貌。音轉亦作「傑傑」、 「偈偈」、「朅朅」、「勘勘」等(註2)。

#### (2) 昔者太公望封於營丘,之渚海阻山高險固之地也

按:孫志祖曰:「李善注《文選·子虛賦》引『太公望封於營丘,渚海阻山』, 無『之』字『高』字。『渚』屬下讀,是。」梁履繩曰:「《賦》云『齊 東陼鉅海』,注引此,則『渚』當爲『陼』。」盧文弨曰:「韋昭注《越 語》云:『水邊曰陼。』此正言邊海耳。『山高』疑本是一『嵩』字誤

<sup>[</sup>註 2] 參見蕭旭《象聲詞「札札」考》,收入《群書校補(續)》,花木蘭文化出版社 2014年版,第2206~2207頁。

分。」陳奇猷曰:「『高』字當衍。『之』爲『此』義。渚,遮也。『遮海』與『阻山』文正相對。」李善注引《聲類》:「陼,或作渚。」又引蘇林曰:「小洲曰陼。」又引司馬彪曰:「齊東臨大海爲渚也。」胡紹煐曰:「按諸說並以陼爲小洲之名,非也。善引《呂氏春秋》得其解矣,而又引《聲類》『陼或爲渚』,則仍沿諸家之誤。今按:陼,猶邊也,謂東邊鉅海也。猶《左僖四年傳》云『東至於海』耳。《越語》章昭注:『水邊亦曰陼。』水邊曰陼,故借陼爲邊。《呂覽》『渚海阻山』,亦謂邊海恃山,故云險固之地。今《長利篇》作『封於營邱之渚(句),海阻山高(句),險固之地也(句)』,皆後人不解『渚』字之義而妄加之。本書《齊故安陸昭王碑文》『東渚鉅海,南望秦稽』,正用《子虚賦》語,『渚』與『望』對言,益知非小洲曰渚矣。」(註3)小洲曰陼,水邊曰陼,都是名詞,其義一也,胡紹煐強生分別,非是。此文及《文選》二例「渚(陼)」用作動詞,司馬彪解爲「齊東臨大海爲渚」,至確。「之」、「高」皆衍文。《資治通鑑外紀》卷 10「渚」作「濱」,亦無「之」、「高」二字。

#### (3) 其所求者,瓦之間隙,屋之翳蔚也

按:《御覽》卷915引「瓦之間隙」作「瓦孔之間隟」。

#### (4)解衣與弟子,夜半而死,弟子遂活

按:蔣維喬等曰:「《類聚》卷 5『半』作『坐』。」《類聚》誤,《書鈔》卷 129、156、《御覽》卷 486、689 引並作「半」,《冊府元龜》卷 909 亦作「半」;《水經注·泗水》引作「半夜而死」。

## 《知分》校補

#### (1) 禹仰視天而歎曰

按:孫蜀丞曰:「『歎』當作『笑』,此顯禹從容之狀,無取於歎也。《御覽》 卷82、929 引並作『笑』。《淮南子·精神篇》作『禹乃熙笑而稱曰』。」 蔣維喬等曰:「孫說疑非。《御覽》所引與《淮南子·精神篇》相似爲多, 疑《御覽》誤引耳。李善注《文選·江賦》引亦作『歎』。」陳奇猷曰:

<sup>[</sup>註 3] 胡紹煐《文選箋證》卷 9, 黃山書社 2007 年版,第 250~251 頁。

「《說文》:『歎,吟也。』『歎』字不誤。」楊明照駁孫說,謂《選》注、《事類賦注》卷 16 引作「歎」,《御覽》卷 60 引《新序》同。《御覽》卷 929、《記纂淵海》卷 99 引作「禹笑曰」,《水經注·江水》、《宋書·符瑞志上》、《冊府元龜》卷 22 並同;《御覽》卷 82、《路史》卷 47 引作「禹仰而笑曰」;《記纂淵海》卷 7 引作「禹仰天嘆曰」。《吳越春秋·越王無余外傳》作「禹乃啞然而笑曰」,《論衡·異虛》作「禹乃嘻笑而稱曰」。孫說當作「笑」,是也。古書「歎」、「笑」每相混。

#### (2) 龍俛耳低尾而逝

高誘注:逝,去也。

按:許維遹曰:「《事類賦》卷28引『低尾』作『曳尾』、《竹書紀年》注同。」 《事類賦注》卷 16 引此文, 許氏誤記。蔣維喬等曰:「《選》注『低』 作『曳』。」陳奇猷曰:「『俛耳』當作『俛首』。《說文》無『低』字, 此文『低』蓋音假爲『曳』耳。《說文》:『曳,臾曳也。』段注:『臾 曳猶牽引也。』」《類聚》卷 98 引作「龍俛而去」、《文選・江賦》李善 注引作「龍俛耳曳尾而逃」、《御覽》卷82引作「龍弭耳低尾而逃」、《御 覽》卷 929 引作「龍弭耳而逃」(註4),《事類賦注》卷 16 引作「龍 弭耳曳尾而逝」,《記纂淵海》卷7引作「龍俛首曳尾而逝」,《記纂淵 海》卷 99 引作「龍弭首而逝」、《路史》卷 47 引作「龍乃弭耳而逝」。 《淮南子·精神篇》作「龍乃弭耳掉尾而挑」、《吳越春秋·越王無余 外傳》作「龍曳尾舍舟而去」,《水經注·江水》作「于是二龍弭鱗掉 尾而去」、《宋書・符瑞志上》、《竹書紀年》卷上注作「龍於是曳尾而 逝」、《冊府元龜》卷 22 作「龍於是曳尾而逃」。「俛耳」即「弭耳」、 不必改作「俛首」。「低」疑是「拽」形譌,「拽」同「曳」。「曳尾」與 《淮南》「掉尾」義同,猶言搖尾。《拾遺記》卷 2:「禹盡力溝洫,導 引川夷嶽(註5),黃龍曳尾於前,玄龜負青泥於後。」亦作「曳尾」。

#### (3) 天固有衰嗛廢伏,有盛盈盆息

按:畢沅曰:「盆,梁仲子疑『坌』。」孫鳴鏘曰:「『盆』、『坌』通,猶墳起 也。息,生也。」于省吾曰:「梁說非也。盆應讀作墳。」楊樹達曰:「梁、

<sup>[</sup>註 4] 《御覽》卷 60 引《新序》同,蓋誤記出處。

<sup>[</sup>註 5] 「引」字衍,《太平廣記》卷 472 引無「引」字。

孫說非也。蚠讀爲憤。憤,盈也。」陳奇猷曰:「諸說皆非也。『蚠息』無疑即是『蕃息』。『蚠』爲本字,『蕃』乃假字也。其後『蕃』字行而『盆』字廢,《呂氏》此文乃本字之僅存者,良可貴也。」考《子華子·孔子贈》:「有無以相反也,高下以相傾也,盛盈盆息以相薄也,厖洪蘆符以相形也。」(註6) 諸說皆與「相薄」不合。「息」疑是「昷」誤字。「盆昷」即「紛緼」、「氛氳」、「葐蒀」、「芬蒀」,盛貌,亂貌。

#### (4) 人亦有困窮屈匱,有充實達遂

高誘注:達,通。遂,成。

按:遂,順也。陳奇猷曰:「匱,藏也。或讀匱爲潰,非。」屈、匱皆訓盡,亦困窮義,陳訓藏非是。

#### (5) 晏子授綏而乘,其僕將馳

按:畢沅改「授」作「援」,云:「『援』舊多作『授』,汪本作『受』,按《意林》作『援』,今從之。」蔣維喬等曰:「《晏子春秋·雜上》、《韓詩外傳》卷 2、《新序·義勇篇》俱作『授』,與舊作同,是也。汪本、朱本、日刊本作『受』,《意林》作『援』,皆形似而譌,而畢氏從之,疑非是。」陳奇猷曰:「《貴生》云『王子搜援綏登車』,與此同例,則畢校得其例矣。然『援』之本字作『爰』……『爰』、『受』本係一字,『受』、『授』乃古今字。則此『授』即『援』也,不煩改字。」王利器引《禮記·曲禮上》以證畢說,是也。其僕可言授綏,晏子必是援綏,參見《貴生篇》校補。

#### (6) 晏子無良其僕之手曰:「安之,毋失節。」

按:畢沅曰:「『撫』舊本作『無良』,訛。案《晏子·雜上》及《韓詩外傳》卷2俱作『撫』,《新序·義勇篇》作『拊』,俱無『良』字,今據刪正。」陳奇猷曰:「畢改『無』爲『撫』,是。『良』字無緣致衍,畢刪之,未可從。『無良』當本作『撫順』。『順』、『循』同。」定州漢簡《儒家者言》簡 1888+661 作「晏子曰:『□之。』安之成節」,整理者括注「安」作「按」(註7)。《晏子·雜上》作「晏子撫其手曰:

<sup>[</sup>註 6] 此據道藏本,四庫本「庬」誤作「寵」。

<sup>[</sup>註7] 定州漢簡《〈儒家者言〉釋文》,《文物》1981年第8期,第18頁。

『徐之……』按之成節而後去」,《新序·義勇》作「晏子拊其手曰……按之成節然後去之」。

#### (7) 疾不必生,徐不必死

按:《晏子春秋·內篇襍上》同,《御覽》卷 906 引作「疾必不生,徐必不 死」,二「必」字誤倒。《新序·義勇》作「馳不益生,緩不益死」,益 亦必也。

## 《召類》校補

(1) 兵所自來者久矣,堯戰於丹水之浦,以服南蠻;舜却苗民,更易 其俗

高誘注:丹水,在南陽。浦,岸也,一曰崖也。苗民,有苗也。却,猶 止。更,改。

按:范耕研曰:「此云丹水、南蠻,蓋即赤水、三苗也。」陳奇猷曰:「下文云『舜卻苗民』,《韓非子·五蠹》、本書《上德》亦載舜以德服三苗事,則三苗與南蠻顯非一民族……范以南蠻即三苗,非是。」陳說非是,考《初學記》卷9、《類聚》卷11、《御覽》卷80並引《帝王世紀》:「諸侯有苗氏處南蠻而不服,堯征而克之于丹水之浦。」《文選·應詔樂遊苑餞呂僧珍詩》李善注引《六韜》:「堯與有苗戰于丹水之浦。」(註8)則「南蠻」不是一個民族的名稱,南蠻是南方各少數民族的總稱,「有苗氏」僅是南蠻的一個種族。此文南蠻即指有苗氏。至舜時,有苗氏不服,舜復以德服之。《廣弘明集》卷11釋法琳《對傅奕廢佛僧表》引《汲冢竹書》:「舜又與有苗戰於丹水之浦。」雖誤屬舜,然亦可證南蠻即指有苗也。

#### (2) 聖人不能為時,而能以事適時,事適於時者其功大

按:《戰國策·秦策三》:「聖人不能爲時,時至而弗失。」(註 91 《管子· 霸言》:「聖人能輔時,不能違時。」可互相參證。

<sup>[</sup>註 8] 《御覽》卷 63 引《六韜》:「堯伐有扈,戰於丹水之浦。」《路史》卷 20 羅萃注:「《六韜》乃謂堯伐有扈,戰於丹浦。」「有扈」是「有苗」之誤。

<sup>[</sup>註9] 馬王堆帛書《戰國縱橫家書》同。

#### (3) 南家之牆, 犨於前而不直

高誘注: 犨, 猶出。曲出子罕堂前也。

按:洪頤煊曰:「『犨』當作『讐』,當也。」王引之曰:「犨之爲出,古無 此訓。《新序・刺奢篇》『犨』作『擁』。疑疑擁字隸作『壅』,因誤爲 犨也。」朱駿聲曰:「犨,叚借爲擂。」〔註 10〕 石光瑛曰:「徐友蘭曰: 『犨無出義,實擢叚。擢故(詁)引,引申爲出。字亦爲抽。《新序》 作擁、蓋榴之譌。』按徐說頗覺傅會、《呂》作犨、蓋譬之借字、譬 俗作售,售有出義,展轉相通。本書作擁,又別一義,不當以爲榴誤 也。網、擁音遠,何緣致譌?但當云遮擁之在己室前耳。」(註11) 陳 奇猷曰:「劉師培與王說同〔註12〕,疑皆非也。『犨』本有匹敵之意也。 又高注訓『不直』爲曲,非也。《說文》:『直,正見也。』此文猶言 當於子罕堂前而目不能見正面之遠方,則此『直』字正係用本義也。」 「不直」的主詞是「南家之牆」,陳奇猷引《說文》不當,陳氏至又 謂下文高注「不直牆」不通,欲改作「不徙牆」,殊誤。雙,《御覽》 卷 419、《黄氏日抄》卷 56、《文章正宗》卷 22 引同,《冊府元龜》卷 735 亦同,《文選·雜詩》李善注引作「犫」,引注作「犫,出也」。《玉 篇》:「犫,出也。犨,同上。」則「犨」決非誤字,王引之說失考。 朱駿聲、徐友蘭讀犨爲擂,是也。「擂(溜)」同「抽」,猶言拔出。 言南家之牆拔出於子罕堂前而不直,言其牆斜出也。石光瑛讀爲售, 是「賣出」義,石氏謂展轉相通,無此相通之法。

#### (4) 西家之潦,徑其宫而不止

高誘注:西家地高,潦東流經子罕之宮而不禁。

按:畢沅曰:「徑,《新序》、《御覽》作『經』(引者按:指《御覽》卷 419)。 舊校云:『一作注。』孫云:『李善注《文選·雜詩》作「注於庭下而 不止」。』」蔣維喬等曰:「《御覽》卷 305 作『經其庭而不禁』。」陳奇 猷曰:「下文亦云『經吾宮』。徑、經字通,橫絕也。此『宮』當指宮 之庭,而不是宮之室。」《文章正宗》卷 22 引同《選》注。楊明照謂

<sup>[</sup>註10]朱駿聲《說文通訓定聲》,武漢市古籍書店 1983 年版,第 250 頁。

<sup>[</sup>註11] 石光瑛《新序校釋》,中華書局 2001 年版,第822 頁。

<sup>[</sup>註12] 引者按:劉氏曰:「《新序·刺奢篇》作『擁』,則『犨』係『壅」訛。」劉師培《呂氏春秋斠補自序》,《國粹學報》第5卷第11期,1909年版,第5頁。

「注」是「經」形誤,石光瑛說同(註13)。潦,行潦,指道旁雨水。

#### (5) 南家,工人也,為鞔百(者)也

高誘注: 鞔,履也,作履之工也。一曰: 鞔,靷也,作車靷之工也。

按:畢沅曰:「『者』舊本作『百』,訛,今改正。《說文》:『輓,履空也。』徐曰:『履設。』」段玉裁曰:「空、腔古今字。『履空』猶今人言『鞖幫』也。」畢改是,《說文繫傳》「輓」字條引作「鞔者」,《新序‧刺奢》、《冊府元龜》卷735同。惠棟曰:「高誘讀鞔爲懣。『空』當作『工』,徐說誤。《呂氏春秋》高誘注云云,然則鞔爲工人明矣。『工』誤爲『空』,字之誤也,徐鍇以空爲設,又何據乎?一說:《曲禮》:『屨不上於堂。』注云:『屨賤空。』不知足而爲之,故曰空。」(註14) 王鳴盛曰:「『履空』當作『履工』。《呂氏春秋》高誘注云云,則鞔爲工人明矣,『空』乃『工』字之誤。徐氏以空爲設,何據?」其說全同惠氏,吳江迮鶴壽案語駁之云:「『屨空』即『屨腔』。鞔謂以革幫于屨底耳。高誘但言『作履之工』,蓋從略也。小徐言『履設』,未嘗不是,而欲改『空』爲『工』,謬矣。」(註15)

#### (6) 士尹池歸荊,荊王適興兵而攻宋

按:而,猶欲也,《御覽》卷305引作「欲」,《新序·刺奢》同。《漢書·遊 俠傳》:「子欲爲我,亦不能;吾而效子,亦敗矣。」而、欲互文,《漢 紀》卷18正作「吾欲」,亦其例。

#### (7) 西家高,吾宫庳

按:楊樹達曰:「《說文》云:『庫,一曰屋卑。』」陳奇猷曰:「庫與卑同, 低下之義。地基低下,何關於屋之高卑?楊說非。」陳說是也,《文選· 雜詩》李善注、《御覽》卷 305 引作「卑」,《新序·刺奢》、《冊府元龜》 卷 735、737 同。

#### (8) 子罕之時,無所相侵,邊境四益

<sup>[</sup>註13] 石光瑛《新序校釋》,中華書局 2001 年版,第 822~823 頁。

<sup>[</sup>註14] 惠楝《惠氏讀説文記》卷 3,收入《叢書集成初編》第 1081 頁,中華書局 1985 年影印,第 76 頁。

<sup>[</sup>註15] 王鳴盛《蛾術編》卷21《説字七》,收入《嘉定王鳴盛全集》第7冊,中華書局2010年版,第439頁。其書小字附載吳江人迮鶴壽案語。

高誘注:四境不侵削則爲益。

按:于鬯曰:「此當謂四境荒地多墾闢耳。」王利器從其說。陳奇猷曰:「益與翳通。翳,蔽也、障也。猶言邊境四面障蔽,蓋謂子罕之德障蔽四境,敵不敢來侵也。高注顯係望文生義。」高注固誤,于、陳說亦非。徐仁甫曰:「益,當作『謐』,平靜。」張富祥曰:「益,疑本作『监』,通『謐』,即安寧,或傳抄誤爲『益』。」(註16) 二氏得其義,然不必視爲誤字,可徑讀爲謐。字亦作謚、溢,《爾雅》:「謚、溢、諡,靜也。」 郝懿行謂本字爲血,字亦作恤,《說文》:「血,靜也。」(註17)

#### (9) 謀利而得害, 猶弗察也

高誘注:察,知。

按:《說苑·奉使》作「由不察」。由,讀爲猶,今言仍然。陳奇猷於「弗察也」後施問號,非是。

## 《達鬱》校補

(1) 故水鬱則為污,樹鬱則為蠹,草鬱則為竇

高誘注: 蕢, 穢。

按:梁履繩曰:「《續漢書·郡國志三》注引《爾雅》『木立死曰菑』,又引此『草鬱即爲菑』。疑『蕢』本是『薔』字,即『菑』也,因形近而訛。」王念孫曰:「《治要》引亦作『菑』,注同。」沈欽韓曰:「按《呂覽·達鬱篇》『草鬱則爲蕢』,高誘注:『蕢,穢。』與此所引異,漢隸如《謁者景君墓表》齊國臨菑之菑皆作薔,或《呂覽》訛薔爲蕢也。」(註18)朱駿聲曰:「蕢,叚借爲殨。」(註19)陳奇猷曰:「疑蕢爲殨之同音借字。《說文》:『殨,爛也。』經傳多假『潰』爲之。」朱、陳說是,陳景元(碧虛子)《南華眞經章句音義》卷11、《六書故》卷24「蕢」字條引同今本作「蕢」。《亢倉子·君道》:「草鬱則爲腐,樹鬱則爲蠹,人鬱則爲病。」

<sup>[</sup>註16] 張富祥《呂氏春秋》校釋札記 (二)》,《古籍整理研究學刊》2008 年第 5 期,第 28 頁。

<sup>[</sup>註17] 郝懿行《爾雅義疏》,上海古籍出版社 1983 年版,第66 頁。

<sup>(</sup>註18) 沈欽韓《後漢書疏證》卷16,上海古籍出版社2006年版,第329頁。

<sup>[</sup>註19] 朱駿聲《説文通訓定聲》,武漢市古籍書店 1983 年版,第 596 頁。

#### (2) 國鬱處久,則百惡並起而萬災叢至(生)矣

按:《亢倉子·君道》:「國鬱則百慝並起,危亂不禁。」慝亦惡也。

#### (3) 防民之口, 甚於防川, 川壅而潰, 敗人必多

按:二「川」字,《國語·周語上》、《金樓子·箴戒》同,《史記·周本紀》作「水」。《御覽》卷 68 引《國語》,《治要》卷 11、《御覽》卷 367 引《史記》,並同今本。「水」、「川」形近,疑「川」字是。《左傳·襄公三十一年》:「子產曰:『我聞忠善以損怨,不聞作威以防怨。豈不遽止?然猶防川,大決所犯,傷人必多。』」(註20)是子產所聞古語,亦作「川」字也。《漢書·溝洫志》賈讓奏言:「大川無防,小水得入……夫土之有川,猶人之有口也。治土而防其川,猶止兒啼而塞其口,豈不遽止?然其死可立而待也。故曰善爲川者決之使道,善爲民者宣之使言。」(上二例王利器已引)《初學記》卷 12 漢·崔寔《諫議大夫箴》:「防人之口,譬諸防川。」《晉書·孔嚴傳》:「古人爲政,防人之口,甚於防川。」《御覽》卷 229 引《三國典略》袁聿修《與邢邵書》:「多言可畏,譬之防川。」敗,《國語》、《史記》、《金樓子》作「傷」。

#### (4) 夫厚於味者薄於德,沈於樂者反於憂

按:孫蜀丞曰:「『德』疑當作『行』。《管子·中匡篇》作『沈於樂者洽於憂,厚於味者薄於行』,《御覽》卷 565 引《子思子》曰:『繁於樂者重於憂,厚於味者薄於行。』並其證。」陳奇猷謂「德」字不誤。德、行是內外之別,德是行的內在,行是德的外表,皆可通。沈,讀爲湛。下文「沈於酒」亦同。《白氏六帖事類集》卷 5、《古今合璧事類備要》外集卷 44 引《管子》作「湛於樂」(註 21)。王利器曰:「淫、沈古通,凡事之過度者皆可謂之淫。」「淫」亦同源。《孔叢子·抗志》子思曰:「厚於財物必薄於德,自然之道也。」「味」音誤爲「物」,故《孔叢子》作「財物」,一本作「財色」,亦非。傅亞庶謂「財色」不誤(註 22),失考。此文「反」當作「及」,形之誤也。《管子》作「洽」,

<sup>[</sup>註20] 《新序·雜事四》同。

<sup>[</sup>註21] 《白帖》在卷 15。

<sup>[</sup>註22] 傅亞庶《孔叢子校釋》,中華書局 2011 年版,第 206 頁。

及、洽一聲之轉耳。《資治通鑑外紀》卷 5、《皇王大紀》卷 41 皆作「反」,是宋人所見本已誤。

(5) 凡行之墮也於樂,今樂而益飭;行之壞也於貴,今主欲留而不許 高誘注:墮,壞。

按:墮,讀爲惰,高注未是。

#### (6) 善衣東布衣, 白縞冠

按:陳昌齊曰:「疑『善』爲『嘗』之訛。」江紹原曰:「東衣,余以爲『柬衣』或『練衣』之訛。『練布衣』與『白縞冠』像是尚時的一種服裝。」譚戒甫曰:「『善』疑『喜』字誤文。」許維遹曰:「『善衣東布衣』當作『著東布衣』。《御覽》引正作『著布衣』,省『東』字。」蔣維喬等曰:「《御覽》引作『着布衣』,疑『善』爲『着』之譌,上『衣』字亦衍文。『東』當爲『柬』。」聞一多曰:「『東』疑當爲『鶇』,『鶇』古『譬』字。《淮南子・說林篇》注:『楚人名布爲曹,今俗間以始織布繫著其傍謂之曹布。』鶇布即曹布也。」(註231)陳奇猷曰:「『善』疑『亶』之同音假字。亶,猶但也。『東』當作『柬』,同『練』。」「東布」當作「緇布」,已詳《離俗篇》校補。上「衣」字非衍文,《御覽》卷382引作「着布衣」,「着」是原文上「衣」字的同義替換。「善」當從譚氏校作「喜」。「緇布衣,白縞冠」皆儉者所服。

#### (7) 顙推之履

高誘注:類推之履,弊履也。

按:賴推,《黃氏日抄》卷 56 引同。畢沅曰:「鄭注《禮記》:『深衣曰善衣,朝祭之服也。』然則賴推之履必非弊履可知。高不能注,不若闕諸。」梁玉繩曰:「顙推,蓋履之名狀,非弊履也。」李寶注曰:「下云『窺井粲然惡丈夫』及『夫何阿哉』之歎,則弊履爲近。」章太炎曰:「『推』當借爲『顀』。《說文》:『顀,出頟也。』謂額突出,今人所謂『衝額角』也。《史記》:『魋顏蹙齃。』魋即顀,顏者額也。履頭突出者如顙之顀之履,今人猶有衝頭履,謂之京式鞵。」江紹原曰:

<sup>[</sup>註23] 聞一多《璞堂雜業·呂氏春秋》,收入《聞一多全集》卷10,湖北人民出版社1994年版,第458頁。

「『顙推之履』會不會就是『鞣釋』?」(註 24) 譚戒甫曰:「《說文》:『顙,額也。』『推』疑當作『堆』,其本字爲『自』,亦假爲『追』。履前自自然者,殆即所謂突頭鞋,古名『顙堆履』也。」許維遹曰:「《墨子·兼愛下》云:『晉國之士,大布之衣,牂羊之裘,練帛之冠,且苴之履。』此云『顙推之履』即彼云『且苴之履』。高訓弊履,殆亦指粗惡言……畢氏失之遠矣。」高亨曰:「推借爲顀,《說文》云云。顙顀之履者,履之前額突出而高者也。本書《遇合篇》『椎顙廣顏』,則借椎爲顀。」陳奇猷曰:「『顙推之履』當如章、高所說,蓋高頭鞋也。」王利器曰:「『顙推』者聯絲字耳,義與『且苴』同,謂其粗惡也。」章太炎、高亨說至確。顙顀,猶言高額。《吳越春秋·王僚使公子光傳》:「碓顙而深目。」《御覽》卷 436 引作「推顙深目」。「推顙」即此文「顙推」的倒言。又同音借作「頹」,《類聚》卷 75 引梁·劉孝標《相經序》:「及其深目長頸,頹顏感(蹙)齃,她行鷙立,狠喙鳥咮。」「頹顏」即「魋顏」(註 25)。

#### (8) 萬乘之主,人之阿之亦甚矣,而無所鏡

按:《白氏六帖事類集》卷4引「人之阿之亦甚矣」誤作「人何以堪矣」

#### (9) 得其細,失其大,不知類耳

按:得猶知也,《亢倉子·君道》正作「知」。

#### (10) 鐸之諫我也,喜質我於人中,必使我醜

高誘注:質,正。醜,惡。

按:畢沅曰:「醜當訓恥。」畢說是。醜,《說苑·臣術》同,讀爲愧,下文 二「醜」同,《御覽》卷 457 引《諫木孔叢子》並作「愧」字。

#### (11) 臣嘗聞相人於師,敦顏而土色者忍醜

<sup>(</sup>註24) 江紹原《讀呂氏春秋雜記(二)》,《中法大學月刊》第5卷第3期,1934年版,第7頁。

<sup>[</sup>註25] 參見蕭旭《〈史記〉校札》,收入《群書校補(續)》,花木蘭文化出版社 2014 年版,第1983~1984頁。

<sup>[</sup>註26] 《白帖》在卷13。

高誘注:敦,厚也。土色,黄色也。土爲四時五行之主,多所戴愛,故能(耐)辱忍醜也。

按:馬敘倫曰:「敦借爲顀。《說文》曰:『出頟也』。」陳奇猷曰:「『敦』、 『惇』同,《說文》:『惇,厚也。』『敦顏』蓋即所謂忠厚相。」王力 亦說此例「敦」與「惇」同源 (註 27) 。王利器曰:「《素問・五常政大 論》:『土曰敦阜。』疑『阜』字爲『自』字之誤。敦顏謂其顏如土之 敦启也,與下『土色』互文見義,一言其狀,一言其色。」高注是, 《逸周書·祭公解》:「厚顏忍醜。」《荀子·解蔽》:「厚顏而忍詬。」 此其確證。《書‧五子之歌》:「郁陶平予心,顏厚有忸怩。」忸怩即 愧色。潘岳《閒居賦》:「雖吾顏之云厚,猶內愧於甯、蘧。」二例亦 足證敦當訓厚。「忍醜」即「忍詬」,「敦顏」猶今言臉皮厚。「惇」訓 厚指誠信,非此文之誼。敦,當讀爲黗。《說文》:「黗,黃濁黑。」《廣 雅》:「黗,黑也。」《廣韻》:「黗,黃黑色。」敦顏即黗顏,指面皮 黄黑色,故又以「土色者」申言之。字亦作魨、羵,《廣雅》:「魨, 黃也。」《玉篇》:「鵓,黃色。」《集韻》:「鵓、黈:黃色,或從屯。」 音轉又作豔、煓、《說文》:「豔、黃黑色也。」《玉篇》:「豔、黃黑色、 或作煓。」音轉又作諯,本書《任地》:「草諯大月。」洪誠讀諯爲謊 (計28] 0

## 《行論》校補

(1) 執民之命,執民之命,重任也,不得以快志為故

按:松皋圓曰:「『執民之命』疑衍一句。」陳奇猷曰:「松說非。上『執 民之命』上當有『人主』二字。『執民之命,重任也』在文法上係穿 插句。」陳說是,《治要》卷 39 引正有「人主」二字。

(2) 得天之道者為帝,得地之道者為三公

按:蔣維喬等曰:「《御覽》卷 889『三』作『王』。」陳奇猷曰:「《論衡· 率性》亦作『三公』。堯、舜時未有王爵,《御覽》誤也。」景宋本、 四庫本《御覽》引並作「三公」,蔣氏所據乃誤本。

<sup>[</sup>註27] 王力《同源字典》, 商務印書館 1997 年版, 第512 頁。

<sup>[</sup>註28] 洪誠《洪誠文集。訓詁學》,江蘇古籍出版社 2000 年版,第83~84 頁。

#### (3) 怒甚猛獸,欲以為亂

按:王念孫曰:「《論衡·率性篇》作『怒其猛獸』,當從之。」《御覽》卷 889引作「乃使猛獸」。

#### (4) 仿佯於野以患帝

按:仿佯,《御覽》卷 889、《資治通鑑外紀》卷1引作「彷徉」,《路史》卷 22 作「彷徨」, 音之轉耳。

#### (5) 舜於是殛之於羽山

按: 殛,《路史》卷 22 作「遏」,《韓子·外儲說右上》作「殺」。《楚辭·天 問》:「永遏在羽山。」王逸注:「遏,絕也。」

#### (6) 副之以吳刀

按:《初學記》卷 22 引《歸藏》:「大副之吳刀,是用出禹。」(註 29)《路史》卷 22《歸藏·啓筮》:「(鯀)殛死,三歲不腐,副之以吳刀,是用出啓。」《山海經·海內經》郭璞注引《開筮》:「鯀死,三歲不腐,剖之以吳刀,化爲黃龍也。」副、剖一聲之轉。《漢書·揚雄傳》《解嘲》:「四分五剖,並爲戰國。」宋祁曰:「剖,章本作牖,《字林》:『腷,判也。』」「牖」同「副」。《史記·楚世家》:「陸終生子六人, 坼剖而產焉。」「坼剖」出《詩·生民》「不坼不副」。王力謂「剖」、「副」同源(註 30),是也。陳奇猷謂「『副』本是剖判之義,《啓筮》作『剖』,乃以義改之也」,未達音通之指也。

#### (7) 顏色黎黑

按:黎,本書《求人》同,《資治通鑑外紀》卷1引作「黧」。

#### (8) 步不相過

按:陳奇猷曰:「《荀子·非相》云『禹跳湯偏』,楊注引《尹子》曰:『禹之勞,十年不窺其家,手不爪,脛不生毛,偏枯之病,步不相過,人曰禹步。』(今《尹文子》無此文)。步不相過者,乃雙足跳躍而進也。」楊注所引《尹子》,當是《尸子》之誤。《御覽》卷82引《尸子》:「古者

<sup>[</sup>註29] 《玉海》卷 151 引「禹」誤作「焉」。

<sup>(</sup>註30) 王力《同源字典》, 商務印書館 1997 年版, 第 102~103 頁。

龍門未闢, 呂梁未鑿, 禹於是疏河决江, 十年不闚其家, 生偏枯之病, 步不相過,人曰禹步。」《世說新語・言語》劉孝標注引《帝王世紀》: 「禹治洪水,手足胼胝,世傳禹病偏枯,足不相過,〔至〕今〔巫〕稱 禹步是也。」(註31)禹患偏枯之病,步不相過,謂兩足牽連拖行,不能 相跨而過。步不相過,近似於一足之行,故《荀子》稱作「禹跳」。「跳」 同「趒」、《說文》:「趒、雀行也。」雀行謂一足行。這種跛行的步法, 也稱作「連步」或「連行」、《禮記·曲禮上》:「主人與客讓登,主人先 登,客從之,拾級聚足,連步以上。」鄭玄注:「拾當爲涉,聲之誤也。 級,等也。涉等聚足,謂前足躡一等,後足從之併。連步,謂足相隨不 相過也。」《周禮‧冬官‧考工記》:「郤行、仄行、連行、紆行。」鄭 玄注:「連行,魚屬。」孔疏:「連行魚屬者,以其魚唯行相隨,故謂之 連行也。」睡虎地秦簡《日書》甲種:「鬼之所惡,彼窋(屈)臥箕坐, 連行奇(踦)立。」這種跛行的步法,又稱作「輒(踂)」或「基」,《穀 梁傳·昭公二十年》:「輒者何也?日兩足不能相過,齊謂之墓,禁謂之 踂,衛謂之輒。」《釋文》:「劉兆云:『綦,連併也。』踂,劉兆云:『聚 合不解也。』輒,本亦作縶,劉兆云:『如見絆縶也。』」《廣雅》:「綦、 贄,連蹋也,劉兆解爲絆縶,非是。《說文》:「贄,贄足也。」《繫傳》: 「足燮蟄然連蹋也。顏延之《赭白馬賦》曰:『望朔雲而贄足。』今俗 作蹀。」巫術家、道士所踏的步法仿佛似之,因此亦稱作「禹步」,秦 漢竹簡、帛書已有記載。《御覽》卷 363 引《尚書大傳》:「禹其跳,湯 扁。其跳者,踦也(注:「其,發聲也。踦,步足不能相過也。」)。扁 者,枯也(注:「言湯體半小家(象)。扁,枯。」)。言皆不善也。」《大 傳》「其」當是「暴」借字〔註32〕。

(9) 文王曰:「父雖無道,子敢不事父乎?君雖不惠,臣敢不事君乎? 孰王而可畔也?」

按:上博楚簡(二)《容成氏》簡46:「文王聞之,曰:『唯(雖)君亡(無)

<sup>[</sup>註31] 據《類聚》卷 11 引補「至」、「巫」二字。

道,臣敢勿事乎?唯(雖)父亡(無)道,子敢勿事乎?簹(孰)天子而可反?」劉樂賢引本書爲證[註33]。

#### (10) 使者行至齊

高誘注:行,還也。

按:孫鳴鏘曰:「此燕所遣之使至齊也。行訓還,何邪?」馮振曰:「行當訓往。」 (註 34) 陳奇猷曰:「還與旋通,疾也。然則高以還訓行,正得其義。孫氏未得『還』字之義。」王利器曰:「還音旋,有速、疾義。行訓還,謂疾行也。」陳、王說非是,「旋」訓疾是時間副詞,非疾行之義。「還」當同「還」,《說文》:「還,疾也。」《玉篇》:「還,疾行也。」

#### (11) 湣王以大齊驕而殘,田單以即墨城而立功

高誘注:田單以即墨市民大破燕軍,故曰而立功也。

按:陳奇猷曰:「高注以市民訓城字。考城無市民之訓,高注非是。《墨子·七惠》:『城者,所以自守也。』則城有守義。」陳說殊誤,「城」無守義,高注不是訓城爲市民。《戰國策·齊策六》:「田單以即墨之城破亡餘卒,破燕兵,紿騎劫,遂以復齊。」「城」即城市之城,文中指即墨城的人員物質。王利器指出《淮南子·氾論篇》「趙襄子以晉陽之城霸,智伯以三晉之地擒,湣王以大齊亡,田單以即墨有功」本此文,彼高注云:「燕伐齊而滅之,得七十城,唯即墨未下,田單以市吏率即墨市民以擊燕師,破之。」

(12) 詩曰:「將欲毀之,必重累之;將欲踣之,必高舉之。」其此之 謂平

高誘注:累之重,乃易毀也。踣,破也。舉之高,乃易破也。

按:畢沅曰:「據注,踣當讀剖。」馬敘倫曰:「《說文》:『踣,僵也。』 與『仆』爲一字。」陳奇猷謂「馬說義長」。馬王堆帛書《十六經, 正亂》:「纍而高之,部而弗救也。」整理者引本書證之,讀部爲踣

<sup>[</sup>註33]劉樂賢《讀上博簡〈容成氏〉小箚》,《上博館藏戰國楚竹書研究續編》,上海書店出版社 2004 年版,第356頁。

<sup>[</sup>註34] 馮振《呂氏春秋高注訂補(續)》,《學術世界》第1卷第11期,1935年版,第55頁。

(註35)。部、踣,並當讀爲支、扑,畢沅據注讀爲剖,非是。剖破,不必高舉之也。《說文》:「支,小擊也。」又「擊,支也。」《廣韻》:「扑,打也。」字亦作撲。字亦作掊,打破。《莊子·逍遙遊》:「吾爲其無用而掊之。」《釋文》引司馬彪曰:「掊,擊破也」成玄英疏:「掊,打破也。」又《胠篋》:「掊擊聖人。」成玄英疏:「掊,打也。」
掊亦擊也,同義連文。

#### (13) 莊王方削袂,聞之曰:「嘻!」投袂而起

按:《左傳·宣公十四年》作「楚子聞之,投袂而起」。孔廣森曰:「投袂者,投其所削之袂也(削,裁也。)此傳文未备,杜遂以投爲振,壹若拂袖之義,誤矣。」畢沅、洪亮吉、馬宗璉從其說(註36)。于鬯曰:「『削袂』當是『卷袂』耳。袂卷則有削弱之意。今俗謂卷袂作秋宵反音,蓋即削字之音轉。或謂其本字當作掣,《說文》:『掣,人臂貌。』袂卷則臂見,其說亦可備。蓋手有所事,則卷其袂,所以便事。」于說大誤,「掣」是形容詞,手臂長兒。陳奇猷曰:「削之本義爲刀室,所以套刀者,引申其義則以物套入某物之中謂之削。削袂者,謂兩手套入衣袖之中。投,擲也。」陳氏臆說無據,陸丙甫等謂「陳說見解精當」(註37),既未說明如何精當,又不知清人及近人成果,妄言耳。王引之曰:「削者,縫也。」(註38)其說是也,楊樹達、姜亮夫、高亨、蔣禮鴻、符定一皆從其說(註39)。字亦作製、鄉、峭、峭、峭、俏、

<sup>(</sup>註35) 《馬王堆漢墓帛書〔壹〕》, 文物出版社 1980 年版, 第68 頁。

<sup>(</sup>註36) 孔廣森《經學卮言》卷6,收入《續修四庫全書》第173 册,上海古籍出版社 2002 年版,第306 頁。洪亮吉《春秋左傳詁》卷10,中華書局1987 年版, 第426 頁。馬宗璉《春秋左傳補注》卷2,收入《續修四庫全書》第124 册, 第735 頁。下引馬説亦見此。

<sup>[</sup>註37] 陸丙甫、李勝梅等《語言研究論集》,中國社會科學出版社 2001 年版,第325 頁。

<sup>[</sup>註38] 王引之說轉引自王念孫《荀子雜志》,收入《讀書雜志》卷11,中國書店1985 年版,本卷第39頁。

<sup>[</sup>註39] 楊樹達《長沙方言續考》,收入《積微居小學金石論叢》卷4,上海古籍出版社 2007 年版,第277頁。姜亮夫《昭通方言疏證》,收入《姜亮夫全集》卷16,雲南人民出版社 2002 年版,第326頁。高亨《韓非子補箋》,收入《諸子新箋》,《高亨著作集林》第6卷,清華大學出版社 2004 年版,第222頁。蔣禮鴻《讀〈韓非子集解〉之餘》,收入《蔣禮鴻集》第3卷,浙江教育出版社 2001 年版,第315頁。符定一《聯縣字典》子集、申集,中華書局1954年版,本集第473、265頁。

鞘、梢、稱、繙,其本字當爲敽,《說文》:「敽,繫連也。」《書·費誓》:「善敹乃甲冑,敽乃干。」孔疏:「鄭云:『敽,猶繫也。』王肅云:『敽楯當有紛繋持之。』是相傳爲此說也。」《玉篇》:「敽,擊連也。」「擊」是「繫」形聲之誤(註40)。莊王方削袂,蓋其侍者正爲楚王縫袖,非莊王自爲之也。杜預投訓振不誤,馬宗璉、王利器皆引《淮南子·主術篇》「楚莊王傷文無畏之死於宋也,奮袂而越(起),衣冠相連於道」以證,是也。奮亦振也。字亦音轉作揄(註41),《莊子·漁父》:「被髮揄袂。」成玄英疏:「揄,揮也。袂,袖也。」《釋文》:「揄,音遙,又音俞,又褚由反,謂垂手衣內而行也。李音投。投,揮也。」揄古音投(註42),李、成說是。《集韻》:「揄,垂也。《莊子》『揄袂』。」朱駿聲曰:「揄,叚借爲臾。」(註43) 二說皆誤。《史記·貨殖傳》:「揄長袂,躡利屣。」《說苑·善說》:「於是鄂君子晢乃掾(揄)脩袂行而擁之,舉繡被而覆之。」(註44) 揄脩袂而擁之,則顯非垂手衣內而行也。

#### (14) 宋人易子而食之,析骨而爨之

按:王利器曰:「爨,《左傳》、《韓詩外傳》同,《公羊·宣十五年》作『炊』。」 《史記·宋微子世家》、《楚世家》並作「炊」;《御覽》卷 854 引《春 秋後語》:「邯鄲之民,析骨而炊,易子而食。」亦作「炊」。「爨」是 齊方言。《說文》:「爨,齊謂之炊爨。」又「炊,爨也。」

#### (15) 宋公肉袒執犧,委服告病

高誘注:犧,牲也。病,困。

<sup>[</sup>註40]以上參見蔣宗福《四川方言詞語考釋》,巴蜀書社 2002 年版,第 558~561 頁; 其說又見蔣宗福《中古近代漢語文獻詞語札記》,收入《語言文獻論集》,巴 蜀書社 2002 年版,第 241~244 頁。又參見蕭旭《韓非子校補》,花木蘭文化 出版社 2015 年版,第 228~229 頁。余作《韓非子校補》時,未見蔣氏二書, 詳略亦有不同,附識於此。

<sup>[</sup>註41] 參見郭鵬飛《洪亮吉〈左傳詁〉斠證》,(香港)商務印書館有限公司 1996 年版,第119~120頁。

<sup>[</sup>註42] 詳見蕭旭《淮南子校補》,花木蘭文化出版社 2014 年版,第 616~617 頁。

<sup>[</sup>註43] 朱駿聲《説文通訓定聲》,武漢市古籍書店 1983 年版,第 359 頁。

<sup>[</sup>註44]《類聚》卷71引作「揄袂」、《御覽》卷771引作「榆袂」《樂府詩集》卷83 引作「榆脩袂」、《類説》卷30引作「揄脩袂」。「行」字衍文。

按:余舊說謂「犧」音轉亦作獻、戲,酒樽,是一種禮器(註45)。馬敘倫曰:「『委服』借爲『夗匐』,猶屈伏,當連上爲句。」尹仲容從其說(註46)。陳奇猷曰:「投降屈伏者,必委棄其固有之服色而服縞素布總,故云『委服』。」二氏說皆誤,下文云「宋公服以病告而還師」,即承此而言,「服」顯是屈服義,不是服指色。許維遹、陳奇猷於下文「服」上補「委」字,則無必要。委,順從、付屬之義。委服,猶言服從。朱起鳳謂「委服」是「匍匐」、「蒲服」、「蒲伏」、「扶服」、「匍伏」、「俯伏」、「匍匐」、「蒲望」聲轉(註47)。1988年版《辭海》:「委服,猶言匍匐。」(註48)《漢語大詞典》:「委服,俯伏。」(註49)韓陳其說同朱起鳳(註50),而未指明。王利器引《後漢書・楊賜傳》「委伏畎畝」,謂「委伏」同,亦失之。

## 《驕恣》校補

(1) 亡國之主,必自驕,必自智,必輕物

按:《治要》卷 39 引「自驕」作「驕」,下同。陳奇猷曰:「驕與矯通。《漢書·敘傳》顏師古注云:『矯矯,高舉之貌也。』此文『自驕』猶言自高舉也,即自我誇獎。《治要》不知驕之爲矯,讀爲驕傲之驕,宜其不可通而刪去『自』字也。」陳說殊誤。自驕即自傲,有何不通?《後漢書·陳元傳》元上疏曰:「故人君患在自驕,不患驕臣;失在自任,不在任人。」正作「自驕」。《管子·形勢解》:「亂主自智也,而不因聖人之慮;矜奮自功;而不因眾人之力;專用己,而不聽正諫。」「矜奮自

<sup>[</sup>註45] 蕭旭《賈子校補》,收入《群書校補(續)》,花木蘭文化出版社 2014 年版,第679 頁。

<sup>(</sup>註46) 尹仲容《呂氏春秋校釋》,臺北國立編譯館 1958 年排印本,第 111 頁。

<sup>[</sup>註47] 朱起鳳《辭通》卷21,上海古籍出版社1982年版,第2262~2263頁。

<sup>(</sup>註48) 《辭海》(語詞分冊),1988年版,第1541頁。

<sup>[</sup>註49] 《漢語大詞典》(縮印本),漢語大詞典出版社 1997 年版,第 2284 頁。

<sup>[</sup>註50] 韓陳其《中國古漢語學(上)》,新文豐出版公司 1995 年版,第95 頁。韓氏引崔駰《博徒論》「蒲望壠畝,汗出調泥」,謂「蒲望」亦同,所據蓋《漢魏六朝百三家集》卷12,或《東漢文紀》卷10,或《全後漢文》卷44,或《全上古三秦漢三國六朝文》第2冊。其出處皆是《御覽》卷382 所引,尋景宋本《御覽》引作「蒲伏」;其說又見韓陳其《漢語詞匯論稿》,江蘇古籍出版社2002 年版,第172 頁。其誤仍同。

功」即所謂自驕也。

#### (2) 自多則辭受,辭受則原竭

高誘注:不受謀臣之言而自謀之,則謀慮之言竭盡也。

按:盧文弨曰:「原,水之原也。川仰浦而後大,君受言而後聖,原豈可竭乎?」畢沅從其說。陳奇猷曰:「『原』疑『願』之壞字。竭,滅也。辭受則願竭,謂辭受則國治身安、名號顯榮之願望滅也。盧說誣矣。」盧說是,陳氏妄改妄釋,殊不足信。此文以「原(源)」作比喻,指群臣謀慮的諫言。

#### (3) 宣王為太(大)室,大益百畝,堂上三百戶

按:畢沅曰:「益,《新序》作『蓋』,《御覽》卷174引同。」松皋圓曰:「益, 『蓋』字訛。覆蓋百畝,言其廣大。」蔣維喬等從松說,彭鐸、石光 瑛說同(註51)。陳奇猷曰:「大益百畝猶言大愈百畝,義自通。《新序》 自作『蓋』,不必同。」劉如瑛曰:「益,通『溢』,超過。原文自通。」 《七國攷》卷4引本書、隋杜公瞻《編珠》卷2引《新序》皆作「蓋」。 是宋、明人所見本書仍作「蓋」,今本作「益」,形之誤耳。

# (4) 春居問於宣王曰:「荊王釋先王之禮樂而樂為輕,敢問荊國為有主乎?」

按:陳奇猷曰:「輕,易也。以禮言,輕是簡慢;以樂言,輕是淫侈。《新序》 改『輕』爲『淫樂』二字,義有所偏。」《新序‧刺奢》作「荊王釋先 王之禮樂而爲淫樂」,陳氏失校,所釋亦非。石光瑛、徐仁甫指出「輕」 是「淫」形譌,本書「樂」字誤置於上,當乙正[註52],是也。

#### (5) 吾嘗好良馬善御矣,而鸞徼來之

按:畢沅曰:「《說苑》『來』作『求』。」《治要》卷 39、《御覽》卷 647 引同今本作「來」、《資治通鑑外紀》卷 10、《太平寰宇記》卷 46 作「求」、《金樓子·雜記上》作「致」。本書《不侵》:「尊貴富大不足以來士矣。」高誘注:「來,猶致也。」「求」疑「來」形譌。

<sup>[</sup>註51] 石光瑛《新序校釋》,中華書局 2001 年版,第811 頁。

<sup>[</sup>註52] 石光瑛《新序校釋》,中華書局 2001 年版,第812 頁。

## 《觀表》校補

(1) 徵雖易,表雖難,聖人則不可以飄矣,眾人則無道至焉

高誘注:飄,疾也。必翔而後集,故不可以疾也。

按:馬敘倫曰:「飄疑借爲聽,輕行也。或借爲僄,輕也。」王利器從其說。陳奇猷曰:「疑飄爲要之同音假字。要,遮也。謂表雖難察,然聖人明察秋毫,不可以遮蔽也。」高、馬固非,陳說亦誤,「要」訓遮是阻攔義,而不是遮蔽義,且其說又遺漏了「徵雖易」。徐仁甫曰:「飄,通『漂』,謂動搖也。道,由也。」徐說是,《說文》:「漂,浮也。」以聲爲訓,言漂浮,漂動。字亦省作票,《漢書‧揚雄傳》:「票崑崙。」顏師古注:「票,猶言搖動也。」言不管徵表難易,聖人都不爲之移動。無道,猶言無由、無從。道、由音之轉耳。范耕研曰:「道,術也,由也。」其前說非是。

#### (2) 右宰穀臣止而觴之

按:止、《孔叢子・陳士義》同、《風俗通義・過譽》作「留」、義同。

#### (3) 陳樂而不樂,酒酣而送之以璧

按:陳奇猷曰:「《孔叢子·陳士義》作『陳樂而不作』,下同。考《大樂》云『亡國戮民,其樂而樂』,《侈樂》云『樂不樂者,其生必傷』。今右宰穀臣陳樂而不樂,故郈成子知其將有死難也。《孔叢》非也。」王利器曰:「不樂,《孔叢子》、《逸語》卷9作『不作』。」《逸語》10卷,清人曹庭棟輯注孔子事語,曹氏指明此條錄自本書,作「不作」蓋據《孔叢》而改。陳說殊誤。上「樂」是名詞,音樂;下「樂」是動詞,奏樂、作樂。徐仁甫謂當從《孔叢》作「不作」,亦無必要。《風俗通義・過譽》作「陳樂而不樂,酒酣而不飮,送以璧」。盧文弨謂「不飮」是衍文,王利器從其說(註53)。陳氏所引《大樂》、《侈樂》二文,與此無涉。

#### (4) 今侯渫過而弗辭

高誘注:侯,何也。重過爲渫過。何爲不辭右宰。

按:惠棟曰:「侯訓何,音義皆同也。侯古音讀爲胡。」(註54)孫詒讓曰:

[註53] 王利器《風俗通義校注》,中華書局 1981 年版,第197頁。

<sup>[</sup>註54] 此李芝綬過錄惠棟《呂氏春秋》校語,轉引自王利器《注疏》。惠士奇《禮説》

「侯,與『胡』通。」(註55) 馬敘倫曰:「『渫』字如高說,當是『蝶』之借字。」陳奇猷曰:「侯即何音近之假字。渫與牒同音,皆爲疊之同音假字。」王利器曰:「凡從枼得聲之字,都有重疊、積累之意。」《孔叢子・陳士義》作「今過而不辭何也」,可證「何」確當訓何。渫,余讀爲蹀、跇,踰也,越也。

#### (5) 至,使人迎其妻子,隔宅而異之,分祿而食之

按:隔宅而異之,《類聚》卷 84、《御覽》卷 806、《古今合璧事類備要》 外集卷 62 引作「隔宅居之」、《淮南子・泰族篇》作「割宅而異之」、 《風俗通義・過譽》作「躡宅而居之」、《孔叢子・陳士義》作「隔宅 而居之」。(a) 盧文弨曰:「兩書皆作『隔』,『躡』疑字誤。」王利器 從其說〔註56〕。考《玉篇殘卷》:「隔,《說文》古文躡字也。隔,塞 也。」又「庫、《字書》亦障字也。障、躡也。」又「障、《說文》:『障、 囁也。』或爲廣字。」「囁」非古文,是「隔」字的俗書「**嗎**」的形 誤(註57)。鮑鼎《玉篇誤字考》:「『障』注:『躡也。』躡誤隔。」 [註 58] 這個字形在佛經中大量存在,《可洪音義》卷 2:「上聞:古厄 反,胸厲也,正作膈、隔二形也。」「膈」是「隔」的分別字。又卷 6「斸以」條,卷15:「別囁:音革。」又卷10:「障囁:古尼(厄) 反。」《可洪音義》卷11「囁於」條,卷15「屬壁」條,卷17「囁駃」 條,卷 18「途囁」、「陽磨」條,卷 19「陽越」、「隔絕」條,卷 24 「悠晴」條,並指出「古厄反,正作隔」。《毗耶娑問經》卷下:「彼 四大王子,隱宮殿周匝常有妙好華蔓,多饒妙花莊嚴殿柱。」元、明、 宮本「躡」作「隔」。《出三藏記集》卷 15:「雖晨祈云同,夕歸悠躡。」 宋、元、明本「囁」作「隔」。《可洪音義》卷1:「槅,音厄,經音是 攝。」又卷 16:「轅輻:音隔,或作輻。」「槅」是「攝」形譌,「輻」 是「輻」的俗書形譌,正可比例。另外,敦煌寫卷中,「攝」譌作「攝」;

卷 13 亦云「古音侯讀爲胡」,收入《叢書集成三編》第 24 册,新文豐出版公司 1997 年版,第 447 頁。則惠棟乃承其父説耳。

<sup>[</sup>註55] 孫詒讓《籀廎讀書錄·呂氏春秋》,收入《籀廎遺著輯存》,中華書局 2010 年版,第 350 頁。

<sup>[</sup>註56] 王利器《風俗通義校注》,中華書局 1981 年版,第197頁。

<sup>[</sup>註57] 「膈」字形見黃征《敦煌俗字典》,上海教育出版社 2005 年版,第128 頁。

<sup>[</sup>註58] 鮑鼎《玉篇誤字考》,《學衡》第44期,1925年版,第8頁。

佛經中「攝」譌作「槅」〔註 59〕,亦其例。(b) 馬敘倫曰:「『異』蓋 『廙』之省文。《說文》:『廙,行屋也。』」聞一多曰:「『異』與『廙』 同。《說文》云云。變名詞爲動詞,則居亦謂之廙。」(註 60) 許維遹 曰:「《類聚》卷 84 引『異』亦作『居』,然『異』非誤文,《淮南子· 泰族篇》有『割宅而異之』語。」蔣維喬等曰:「馬說是也。《日抄》 引亦作『異』、《淮南・泰族》云『割宅而異之』可證。《類聚》卷 84、 《御覽》卷806作『居』,或誤引。」陳奇猷曰:「許說是。本書《愼 大》高注亦有『清靜其宮以異之』之語,亦可證『異』非誤字。『異』 實爲『御』之假借字。古者進用物件皆謂之御。」考《淮南子》云: 「乃裂地而州之,分職而治之,築城而居之,割宅而異之,分財而衣 食之。」已有「築城而居之」語,則「異」不得再訓居。曹庭棟曰: 「異,猶別也。」其說是也。異,別之也,正與「隔宅」相應。廙訓 行屋者,是帳篷之類,如今之蒙古包是也。廙之言趩,《說文》:「趩, 行聲也。」《玉篇》:「趩,走貌。」其核心詞義是行,不得轉訓居, 馬氏、聞氏說非是。陳奇猷說皆誤,所引高注「清靜其宮以異之」之 「異」是表異義,與此不同;讀異爲御,音理雖有可能,然未見用例; 又謂「御,進用」,所引例證均誤,所引《詩》「飲御諸友」,「御」是 進獻義;所引《禮記》、《獨斷》、「御」皆指天子服習,不得用於臣下; 所引《韓子》「今返而御」,亦誤,《韓子》「御」當訓侍食。

(6) 孔子聞之曰:「夫智可以微謀,仁可以託財者,其郈成子之謂乎!」

按:「智仁」二句,《資治通鑑外紀》卷7同,《孔叢子·陳士義》作「智可與微謀,仁可以託孤,廉可以寄財者」,一本「微」作「徵」。錢熙祚據本書校作「微」,傅亞庶曰:「錢說是。微謀,猶藏謀。」(註61)曹庭棟曰:「微謀者,不俟明言,而能喻其意。」陳奇猷曰:「『財』與『仁』義不相蒙,當據《孔叢》補正。」徐仁甫說同陳氏。曹、陳、徐說是,傅釋誤。微謀,猶言密謀。《管子·君臣下》:「牆有耳者,微謀外泄之

<sup>[</sup>註59] 參見曾良《俗字及古籍文字通例研究》,百花洲文藝出版社 2006 年版,第282 ~283 頁。

<sup>[</sup>註60] 闡一多《璞堂雜業·呂氏春秋》,收入《聞一多全集》卷10,湖北人民出版社 1994年版,第455~456頁。

<sup>[</sup>註6]) 傳亞庶《孔叢子校釋》,中華書局 2011 年版,第 350 頁。

謂也。」右宰穀臣陳樂而不樂,酒酣而送之以璧,以暗示郈成子,而不明說託孤,而郈成子也領會其意,此即可以微謀者也。

#### (7) 寒風是相口齒

按:王叔岷曰:「《御覽》卷 896 引『相』上有『能』字,下同。」寒風,各 書引同。《廣川畫跋》卷 5《書伯時馬圖》作「寒同相口」。「同」是「風」 形譌。

#### (8) 麻朝相頰

按:麻朝,《御覽》卷 896、《事類賦注》卷 21、《玉海》卷 148、《藝文志考證》卷 10、《姓氏急就篇》卷上王應麟注引同,《愛日齋叢抄》卷 5 引作「麻衣」,《廣川書跋》卷 5 作「史朝」。

#### (9) 子女厲相目

按:《御覽》卷896引作「女厲能相口」,「口」是「目」脫誤。

#### (10) 衛忌相髭

按:王利器曰:「髭,《藝文志考證》卷10引作『髦』,誤。」《愛日齋叢抄》卷5引作「髭」,《玉海》卷148引作「髭」,《說郛》卷17引《愛日齋叢抄》作「髠」,《廣川畫跋》卷5作「鬛」。「髭」是口上鬚,其餘各字皆形譌。

# (11) 許鄙相關焼焼

高誘注: 脈,後竅也。「脈」字讀如「窮穹」之穹。

按:畢沅曰:「腒乃尻之俗,《玉篇》『苦刀切』,此音讀未詳。」王念孫乙注「窮穹」作「穹窮」(註 62)。吳承仕曰:「尻從九聲,本屬幽部,與侯部近,故對轉東,音穹。」黃侃曰:「窮、穹、究本一語之變,則從九聲者無妨讀穹,此蕭、登相通也。尻之語亦與孔相依,此則蕭、東之通。」(註 63) 吳、黃說是,今本不誤。腒,《玉海》卷 148、《藝文志考證》卷 10 引同,《愛日齋叢抄》卷 5 引作「尻」,《廣川畫跋》

<sup>(</sup>註62) 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第317頁。

<sup>[</sup>註63] 黃侃《經籍舊音辨證箋識》, 附於吳承仕《經籍舊音辨證》, 中華書局 2008 年版, 第352、408 頁。

卷 5 亦作「尻」,字同。音轉又作州、醜,《爾雅》:「白州,縣。」郭璞注:「州,竅。」邢疏:「謂馬之白尻者名縣。」《說文》:「驠,馬白州也。」王念孫曰:「《廣雅》:『尻、州,臀也。』故馬尻亦謂之州。《北山經》曰:『倫山有獸焉,其州在尾上(今本州譌作川)。』郭彼注亦曰:『州,竅也。』《內則》曰:『鼈去醜。』鄭注:『醜,謂鼈竅也。』醜與州聲近而義同。」(註 64) 黃生曰:「凡事物難過目者,俱可借此稱。故人貌陋者爲醜,男女所諱處亦謂之醜。兼羞惡二義,貌陋則可惡,此本義也。男女所諱處,則羞於言,此可羞義也。」(註 65) 王念孫說是,黃生說非也。《山海經·北山經》:「倫山有獸焉,其狀如麋,其川在尾上,其名曰羆。」郭璞注:「川,竅也。」楊慎曰:「《伯樂相馬經》有『馬白州』,當是『川』字,以此可証。」(註 66) 楊說償矣。郝懿行曰:「《爾雅》注云云,是『州』、『川』其義同。王引之曰:『川似當爲州字,形相近而誤。』」(註 67) 王引之說是,郝說非也。

#### (12) 投伐褐相胸脅

按:伐,《御覽》卷 896、《玉海》卷 148、《藝文志考證》卷 10、《姓氏急就篇》卷上王應麟注引同,《愛日齋叢抄》卷 5 引作「代」,《廣川畫跋》卷 5 亦作「代」,疑是脫誤。

# (13) 管青相膹肳

按:畢沅曰:「李善註《文選·七命》作『脣吻』,《御覽》卷896同。」桂馥曰:「《說文》:『噴,一曰鼓鼻也。』或借膹字,《呂氏春秋》云云。」(註68) 松皋圓說同桂氏。蔣維喬等曰:「松說疑非。朱起鳳據《御覽》,以『膹』乃『脣』字之譌,是也。今《選》注及《事類賦》卷21正作『脣吻』。惟《玉海》、《志證》卷10引亦作『膹物』,則南宋已譌矣。」陳奇猷曰:「腊從賁聲,脣從辰聲,皆隸諄部,則『腈』乃『脣』之別

<sup>[</sup>註64] 王引之《經義述聞》卷28,江蘇古籍出版社1985年版,第681頁。

<sup>(</sup>註65) 黄生《字詁》,《字詁義府合按》,中華書局 1954 年版,第22頁。

<sup>[</sup>註66]楊慎《山海經補注》,收入《叢書集成新編》第90冊,新文豐出版公司1985年版,第267頁。

<sup>[</sup>註67] 郝懿行《山海經箋疏》卷 3,收入《續修四庫全書》第 1264 册,上海古籍出版社 2002 年版,第 165 頁。

<sup>(</sup>註68) 桂馥《說文解字義證》,齊魯書社 1987 年版,第131 頁。

構,非誤字也。」《玉海》見卷 148、《愛日齋叢抄》卷 5 引同,《廣川畫跋》卷 5 亦同,《玉海》有注:「膹肳,一作『脣吻』。」《實賓錄》卷 12 引作「唇吻」。朱起鳳說是;蔡偉曰:「疑膹當作順,而讀爲脣。」 〔註 69〕亦是也。桂、松說不通,非是。「膹」、「脣」雖同部,但聲母不通,陳說亦非。

#### (14)秦牙相前,贊君相後

按:劉釗指出「前」指馬的陰部,「後」指馬的肛門,並列舉了大量的傳世文獻及出土文獻作證 [註 70]。

#### (15) 皆天下之良工也

按:工,《玉海》卷 148、《藝文志考證》卷 10 引同,《廣川畫跋》卷 5 亦同,《文選,七命》李善註、《實賓錄》卷 12 引誤作「士」。

#### (16) 見馬之一徵也

高誘注:徵,驗也。

按:《御覽》卷 896、《事類賦注》卷 21 引作「並知其一也」, 脫「徵」字。 見, 猶知也。

## (17) 而知節之高卑,足之滑易,材之堅脆,能之長短

按:《釋名》:「錫縗,錫,治也,治其麻,使滑易也。」《周禮·春官·司服》鄭玄注引鄭司農曰:「錫,麻之滑易者。」《儀禮·喪服》鄭玄注:「謂之錫者,治其布,使之滑易也。」「滑易」是光滑、平滑之義,同義連文,易者平也;結構與「高卑」、「堅脆」、「長短」正反連文不同。王利器曰:「《說文》:『滑,利也。』本書《明理篇》有『滑馬』。」王氏訓滑爲利是也,而引《明理》「滑馬」則誤,另詳彼篇校補。徐仁甫拘於對句,云:「滑,借爲屈,字亦作掘,謂拙也。『滑』非取滑利,與『易』亦當相反。」《漢語大詞典》:「滑易,便捷與遲滯。」 [註7]]

<sup>[</sup>註69] 蔡偉《誤字、衍文與用字習慣——出土簡帛古書與傳世古書校勘的幾個專題研究》,復旦大學 2015 年博士學位論文,第113頁。

<sup>[</sup>註70] 劉釗《讀〈呂氏春秋〉箚記一則》,收入《〈長沙馬王堆漢墓簡帛集成〉修訂研討會論文集》,會議2015年6月27~28日在上海舉行,第141~150頁。

<sup>[</sup>註71] 《漢語大詞典》(縮印本),漢語大詞典出版社 1997 年版,第 3360 頁。

皆非是。張富祥曰:「『足』疑爲『生』字之誤。『生』則讀作『性』。 滑,通『猾』,引申爲亂。本書《明理篇》記雲狀『滑馬』,是其義。」 (註72) 逞臆妄改,全無足取。

<sup>(</sup>註72) 張富祥《呂氏春秋》校釋札記(二)》,《古籍整理研究學刊》2008年第5期, 第29頁。

# 《開春論》卷第二十一校補

# 《開春》校補

#### (1)天大雨雪,至於牛目

按:王利器曰:「牛目,《合璧事類》前集卷 61、《古今事文類聚》前集卷 50 引作『半月』,《冊府元龜》卷 242 同,卷 743 作『牛目』。《古文苑》卷 11 董仲舒《雨雹對》:『雪至牛目。』鮑彪注:『駕車用牛,故以及其目爲深候。』」《合璧事類》當是卷 62,董仲舒《雨雹對》亦見《西京雜記》卷 5 引。「牛目」是,《書鈔》卷 92 引此文作「牛目」,《戰國策·魏策二》、《孟子》佚文、敦煌寫卷 P.2589《春秋後語》亦同(註1),《說郛》卷 27 引楊奐《山陵雜記》亦同。于鬯引戴文光曰:「牛目,離地約四尺,故舉爲雪深之證。」(註2) 鮑、戴說是也。金正煒曰:「鮑說理不可通。『牛目』疑是『半月』之譌。雨雪及十五日之久。」(註3) 金氏自誤耳,沈延國已駁其說(註4)。

<sup>[</sup>註 1] 韓鄂《嚴華紀麗》卷 4、《書鈔》卷 152、《類聚》卷 2、《白氏六帖事類集》卷 1、《御覽》卷 12、555、《事類賦注》卷 3 引《孟子》佚文。

<sup>[</sup>註 2] 于鬯説轉引自范祥雅《戰國策箋證》,上海古籍出版社 2006 年版,第 1320 頁。

<sup>[</sup>註 3] 金正煒《戰國策補釋》卷 5,收入《續修四庫全書》第 422 册,上海古籍出版 社 2002 年版,第 544 頁。

<sup>[</sup>註 4] 沈延國《〈呂氏春秋·開春論〉集解初稿》、《制言》第 37、38 期合刊,1937 年版,本文第7頁。

#### (2) 群臣皆莫敢諫,而以告犀首

按:諫,敦煌寫卷 P.2589《春秋後語》同,《戰國策·魏策二》作「言」。

#### (3) 昔王季歷葬於渦山之尾

按:梁履繩曰:「《魏策》作『楚山』、《論衡・死僞篇》作『滑山』、《初學 記》卷 14 引作『渦山』。」《初學記》卷 14 引作「渦水」,梁氏失檢。 渦山,《文選·祭古冢文》李善注引同,《孟子》佚文、《冊府元龜》 卷 743 亦同 (註5) ;《錦繡萬花谷》後集卷 22、《古今事文類聚》前集 卷 50、《古今合璧事類備要》前集卷 62 引作「渦水」、《御覽》卷 555 引《孟子》作「滑山」、《說郛》卷 27 引楊奐《山陵雜記》亦作「渦 水」,敦煌寫卷 P.2589《春秋後語》作「楚山」。《魏策》姚宏注:「皇 甫謐云:『楚山,一名潏山,鄠縣之南山也。』縱有楚山之名,不宜 得蠻水所齧。」吳師道《補注》:「《呂氏春秋》作『渦水之尾』,《初 學記》引一作『渦山』,《論衡》作『滑山』。」孫蜀丞曰:「疑『渦』 即『滑』字之譌,『楚山』其別名也……潏、滑音近。」(註6)「渦」、 「滑」同從冎得聲,當是一字異體,而非譌字。「禍」古字作「禍」, 是其比也。《國語・晉語一》:「齒牙爲猾。」《淮南子・泰族篇》許慎 注引「猾」作「禍」、《史記・晉世家》同。《淮南子・詮言篇》:「有 滑則詘,有福則羸。」一本「滑」作「禍」,《御覽》卷739引亦作「禍」。 皆是其證。孫氏謂「潏、滑音近」是也,《莊子・至樂》:「支離叔與 滑介叔觀於冥伯之丘。」《釋文》:「滑,音骨,崔本作潏。」《史記・ 秦本紀》:「其玄孫曰中潏。」《集解》引徐廣曰:「潏,一作滑。」《正 義》引宋忠注《世本》:「仲滑生飛廉。」《文選·辨命論》李善注引 作「仲矞」。皆是其證。沈延國曰:「『渦』字作『滑』或作『楚』者, 皆誤。」失考矣。

# (4) 水齧其墓

按: 齧,《戰國策·魏策二》、《孟子》佚文同(註7),《論衡·死僞篇》作 「擊」。王利器曰:「《周禮·考工記》:『善溝者水漱之。』鄭玄注:『漱,

<sup>[</sup>註 5] 《類聚》卷 2、《御覽》卷 12、《事類賦注》卷 3 引《孟子》佚文。

<sup>[</sup>註 6] 孫人和 (蜀丞)《論衡舉正》,上海古籍出版社 1990 年版,第 104 頁。

<sup>[</sup>註7] 《類聚》卷2、《御覽》卷12、555引《孟子》佚文。

猶齧也。』《文選・長笛賦》:『秋潦漱其下趾兮。』《水經・穀水注》:『泄水南注瀉下,加歲久漱齧,每澇即壞。』亦謂水漱土謂之齧,義與此同。」王說是也。齧,侵蝕。《水經注・濟水》:「大河衝塞,侵齧金隄,以竹籠石葺土而爲堨。」又《穀水》:「石人東脅下文云:『太始七年六月二十三日,大水迸瀑,出常流上三丈,蕩壞二堨五龍。泄水,南注瀉下,加歲久漱齧,每澇即壞,歷載捐棄大功,故爲今遏……由其卑下,水得踰上漱齧故也。』」《周禮・考工記》:「梢溝三十里而廣倍。」鄭玄注引鄭司農曰:「梢謂水漱齧之溝。」齧亦漱也,謂水盪之也。擊,讀爲激。《莊子・逍遥遊》:「水擊三千里。」《慧琳音義》卷87、《御覽》卷927引「擊」作「激」。《淮南子・齊俗篇》:「故水擊則波興。」《治要》卷41引「擊」作「激」,《文子・下德》同;《淮南子・氾論篇》:「水激興波。」《列子・湯問》:「以激夾鍾。」《釋文》:「激音擊。」《論衡・雷虛》:「雷者,太陽之激氣也。」《玉燭寶典》卷11引「激」作「擊」。皆其證也。

## (5) 見棺之前和

高誘注: 棺頭日和。

按:舉沅曰:「注『題』舊作『頭』,據李善注《文選·祭古冢文》所引改。《說文》:『題,額也。』」桂馥曰:「《廣雅》:『棺當謂之秌。』又云:『秌,棺頭。』《玉篇》作『科』。」章太炎曰:「今浙江猶謂棺之前端曰『前和頭』,音如華。淮南謂題字於棺前端曰『題和』,音如壺。」蔣維喬等曰:「舉改『頭』作『題』,疑非。考吳師道《戰國策補校》:『《玉篇》:「耕,胡戈、戶臥二反。」《廣韻》作秌,皆云「棺頭也」,此作和,蓋音通。』秌,棺頭。可證棺頭曰和。蓋棺之橫木爲桓,桓、和相轉也。題、頭雖聲轉,義實略別。章炳麟云云,是頭、題義異,猶存於方言。」于省吾曰:「和乃桓之假字。棺題曰桓者,謂棺之前端特出者爲桓也。」陳奇猷曰:「于先生說至確。此注當作『題』訓爲額。若作『棺頭曰和』,則非其旨矣。《廣雅》、《廣韻》以和爲棺頭,皆非也。」王利器曰:「《冊府元龜》卷743亦作『題』。」《小爾雅》:「題,頭也。」「棺題」即「棺頭」,指棺之二頭,俗稱作「前和」、「後和」。棺題之題不是題字之題,章太炎所說的「題字棺前端曰題和」,「題和」之題亦前端之義,蔣維喬

誤解其義。蔣維喬、于省吾讀和爲桓,亦非創見,明清人早有此說。方以智曰:「棺前曰和,《文選·弔古冢文》『見棺前和』,《水經注》『見胡公棺前和』,《呂覽》『見棺之前和』是也。蓋謂橫木爲桓,桓、和相轉。」〔註 8〕阮元曰:「元謂前和即前桓,桓、和古同聲,其通借之迹多矣。」〔註 9〕翟灝曰:「今人稱棺前後曰和頭,亦轉音曰桓頭。」〔註 10〕《漢書·酆商傳》:「攻其前垣。」《史記》作「攻其前拒」,《集解》引徐廣曰:「拒,一作和。」王念孫曰:「史記作拒,漢書作垣,皆桓字之譌也。垣與桓聲相同,拒與桓字相近……軍前門謂之前和,猶棺前蔽謂之前和。《呂氏春秋》云云。和與桓聲相近,軍門兩出謂之和,猶木雙植謂之桓也;軍門四出謂之和,猶木四植謂之桓也。軍門四出謂之和,而字或爲桓,猶木貫柱四出謂之桓,而聲或爲和也。」〔註 11〕沈延國引方以智、章太炎等說〔註 12〕,如此爲學,方不誣前人矣。

## (6) 於是出而為之張朝,百姓皆見之,三日而後更葬

按:張朝,《論衡,死僞篇》同,《戰國策,魏策二》「張」下有「於」字。 敦煌寫卷 P.2589《春秋後語》作「乃出棺張幕,朝以百姓,而更葬之」, 《孟子》佚文作「乃出爲帳,三日後葬」(註13)。姚宏注:「《後語》: 『張帳以朝。』」鮑彪注:「張幕帘如朝廷然。」此文「張」是「帳帷」 的本字,此作動詞用(註14);當據《策》補「於」字。張於朝,謂在 朝廷張設帳帷也。沈延國曰:「張,設帳也。」(註15)徐仁甫曰:「『張』 借爲『帳』。『帳朝』即張帳以朝。」其說皆是也。陳奇猷曰:「『張朝』

<sup>[</sup>註 8] 方以智《通雅》卷 34,收入《方以智全書》第 1 册,上海古籍出版社 1988 年版,第 1057 頁。所引《水經注》見《穀水注》。

<sup>(</sup>註9) 阮元《與王西沚先生書》,《揅經室集三集》卷3,《四部叢刊》初編本集部。

<sup>(</sup>註10) 程願《通俗編》卷 26,收入《續修四庫全書》第 194 冊,上海古籍出版社 2002 年版,第 537 頁。

<sup>[</sup>註11] 王念孫《漢書雜志》,收入《讀書雜志》卷 5,中國書店 1985 年版,本卷第 50~51 頁。

<sup>(</sup>註12) 沈延國《呂氏春秋開春論集解初稿》,《制言》第37、38期合刊,1937年版,本文第10~11頁。

<sup>[</sup>註13] 《御覽》卷 12 引同,又卷 555 引「帳」作「張」。

<sup>[</sup>註14] 參見范祥雍《戰國策箋證》,上海古籍出版社 2006 年版,第 1322~1323 頁。

<sup>[</sup>註15] 沈延國《呂氏春秋開春論集解初稿》,《制言》第37、38期合刊,1937年版,本文第11頁。

即『設朝』,謂佈置朝見之所。詳《本味》注。《國策》衍『於』字。」陳氏《本味篇》「明日設朝而聽之」注云:「設朝者,佈置朝廷行禮也。《韓非子·外儲說右下》:『於是明日張朝而聽子之。』本書《開春》云云,張、設同義。」王利器說同陳氏,又曰:「《類聚》引《孟子》作『乃出爲帳』,蓋不得其意而妄改。」所不取也。

#### (7) 唯先生能活臣父之死

按:《御覽》卷 462 引無「之死」二字。

#### (8) 晉誅羊舌虎, 叔嚮為之奴而朡

高誘注:奴,戮也。律:坐父兄沒入爲奴。朡,繫也。

按:畢沅曰:「字書無『朡』,疑是『朘』,縮肉之意也。」朱駿聲曰:「『鯼』 字亦誤作『朡』。」孫鏘鳴曰:「朡,注訓係,再考。」(註16)吳承仕 曰:「《書序》:『遂伐三艐。』字從舟,髮聲,此『艐』字之見於經者。 《說文》:『髮,斂足也。』《周禮》注:『稯,束也。』是髮聲之字本 有繫縛之義。此文假『朡』爲之。高訓爲繫,正與許、鄭合。畢校失 之。」馬敘倫曰:「『朡』疑『竣』字之譌。蓋叔嚮爲奴,事已而竣也。」 孫蜀丞曰:「『朡』疑即『嵏』字。《說文》云云,高訓爲鑿,義正相成。 朱駿聲說亦通。」譚戒甫曰:「『朡』即『艐』字,非誤也。蓋舟旁之 字,後人多寫作月。《說文》:『艐,船著沙不行也。』引申凡著皆曰艐。 《方言》:『艐,宋語也。』《釋文》:『艐,古屆字。』《說文》:『屆, 行不便也。』此二義皆與正文相會。」沈延國曰:「諸說疑皆非。《說 苑・善說篇》『而朡』作『既而』,屬下句,是也。高注疑後人羼入。」 陳奇猷曰:「吳、譚說近是。『繫』蓋繫囚之繫。《說文》:『髮,斂足也。』 斂足,蓋以刑具斂足之意,此文之『朡』即此義。是『朡』爲以刑具 斂足之本字,而《說文》作『髮』者乃省文也。高注『奴,戮也』,疑 當作『奴,戮人也』,今本脫『人』字,不可通。」王利器曰:「『朡』 當作『傒』,形近而誤。」「朡」、「傒」形本近,王說無據。今本《書 序》作「遂伐三朡」,字從月,黎本《玉篇殘卷》「艐」字條引作「艐」。 《方言》卷 1:「戾、艐,至也。戾,楚語也。艐,宋語也。」郭璞注:

<sup>[</sup>註16] 孫鏘鳴《呂氏春秋高注補正》、《國故》1919年第4期,第12頁。

「艐,古屆字。」《釋文》引孫炎說同。此明是「屆」古字,音義與《說文》之「艐」全異,譚戒甫牽附爲一,亦失考矣。《說文》:「髮,斂足也。鵲鵙醜,其飛也猣。」《爾雅》:「鵲鶪醜,其飛也猣。」《玉篇》:「髮,飛而斂足也。」「髮」同「翪」,指鳥類飛行時收攏其足。吳承仕引《說文》以證「髮」聲字有繫縛之義,固可;陳奇猷失考,謂「髮」指以刑具斂足,則大誤。朡訓繫者,朡之言總,俗作總,髮聲字有繫縛之義,皆然。《說文》:「總,聚束也。」《漢書·司馬相如傳》顏師古注引張揖曰:「總,係也。」高注「奴,戮也」者,言刑戮之使爲奴也。《書·湯誓》:「予則孥戮女。」《史記·殷本紀》引作「帑僇」。又《甘誓》:「予則孥戮汝。」《史記·夏本紀》引作「帑僇」。「孥」、「帑」並讀爲「奴」。《漢書·季布欒布田叔傳贊》:「及至困戹奴僇。」顏師古注:「僇,古戮字也。奴僇,謂髡鉗爲奴而賣之也。」陳奇猷補「人」字亦誤。

#### (9) 聞善為國者,賞不過而刑不慢

按:王利器曰:「《左傳·襄公二十六年》:『善爲國者,賞不僭而刑不濫。』《正義》:『僭謂僭差,濫謂濫佚。』《荀子·致仕篇》:『賞不欲僭,刑不欲濫。』」慢,《左傳》、《說苑·善說》作「濫」。《詩·殷武》:「不僭不濫。」毛傳:「賞不僭,刑不濫也。」慢之言漫,實爲滿,與「濫」義相會。《說文》:「滿,盈溢也。」

# 《察賢》校補

## (1) 今夫塞者,勇力、時日、卜筮、禱祠無事焉,善者必勝

按:畢沅曰:「『塞』舊本作『寒』。趙云:『當作塞。』今從之。『塞』亦作『塞』、《說文》云『行綦相塞也。』」陳奇猷從其說改。《喻林》卷66引正作「塞」。《廣韻》:「簺,格五戲。」《莊子·駢拇》:「問臧奚事?則挾筴讀書;問穀奚事?則博塞以遊。」《管子·四稱》:「流於博塞。」又《四時》:「禁博塞。」博謂六博,塞謂鑑戲,又稱作格五戲。《漢書·吾丘壽王傳》:「吾丘壽王以善格五召待詔。」顏師古注:「孟康曰:『格音各。行伍相各,故言各。』劉德曰:『格五綦行。』《纂法》曰:『纂

白乘五,至五格不得行,故云格五。師古曰:『即今戲之簺也。』」《後漢書·梁冀傳》:「(梁冀) 能挽滿、彈棊、格五、六博、蹴鞠、意錢之戲。」李賢注引鮑宏《簺經》曰:「簺有四采塞白乘五是也。至五即格,不得行,故謂之格五。」(註17)

#### (2) 立功名亦然要在得賢

高誘注:要,約也。

按:松皋圓曰:「要,本也。」本書《本味》:「功名之立,由事之本也,得賢之化也,非賢其孰知乎事化?故曰其本在得賢。」《初學記》卷 20 引《白虎通》:「治國之道,本在得賢。得賢則治,失賢則亂。」(註 18)《越絕書·外傳記地傳》:「治道萬端,要在得賢。」可以證此文之義。下文「執其要而已矣」,「要」即承此而言。

#### (3) 故曰堯之容若委衣裘,以言少事也

按:松皋圓曰:「委猶置也。」沈延國從其說。陳奇猷曰:「『委蛇』、『委 佗』同,亦作『委隨』,皆消閒自得之貌。長言之曰『委隨』,促言之 曰則曰『委』。容猶言儀表。若猶乃也。謂堯之時,天下無事,堯之 儀表,乃委曲其衣裘,消閒自得。『以言』猶此言。」王利器曰:「『委 衣裘』一作『委衣』。《淮南子・原道篇》:『其縱之也若委衣,其用之 也若發機。』《春秋繁露・立元神》:『故爲人君者,謹木詳始,敬小 愼微,志如死灰,形如委衣,安精養神,寂寞無爲。』又作『委裘』…… 又作『安裘』……《易・繫辭下》:『黃帝堯舜垂衣裳而天下治。』亦 言其無爲而治也,與此文『委衣裘』同義。」王利器說是。委,垂也。 委衣裘,言垂拱而治。《晏子春秋・內篇諫下》:「是以雖事惰君,能 使垂衣裳,朝諸侯。」《荀子・王霸》:「垂衣裳而天下定。」《新序・ 雜事四》:「舜舉眾賢在位,垂衣裳恭己無爲而天下治。」《論衡・自 然》:「《易》曰:『黃帝堯舜垂衣裳而天下治。』垂衣裳者,垂拱無爲 也。」皆其證。《易・繫辭下》孔疏:「垂衣裳者,以前衣皮,其制短 小,今衣絲麻布帛所作衣裳,其制長大,故云垂衣裳也。」《集解》

<sup>(</sup>註17)《古今合璧事類備要》前集卷 57 引「塞白」作「塞四」,《册府元龜》卷 869 注引作「四塞」。「四」字蓋誤。

<sup>[</sup>註18]《御覽》卷632引二「則」作「即」。

引九家易曰:「黃帝以上,羽皮革木以禦寒暑,至乎黃帝,始制衣裳, 垂示天下。」

## (4) 我之謂任人,子之謂任力

按:「我之」、「子之」,承上文指治單父而言。謂,猶今語叫做、稱作。陳奇猷曰:「謂、爲古通,爲猶治也。」劉如瑛曰:「兩『謂』字並讀作『爲』。」 解爲『所爲』。皆非是。

# 《期腎》校補

## (1) 當今之時世闇甚矣

按:陳奇猷謂「時」字衍,是也,《類聚》卷 88 引正無「時」字。《御覽》 卷 952 引已衍。

#### (2) 凡國不徒安,名不徒顯,必得賢士

按:本書《謹聽》:「名不徒立,功不自成,國不虛存,必有賢者。」

## (3) 魏文侯過段干木之閭而軾之

高誘注: 閭,里也。《周禮》:「二十五家爲閭。」軾,伏軾也。

按: 閻、《淮南子·修務篇》、《新序·雜事五》同、《高士傳》卷中作「廬」。《新語·本行》:「段干木,徒步之士,修道行德,魏文侯過其閭而軾之。」《史記·魏世家》:「(文侯)客段干木,過其閭未嘗不軾也。」《鹽鐵論·貧富》:「魏文侯軾段干木之閭,非以其有勢也。」《孟子·公孫丑下》趙氏《章指》:「是以臧武仲雨行而不息段 干木偃寢而式閭。」《文選·魏都賦》:「千乘爲之軾廬,諸侯爲之止戈。」劉淵林注引《呂氏》作「廬」。《水經注·河水》:「干木,晉之賢人也,魏文侯過其門,式其廬。」《白氏六帖事類集》卷7:「武廬:魏文侯過段干木之廬,必式之。」又卷8:「軾廬:魏文侯軾段干木之廬,止戈於秦。」(註19)皆未列出處。是秦漢人作「閭」,六朝以後人作「廬」,二字古通。考《禮記·曲禮上》:「入里必式。」則「閭」正字,「廬」借字。

<sup>[</sup>註19] 卷8二引同。《白帖》分別在卷22、27。

《史記・魏世家》《正義》引《高士傳》作「閭」。

## (4) 且吾聞段干木未嘗肯以己易寡人也,吾安敢驕之

高誘注:驕,慢之也。

按:驕,《新序·雜事五》作「高」。石光瑛曰:「『高』正字,『驕』通叚字。高注似失其旨。」 [註 20] 高注不誤,「驕」正與上文「軾之」對文,石說償矣。

#### (5) 則君乃致祿百萬,而時往館之

高誘注:時往詣其館也。

按:楊樹達曰:「『館』有饋饗之義。高注恐非。」沈延國從其說。陳奇猷曰:「『館』爲動詞,高以名詞爲解,顯與此文不治。楊以館有饋饗之義,亦未聞。『館』之本字爲『官』,《說文》:『官,吏事君也。』此文謂時往事之,如吏事君耳。《新序》作『問』。問與官義亦近。」高注不誤,高云「詣其館」,正是以爲動詞也。王利器曰:「《禮記·儒行解》:『孔子至舍,哀公館之。』注:『哀公就而禮館之。』《家語·儒行解》:『孔子既至舍,公館焉。』注:『就孔子舍。』《戰國策·燕策》:『武安君從齊來,而燕王不館。』尋《儀禮·聘禮》:『公館賓。』《釋文》:『主君就舍,拜謝聘君使臣來禮己國之事。』則館者,就賓館存問之也。」王說是也,所引《戰國策》見《燕策一》,《史記·蘇秦傳》作「不復官」。金正煒曰:「按:館、官古通用。《呂覽》高注云云。此云不館,亦謂不一臨存之耳。」(註21)

# (6)秦君以為然,乃按兵輟不敢攻之

高誘注:輟,止也。

按:馬敘倫曰:「『輟』字乃衍文也。」陳奇猷曰:「輟當讀輒,遂也。馬說 非。」馬說固誤,陳氏尤爲妄說通借,不合音理。此文不誤,高注得 之。《淮南子·修務篇》作「於是秦乃偃兵輟不攻魏」、《新序·雜事五》 作「乃案兵而輟不攻魏」。句首有「乃」字,則「輟」決不作「遂」用。

<sup>[</sup>註20] 石光瑛《新序校釋》,中華書局 2001 年版,第686 頁。

<sup>[</sup>註21] 金正煒《戰國策補釋》卷6,收入《續修四庫全書》第422 册,上海古籍出版 社2002 年版,第575 頁。

本書《召類》:「解在乎史墨來而輟不襲衛趙。」又《愛類》:「故荊輟不攻宋。」《韓子·說林下》:「郭君曰:『善!』乃輟不城薛。」又《外儲說右上》:「乃輟不殺客。」《淮南子·修務篇》:「於是乃偃兵輟不攻宋。」《漢書·揚雄傳》:「於是輟不復爲。」句法皆同。

#### (7) 扶傷輿死

按:畢沅曰:「死與尸同。」沈延國從其說。馮振曰:「死與屍同,不與尸同。」(註 22) 陳奇猷曰:「畢說是。松皋圓以『死』爲『屍』之誤,非。」《新序·雜事五》作「扶傷舉死」。石光瑛曰:「畢校云云,盧文弨亦謂當從《呂》作『輿』,死即屍字。案《書鈔》、《治要》引亦作『舉』。舉,猶援也。『輿』乃『與』之誤,古『與』、『舉』字通。《漢書·司馬遷傳》:『救死扶傷。』救死即舉死。」(註 23) 石說非也,《管子・輕重甲》、《淮南子・兵略篇》、《文子・上義》並有「輿死扶傷」語。

#### (8) 履膓涉血

按:《新序·雜事五》同。《淮南子·兵略篇》:「涉血屬(履)腸」。石光瑛曰:「涉,與『喋』同,以口微吸。」(註 24) 石說非也。涉,讀爲蹀,亦履也,王利器引顏師古說是。

# 《審爲》校補

(1) 冠所以飾首也,衣所以飾身也

按:首、《意林》卷2、《御覽》卷364引作「頭」。

## (2) 太王亶父可謂能尊生矣

高誘注:尊,重也。

按:尊、《莊子·讓王》同、《淮南子·道應篇》作「保」。保,讀爲寶,

<sup>[</sup>註22] 馮振《呂氏春秋高注訂補(續)》,《學術世界》第1卷第11期,1935年版,第56頁。

<sup>[</sup>註23] 石光瑛《新序校釋》,中華書局 2001 年版,第 689 頁。

<sup>[</sup>註24] 石光瑛《新序校釋》,中華書局 2001 年版,第690 頁。

寶亦重也。沈延國解「保生」爲「全生」(註25),非是。

#### (3) 君固愁身傷生以憂之臧不得也

高誘注: 臧,近也。

按:《莊子·讓王》作「君固愁身傷生以憂戚不得也」。畢沅據《莊子》校 「臧」作「戚」,王念孫據刪「之」字,吳闓生、劉師培說同王氏。 孫鳴鏘曰:「『固』、『顧』通,戚亦憂也。『也』讀曰邪。」馬敘倫從 孫說,沈延國從王、孫說。馮振曰:「戚借爲感,憂也。『也』讀爲邪。」 王叔岷曰:「畢本改『臧』爲『戚』,是也。王念孫云:『之字衍,《莊 子》無。』非也。『之戚』乃『戚之』之誤到,古鈔卷子本《莊子》 正作『以憂戚之不得也』。今本捝『之』字。」馮振、王叔岷說是。 孫氏讀固爲顧,則是訓爲反。裴學海曰:「胡,何也。字或作故,字 又或作固。」引《莊子》爲證(註26)。徐仁甫曰:「『固』通『故』,『故』 通『胡』。」裴氏、徐氏讀爲胡亦通。馬敘倫又曰:「愁讀爲揫,『臧』 當從舊本作『臧』,借爲將。『將不得也』猶言將非得也,謂失之也。」 馮振、陳奇猷已駁其說。陳奇猷又曰:「『臧』字不誤,但當作『臧之』, 今本誤倒。『臧』即『髒』。凡侵奪而來之財物皆謂之臧。此文謂君顧 愁身傷生以憂侵地之不得邪?諸說皆非也。」陳說殊誤,侵地不得稱 爲臧。高注以「近也」爲解雖誤,然可證高氏所見本必是「戚」,「臧」 不能訓沂。《愛日齋叢抄》卷5引已誤同今本。王利器曰:「諸說都未 考慮高誘『近』字之訓,未安。竊以爲『臧』蓋『幾』字形近之誤。」 王說非是,二字形遠,不得據高氏誤說改作「幾」。

# (4) 重傷之人無壽類矣

高誘注:言人不能自勝其情欲而不放之,則重傷其神也。神傷則夭殞札 瘥,故曰無壽類也。重讀「復重」之重。

按:《莊子·讓王》、《淮南子·道應篇》、《文子·下德》同。章太炎曰:「壽 借爲疇。無疇類,言殃及子孫。漢人多作『噍類』,噍亦疇字。」馬叙 倫從其說。馬敘倫又曰:「章氏云云。倫按:無壽類,猶言無遺類。壽

<sup>(</sup>註25) 沈延國《〈呂氏春秋·開春論〉集解初稿》,《制言》第 37、38 期合刊,1937年版,本文第 37 頁。

<sup>(</sup>註26) 裴學海《古書虛字集釋》,中華書局 1954 年版,第 266~267 頁。

借爲繢,織餘也。」〔註27〕譚戒甫曰:「壽當讀儔,義與類同。《淮南· 道應篇》作『疇』,亦儔之借。高讀如字,文義似可承接,然實非也。」 沈延國曰:「章說云云。譚氏『壽當讀儔』亦是。《管子・樞言篇》作『疇 類』、《淮南》、《文子》皆作『壽類』(譚氏以《淮南》作『疇』、誤。)、 疇、儔同音通叚,壽乃儔之省。」(註28)朱起鳳曰:「疇、儔同音通用, 壽乃儔字之省。儔字叚作儕,此方音之變。」[註29]陳奇猷曰:「『壽』 字當從高說,讀『長壽』之壽。傷神之殃,止於本人夭死,與子孫無關。 章、譚說雖辯,然非此文之義。」王利器亦說是「壽命」之「壽」。章 說是,《管子・樞言》:「十日不食無疇類,盡死矣。」言人十日不食則 死,無有疇類。此文言無有疇類,則無有子孫,此章氏言「殃及子孫」 之義。非謂子孫亦受神傷之殃也。「疇」是本字,「儔」是分別字,譚戒 甫以「儔」爲本字, 偏矣。朱起鳳謂「叚作儕」, 非是。許維遹曰:「『無 疇類』與『盡死』同義,疑『盡死』二字爲校者旁注而誤入正文。《莊 子·讓王篇》:『重傷之人無壽類矣。』《呂氏春秋·審爲篇》同。『壽』 即『疇』之借字・『疇』亦作『噍』、《漢書・高帝紀》:『襄城無噍類矣。』 注:『青州俗呼無孑遺爲無噍類。』青州古屬齊國,此齊言也。」(註30) 許說亦是,但「盡死」非衍文。北大藏漢簡《蒼頡篇》簡 8:「胡無噍 類。」(註31)字亦作醜,《爾雅》:「醜,眾也。」《廣雅》:「醜,類也。」 《賈子·耳痹》:「放此類者,鳥獸之儕徒,狐狸之醜類也。」

# 《愛類》校補

## (1) 公輸般為高雲梯,欲以攻宋

按:陳奇猷曰:「『高』字疑後人旁注而誤入正文者(雲梯即高梯,故旁注

<sup>[</sup>註27] 馬敘倫《莊子義證》卷 28,收入《民國叢書》第 5 編,(上海)商務印書館 1930年版,本卷第 10 頁。

<sup>[</sup>註28] 沈延國《〈呂氏春秋·開春論〉集解初稿》、《制言》第 37、38 期合刊,1937 年版,本文第 44 頁。

<sup>[</sup>註29] 朱起鳳《辭通》卷16,上海古籍出版社1982年版,第1676頁。

<sup>(</sup>註30) 郭沫若《管子集校》,收入《郭沫若全集·歷史編》卷 5,人民出版社 1984 年版,第325頁。

<sup>[</sup>註31] 《北京大學藏西漢竹書(壹)》,上海古籍出版社 2015 年版,第77頁。

『高』字)、《墨子·公輸》、《淮南·修務》皆言『雲梯』、無作『高雲梯』者。」徐仁甫說同。《御覽》卷320引同今本、《冊府元龜》卷908同、《世說新語·文學》劉孝標注引《墨子》亦作「高雲梯」。

(2) 王曰:「必不得宋,且有不義,則曷為攻之?」 舊校:「必」一作「既」。

按:上二句,《淮南子·修務篇》作「必不得宋,又且爲不義」,「必」字是。彭鐸曰:「有猶爲也。」彭說是,「爲」讀平聲。且,猶又也,複言則曰「又且」。范耕研、馮振、許維遹、王利器並讀「有」爲「又」,沈延國、陳奇猷從其說,非是。王叔岷曰:「『且有』當作『有且』,『有』讀爲『又』,《淮南》是其塙證。」亦非是。

## (3) 昔上古龍門未開,呂梁未發

高誘注:發,通也。

按:《淮南子·本經篇》同,《水經注·河水》、《御覽》卷 40 引《淮南》、 又卷 82 引《尸子》作「龍門未闢,呂梁未鑿」、《莊子·達生》《釋文》 引《淮南》作「龍門未鑿」。《御覽》卷 40 引《尸子》作「古者龍門未 擊,呂梁未闢。」「闢」、「擊」二字互倒。

# (4) 所活者千八百國

按:活,《御覽》卷61、《事類賦注》卷6引誤作「治」。

# 《貴卒》校補

(1) 所為貴鏃矢者,為其應聲而至,終日而至,則與無至同

高誘注:鏃矢輕利也。小曰鏃矢,大曰篇矢。射三百步,終一日乃至, 是爲與無所至同也。

按:梁玉繩曰:「《淮南·兵略》:『疾如錐矢。』注:『錐,金蔟箭羽之矢也。』《史·蘇秦傳》《索隱》引此作『錐』字。」馬敘倫曰:「《說文》: 『鏃,利也。』高蓋據此。然《周禮·司弓矢》有鍭矢,無鏃矢。錄者,《說文》云:『金鏃翦羽謂之鍭。』此『鏃』當作『鍭』,形近而 譌。《莊子·天下篇》:『鏃矢之疾而有不行不止之時。』『鏃』亦『鍭』

之譌。」沈延國指出馬氏說本王念孫《淮南子雜誌》所引王引之說: 「『錐』當爲『鍭』,注內『箭羽』當爲『翦羽』,皆字之誤也。《爾雅》: 『金鏃翦羽謂之鍭。』(《說文》同,《方言》曰:『箭,江、淮之閒謂 之鍭。』《大雅·行葦篇》曰:『四鍭既鈞。』《周官·司弓矢》曰:『殺 矢、鍭矢,用諸近射田獵。』《考工記・矢人》曰:『鍭矢參分,一在 前,二在後。』《隱元年穀梁傳》曰:『聘弓鍭矢,不出竟場。』『鍭』 字亦作『翭』、《士喪禮記》曰:『翭矢一乘、骨鏃短衛。』)是其明證 矣。下文云『疾如鏃矢』、『鏃』亦『鍭』之誤。(『鍭矢』之字、非誤 爲『錐』,即誤爲『鏃』。《齊策》:『疾如錐矢。』文與此同,則『錐 矢』亦是『鍭矢』之誤。高注以錐矢爲小矢,非也。《史記・蘇秦傳》 又誤作『鋒矢』,《索隱》引《呂氏春秋》:『所爲貴錐矢者,爲其應聲 而至。』今本《呂氏春秋》誤作『鏃矢』。《莊子・天下篇》:『鏃矢之 疾。』『鏃』亦『鍭』之誤,郭象音族,非也。《鶡冠子‧世兵篇》:『發 如鏃矢。』『鏃』本或作『鍭』,亦當以作『鍭』者爲是。)」王叔岷、 彭鐸從王氏說。陳奇猷曰:「諸書『鏃』未必爲『鍭』字之誤。『鏃』 字從金從族,族《說文》訓矢錢(鋒),則族矢係以金屬爲鋒之矢。 鏃與鋒義同,故《史記》別名爲『鋒矢』。《周官》、《爾雅》所謂之『鍭 矢』,疑別是一名,形制未必相同。即使形制相同,而『鏃』屬尤部, 『鍭』屬侯部,二部本相通,則『鍭矢』謂之『鏃矢』,僅係語音轉 變耳,必非誤字。王氏必改諸書『鏃矢』為『鍭矢』,何以見得『鍭 矢』則是,『鏃矢』則非?又何以見得《周官》、《士喪禮記》、《爾雅》 爲是,而諸子爲非?豈以彼爲經,而此爲子歟?此迷經之過也。」王 引之說至確,陳奇猷所駁,極盡牽強之能事,而又好譏前人。《淮南 子・兵略篇》是許愼注、注云「金蔟(鏃)箭(翦)羽之矢也」、正 與《爾雅》、《說文》合,日本古鈔本《淮南子》正作「鍭」(王利器 已引),不誤。是今本《淮南》「疾如錐矢」當是「疾如鍭矢」之誤, 可以無疑矣。《戰國策・齊策一》:「疾如錐矢。」是《淮南》、《史記・ 蘇秦傳》所本,吳師道《補注》引本書作「錐矢」相證,然則《齊策》、 《史記》及本書亦當作「鍭矢」也。《渚宮舊事》卷2:「故當時稱吳 起之智,所速於鍭矣。」(註 32)所據即本書,「矣」是「矢」之誤,

<sup>[</sup>註32] 據《四庫全書》本、《叢書集成初編》本,《叢書集成新編》本「鍭矣」作「鏃矣」。

而「鍭」字不誤,此又其旁證。「族」訓矢鋒,指箭頭,金屬箭頭則作專字「鏃」、《說文》「鏃」訓利者,指鋒利,而不是輕利、輕捷,馬敘倫混二義爲一,非是。《說文》:「鏃,矢金鏃翦羽謂之鏃。」《爾雅》邢昺疏:「鏃,箭頭也。翦,齊也。以金爲鏃,齊羽者名鍭。孫炎曰:『金鏃斷羽,使前重也。』」《方言》卷9:「箭,自關而東謂之矢,江淮之閒謂之鍭,關西曰箭。」然則鍭亦矢也,箭也。「鍭矢」是同義複詞,《劉子・貴速》:「箭所以爲貴者,以其弦釋而至也,窮日而取至者,則與不至者同矣。」本於此書,徑改作「箭」。諸書言疾者,皆指箭之疾,何得獨言矢鋒之疾?陳奇猷又謂「鍭」、「鏃」是語音轉變,亦是妄說音轉。「鏃」精母屋部,「鍭」匣母侯部,韻部雖近,聲母遠隔,絕無音轉之理。

#### (2) 於是令貴人往實廣虛之地,皆甚苦之

按:王念孫曰:「廣讀曰曠。」吳闓生說同,陳奇猷從其說。沈延國曰:「《漢書·鼂錯傳》:『臣聞古之徙遠方以實廣虚也。』師古云:『所以充實寬廣空虛之地。』」王利器曰:「《管子·五輔篇》:『實壙虛(《荀子·議兵篇》注:『壙與曠同。』),墾田疇。』義同。」二王氏說是也,沈氏引《漢書》亦是,但從顏師古解爲「寬廣」則誤。《漢紀》卷8「廣虛」作「空虛」,可證廣當讀爲曠,空也。

# (3) 吳起號呼曰:「吾示子吾用兵也。」

按:孫鳴鏘曰:「『示』字未詳,或『禦』字爛脫其半。『也』字亦讀曰邪。」 沈延國曰:「『也』當讀本字。『子』指貴人言。其意言吾將示汝等以吾 用兵之術也。此『示子吾用兵』即下『拔矢而走』事。孫氏殊失本意。」 蔣禮鴻曰:「謂令子知我之用兵耳。『示』字不誤,『也』字亦不讀邪。」 陳奇猷曰:「下『吾』字疑『無』字音近又因上『吾』字而誤。示猶語 也。此文猶言吾語汝等無用兵。」沈、蔣說是,孫、陳皆誤。《渚宮舊 事》卷2引亦作「吾示子吾用兵也」。

# (4) 管仲扞弓射公子小白,中鉤

引之曰:「當作『扞弓』。扞弓,引弓也。《說文》:『弙,滿弓有所鄉也。』字或作扞,《大荒南經》『有人方扞弓射黃蛇』,郭注曰:『扞,挽也,音紆。』《呂氏春秋・壅塞》:『因扞弓而射之』,高注曰:『扞,引也。』《淮南子・原道篇》:『射者扞烏號之弓』,高注曰:『扞,張也。』今本《呂覽》、《淮南》『扞』字皆誤作『扞』,唯《山海經》不誤,則賴有郭音也。」段玉裁、王念孫、陶方琦說皆同[註 33]。《列子・仲尼》:「引烏號之弓,綦衛之箭。」正作「引」字,可爲段氏、二王說佐證。

## (5) 公子小白僵

高誘注:僵,猶偃也。

按:松皋圓曰:「下『伶悝僵』,注:『僵,斃也。』得之。此云『猶偃也』, 非。」陳奇猷曰:「僵,佯死也,如屍勁硬也。高此訓爲偃,下訓爲 斃,義均未洽。」高注不誤。《說文》:「偃,僵也。」又「僵,價也。」 謂仰臥。仰臥即指佯死。斃亦指佯死。沈延國亦指出「僵」訓仆倒 (註34)。

## (6) 其智若鏃矢也

高誘注:鏃矢,言其捷疾也。

按:「鏃」亦「鍭」形誤。

(7)中山之人多力者曰吾丘鴧,衣鐵甲,操鐵杖以戰,而所擊無不碎, 所衝無不陷,以車投車,以人投人也

按:畢沅曰:「『吾丘』即『虞丘』。『鴻』當即『鴥』之或體,《集韻》音戎 用切,從亢得聲,未必然也。孫云:『《御覽》卷 313、356 並作鳩。』」 蔣維喬等從畢說,陳奇猷謂人名「殊難遽斷」。吾丘鴻,《冊府元龜》 卷 845 同,《書鈔》卷 118 引作「吾丘鴆」,《御覽》卷 313 引作「五兵

<sup>(</sup>註33)段玉裁《說文解字注》,上海古籍出版社 1981 年版,第 641 頁。王念孫《廣雅疏證》,收入徐復主編《廣雅詁林》,江蘇古籍出版社 1992 年版,第 28 頁。陶方琦《許君〈說文〉多採用〈淮南〉說》,收入《漢學室文鈔二》,《清經解續編》,鳳凰出版社 2005 年版,第 7146 頁。

<sup>[</sup>註34] 沈延國《〈呂氏春秋·開春論〉集解初稿》,《制言》第 37、38 期合刊,1937 年版,本文第 67 頁。

鳩」,又卷 356 引作「丘鳩」,又卷 386 引作「吾兵」,《元和姓纂》卷 3、《古今合璧事類備要》續集卷 30 引作「吾丘象」。松皋圓引《子華子·虎會問》:「吾丘鴆,年十有五,而始以勇力聞。及其壯佼也,四鄰畏之,能以人投人,以車投車。」「兵」是「丘」譌。古人或以「鳩」取名,如「田鳩」、「州鳩」,無以「鴆」爲名者。「鳩」字或是,「鴆」、「鴻」皆形譌。碎,《書鈔》卷 118 引作「破」。

# 《慎行論》卷第二十二校補

# 《愼行》校補

(1) 荊平王有臣曰費無極,害太子建,欲去之

按:害,讀爲妎,字亦作绪,忌恨也 [註 1]。下文「知害人而不知人害己也」,同。

(2)無極說王曰:「晉之霸也,近於諸夏,而荊僻也,故不能與爭。不 若大城城父而置太子焉,以求北方,王收南方,是得天下也

按:《左傳·昭公十九年》「霸」作「伯」,「近」作「邇」,「僻」作「辟陋」, 「不若」」作「若」,「置」作「寘」,「求」作「通」;《淮南子·人間 篇》「霸」作「伯」,「僻」作「僻遠」,「求」作「來」。此文「求」是 「來」形譌。陳奇猷曰:「求猶招來也。」未得其字。

# (3) 國人大怨,動作者莫不非令尹

按:《左傳·昭公二十七年》作「國言未已,進胙者莫不謗令尹」,杜預注: 「進胙,國中祭祀也。謗,詛也。」梁玉繩曰:「『胙』即古文『作』 字。進胙猶動作也。杜注非。」王念孫曰:「『動作』二字於義無取。 疑『胙』、『作』古字通。本作『進胙』,而後人妄改之也。」王利器 曰:「作『進胙』是,『動』者『進』之誤,『作』、『胙』古通。《詩·

<sup>[</sup>註1] 參見蕭旭《〈慧琳音義〉「譀講」正詁》。

蕩》:『侯作侯祝。』毛傳:「作、祝,詛也。』《釋文》:『作,本或作 詛。』則進胙以詛,爾時固然也。」陳奇猷曰:「『動作』當作『動胙』。 『胙』與『作』形近又因『動作』常連文而誤。動蓋爲董之假字。董 胙者蓋即董督進胙者。」陳氏臆說,文獻無「董胙」的記載。「動」 當作「進」,後人不達其義而妄改。胙、作,並讀爲詛。進胙者,指 進祝詛之辭於上帝者。《晏子春秋·內篇諫上》:「百姓之咎怨誹謗, 詛君於上帝者多矣。」王利器讀「胙」爲本字,猶隔。

## (4) 患幾及令尹

高誘注:幾,近也。

按:幾,讀爲其,表示推測判斷的副詞。

#### (5) 於是豚崔杼之子,令之爭後

按:畢沅曰:「拯與椓同,《左傳·哀十七年》:『太子又使椓之。』舊訓訴, 於此不切。義當與嗾同,今人言挑撥,意頗近之。」文廷式曰:「拯讀 如『謡諑』之該。」(註2)馬敘倫曰:「畢說亦通。然倫又疑椓借爲歜 (陳奇猷引此字誤其旁『欠』作『攵』),《說文》:『盛氣怒也。』」陳 奇猷曰:「『拯』字雖不見於《說文》,然見於《方言》、《玉篇》。《玉篇》 云:『刺木也。』《方言》云:『鐫, 拯也, 秦、趙謂之鐫。』(註3) 是 鐫、拯同義,僅方音之異。鐫爲以刀刻刺之意,則拯亦是刺義。刺之 引申義則爲『諷刺』。諷刺本含有挑撥之意。琢蓋挑撥、嗾使之意,今 以『嗾』字爲之。《說文》:『嗾,使犬聲。』則『嗾』非『嗾使』本字, 『嗾』假借爲『拯』也。畢、馬皆未審『拯』爲『嗾』本字耳。」陳 說殊誤。嗾訓使犬聲,故引申即有嗾使義。《說文》:「鐫,一曰琢石也。」 《方言》卷2郭璞注:「拯謂鏨鐫也。」「拯(琢)」與「鐫」同義,指 鑿刻石頭,其本字是「豛」、「豛」、「椓」,取椎擊爲義。畢沅謂「拯義 當與嗾同」,猜測之詞耳。馬氏讀爲歜,亦非。文廷式讀拯爲諑,是也, 王利器說同。《方言》卷 10:「諑,愬也,楚以南謂之諑。」郭璞注: 「諑,譖,亦通語也。」「譖」是說壞話誣陷人,毀謗之義。「愬」亦

<sup>(</sup>註 2) 文廷式《純常子枝語》卷 15,收入《續修四庫全書》第 1165 册,上海古籍出版社 2002 年版,第 215 頁。

<sup>[</sup>註3] 引者按:《方言》原書「秦趙」作「晉趙」。

此義,《說文》:「譖,愬也。」《玉篇》:「愬,譖也。」畢氏所引《左傳》「太子又使椓之」,「椓」亦「諑」字。杜預注:「椓,訴。」「訴」同「愬」。《廣雅》:「諑,訴也。」又「諑、誹、詆、傷、譖、謗、訴、辠、訕,謏也。」曹憲《音釋》:「諻,音毀,即諻謗之諻,今毀,乃訓壞。」畢氏云「舊訓訴,於此不切」,失之不考。《六書故》卷11:「椓即諑也。」陸粲《左傳附注》曰:「椓與諑古字通。《楚詞》:『謡諑謂余以善淫。』王逸曰:『《方言》:「楚以南謂愬爲諑。」』又譖也,《呂氏春秋》云云。」顧炎武從陸說(註4)。「諑」的語源亦是「敎」、「殺」、「椓」,取擊傷爲義。《說文》:「椓,擊也。」《繫傳》:「《春秋左傳》曰:『太子又使諑之。』《楚辭》曰:『謡諑謂余之善淫。』古皆用此字也。」

## (6) 景公與陳無宇、公孫竈、公孫蠆誅封

高誘注:公孫竈,惠公之孫,公子欒堅之子子射也。

按:畢沅改注「子射」作「子雅」。陳奇猷曰:「事詳《左傳·襄二十八年》。 畢改『子射』作『子雅』,蓋據之《左傳》。考《韓非子·外儲說右上》 又作『子夏』。射、雅、夏古音隸魚部,則『射』、『夏』皆假字,非 誤字。畢改非是。」畢改是,「夏」、「雅」音轉,未聞可轉作「射」 者。三字雖皆隸魚部,而「射」是船母,聲母遠隔,無相轉之理。

(7)(荊靈王)得慶封,負之斧質,以狥於諸侯軍,因令其呼之曰: 「毋或如齊慶封,弒其君而弱其孤,以亡其大夫。」

高誘注:亡其大夫,謂崔杼強而死。

按:畢沅曰:「以亡,《左傳·昭四年》作『以盟』。」劉師培曰:「『亡』即《左傳》『盟大夫』之盟,亡、盟音轉。」陳奇猷從劉說,是也。徐仁甫指出劉氏說本王引之《經義述聞》卷19。《史記·楚世家》亦作「以盟」。《左傳·襄公二十三年》:「毋或如東門遂,不聽公命,殺適立庶,盟叔孫氏也。」亦其比。

<sup>[</sup>註 4] 顧炎武《左傳杜解補正》卷下,收入《叢書集成新編》第 109 册,新文豐出版公司 1985 年印行,第 282 頁。

# 《無義》校補

- (1) 鄭平於秦王臣也,其於應侯交也,欺交反主,為利故也按:反,讀爲叛。
- (2) 趙急求李欬,李言續經與之俱如衛,抵公孫與,公孫與見而與入 高誘注:抵,主也。入,猶納也。

按:畢沅曰:「《史記·張耳傳》《索隱》:『抵,歸也。』此訓最愜。《廣雅》則云『至也』。」許維遹、蔣維喬並謂注「主」是「至」譌。《黃氏日抄》卷 56 述此文大意云:「續經欺公孫與,仕趙,而人莫與同朝。」則讀抵爲詆,故訓欺,蓋謂隱瞞其趙國罪人身份,公孫與不察,因見而與入也。

# 《疑似》校補

(1) 周宅酆鎬近戎人,與諸侯約,為高葆禱於王路,置鼓其上,遠近 相聞

按:舉沅曰:「《御覽》卷 338『葆』作『堡』,無下四字。」文廷式曰:「『禱』當作『幬』。」(註5) 俞樾曰:「禱,當讀爲壔。《說文》:『壔,保也。』連言之則曰『保壔』。《九章算術》『今有方堢壔』是也。王路者,大路也。《御覽》引『葆』作『堡』,蓋易以今字。無下四字則由不達而臆刪之。」孫蜀丞曰:「此文不當有『禱』字。『葆』即《月令》『四鄰入保』之保。此蓋因注以壔訓葆(《說文》:『壔,保也,高土也。』),混入正文,又誤爲『禱』,故不可說耳。《書鈔》卷 121 兩引此文並無『禱』字。」蔣維喬等曰:「張行孚《說文發疑》云『禱當爲壔譌』,是也。孫說疑非。」陳奇猷曰:「俞說至確。『壔』又作『垛』、《通俗文》云『積土爲垛』是也,與《說文》訓爲保、訓爲高土之『壔』音義均同。」《書鈔》卷 121 二引,皆作「爲高堡於王路」,亦作「堡」。《玉篇》、《集韻》引《說文》:「壔,堡也。」《廣雅》:「墻,隄也。」王念孫曰:「《玉篇》作壔,亦通作禱、《呂氏春秋》云云。《九章算術。商功章》有『方

<sup>[</sup>註 5] 文廷式《純常子枝語》卷 15,收入《續修四庫全書》第 1165 册,上海古籍出版社 2002 年版,第 215 頁。

探壔』、『圓堢壔』。」(註6)此俞樾說所本。松皋圓曰:「川直云:堡,障也。又作堢、葆。《說文》曰:『[壔],保也,一曰高土。』按高葆檮即高堡壔之音通,算家有『直堡壔』之語,其形似方台。」沈延國、王利器引松說、俞說、張說、孫說,並指出孫說非是(註7)。黃侃曰:「錢坫曰:『《九章算經》有「方圓堢壔」、《呂氏春秋》「周人爲高葆檮於王路」,即此。』即《左傳》之『倍敦』,後文之『培敦』,『毒天下』、『亭之毒之』皆此字。」(註8)胡吉宣亦謂「壔,字亦假禱」(註9),皆是也。亦音轉作敦、埻、錞、堆(註10),皆土堆之名。《爾雅》:「丘一成爲敦丘。」郭璞注:「今江東呼地高堆者爲敦。」《玉篇》:「埻,《山海經》云:『騩山是埻於四海。』郭璞曰:『埻猶隄也。』」今《西山經》作「錞於西海」。《集韻》:「埻,壘土也。」張行孚以爲字謁,則未達通借。陳奇猷謂「壔又作垛」,非是。二字雖雙聲,但韻則分屬幽、歌二部,不能通轉。且「垛」取下垂爲義,「壔」取擣築爲義,言築土而高也,雖所指相近,而語源不同。

#### (2) 戎寇當至

按:畢沅曰:「當至,別本作『嘗至』,今從元本。《御覽》卷 391 作『戎嘗 寇周』。」陳奇猷曰:「當、嘗古通。」陳說是也,《類聚》卷 19 引作 「戎常寇關」,《能改齋漫錄》卷 10 引作「戎常寇周」,「常」亦借字。 王利器曰:「作『當』義勝,當,合也。」非是。

## (3)褒姒大說

按:畢沅曰:「《御覽》作『大說而笑』。」許維遹曰:「《事類賦》卷 19 引與《御覽》同。」《類聚》卷 19、《御覽》卷 391 引作「大悅而笑」,《事類賦注》未引,畢氏誤「悅」爲「說」,許氏誤記書名,陳奇猷皆未覆檢。

<sup>[</sup>註 6] 王念孫《廣雅疏證》,收入徐復主編《廣雅詁林》,江蘇古籍出版社 1992 年版,第 543 頁。

<sup>[</sup>註7] 沈延國《校書雜錄·呂氏春秋》,《制言》第34期,1937年版,本文第24頁。

<sup>[</sup>註 8] 黄侃《說文解字斠詮箋識》,收入《說文箋識》,中華書局 2006 年版,第 424 頁。

<sup>[</sup>註9] 胡吉宣《玉篇校釋》,上海古籍出版社 1989 年版,第 225 頁。

<sup>[</sup>註10] 《禮記·喪大記》:「大夫殯以幬。」鄭玄注:「幬,或作錞,或作埻。」此其音轉之證。

#### (4) 幽王之身,乃死於麗山之下

按:麗山,《御覽》卷338引作「驪山」。

## (5) 梁北有黎丘部,有奇鬼焉,喜効人之子姪昆弟之狀

按:孫志祖曰:「章懷注《後漢書·張衡傳》引『部』作『鄉』。李善注《文選·思玄賦》引『喜』作『善』。」王引之謂「喜」是「善」形譌。許維遹曰:「《文選·思玄賦》注引作『梁國之北,地名黎丘,有奇鬼焉』。」王引之說是也,《古今事文類聚》前集卷 48、《古今合璧事類備要》前集卷 69 引《戰國策》作「善」。《太平寰宇記》卷 12:「黎邱有奇鬼,善數人。」亦作「善」字。部,《御覽》卷 883、《困學紀聞》卷 8 引同。部,讀爲附,部之言部婁、峿嶁,指小土山。《太平寰宇記》卷 12:「黎邱在縣北二十里,高二丈,梁地。」高二丈者,正小土山也。《說文》:「附,附婁,小土山也。《春秋傳》曰:『附婁無松柏。』」今《左傳・襄公二十四年》作「部婁」。《風俗通義・山澤》引作「培塿」,又解云:「言其卑小。部者,阜之類也。今齊魯之間,田中少高卬,名之爲部矣。」《御覽》卷 56 引二「部」字作「培塿」。李賢引「部」作「鄉」,非是。徐鍇《說文繫傳》:「部,屬也。部之言簿也,分簿之也,故《呂氏春秋》曰:『黎丘北部。』」徐說亦非是。

# (6) 丈人歸,酒醒而誚其子曰

高誘注: 誚,讓。

按:許維適曰:「《御覽》卷 883 引『誚』作『譙』,聲義俱同。」王利器曰:「《方言》:『自關而西,秦晉之間,凡言相責讓曰譙。』或《呂氏》原本用秦晉方言也。」《御覽》卷 883 引注作「譙,責也」。《文選·思玄賦》李善注亦作「譙」,《古今事文類聚》前集卷 48、《古今合璧事類備要》前集卷 69 引《戰國策》同;《後漢書·張衡傳》李賢注引作「謂」,《太平寰字記》卷 12 同,形之譌也。

## (7) 孽矣,無此事也

按:無此事也,《御覽》卷 883 引同;《文選·思玄賦》李善注引作「無苦也」,《古今事文類聚》前集卷 48、《古今合璧事類備要》前集卷 69 引《戰國策》同。苦,讀爲辜。

## (8) 遂逝迎之

高誘注:逝,往也。

按:《御覽》卷883引「逝」作「往」。

## (9) 疑似之迹,不可不察

按:許維遹曰:「迹,張本作『間』,《文選·樂府》注引作『道』。」陳奇 猷曰:「張本乃妄改之,作『道』則以形近而誤也。」陳說是也,《子 華子·晏子》:「疑似之迹未明,同異之志未講。」

# 《壹行》校補

## (1) 其威不威則不足以禁也,其利不利則不足以勸也

高誘注:禁,止也。勸,進也。

按:本書《至忠》高注亦云:「勸,進也。」又《季春紀》高注:「勉,進。」 是進亦勸勉義。《禮記·樂記》鄭玄注:「進,謂自勉強也。」《說苑· 君道篇》:「是進吾過而黜吾善也。」又《臣術篇》:「此所以勸善而黜 惡也。」本書《長見》「是長吾過而絀善也。」《集韻》:「長,進也。」 《韓子·八姦》:「有功者樂進其業。」《商子·農戰》:「壹則可以賞 罰進也。」陳奇猷校此文曰:「勸之確詁當爲勉。高訓爲進者,蓋謂 勉進其業之意。」又校《季春紀》曰:「此訓進者,蓋謂勉勵之使進 其職,乃高氏輾轉爲訓也。」皆未達「進」字之誼。

# (2) 孔子卜, 得實

高誘注: 賁, 色不純也。

按:李賡芸曰:「《易·賁》《釋文》:『傅氏云:賁,古斑字。』賁讀爲斑。」 陳奇猷從其說,是也。惠士奇曰:「傅氏云云。古奔、斑同音,故賁古 作斑,通作般。」(註11)

<sup>[</sup>註11] 惠士奇《惠氏易説》卷 2,收入景印文淵閣《四庫全書》第 47 册,臺灣商務印書館 1986 年初版,第 700~701 頁。

# 《求人》校補

#### (1) 傅說, 殷之胥靡也

高誘注: 胥靡, 刑罪之名也。

按:牟庭曰:「胥靡當讀爲鬚眉……亦瓦工之名也。」陳奇猷曰:「牟說非 也。『胥靡』即『胥徒』。靡假爲徒也。……皆是跣足而行,人因稱刑 罪之人爲『胥徒』也。」陳奇猷又曰:「『胥靡』可能是『胥徒』之別 构。或曰:『胥靡』即『胥隨』。」(註12) 牟說確誤,陳氏駁其說,是 也;然陳氏妄說通借,亦不足信。《莊子釋文》:「胥靡,司馬云:『刑 徒人也。一云瘽人也。』崔〔譔〕云:『腐刑也。』」《漢書・楚元王傳》: 「二人諫不聽,胥靡之。」應劭曰:「《詩》云:『若此無罪,淪胥以鋪。』 胥靡,刑名也。」晉灼曰:「胥,相也。靡,隨也。古者相隨坐,輕刑 之名。」顏師古曰:「聨繫使相隨而服役之,故謂之胥靡,猶今之役囚 徒,以鎖聨綴耳。晉說近之,而云隨坐輕刑,非也。」劉敞曰:「胥靡, 《說文》作『縃縻』,謂拘束縛之也。」又《賈誼傳》顏注引張晏曰: 「胥靡,刑名也。」《史記·儒林傳》、《賈誼傳》《集解》並引徐廣曰: 「胥靡,腐刑也。」王觀國《學林》卷1:「胥靡者,服役之刑也。腐 刑無役,若以胥靡爲腐刑,則傅說不應有版築之役矣。」「胥靡」是刑 名,銀雀山漢簡《尉繚子》:「故今世千金不死,百金不胥靡。」宋本 《尉繚子·將理篇》「胥靡」作「刑」。但不是腐刑,亦不是蹇人,王 觀國說是也。其名義當從劉敞說,取「縃縻」爲義,朱起鳳即從其說 [註 13]。但「縃」字字書未見,吳國泰曰:「胥靡者,索縻之借字, 謂以繩索羈縻罪人使不得逸而作役也。《文選・解嘲》注引《墨子》『傅 說被褐帶索庸築傅巖』,可證也。」(註14) 吳說是矣。《荀子・儒效》: 「胥靡之人,俄而治天下之大器。」楊倞注:「胥靡,刑徒人也。胥, 相。靡,繫也。謂鏁相聯相繫,《漢書》所謂鋃鐺者也。顏師古曰:『聯 繋使相隨而服役之,猶今囚徒以鏁連枷也。』」王引之曰:「此胥靡非 謂刑徒人也。胥靡者,空無所有之謂,故荀子以況貧。胥之言疏也。

<sup>[</sup>註12] 陳奇猷《韓非子新校注》,上海古籍出版社 2000 年版,第410 頁。

<sup>[</sup>註13] 朱起鳳《辭通》卷2,上海古籍出版社1982年版,第172頁。

<sup>[</sup>註14] 吳國泰《史記解詁》第1冊,1933年成都居易簃叢著本,本冊第25頁。

疏,空也。靡,無也。胥靡猶言胥無。《春秋》齊有賓胥無,蓋取此義也。《漢書·楊雄傳》《客難》曰:『胥靡爲宰,寂寞爲尸。』『胥靡』與『寂寞』相對爲文,是胥靡爲空無所有之意(張晏曰:『胥,相也。靡,無也。言相師以無爲作宰者也。』案張訓靡爲無是也,其訓胥爲相則失之。)」〔註 15〕王引之說亦非,胥靡是刑徒人,故可以況貧,並無不安。「胥靡爲宰」之「胥靡」亦是刑徒人,王觀國云「胥靡爲宰,無重累也」,是也。顏師古注引張晏曰:「胥,相也。靡,無也。」朱起鳳謂「『須彌』乃虛無之義,『胥靡』、『須彌』同聲通用」〔註 16〕,又愈說愈遠,尤不可信。楊愼曰:「胥,隸也。靡,未也。胥靡,未隸微賤之人。腐刑無據。」〔註 17〕沙少海曰:「胥借爲接。靡借爲縻。謂罪人相接而縻之,不械手足,使役作。」〔註 18〕三說亦皆未得。

#### (2) 禹東至榑木之地,日出、九津、青羌之野

高誘注: 榑木,大木也。津,崖也。《淮南記》曰:「日出陽谷。」青羌, 東方之野也。

按:舉沅曰:「榑木即扶木。《爲欲篇》:『東至扶木。』」沈祖縣曰:「『九』字疑『之』字之誤。『日出之津』方與上下文合。」陳奇猷曰:「榑木即扶木。日出當即日下。『九津』疑亦是地名。沈說亦通。」《玉海》卷15、《通鑑地理通釋》卷1引同今本,《路史》卷22亦同;景宋本《御覽》卷55引作「禹東至搏(榑)木之地,青差(羌)之野」,四庫本「搏木」作「扶桑」。「青羌」又稱作「青徼」,《文選·七命》「丹冥投烽,青徼釋警。」李善註:「青徼,東方也。《呂氏春秋》曰:『禹東至青羌之野,南至交阯、丹栗。』張揖《漢書》注曰:『徼,塞也,以木柵水中爲夷狄之界也。」

## (3) 丹粟、漆樹、沸水、漂漂、九陽之山

按:丹粟,《玉海》卷 15 引同,《文選·七命》李善註引作「丹栗」,《路史》

<sup>[</sup>註15] 王引之說轉引自王念孫《荀子雜志》,收入《讀書雜志》卷10,中國書店1985 年版,本卷第97~98頁。

<sup>[</sup>註16] 朱起鳳《辭通》卷 2, 上海古籍出版社 1982 年版, 第 146 頁。

<sup>(</sup>註17)楊慎説轉引自《四庫全書史記考證》,收入景印文淵閣《四庫全書》第244冊,臺灣商務印書館1986年初版,第859頁。

<sup>[</sup>註18] 沙少海《莊子集注》,貴州人民出版社 1987年版,第257頁。

卷 22 亦作「丹栗」。

## (4) 羽人、裸民之處,不死之鄉

按:《路史》卷22作「南娭、黄支之堵,不死之望」。

## (5) 西至……共肱、一臂、三面之鄉

按:畢沅改「共肱」爲「其肱」,曰:「其肱,疑即《海外西經》之『奇肱』, 所謂一臂三目者是也。」譚戒甫曰:「『其肱』即『奇肱』,畢校甚是, 惟謂一臂三目者則非也。此當爲三國名,非奇肱一國也。考《海外西 經》: 『三身國,在夏后啓北,一首而三身。一臂國在其北,一臂、一 目、一鼻孔。奇肱之國在其北、其人一臂三目。』《淮南・墬形篇》皆 本此經,亦『奇股民、一臂民、三身民』連文。蓋一臂固一臂,而奇 肱民亦一臂,不得以一臂民當奇肱民之一臂也。又《大荒西經》云『大 荒之山有人焉,三面,是顓頊之子,三面一臂。』郭注正引此文爲釋。」 陳奇猷曰:「各本皆作『共肱』,惟凌本作『其肱』,《玉海》卷 15 引亦 作『共肱』。畢氏蓋即據凌本所改。共、拱古今字,則『共肱』猶言拱 臂,與一臂自不同。畢改作『其肱』反與『一臂』相重複,而譚因又 改作『其股』,皆未可從也。」畢校至確,陳氏臆說耳。譚氏引《淮南》 亦是,但謂「三面」即「三身」則誤。《路史》卷 22 作「奇肱、三面」, 是宋人猶見不誤之本。《大荒西經》:「有人名曰吳回,奇左,是無右臂。」 郭璞注:「即奇肱也。」《大荒西經》又曰:「大荒之山,日月所入。有 人焉,三面,是顓頊之子,三面,一臂。三面之人不死。」郭璞注:「一 臂,無左臂也。三面,言人頭三邊各有面也。《呂氏春秋》曰:『一臂 三面之鄉。』」是「奇肱」者無右臂,「一臂」者無左臂,此其不同耳。 「三面」者人頭有三面,與三身指一首而三身不同。又此文只是二國 名,譚氏謂「三國名」亦誤,「奇肱」是一國;「一臂三面」又是一國, 《淮南》省稱作「一臂」,《路史》省稱作「三面」。

# (6) 偃鼠飲於河,不過滿腹

按:《莊子·逍遥遊》同。陳奇猷曰:「《說文》:『鼢,地中行鼠,一曰偃鼠。』然則因鼢鼠偃伏地中而行而別名之爲偃鼠歟?」陳說是也,「偃

鼠」的語源是**匽**,取隱匿爲義。專字作「**鼴**鼠」,音轉又作「隱鼠」

## (7) 賢者所聚,天地不壞,鬼神不害,人事不謀

高誘注:人不以姦邪謀之也。

按:于鬯曰:「謀蓋讀爲幉,《說文》:『幉讀若侮。』要即讀謀爲侮,亦無不可。」于省吾曰:「『人事』應作『人吏』,猶言臣吏。」陳奇猷曰:「謀、牟字通。牟與瞀通,則謀、瞀亦通也。瞀,闇也,亂也。謂人爲之事不闇不亂也。高以不知謀爲瞀之假字,以本字釋之,遂不得不增『姦邪』爲解,失之添設。」二于氏說皆誤,陳氏轉展爲說,尤誤。高注不誤,「謀」當讀如字,謀算、圖謀義。《老子》第60章:「以道莅天下,其鬼不神;非其鬼不神,其神不傷人;非其神不傷人,聖人亦不傷人。」《論衡・難歲》:「神莫過於天地,天地不害人。人謂百神,百神不害人。」

#### (8) 晉人乃輟攻鄭

高誘注:輟,止也。

按:「攻」上脫「不」字,另詳《期賢篇》校補。

# 《察傳》校補

## (1) 夔於是正六律,和五聲,以通八風而天下大服

按:畢沅曰:「《風俗通·正失篇》引作『和均五聲』,李善注《文選·長笛賦》亦有『均』字。」蔣維喬等曰:「『和』下當有『均』字,今本皆脫,《風俗通》及《選》注並有之。」陳奇猷曰:「蔣說非也。和與均同義,『正六律』與『和五聲』相對爲文,不當多一『均』字。《淮南子·泰族訓》云『夔之初作樂也,皆合六律,而調五音,以通八風』,與此文法同,尤爲明證。」陳說是也,蓋一本作「和」,一本作「均」,而後人誤合之。本書《孝行》:「正六律,和五聲。」《左傳·襄公二十九年》:「五聲和,八風平。」《禮記·樂記》:「天下大定,然後正六律,

<sup>[</sup>註19] 參見蕭旭《金樓子校補》,收入《群書校補(續)》,花木蘭文化出版社 2014 年版,第1300頁。

和五聲。」《孔叢子·論書》:「唯聖人爲能和六律,均五聲,和樂之本, 以通八風。」正,《風俗通·正失篇》引作「治」。

## (2) 至於晉而問之,則曰「晉師己亥涉河」也

按:則,猶果也。《說苑·辨物》:「後三年,則〔有〕越裳氏重譯而朝。」 《御覽》卷839引《尚書大傳》:「果有越裳氏重譯而來。」《韓詩外傳》 卷5:「比幾三年,果有越裳氏重九譯而至。」《白虎通·封禪》:「以 是果有越裳氏重九譯而來矣。」是其證。《晏子春秋·內篇雜下》:「公 令人掘而求之,則五頭同穴而存焉。」(註20)亦其例。

<sup>(</sup>註20) 《說苑·辨物》同。

# 《貴直論》卷第二十三校補

# 《貴直》校補

## (1) 吾今見民之洋洋然東走而不知所處

按:洋洋,讀爲翔翔,字亦作蹩蹩(蹡蹡)、蹌蹌,張開雙臂趨走貌。《說文》:「蹩,行貌。」《玉篇》:「蹩,蹩蹩,行貌。」《廣雅》:「蹡蹡,走也。」俗字作群,《玉篇》:「詳,趨走。」《集韻》:「詳,趨行也,通作翔。」徐仁甫曰:「或疑『東』爲『奔』之誤。按:《潛夫論》亦作『東走』。『東』蓋取水東流之義,故與『洋洋然』連文。」其說非是,《潛夫論・實邊》「逐道東走,流離分散」,與此文無涉。艾蔭範謂「東」字不是方位詞,而是「外出」、「外逃」義(註1),無據。

## (2) 狐援聞而蹶往過之

高誘注:蹶,顚蹶走往也。過,猶見也。

按:楊樹達引《說文》「蹶,跳也」云云,馬敘倫說同,陳奇猷從其說。諸 說皆本於王念孫[註2]。

## (3) 每斮者以吾參夫二子者乎

高誘注:每,猶當也。斮狐援者,比比干、子胥而三之也,故曰以參夫

<sup>[</sup>註1] 艾蔭範《「東」的「外方」義》,《中國語文》1991年第1期,第73~74頁。

<sup>[</sup>註 2] 王念孫《廣雅疏證》,收入徐復主編《廣雅詁林》,江蘇古籍出版社 1992 年版,第 168 頁。

#### 二子者。

按:譚戒甫曰:「此疑讀作二句,爲『敏斮諸!以吾參夫二子者乎』。每, 敏之省文。者、諸古本通用。敏,疾也。敏斮諸猶云速斮之。」許維 遹曰:「注『每猶當』,當之爲言將也。」于省吾曰:「每應讀作誨。誨, 古謀字。」陳奇猷從于說,謂「謀斮者」指齊湣王。王利器曰:「《廣 雅》:『每,詞也。』」諸家皆未得「每」字之誼。每,貪也。字亦作挴, 《方言》卷13:「挴,貪也。」音轉作馮,《史記·賈誼傳》《服賦》: 「眾庶馮生。」《集解》引孟康曰:「馮,貪也。」《索隱》:「《漢書》 作『每生』,今此作馮,馮亦持念之意也。」小司馬未知「馮」是音借 字。每斮者,猶言貪殺者,好殺者,指齊湣王。

#### (4) 趙簡子攻衛附郭

高誘注:附郭,近郭也。

按:陳奇猷曰:「《韓非子·難二》作『郛』,『附』與『郛』實爲一字。《說文》:『郛,郭也。』高乃順文爲解,失之。」高注不誤。《小爾雅》:「附,近也。」朱駿聲申高注,云:「附,叚借爲駙。」(註3)《說文》:「駙,一曰近也。王利器曰:「近郭云者,猶今言靠近城郭也。」俱得之。

### (5) 又居於犀蔽屏櫓之下

按:孫志祖曰:「《御覽》卷 351 作『屛蔽犀櫓』,又卷 313 亦作『犀櫓』。《說文繫傳》『屏』字引『趙簡子立於屏蔽之下』。蓋今本『犀』與『屛』互易也。」畢沅從其說。松皋圓曰:「宜從古本作『屛蔽犀櫓』。」馬敘倫曰:「『又居』、『蔽屛』乃注文譌入。犀櫓,蓋以犀皮蒙櫓也。」許維遹曰:「孫說是。《韓非·難二》載此事亦以『犀櫓』連文。」蔣維喬等曰:「朱起鳳《辭通》證『犀』、『屛』宜互乙,是也。馬說非是。下文『犀蔽屛櫓』,《御覽》引亦作『屛蔽犀櫓』。《韓非·難二篇》作『犀楯犀櫓』。」陳奇猷曰:「當作『犀蔽犀櫓』,『屛』爲『犀』形近之譌。諸說皆未得。」景宋本《御覽》卷 351 引作「犀蔽犀櫓」,引下文同;又卷 313 引作「犀櫓」,引下文同今本作「犀蔽屛櫓」,孫

<sup>[</sup>註 3] 朱駿聲《說文通訓定聲》,武漢市古籍書店 1983 年版,第 367 頁;其說又見 朱駿聲《小爾雅約注》,光緒刻本,第 2 頁。

志祖、蔣維喬皆據誤本。作「犀櫓」是,《國語·吳語》:「奉文犀之渠。」韋昭注:「文犀之渠,謂楯也。文犀,犀之有文理者。」《文選·吳都賦》:「藏鍦於人,去瞂自閭。家有鶴膝,戶有犀渠。」劉淵林注:「鍦,矛也。瞂,楯也。鶴膝,矛也。犀渠,楯也。」「犀渠」即此所謂犀楯,亦即犀櫓也。王先愼曰:「犀,堅也。」(註4)徐仁甫說同。余舊說亦從王氏(註5),皆非是。

#### (6) 淫色暴慢

按:慢,《御覽》卷313引作「嫚」。

#### (7) 底之以勇

按:孫鳴鏘曰:「『底』、『砥』同。」陳奇猷曰:「此文當作『底』,今各本作 『底』,蓋譌字也。」「底」是「底(砥)」借字,不必視爲誤字。《御覽》 卷313引作「底」。

#### (8) 秦人襲我, 遜去絳七十〔里〕

按:《御覽》卷 313 引無「遜」字,《韓子·難二》同。孫鳴鏘曰:「『遜』字 疑衍。」許維遹曰:「《廣雅》:『遜,去也。』古人行文,自有複詞。」 陳奇猷曰:「遜,《說文》訓遁,《爾雅》訓遯,是遜爲隱遁之意。」《爾 雅》郭璞注:「謂逃去。」《說文》:「遁,一曰逃也。」此文遜當訓逃亡 奔走,陳氏訓隱遁,非是。

### (9) 亦有君不能取(耳)

按:畢沅曰:「取,《韓非》作『耳』,《御覽》卷 313 同。」《御覽》卷 313 引「能」作「敢」。

# 《直諫》校補

#### (1) 言極則怒, 怒則說者危

高誘注:極,盡也。人能受逆耳之盡言者少,故怒之。

(註 4) 王先愼《韓非子集解》卷 15,中華書局 1998 年版,第 368 頁。

<sup>[</sup>註 5] 蕭旭《韓非子校補》,花木蘭文化出版社 2015 年版,第71 頁。

按:陳奇猷曰:「極,甚也。怒,責也。猶言說之甚者則流於責人。」高注 不誤。「怒」屬被說者即人主而言,故人主怒則說者危耳。

#### (2) 桓公謂鮑叔曰:「何不起為壽?」

按:何不,《管子·小稱》作「闔不」,《治要》卷 32、《御覽》卷 539 引《管子》作「盍不」,《新序·雜事四》作「姑」。闔、盍,亦何也。《貞觀政要》卷 3 作「盍」,則是何不義。本書此節本於《管子》。

#### (3) 荊文王得茹黃之狗

按:畢沅曰:「《說苑·正諫篇》『茹黃』作『如黃』、《御覽》卷 206 亦作『如 黄』。」蔣維喬等曰:「《類聚》卷 94『茹』作『如』。《抱朴子·君道 篇》『茹黃』作『如簧』。按《說文假借義證》云:『《廣韻》作「楚獚」, 《釋文》作「楚獷」,實一字也。據此,獚爲獷之省,黃又爲獚之省, 皆可通借矣。』沈祖縣曰:『茹與如,黃與簧,古通。』朱起鳳《辭通》: 『茹字滅之爲如,黃字增之爲簧,亦同音通用。』皆是也。」王利器 曰:「《類聚》卷46、《職官分紀》卷2『茹黃』誤作『茄黃』、《類聚》 卷 94、《七國考》作『如黃』。《論語摘衰聖》:『(麟) 身備五色,腹下 茹黃。』當以作『茹黃』爲是。茹黃謂毛色也。」朱珔《說文假借義 證》「據此」上指明是引用的段玉裁說(註6)。王利器所引《論語摘衰 聖》、《路史》卷 42 亦有其文、「茹黃」是「柔黃」義。《治要》卷 39、 《御覽》卷905、《記纂淵海》卷98引同今本作「茹黃」、《渚宮舊事》 卷 1、《事類賦注》卷 23 引《說苑》亦同。《廣雅》:「楚黃,犬屬。」 曹憲《音釋》:「楚有犬名如黃。」《御覽》卷 904、《事類賦注》卷 23、 《記纂淵海》卷 98 引作「楚茹黃」、《爾雅釋文》引作「楚獷」、《廣韻》 「犬」字條引作「楚獚」。然則楚犬名「茹(如)黃(簧)」,單稱則曰 「黃」或「獚(獷)」。王樹枏補《廣雅》作「楚獷、茹黃」,謂是二犬 名(註7);王士濂補作「楚茹黃」,皆非是。至其名義,陳奇猷曰:「『茹』 當是地名。楚有龍茹山,亦有茹溪。此『茹黃之狗』,蓋茹地所產之黃

<sup>[</sup>註 6] 段玉裁《説文解字注》,上海古籍出版社 1981 年版,第 474 頁。朱珔《説文假借義證》,黃山書社 1997 年版,第 558 頁。

<sup>[</sup>註7] 王樹枏《廣雅補疏》,王士濂《廣雅疏證拾遺》,並收入徐復主編《廣雅詁林》, 江蘇古籍出版社 1992 年版,第1022 頁。

犬也。」「茹」如是地名,或當是「娜」借字。《說文》:「娜,地名也。」《玉篇》、《廣韻》並同。「黃」者以色名犬,「獚(獷)」是增旁俗字。段玉裁、朱珔則謂「獷」爲本字,胡吉宣說同[註8]。《玉篇》:「獚,犬也。」

#### (4) 宛路之矰

按:畢沅曰:「《說苑·正諫篇》『宛路』作『箘簬』。」蔣維喬等曰:「《抱朴子·君道篇》『宛路』作『宛渃』。《渚宮舊事》卷1『宛路』作『苑路』。」《抱朴子》作「菀渃」,蔣氏失檢。王利器曰:「日本古鈔本《治要》、《御覽》卷206引同。古音宛、箘一聲之轉,古通用。」《類聚》卷46、94、《御覽》卷905引亦同今本,《御覽》卷455引《說苑》作「菌蕗」,《事類賦注》卷23引《說苑》作「宛路」。

(5) 葆申束細荊五十,跪而加之於背,如此者再,謂「王起矣」,王曰: 「有笞之名一也。」遂致之

高誘注:遂痛致之。

按:致,《說苑·正諫》同。陳奇猷曰:「起者,振興治功之謂。也。致與置同。於是委置此事而遊樂如初。」陳說殊誤。「起」對上文「王伏」而言,指起身。致,讀爲徵。《說文》:「徵,刺也。」字亦作挃,《廣雅》:「挃,刺也。」上文云:「東細荊五十」,故此云遂以細荊笞刺之也。下文「申曰:臣聞君子恥之,小人痛之;恥之不變,痛之何益」,葆申既笞刺王矣,複以言辭激之。陳奇猷理解爲「王仍不改變初行」,非是。

### (6) 葆申趣出,自流於淵,請死罪

按:范耕研曰:「古流、沈通用。自沈,非真自沈也,將沈云爾。《說苑·正諫篇》作『欲自流』,是也。此省『欲』字,義不可通。」許維遹曰:「《渚宫舊事》引作『自流諸荊』,當從之。荊即指上文『細荊』而言。謂自移諸荊而請死罪。」陳奇猷曰:「流與浮相通。《說苑》增『欲』字,蓋劉向已不知流即浮也。劉向去《呂氏》不過二百年,已不解《呂氏》之意。甚矣,讀古人書之難也!許從《渚宮舊事》改,更是曲爲之說矣。」

<sup>[</sup>註 8] 胡吉宣《玉篇校釋》,上海古籍出版社 1989 年版,第 4587 頁。

王利器曰:「流爲古代死刑之一。」范說是,《御覽》卷 905 引作「出而自沉於澗而死」,《事類賦注》卷 23 引《說苑》作「出而自沈於澗」,《御覽》雖誤增「而死」二字,而「流」正作「沉」。

#### (7) 殺茹黃之狗,析宛路之矰

按:畢沅曰:「《說苑》『析』作『折』,當從之。」許維遹曰:「《治要》、《渚宮舊事》、《御覽》引『析』並作『折』。」陳奇猷曰:「畢說非也。《說文》:『析,一曰折也。』二字顯係重文。」《類聚》卷 46、《御覽》卷 206 引作「折」;景宋本《御覽》卷 905 引作「拆」,形譌。

### 《知化》校補

#### (1) 化未至則不知, 化已至, 雖知之與勿知一貫也

按:劉文典曰:「『貫』疑當爲『實』,字之壞也。一實也,猶言無異也(《過理》『亡國之主一貫』,此或後人依彼改之,而不知其不同也)。」陳奇猷曰:「劉說是也。《振亂》:『攻伐之與救守一實也。』與此文法正同。」劉說非是,本書《過理》:「亡國之主一貫,天時雖異,其事雖殊,所以亡同者,樂不適也。」高誘注:「貫,同也。」「一貫」即「同」,亦謂無異,與此相同。《莊子·德充符》:「胡不直使彼以死生爲一條,以可不可爲一貫者,解其桎梏,其可乎?」《韓子·顯學》:「磐石不生粟,象人不可使距敵也。今商官技藝之士,亦不墾而食,是地不墾,與磐石一貫也。」蔣禮鴻引此二例以駁劉說,是也。「一貫」與「一實」同義,完整的說法是「其實一貫」,《董子·陽尊陰卑》:「夫喜怒哀樂之發,與清煖寒暑,其實一貫也。」

### (2) 夫吳之與越也,接土鄰境,壤交通屬

高誘注:屬,連也。

按:王念孫謂「通」當作「道」「註 91 , 陶鴻慶、馬敘倫說同,陳奇猷從 之。本書《長攻》:「夫吳之與越,接土鄰境,道易人通。」《說苑·權 謀》:「夫吳越接地鄰境,道易〔人〕通。」《越絕書·越絕請糴內傳》:

<sup>[</sup>註 9] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第317頁。

「夫王與越也,接地鄰境,道徑通達。」文義皆近。「通屬」猶言連屬、連接,未必誤。《漢書·霍光傳》:「盛飾祠室輦閣,通屬永巷。」《後漢書・段頌傳》:「自橋門以西,落川以東,故宮縣邑更相通屬。」

#### (3) 夫齊之於吳也,疥癬之病也,不苦其已也,且其無傷也

按:于鬯曰:「不苦其已也,意謂不藥,病自已耳。」楊昭儁曰:「『不苦』是『不若』之誤。」譚戒甫曰:「已謂病癒也。此謂不患其病之愈也。『且其無傷也』疑當作『且無其傷也』。」許維遹曰:「已猶愈也。」陳奇猷曰:「此『已』字當訓甚。」譚氏上說是。不苦其已也,謂其病易治。

### (4) 今釋越而伐齊,譬之猶懼虎而刺猏,雖勝之,其後患未央 高誘注: 獸三歲曰猏也。

按:楊樹達曰:「猏,《說文》作『豣』,云『三歲豕,肩相及者』,引《詩》『並驅從兩豣兮』。今毛《詩》作『肩』,此作『猏』,皆音近借字。」《六書故》卷17:「豣,大豕也。《說文》曰:『三歲豕,肩相及者。』又作豨,《呂氏春秋》曰:『懼虎而刺鴉。』高誘曰:『獸三歲也。』又作豨。」(註10)是戴氏所見本作「豬」。《廣韻》:「豣,大豕,一曰豕三歲。豬,上同。猏,俗。」

### (5) 若死者有知,吾何面以見子胥於地下

按:《事物紀原》卷9引「面」下有「目」字。《國語·吳語》作「若其有知, 吾何面目以見員也」、《說苑·正諫》作「死者有知,吾何面目以見子胥 也」。本書《知接》:「若死者有知,我將何面目以見仲父乎?」文例亦 同,「何面目以見」是秦漢人習語,疑當補「目」字。

### (6) 乃為幎以冒面死

按:許維遹曰:「幎與幭聲義俱近。幭謂帊襆也,可以覆面。」陳奇猷曰: 「『爲』字不可通,當是『爰』字之譌。爰、援古今字。幎之爲幔,《說 文》有明訓。許輾轉證幎即蠛(幭),殊無謂。」蔣禮鴻亦謂「爲」當 作「爰」。二氏改字非是。《事物紀原》卷9引作「乃爲幎以冒面而死」,

<sup>[</sup>註10] 戴侗《六書故》卷 17,據《溫州文獻叢書》影鈔元刊本,上海社會科學院出版社 2006 年版,第 415 頁。四庫本二「豬」字分別誤作「豬」、「肩」。

《資治通鑑外紀》卷 10 作「爲幎冒面而死」。爲,猶取也 (註11)。幎訓幔是,字源是一,《說文》:「一,覆也。」以巾覆之,故專字從巾。字亦作冪 (幂),《周禮・鹽人》鄭玄注:「以巾覆物曰冪。」《玉篇》:「一,覆也,以巾覆物,今爲冪。」字又作幕,《說文》:「幔,幕也。」《左傳·昭公十三年》:「晉人執季孫意如,以幕蒙之。」王利器曰:「許說是。《事始》『面衣』下引《風俗通》曰:『吳王羞見子胥,以帛幕面而死。』幎、幕一聲之轉。」(引者按:當是《事物紀原》卷 9 「面帛」下引《風俗通》)。許氏說本於王念孫 (註12),陳氏譏爲輾轉而證,未達音轉之指也。

# 《過理》校補

#### (1) 雕柱而桔諸侯

高誘注:雕畫高柱,施桔槔於其端,舉諸侯而上下之。

按:孫詒讓曰:「『桔』當爲『梏』,形近而誤。《新書·君道篇》云『紂作 楷數千,睨諸侯之不諂己者,杖而梏之。』」馬敘倫曰:「『桔』乃『梏』 字之譌。《列女傳》卷7謂『炮烙之法,膏銅柱,加之炭,令有罪者行 其上』。雕或借爲膏,或借爲焦。梏又借爲酷。」許維遹曰:「雕當讀 爲鑄。孫說『桔』爲『梏』誤,是也,惟『梏』當是『酷』之借字。《淮 南子·俶眞篇》載此事,有『鑄金柱』之語,蓋本此。」沈祖縣曰:「雕 柱爲銅柱之類。桔,《說文》:『一曰直木。』炮時人如直木也」(註13) 孫說是,王利器從之,《經濟類編》卷4引正作「梏」。「梏」指桎梏。 雕讀爲膏或鑄,均通。《文選·石闕銘》:「刑酷然炭,暴踰膏柱。」李 善註引《六韜》:「紂患刑輕,乃更爲銅柱,以膏塗之,加於然炭之上, 使有罪者緣焉,〔足〕滑跌墮火中,紂與妲己笑以爲樂,名曰炮烙之刑。」 (註14) 此讀膏之證。《淮南子·俶眞篇》:「爲炮烙,鑄金柱。」高誘 注:「鑄金柱,然火其下,以人置其上,人墮陊火中而對之笑也。」金

<sup>[</sup>註11] 參見蕭旭《古書虛詞旁釋》,廣陵書社 2007 年版,第 46 頁。

<sup>[</sup>註12] 王念孫《管子雜志》,《讀書雜志》卷7,中國書店 1985 年版,第125 頁。

<sup>[</sup>註13] 沈瓞民(祖縣)《讀呂臆斷(續)》,《制言》第2期,1935年版,本文第17~ 18頁。

<sup>(</sup>註14) 「足」字據《御覽》卷83引《帝王世紀》補,又《帝王世紀》「然」作「爇」。

柱即銅柱。

#### (2) 刑鬼侯之女而取其瓌

高誘注:聽妲己之譖殺鬼侯之女以爲脯,而取其所服之瓌也。

按:畢沅改正文及注「瓌」作「環」。于鬯曰:「瓌蓋讀爲懷。懷者,當爲懷孕也。」蔣維喬等曰:「畢校是也。朱本、黃本、日刊本正作『環』。」陳奇猷曰:「『瓌』蓋謂褱於衣衾內之玉也。朱本等多妄改,不可據。元刻本及早期之明弘治、嘉靖等刻本作『瓌』不誤。」王利器曰:「畢校是,朱本、黃本、王勸士批本、日本重刊宋邦乂本作『環』。《春秋繁露・王道篇》:『刑鬼侯之女取其環。』蓋本之《呂氏》。」四庫本作「環」,《經濟類編》卷4引作「瓌」。畢校是,陳說非也。《董子》:「刑鬼侯之女取其環。」《御覽》卷718引「環」同,《路史》卷37羅苹注引亦誤作「瓌」。環蓋謂指環。沈祖縣曰:「高注以環爲所服之環,誤也。環爲頭骨之名。《說文》:『環,璧〔也〕,內好若一謂之環。』頭骨名環,乃段借也。」(註15)沈氏亦臆說。

#### (3) 乃使沮麝〔賊之〕

按: 沮翳,《左傳·宣公二年》、《國語·晉語五》、《史記·晉世家》作「鉏 覺」、《說苑·立節》作「鉏之彌」、《漢書·古今人表》作「鉏翳」。皆 「鉏牙」、「鉏吾」、「鉏鋙」、「齟齬」音轉。其爲人名,蓋得名於牙齒參 差不齊 [註 16]。「鉏之彌」之「之」,語辭。

### (4) 謂公王丹曰

按:畢沅曰:「『公王丹』即『公玉丹』,古『玉』字作『王』。」陳奇猷曰: 「畢說是也。《審己》、《正名》皆作『玉』。」《新序·雜事五》亦作 「玉」。

#### (5) 臣聞古人有辭天下而無恨色者

按:恨,《新序·雜事五》作「憂」。

<sup>[</sup>註15] 沈瓞民(祖縣)《讀呂臆斷(續)》,《制言》第2期,1935年版,本文第18 頁。沈氏引脱「也」字。

<sup>(</sup>註16) 參見蕭旭《「嬰兒」語源考》,收入《群書校補(續)》,花木蘭文化出版社,第2072頁。

#### (6) 王名稱東帝,實辨天下

高誘注:辨,治也。

按:辨,讀爲辯。《說文》:「辯,治也。」《新序·雜事五》作「有」,義合。 陳奇猷曰:「《說文》:『辨,判也。』判者分也。」其說非是。

#### (7) 帶益三副矣

高誘注:「副」或作「倍」。帶益三倍,苟活者肥令腹大耳。

按:《黄氏日抄》卷 56 引作「帶益三圍」,《新序·雜事五》作「帶三益矣」。 朱駿聲曰:「高注云云。按:陪也。」(註17)于鬯曰:「帶有鉤,則必有 圈當以扣鉤。所謂副者,疑即指圈當也。帶必稱人之腰圍,圈當所置有 定位,若腰圍大,則為一圈當於外。更大,則更益。帶益三副者,謂益 三圈當也。」王利器從干說,又云:「益帶疑即所謂緩帶,蓋腹大則鬆 帶,易言之則言緩帶也。」陳奇猷曰:「《說文》:『副,判也。』引申之 則分一物爲若干份。此文猶言帶增三份。」彭鐸曰:「《新序》作『帶三 益矣』,語意自明。」楊明照曰:「『倍』字誼長,高氏從倍字爲解,是 也。」劉如瑛曰:「副,讀如倍。」徐仁甫曰:「《禮器》《釋文》:『介, 音界,副也。』介之言界也,限也,隔也。疑古人帶上有界限,分爲幾 隔。帶益三副,即腰大其帶增加三隔矣。」副,讀爲福。顏師古《匡謬 正俗》卷6:「副字本爲福字,從衣畐聲。今俗呼一襲爲一福衣,蓋取其 充備之意,非以覆蔽形體爲名也。然而書史假借,遂以副字代之。」《廣 韻》:「福,衣一福,今作副。」《集韻》:「福,衣一稱。」本字當爲幅, 《說文》:「幅,布帛廣也。」《漢書・食貨志》:「布帛廣二尺二寸爲幅。」 《儀禮‧士喪禮》:「亡則以緇長半幅,輕末長終幅。」鄭玄注:「半幅 一尺,終幅二尺。」此漢制,而其說略有差別。《後漢書·符融傳》:「幅 巾。」李賢注:「幅巾者,以一幅爲之也。」此文謂衣帶增益三幅也。

# 《壅塞》校補

### (1) 彼且胡可以開說哉

按:開,別本作「聞」。陳奇猷曰:「開謂陳說也。作『聞』亦通。」王利

<sup>(</sup>註17) 朱駿聲《說文通訓定聲》,武漢市古籍書店 1983 年版,第 224 頁。

器曰:「作『開說』義勝。《史記・曹相國世家》:『醉而後去,終莫得開說。』《漢書・曹參傳》同,注引如淳曰:『開謂有所啓白。』」《史記・穰侯傳》:「及其貴極富溢,一夫開說,身折勢奪而以憂死,況於羈旅之臣乎!」「開」、「聞」皆當作「關」。「關說」是秦漢成語。關讀爲貫,用也,行也,進也。下文「說必不入」,「入」與之相應。《史記・梁孝王世家》:「大臣及袁盎等有所關說於景帝。」 [註 18] 又《佞幸傳》:「公卿皆因關說。」(註 19) 也稱作「關辭」,《淮南子・主術篇》:「市南宜僚弄丸,而兩家之難無所關其辭。」《越絕書》卷6:「二人以爲胥在,無所關其辭。」又卷7:「伍子胥在,自與不能關其辭。」《鹽鐵論・相刺》:「夫以伊尹之智,太公之賢,而不能開辭於桀、紂,非說者非,聽者過也。」此例「開辭」是「關辭」之譌。又稱作「關言」,《尉繚子・將理》:「試聽臣之術,雖有堯、舜之智,不能關一言;雖有萬金,不能用一銖。」 [註 20]

(2)齊宣王好射,說人之謂己能則(用)殭弓也,其嘗所用不過三石按:王利器曰:「嘗、常通、《續博物志》卷9作『實』。」王叔岷曰:「『嘗』當作『實』,字之誤也。下文『宣王之情所用不過三石』,即承此言,情猶實也。《尹文子》『嘗』正作『實』。」嘗、《治要》卷39、《御覽》卷347引同,《事類賦注》卷13引作「常」。

#### (3) 左右皆試引之,中關而止

高誘注:關謂關弓。弦正半而止也。

按:惠棟曰:「貫,古文關。」馬敘倫曰:「關借爲彎。」楊樹達說同馬氏。 許維遹曰:「《治要》引『關』作『開』,形近而誤。惟引注『正』字 作『至』,於義爲長。」于省吾曰:「關、貫、彎一聲之轉。」陳奇猷 曰:「《治要》引作『至』,未必是高注之舊。」王叔岷曰:「《治要》 引注『正』作『至』,『正』蓋『至』之誤,《御覽》引亦作『至』,『至』 下更有『於』字。《事類賦》引『中關』作『及半』,與注合。」王利

<sup>[</sup>註18] 《漢書·文三王傳》同。

<sup>[</sup>註19]《漢書》同。

<sup>[</sup>註20] 以上參見蕭旭《〈銀雀山漢墓竹簡 (一)〉校補》、《鹽鐵論校補》,並收入《群書校補 (續)》,花木蘭文化出版社,第94~95、918~919頁。

器曰:「作『至』義勝。」關,《御覽》卷 347 引作「間」,《尹文子·大道上》作「闕」,孔本《書鈔》卷 125 引《尹文子》作「門」,陳本《書鈔》引《尹文子》作「圉」,「圉」同「闕」,亦皆「關」形近而誤(註21)。《帝範》卷 2 舊注引《尹文子》已誤作「闕」。《御覽》卷 347 引注作「至於一半而止」。

# 《原亂》校補

### (1) 慮福未及,慮禍之,所以兒之也

按:畢沅、陳昌齊謂「兒」是「免」形誤,王念孫謂「兒」是「完」形誤, 于鬯從王說。陳昌齊、王念孫皆據《淮南子·人間篇》「計福勿及,慮 禍過之」,於「禍」下補「過」字。許維遹謂「陳、王二說均通」。孫 鏘鳴曰:「『慮禍』下疑有脫字,或當云『慮禍先之』。『兒』字亦未識 何字之誤。」(註22)《文子·微明》同《淮南》,亦有「過」字。《說 苑·談叢》:「君子慮福弗及,慮禍百之。」則補「百」字亦可。考《莊 子·天下》:「人皆求福,己獨曲全,曰苟免於咎。」此本書所本,則 「兒」校作「免」義長。

### (2) 倒戈狏弓

按:弓、《御覽》卷327引作「矢」。陳奇猷曰:「《史記·周本紀》:『縱馬於華山之陽,放牛於桃林之虛,偃干戈,振兵釋旅,示天下不復用也。』」然則「倒」謂偃倒,放倒。《禮記·樂記》:「倒載干戈,包之以虎皮,將帥之士,使爲諸侯,名之曰建櫜,然後天下知武王之不復用兵也。」《史記·留侯世家》:「殷事已畢,偃革爲軒,倒置干戈,覆以虎皮,以示天下不復用兵。」

<sup>(</sup>註21) 汪繼培、王愷鑾、王啓湘皆校「闕」作「關」,四庫本又誤作「聞」。汪繼培《尹文子》校本,收入《叢書集成新編》第20冊,新文豐出版公司1985年印行,第433頁。王愷鑾《尹文子校正》,收入《國學小叢書》,(上海)商務印書館1935年出版,第17頁。王啓湘(時潤)《尹文子校詮》,收入《周秦名家三子校詮》,古籍出版社1957年出版,第30頁。

<sup>(</sup>註22) 孫鏘鳴《呂氏春秋高注補正》,《國故》第4期,1919年版,第14頁。

# 《不苟論》卷第二十四校補

# 《不苟》校補

(1) 必中理然後動,必當義然後舉

高誘注:非理不移也,非義不行也。

按:本書《懷寵》:「凡君子之說也,非苟辨也;士之議也,非苟語也。必中理然後說,必當義然後議。」高誘注:「議,言。」

### (2) 武王至殷郊,係墮

按:陳奇猷曰:「《韓非子》云:『文王伐崇,至鳳黃虚,韈繫解。』又云:『晉文公與楚戰,至黃鳳之陵,履係解。』疑此文『係墮』上本有『韈』字或『履』字,而今本脫之。」《類聚》卷12引《帝王世紀》、《資治通鑑外紀》卷3作「韈係解」。墮,讀爲捝,俗作脫,亦解也。孔本《書鈔》卷49引「至」作「克」,誤。

#### (3) 五人御於前,莫肯之為

按:畢沅曰:「疑是『爲之係』,倒二字,脫一字。」鹽田曰:「《唐類函》作『莫爲之係』。」吳汝綸曰:「莫肯之爲,莫之肯爲也。」王利器從吳說。許維遹曰:「《書鈔》卷 49 引作『莫肯爲之』,亦脫『係』字。」陳奇猷曰:「『爲』有役作之意。《韓非子·外儲說右上》云『當此之爲』,即其例。畢改非也。《唐類函》、《書鈔》亦以不明此句法而改之,不可

據。」陳說誤,「當此之爲」句法不同。「莫肯之爲」不誤,本書有此句法。《分職篇》「莫敢之危」,是其比也。「莫肯之爲」即「莫肯爲之」、「莫之肯爲」。「爲之」指係履係而言,此「爲」讀平聲。《類聚》卷12引《帝王世紀》作「莫肯爲王係韈」,此「爲」讀去聲,介詞。御,侍也。

#### (3) 武王左釋白羽,右釋黃鉞,勉而自為係

按:楊明照曰:「《列女傳·母儀·魯季敬姜》作『俯而自申之』,則此勉字當爲俛之誤。」王利器曰:「《文選集注》殘本《宣德皇后令》李善注引作『免』,《彭氏類編》卷6作『俛』。俛、勉皆從免聲,故得通用。」勉,《玉海》卷151引同。王說是,勉、免,並讀爲頫、俛,俯身也,非誤字。《通志》卷3作「俯而自結」,《御覽》卷697引《韓子》作「因俛而係之」(今本不同)。

#### (4) 晉文公將伐鄴,趙衰言所以勝鄴之術,文公用之,果勝

按:果、《新序·雜事四》作「而」。而、猶果也 [註1]。《漢紀》卷 19:「後歲餘,而誅矣。」《列女傳》卷 8 同、《漢書·酷史傳》作「果敗」。《家語·好生》:「孔子聞之曰:『公索氏不及二年將亡。』後一年而亡。」亦其例。

(5) 文公召郤子虎曰:「衰言所以勝鄴,鄴既勝,將賞之,曰:『蓋聞 之於子虎,請賞子虎。』」

按:既,《新序·雜事四》作「遂」。遂,猶既也 [註2]。

# 《贊能》校補

(1) 得十良馬,不若得一伯樂;得十良劍,不若得一歐治

按:《淮南子·齊俗篇》:「故曰得十利劍,不若得歐冶之巧;得百走馬,不若得伯樂之數。」《治要》卷 44 引桓子《新論》引《傳》:「傳曰:『得十良馬,不如得一伯樂;得十利劍,不如得一歐冶。」

<sup>[</sup>註1] 參見蕭旭《古書虛詞旁釋》,廣陵書社 2007 年版,第 253 頁。

<sup>[</sup>註 2] 參見蕭旭《古書虛詞旁釋》,廣陵書社 2007 年版,第 323 頁。

#### (2) 乃使吏鞹其拳, 膠其目

高誘注:鞹,革也。以革囊其手也。

按:蔣維喬等曰:「張本『鞹』作『靳』。《御覽》卷 366『鞹』作『鞟』,又卷 766 作『革』,又卷 869 作『乃使轉其拳,膝其耳』。」陳奇猷曰:「《說文》:『鞹,去毛皮也。《論語》曰:「虎豹之鞹。」』今《論語》作『鞟』,蓋『享』即『郭』之本字。作『靳』作『轉』皆誤,作『革』者則壞字也。『膝』、『耳』亦誤字。」王利器曰:「《御覽》卷 366、《冊府元龜》卷 239『鞹』作『鞟』。」景宋本《御覽》卷 766 引同今本作「鞹」,又卷 869 引作「滕其耳」,不作「膝」,蔣氏所據乃誤本。《資治通鑑外紀》卷 4 作「鞹」。《說苑·雜言》:「管夷吾束縛膠目,居檻車中,自車中起爲仲父,則其遇齊桓公也。」道藏本《易林·豐之困》:「管仲遇桓,得其願歡。膠目殺糾,振冠無憂。」《明夷之旅》「目」形譌作「日」。《急就篇》卷 4:「攻擊劫奪檻車膠。」顏師古註:「言强盗。群盜相與攻擊劫奪人者,吏捕得之,載以檻車,又加膠漆,取周密也。一曰:膠者,謂膠罪人之目,使不得開絕變難也。」顏氏後說是。《莊子·胠篋》:「滅文章,散五采,膠離朱之目,而天下始人含其明矣。」此戰國時「膠目」之確證也。

#### (3) 置之車中

按:車中,《御覽》卷 366 引同,又卷 766 引作「革車」,《御覽》卷 869、《事類賦注》卷 8 引作「匣中」,《冊府元龜》卷 239 作「甲(匣)中」。匣,讀爲柙。《管子·小匡》作「遂生束縛而柙以予齊」,尹注:「柙,檻。」《韓詩外傳》卷 7 作「管夷吾束縛自檻車,以爲仲父,則遇齊桓公也」。「車」字泛指,疑爲「匣」形誤,指檻車。

### (4) 祓以爟火

高誘注: 權讀如權字。

按:畢沅改注作「權讀如權衡」,陳奇猷據《本味》高注,改作「權讀曰權 衡之權」。《御覽》卷 869 引注作「權讀自(日)灌」。

### (5) 孫叔敖、沈尹莖相與友

按:「沈尹莖」是正字,已詳《去宥篇》校補。

### 《自知》校補

(1) 故天子立輔弼,設師保,所以舉過也

高誘注:舉,猶正也。

按:陳奇猷曰:「舉無正義。『舉』即『舉賢良』之舉,猶言舉而出之。」「舉賢良」之舉是舉薦義,陳說非是。王利器曰:「《白虎通·壽命》:『滔天則司命舉過。』蓋舉其過,即所以正其過也。」本書《當賞》:「數舉吾過。」《戰國策·韓策二》:「舉韓傀之過。」《賈子·官人》:「能舉君之失過。」《說苑·政理》:「進賢舉過者有賞。」《漢書·敘傳》:「正諫舉郵。」郵、過同義。皆「舉過」連文之證。《廣雅》、《玉篇》並云:「糾,舉也。」是舉亦糾也,故高注訓正。

#### (2) 以椎毀之, 鍾況然有音

按:畢沅曰:「李善注《文選·百辟勸進牋》『況然』作『怳然』、《淮南·說山訓》作『鎗然有聲』。」陳昌齊、王念孫等並讀「況然」爲「鍠然」。文廷式曰:「『況』與『皇』古字通。」(註3)王利器曰:「鎗、鍠聲近通用。」況然有音、《治要》卷39引同、《黃氏日抄》卷56引作「鏜然有聲」、《能改齋漫錄》卷5引作「怳然有音」、《記纂淵海》卷52引作「恍然有聲」。

### (3)魏文侯燕飲,皆令諸大夫論己,或言君之智也

按:孫志祖曰:「《御覽》卷 622 作『或言君仁,或言君義,或言君智』,疑此有脫文。」畢沅、蔣維喬、陳奇猷並從其說。《御覽》見卷 620 引,孫氏失檢。王利器曰:「《新序·雜事一》作『群臣皆曰:「君,仁君也。」』疑『或』爲『咸』字之誤。」王說是,此文無脫文,「咸」與「皆」同義。《御覽》見作「或」不通,因臆補二句,不可據。

### (4) 任座趨而出

按:《御覽》卷 620 引作「座趍而起」、《新序·雜事一》以此事屬之翟黃、作「黃起而出」。

<sup>[</sup>註 3] 文廷式《純常子枝語》卷 15,收入《續修四庫全書》第 1165 册,上海古籍出版社 2002 年版,第 215 頁。

《類聚》卷24引《新序》作「趨而出」。「起」是「趨」誤,《御覽》尤誤。

# 《當賞》校補

(1) 若賞唐國之勞徒,則陶狐將為首矣

按:《說苑·復恩》作「夫勞苦之士,是子固爲首矣」。固,猶將也(註4)。

(2) 賜守塞者人米二十石

按:二十石,《大事記解題》卷2引作「二千石」。

# 《博志》校補

#### (1) 使獐疾走

按:王利器曰:「《類聚》、《御覽》『獐』作『麢』,此《呂氏》一本也。《說文》:『麋,麞也,籀文作麢。』」《類聚》卷 95 引作「麢」,《御覽》卷 907 引作「麞」,王氏失檢。麞、獐,正、俗字。

(2) 新穀熟而陳穀虧……果實繁者木必庳

高誘注:果實繁者木爲之庫小也。

按:《春秋繁露·郊語》:「禾實於野而粟缺於倉。」《鹽鐵論·非鞅》:「夫李梅實多者來年爲之衰,新穀熟者舊穀爲之虧。」《劉子·類感》:「新穀登而舊穀缺。」王利器引以上三例以證。《意林》卷3引《論衡》亦有「新穀登而舊穀缺」語。皆本此書。畢沅曰:「《戰國策·秦策》引《詩》曰:『木實繁者披其枝。』亦是此義。」于鬯曰:「庫,猶短也。畢校引《戰國策》,非此義。」陳奇猷曰:「證以《秦策》,庫當爲披之借字。『披』即『披靡』之披,垂下也。」陳氏讀庫爲披,是也,而所釋則誤。《戰國策·秦策三》范睢引《詩》曰:「木實蘇者披其枝,披其枝者傷其心。」披讀爲被,《說文》:「被,一曰折(析)也。」(註5)

### (3)何為而可以免此苦也

<sup>[</sup>註 4] 參見蕭旭《古書虛詞旁釋》,廣陵書社 2007 年版,第 123 頁。

<sup>[</sup>註 5] 參見段玉裁《說文解字注》,上海古籍出版社 1981 年版,第 242 頁。

按:免,《說苑·建本》同,《御覽》卷611引誤作「逸」。

#### (4) 矢之速也,而不過二里止也;步之遲也,而百舍不止也

按:矢、《黃氏日抄》卷5引作「步」。楊明照曰:「《淮南・人間篇》:『夫走者人之所以爲疾也,步者人之所以爲遲也(引者按:楊氏引脫二『人』字,據原書補)。』此『矢』字定爲『走』之誤。《說苑・建本篇》:『夫走者之速也,而過二里止;步者之遲也,而百里不止。』即本此文,而正作『走』,不作『矢』也。當據正。《淮南・說林篇》:『矢疾,不過二里也;步之遲,百舍不休,千里可致。』『矢』亦爲『走』之誤,前人無辨正之者,故覃及之。」楊氏所引《說苑》,「過」上當據本書及《淮南》補「不」字。此以走之速與步之遲對舉。言趨走雖速,所行不過二里即止;步行雖遲,百舍不止,則千里可致。《文子・上德》:「矢之疾,不過二里;跬步不休,跛鼈千里。」亦誤作「矢」字。宋人李樗、黃櫄《毛詩集解》卷22:「走者之疾,不二里而止;行者之遲,千里而不止。」

### (5) 養由基矯弓操矢而往,未之射而括中之矣,發之則猨應矢而下

按:王念孫改「操」作「揉」,張錦少指出不必改 (註6)。張說是也,《渚宮 舊事》卷1作「始矯弓操矢,未之射,猿擁柱而號,由基發之,猿應矢 而下。」

# 《貴當》校補

#### (1) 其友皆孝悌純謹畏令

按:純,《韓詩外傳》卷9作「篤」。本書《孝行》:「今有人於此,行於親重 而不簡慢,於輕疏則是篤謹孝道。」篤,讀爲篙,字又作竺,信厚也。

#### (2) 主有失,皆交爭証諫

按:下句,《治要》卷 39 引作「敢交爭正諫」,《御覽》卷 406 引作「皆敢 交爭」,《韓詩外傳》卷 9 作「皆交爭正諫」,《新序·雜事五》作「皆

<sup>[</sup>註 6] 張錦少《王念孫〈呂氏春秋〉校本研究》,《漢學研究》第 28 卷第 3 期,2010年出版,第 309 頁。

敢分爭正諫」。此文及《外傳》「皆」下脫「敢」字。蔣維喬等曰:「《治要》引『皆』作『敢』,於義並通。」其說非是。又《外傳》「失」下有「敗」字,王叔岷曰:「蓋『敢』誤作『敗』,寫者乃乙在『皆』字上。」是也。盧文弨曰:「『分』疑『力』字,《呂氏》作『交』。」
(註7)

#### (3) 如此者,國日安,主日尊,天下日服

高誘注:服其德也。

按:天下日服,《韓詩外傳》卷9作「名聲日顯」,《新序·雜事五》作「天下日富」。石光瑛曰:「此富字當讀爲服也。」(註8)《集韻》:「腷,腷臆,或作服。」「匍匐」或作「扶服」。皆是其證。

#### (4) 惟其所以不得之故,則狗惡也

按:楊昭儁曰:「惟,思也。」王利器曰:「《類聚》卷 19 引作『椎』。」《類聚》卷 94 引作「推其所以不得獸,狗惡故也」,《御覽》卷 832 引作「所以不得,狗惡故也」。王氏失檢。推,推斷,本書《別類》「可推知也」,即此義。

<sup>[</sup>註7] 盧文弨《新序校正並補遺》,收入《群書拾補》,《續修四庫全書》第1149 册, 上海古籍出版社2002 年版,第401 頁。

<sup>[</sup>註8] 石光瑛《新序校釋》,中華書局 2001 年版,第727 頁。



# 《似順論》卷第二十五校補

# 《似順》校補

(1) 簡子曰:「往而夷夫壘。」

高誘注:夷,平也。中行文子與范昭子專晉君權,伐趙簡子,圍之晉陽,所作壘壁培堙也。簡子不欲見之,故使尹鐸平除之也。

按:畢沅曰:「《晉語九》『壘』下有『培』字,觀此注似亦本有『培』字。」陳奇猷曰:「畢謂『壘』下似本有『培』字是也。『培』即《左傳·襄二十四年》『部婁無松柏』之部。」陳氏謂「培」即「部婁」之部,非是。「部婁」是圓形高起的小土山,非此之誼。陳憲璿曰:「這種壘培,就是現在所說的碉樓。」(註1)亦是臆說。《晉語九》作「必墮其壘培」,章昭注:「墮,壞也。壘,荀寅、士吉射圍趙氏所作壁壘也。壘擊曰培。」「培」是壘擊,今吳語稱作土擊,指未燒成瓦的土坯,讀爲坏,俗作坯。《玉篇》:「坏,《說文》云:『一曰瓦未燒。』又作坯。」土坯所壘的牆亦稱作坯,吳語稱作土擊牆。《莊子·庚桑楚》《釋文》:「阫,向音裴,云:『阫,墻也。』」「阫」同「陪」,亦即「坏」。《淮南子·齊俗篇》:「鑿培而遁之。」許慎注:「培,屋後牆也。」段玉裁、朱珔謂培爲坏之借字(註2)。《御覽》卷509引嵇康《高士傳》:「(顏) 闔乃鑿坯而

<sup>[</sup>註 1] 陳憲璿《春秋的奴隸》,《食貨半月刊》第2卷第5期,1935年版,第34頁。 (註 2) 段玉裁《說文解字注》,上海古籍出版社 1981年版,第692頁。朱珔《說文假借義證》,黃山書社 1997年版,第744頁。

遁。」《漢書・揚雄傳》:「故士或自盛以橐,或鑿坏以遁。」蘇林曰:「坏音陪。」本書《聽言》:「其室培濕。」王念孫曰:「培,室後牆也。」(註3) 音轉又作備,《淮南子・齊俗篇》:「必有穿窬柎揵抽箕踰備之姦。」許愼注:「備,後垣也。」王引之曰:「抽箕當爲扫墓。備與培同,下文『鑿培而遁之』,高注曰:『培,屋後牆也。』《呂氏春秋・聽言篇》亦作『培』,《莊子・庚桑楚篇》作『阫』,《漢書・揚雄傳》作『坏』。」朱駿聲亦謂備假借爲培(註4)。

#### (2) 鐸之言固曰:「見樂則淫侈,見憂則諍治。」

#### (3) 夫便國而利於主,雖兼於罪,鐸為之

按:舉沅曰:「舊注云:『兼,或作謙。』疑亦校者之辭。『謙』字無義,或當爲『嫌』。」吳闓生曰:「兼、謙皆謙之借。謙猶陷也。」譚戒甫曰:「兼於罪猶云犯兩罪也。」陳奇猷曰:「譚說近之,然猶未得。兼猶倍於常也。」畢氏謂當作「嫌」得之,嫌,近也。本書《貴直》:「固嫌於危。」高誘注:「嫌,猶近也。」《荀子・禮論》:「一朝而喪其嚴親,而所以送葬之者不哀不敬,則嫌於禽獸矣。」言尹鐸違令而增壘培,是近於罪也。

# 《別類》校補

#### (1) 物多類然而不然

按:《淮南子·人間篇》:「故或類之而非,或不類之而是,或若然而不然者,

<sup>[</sup>註 3] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢 學研究》第28卷第3期,2010年出版,第314頁。

<sup>(</sup>註 4) 王引之說轉引自王念孫《淮南子雜志》,收入《讀書雜志》卷 13,中國書店 1985 年版,本卷第 93 頁。朱駿聲《說文通訓定聲》,武漢市古籍書店 1983 年 版,第 188 頁。

<sup>[</sup>註 5] 參見蕭旭《古書虛詞旁釋》,廣陵書社 2007 年版,第 127 頁。

或不若然而然者。」本於此書。

#### (2) 夫草有莘有藟,獨食之則殺人,合而食之則益壽

按:畢沅曰:「《御覽》卷 994 引『華』作『華』,《日抄》作『萃』。」蔣維 喬等曰:「《山海經·北山經》云:『單狐之山多機木,其上多華草。』 郝懿行《疏》引此云:『然則華草豈是歟?』」彭鐸從郝說。《六書故》 卷 24 「莘」字條引作「莘」(註6)。《路史》卷 40:「草有莘與藟,獨 食之殺人,合而食之則壽。」亦同今本。「莘」字是,草名,指細莘, 亦作細辛。其物根細而味極辛,故名細辛,亦稱作小辛、少辛。《本草 綱目》卷 13:「承曰:細辛,非華阴者不得爲眞。若單用末,不可過 一錢,多則氣悶塞不通者死,雖死無傷。近年開平獄中嘗治此,不可 不記。非本有毒,但不識多寡耳。」藟,疑指野葛,待考。《博物志》 卷 4:「埜葛,食之殺人。」

### (3) 漆淖水〔淖〕, 合兩淖則為蹇

高誘注:蹇,彊也。言水漆相得則彊而堅也。

按:馬敘倫謂「蹇」訓彊的本字爲「院」,引《說文》「院,堅也」以證之,陳奇猷從其說。馬王堆漢簡《十問》:「淺(散)坡(彼)陽炥,堅蹇不死。」「堅蹇」同義連文。「院」訓堅,是「完」的增旁字。竊謂蹇讀虔,《爾雅》:「虔,固也。」王利器引「凝蹇」以解之,非是。「凝蹇」是「凝滯」義。

#### (4)射招者欲其中小也,射獸者欲其中大也

高誘注:招,埻藝也。

按:蔣維喬等曰:「《御覽》卷 746『招』作『杓』。招、杓聲轉。」景宋本《御覽》卷 746 引作「扚」。

# 《有度》校補

(1)夏不衣裘,非愛裘也,煖有餘也;冬不用姿,非愛簍也,清有餘也

<sup>[</sup>註 6] 戴侗《六書故》卷 24,據《溫州文獻叢書》影鈔元刊本,上海社會科學院出版社 2006 年版,第 571 頁。四庫本誤作「葦」。

高誘注: 籊,扇也。清,寒。

按:文廷式曰:「觀、淘皆清字之別體,本或作水旁,非也。《呂氏春秋》 『清有餘也』,即此字。」(註7)文說是,但謂「清」爲誤字則非。范 耕研、馮振並謂清當作清(註8)。楊昭儁讀清爲清。楊說是也。清,《淮 南子·俶眞篇》同,字亦作觀,非誤字也。俗字或作儬、淘(註9)。 汪東《吳語》:「《說文》:『觀,冷寒也。清,寒也。』並七正切。古書 或假『清』爲之。本書《當染》:『大熱在上,民清是走。』《莊子·人 間世》曰:『吾食也執粗而不臧,爨無欲清之人。』《素問·五臧生成 篇》曰:『得之寒濕腰痛足清。』」(註10)張家山漢簡《脈書》:「氣者, 利下而害上,從煖而去清。」皆作「清」字。

(2)聖人之不為私也,非愛貴也,節乎己也。節己,雖貪汙之心猶若 止,又况乎聖人

按:《文子·九守》:「老子曰:『夫所謂聖人者,適情而已,量腹而食,度形而衣,節乎己而貪汙之心無由生也。」

(3) 正則靜,靜則清明,清明則虛,虛則無為而無不為也

按:《莊子·庚桑楚》作「正則靜,靜則明,明則虛,虛則無爲而無不爲 也」。裘錫圭謂二文並有脫誤,校此文「靜則清明,清明則虛」作「靜 則清,清則明,明則虛」[註11]。

<sup>[</sup>註7] 文廷式《純常子枝語》卷3,收入《續修四庫全書》第1165冊,上海古籍出版社2002年版,第59頁。又卷15云:「清亦當爲清。」第215頁。

<sup>(</sup>註 8) 馮振《呂氏春秋高注訂補(續)》,《學術世界》第 1 卷第 12 期,1935 年版,第 27 頁。

<sup>[</sup>註9] 參見蕭旭《〈世説新語〉吳方言例釋》,收入《群書校補》,廣陵書社 2011 年版,第1381 頁。

<sup>[</sup>註10] 汪東《吳語》,《制言》第6期,1935年版;又收入《章太炎全集(七)》附錄, 上海人民出版社 1999年版,第151頁。文廷式《純常子枝語》卷15引《當 染》及《莊子》例,亦云:「清當作清,字宜從〉,從;者假借也」,收入《續 修四庫全書》第1165冊,上海古籍出版社 2002年版,第211頁。

<sup>(</sup>註11) 裘錫圭《考古發現的秦漢文字資料對於校讀古籍的重要性》,收入《裘錫圭學術文集》卷 4,復旦大學出版社 2012 年版,第 376 頁。

# 《分職》校補

(1) 先王用非其有,如己有之,通乎君道者也

按:孫志祖曰:「《御覽》卷 620 作『如己之有』。案下文皆作『如己有之』, 《御覽》非也。」孫說是,《治要》卷 39 引作「如己有之」,《長短經, 大體》同。

(2) 宛春諫曰:「天寒起役,恐傷民。」

高誘注:傷,病也。

按:傷,《新序·刺奢》同,《御覽》卷27引《說苑》作「怠」。石光瑛曰: 「『怠』字誤,今《說苑》無此文,疑即《新序》此章。」[註12]

#### (3) 陬隅有竈

按:畢沅曰:「《新序·刺奢篇》『陬隅』作『隩隅』。」蔣維喬等曰:「《類聚》卷5、《治要》、《白帖》卷4、《初學記》卷3及《御覽》卷34並作『四陬有火』。《御覽》卷188『陬隅』作『隅隩』。《紺珠集》引作『四隅置火』。」《治要》卷39未引此句,景宋本《御覽》卷34引作「取火」,《初學記》卷3引作「四隅有火」,蔣氏失檢。《書鈔》卷133、《御覽》卷67、709引同今本,《書鈔》卷156引作「四陬有火」。

#### (4) 今民衣弊不補, 履決不組

按:《治要》卷39、《書鈔》卷156引同,《白帖》卷4引作「衣穿不補,履缺不苴」、《御覽》卷34引作「衣弊〔不補,履決〕不苴」、《類聚》卷5、《事類備要》前集卷11、宋人方崧卿《韓集舉正》卷4引作「衣弊不補,履決不苴」、《事文類聚》前集卷12引作「衣敝不補,履决不苴」、《新序·刺奢》同《類聚》。决,穿也,「缺」是借字。盧文弨曰:「苴亦補也。賈誼云:『冠雖弊,不以苴履。』」(註13)楊昭儁曰:「履決不組者謂無帶可繫。」桂馥引《新序》以證《說文》(註14);

<sup>[</sup>註12] 石光瑛《新序校釋》,中華書局 2001 年版,第807 頁。

<sup>[</sup>註13] 盧文弨《新序校正並補遺》,收入《群書拾補》,《續修四庫全書》第1149 冊, 上海古籍出版社2002 年版,第401 頁。所引賈誼語見《賈子·階級》、《漢書· 賈誼傳》。

<sup>[</sup>註14] 桂馥《說文解字義證》,齊魯書社 1987 年版,第98頁。

李賡芸曰:「苴爲組。」(註15)據其書體例,指二字通借,上爲正字,下爲借字。楊樹達曰:「作『苴』正字。《說文》云:『苴,履中艸。』『組』乃假字。」石光瑛說同楊樹達(註16)。許維遹曰:「苴亦爲組之借字。」陳奇猷曰:「楊樹達說是。『苴』之本義爲履中草,用爲動詞則爲以苴補履。」許維遹說是,當以「組」爲正字。組,編織也,引申爲縫補義。「苴」是鞋墊,盧氏所引「苴履」,用本義,無縫補的引申義。蔣禮鴻曰:「『組』之義爲組綬,爲組織。履決不組,組綬義既非此所施,即組織亦不當施於弊履也。故《白帖》、《類聚》依《新序》改作『苴』。《呂氏》元文當爲『組』,『組』、『組』形近,故譌作『組』耳。《說文》:『組,補縫也。』」蔣氏改字不足信。

# 《處方》校補

#### (1) 少不悍辟而長不簡慢矣

高誘注:悍,兇也。辟,邪也。簡,惰也。慢,易也。

按:辟,當訓捍禦。

#### (2) 今夫射者儀毫而失牆, 畫者儀髮而易貌

高誘注:儀,望也。睎望毫毛之微而不視堵牆之大,故能中也。畫者睎 毫髮,寫人貌,儀之於象,不失其形,故曰易貌也。

按:王筠引此例證《說文》「儀,度也」,指出「注『儀,望也』非是」 (註17)。孫鳴鏘曰:「注未明,再考。《文心雕龍·附會篇》引此二語, 下言『銳精細巧,必疏體統』,似謹於小而忽於大之意。」楊昭儁曰: 「儀讀爲睨,衰視也。故高氏以望訓儀。」譚戒甫曰:「《淮南·說林篇》亦有『畫者謹毛而失貌,射者儀小而遺大』二語。引此作『謹毛』、 『儀小』,正與劉勰、孫鳴鏘之意相同。竊意此儀當讀俄,頃也,疑 訓爲傾邪。此『儀毫』、『儀髮』皆謂有毫髮之傾側,因而失牆易貌。 高注全非。」許維遹曰:「孫說是。儀,度也。度有愼義。易爲偈之

<sup>[</sup>註15] 李廣芸《炳燭編》卷 2,收入《叢書集成新編》第 13 册,新文豐出版公司 1985 年版,第 595 頁。

<sup>[</sup>註16] 石光瑛《新序校釋》,中華書局 2001 年版,第809 頁。

<sup>[</sup>註17] 王筠《說文解字句讀》,中華書局 1988 年版,第 298 頁。

借字,輕也。此謂書者謹愼其髮而輕易其貌。《淮南子》云云,語尤 明。」蔣維喬等曰:「譚氏以儀訓順,似嫌迂回。《左傳·昭二十五年》 疏云『察其貌謂之儀』,是儀有察義。《諸子品節》引『儀』作『謹』, 《淮南》作『謹毛』、『儀小』,皆含有謹察之意也。高訓爲望,猶近 古義。」陳奇猷曰:「《廣雅》:『儀,見也。』故高訓爲望也。失猶去 也。許讀易爲傷訓輕,是也。輕即不重視,與去義亦近。此文謂射者 望毫毛之微而不見大牆,故能中的;畫者望紋髮之細而不視全貌,故 能象人。」諸說皆未達其誼。《文心雕龍》作「夫畫者謹髮而易貌, 射者儀毫而失墻」。《淮南子》高誘注:「謹悉微毛,留意於小,則失 其大貌。儀望小處而射之,故能中。事各有官。」二句是說射者當瞄 準小處而忽略大處,而畫者則相反,如果用心於小處,沒有全局觀念, 則失其大體耳。高誘注《淮南子》云「事各有官」得之,而於此則失 之。此文「儀髮」當作「謹髮」,高注本已誤。高注先注《淮南》,再 注《呂氏》,後說轉誤,則亦惑於誤字矣。高注儀訓望,是也,今言 瞄準。《淮南子・泰族篇》:「射者數發不中,教之以儀則喜矣。」言 教之以瞄準也。瞄準器具亦稱作儀,名動相因。《韓子·外儲說左上》: 「不以儀的爲關,則射者皆如羿也。」《墨子·備高臨》:「( 弩 ) 有儀。」 《淮南子·齊俗篇》:「夫一儀不可以爲發,一衣不可以出歲。儀必應 乎高下,衣必適乎寒暑。」許愼注:「儀,弩招顏也。射百發,遠近 不可皆以一儀也。」皆是其例,《夢溪筆談》卷 19 稱瞄準器作「望山」。 此文「失」與《淮南》「遺」同義。易,變也。易貌,猶今言失真。 儀訓望者,王念孫曰:「儀古讀若俄,字或作睋,《定八年公羊傳》注 訓睋爲望。班固《西都賦》曰:『睎秦領,睋北阜。』睋與儀古今字 耳。」(註18) 朱駿聲曰:「儀, 叚借爲觀。」(註19)

### (3) 齊令章子將而與韓魏攻荊,荊令唐篾將而拒之

舊校:「拒」一作「應」。應,擊也。

按:《水經注·沘水》引作「荊使唐蔑應之」,梁履繩據改「拒」作「應」, 畢沅從之。吳汝綸、蔣維喬謂當從舊本,畢改非,陳奇猷從吳說。《御

<sup>(</sup>註18) 王念孫《後漢書雜志》,收入《讀書雜志》餘編上卷,中國書店 1985 年版,本卷第 10 頁。

<sup>[</sup>註19]朱駿聲《說文通訓定聲》,武漢市古籍書店 1983年版,第479頁。

覽》卷316引作「荊令唐篾將拒之」,是宋人所見亦作「拒」字。

#### (4) 水淺深易知

按:《御覽》卷316引「易」上有「甚」字。

(5) 今有人於此,擅矯行則免國家,利輕重則若衡石,為方圜則若規矩,此則工矣巧矣,而不足法

按:陶鴻慶曰:「『利』當爲『制』字之誤。」楊昭儁曰:「『利』是『判』字之誤。」譚戒甫從陶說,陳奇猷從楊說,王利器則謂二說「俱可通也」。馮振曰:「舊疑『利』或『稱』字之誤。今案:利,便也,不必改字。」(註20)諸說皆未得。「利」當作「初」。古「利」字右旁從刀作「初」(註21),因而致譌。「初」同「挈」,懸持也,提舉也。《淮南子·齊俗篇》:「夫契輕重不失殊(銖)兩,聖人弗用,而縣之乎銓衡;視高下不差尺寸,明主弗任,而求之乎浣準。」「契」一本作「挈」。此其明證。言提舉之以測度其重量也。《墨子·備城門》:「子墨子曰:『守城之法,必數城中之木,十人之所舉爲十挈,五人之所舉爲五挈,凡輕重以挈爲人數。爲薪樵挈,壯者有挈,弱者有挈,皆稱其任。凡挈輕重所爲,吏人各得亦任。」「挈」字即此義。岑仲勉曰:「孫(詒讓)云:『挈與契字同,謂刻契之齒,以記數也。』其說未合。挈者等於每個人力所能舉之重量。」(註22)

### 《愼小》校補

(1) 巨防容螻,而漂邑殺人;突洩一煙,而焚宮燒積

高誘注:巨,大。防,隄也。如隄有孔穴容螻蛄則潰漏竅決,至於漂沒 閭邑,溺殺人民也。竈突煙洩出,則火濫炎上,燒人之宮室積 委也。

按:畢沅曰:「熛,舊作『煙』,今從《日抄》改正。」王念孫據《一切經

<sup>(</sup>註20) 馮振《呂氏春秋高注訂補(續)》,《學術世界》第1卷第12期,1935年版,第28頁。

<sup>[</sup>註21] 字形參見臧克和《漢魏六朝隋唐五代字形表》,南方日報出版社 2011 年版,第 174 頁。

<sup>[</sup>註22] 岑仲勉《墨子城守各篇簡注》,中華書局 1958 年版,第 37 頁。

音義》卷 13 引改「煙」作「熛」(註23)。許維適曰:「《一切經音義》卷 14 引『煙』亦作『熛』。注『煙』亦當作『熛』。」王叔岷曰:「《一切經音義》卷 57、59 引『煙』並作『熛』。」王利器引群書證「熛」是,可參。王念孫、許維遹所引是《玄應音義》,卷 13、14 引並作「熛」(註24);王叔岷所引是《慧琳音義》。《記纂淵海》卷 73 引亦作「熛」字。《六書故》卷 3「票」字條引作「票」,解爲「火飛起也」。《說文》「票」、「熛」並訓火飛也,音義全同。螻,《黃氏日抄》卷 56 引作「蟻」。積,《玄應音義》卷 14、《慧琳音義》卷 59 引作「積」,俗字。積、積,當指草積,草堆,今吳語音同「子」。《集韻》:「積,一曰艸積。」

(2) 衛莊公立,欲逐石圃,登臺以望,見戎州而問之曰:「是何為者也?」

按:陳奇猷曰:「『之』字當衍,或『侍者』之誤。」陳說非是。《左傳·哀公十七年》作「公登城以望,見戎州,問之,以告」,亦有「之」字。 「之」代指戎州也。

#### (3)去肉食之獸,去食粟之鳥,去絲買之網

按:《淮南子·主術篇》作「去食肉之獸,食粟之鳥,係置之罔」。「鳥」當作「馬」,形近而譌,諸家皆失校。《左傳·襄公五年》:「無衣帛之妾,無食粟之馬。」(註25)又《成公十六年》:「妾不衣帛,馬不食粟。」《墨子·七患》:「馬不食粟,婢妾不衣帛。」《晏子春秋·內篇諫上》:「馬不食府粟,狗不食飦內。」《潛夫論·遏利》:「馬不餼粟,妾不衣帛。」《鹽鐵論·通有》:「昔季文子相魯,妻不衣帛,馬不秣粟。」《後漢書·郭丹傳》:「昔孫叔敖相楚,馬不秣粟,妻不衣帛。」皆其證也。陳奇猷謂此文「內食」當乙作「食內」,是也。「去食內之獸」殆即指去狗而言,就是《晏子》所說的「狗不食飦內」。

<sup>[</sup>註23] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第318頁。

<sup>[</sup>註24] 《玄應音義》卷13據磧砂本,金藏本未引。

<sup>[</sup>註25] 《國語·魯語上》、《史記·魯周公世家》、《説苑·反質》略同。



# 《士容論》卷第二十六校補

# 《士容》校補

(1) 士不偏不黨,柔而堅,虛而實,其狀朖然不儇,若失其一

高誘注:而,能也。一謂道也。能柔堅虛實之士,其狀貌朖然舒大,不 假給巧僞爲之,畏失其道也。

按:「而」是並列連詞,猶且也。高氏訓能,非是。章太炎曰:「朖當借為良,良亦彊也。彊直者必不儇給巧偽。」沈祖縣曰:「《說文》無『朖』,疑誤。」陳奇猷曰:「『朖』爲『朗』本字,見《說文》,沈失檢。朗猶清澈也。儇,慧也。此文『朖然不儇』,謂中心清澈而巧慧,即中心虛靜而無巧詐之意。」王利器曰:「『朗』爲『朖』之後起字。」張富祥曰:「朖,通『俍』,善。儇,通『譞』,聰慧。」(註1)陳、王說得之。「朖」即曠朗、空明之義。《黃氏日抄》卷 56 引作「眼」,俗字。《集韻》:「朖、眼、脼:《說文》:『明也。』或從日,古作兩,亦書作舠。」

### (2) 執固橫敢而不可辱害

按:害,讀爲齘、价,《方言》卷2:「穌(齘),怒也,小怒曰穌(齘)。」 又卷12:「价,恨也。」《廣雅》:「齘,怒也。」P.2011 王仁昫《刊謬補 缺切韻》:「价,怨恨。」本書《愼行》:「荊平王有臣曰費無極,害太子

<sup>(</sup>註1) 張富祥《呂氏春秋》校釋札記(二)》,《古籍整理研究學刊》2008年第5期,第30頁。

建,欲去之。」亦此義。文廷式以上句「狼」字屬此句,云:「『敢』字 涉注文而衍。」 [註2]

#### (3) 臨患涉難而處義不越

高誘注:越,失也。

按:陳奇猷曰:「越,踰也。不踰於義即不失義,故高訓越爲失也。」陳說 非是。《書·太甲上》:「無越厥命以自覆。」孔傳:「越,墜失也。」

#### (4) 德行尊理而羞用巧衛

高誘注: 尊重道理而行, 羞以巧媚自榮(營) 衛也。

按:王念孫曰:「衛猶慧也。」俞樾曰:「衛當作躗,乃假借字或壞字也。《哀二十四年左傳》:『是躗言也。』《正義》引服虔曰:『躗,僞,不信也。』然則巧躗猶云巧僞。高注非。」陳奇猷曰:「俞說至確。『尊』、『遵』同。」王利器曰:「《管子·形勢解》:『推譽不肖之謂讆。』《玉篇》:『讆,夢言不譓也。』《廣韻》:『多智謀曰譓。』《集韻》:『譿,辨察也,或作譓。』是『巧衛』即『巧響』,亦即『巧僞』也。王、俞說俱是。」王利器說是也。《六韜·文韜·守土》:「日中必彗。」銀雀山漢簡本《六韜》「彗」作「衛」(註3),可爲王念孫說之證。「巧僞」義本字作愈,《左傳釋文》:「《字林》作懲,云:『夢言,意不慧也。』」《說文》:「您,廖言不慧也。」《玄應音義》卷14引《三倉》:「讏,號言也。」由夢言引申,則爲欺詐虛僞義。

### (5) 寬裕不訾而中心甚厲

高誘注:不訾,毀敗人也。甚厲,至高遠也。

按:王利器從高注。馮振曰:「厲,嚴正也。高注未切。」(註4)陳奇猷曰: 「高注當作『不訾,不毀敗人也』,脫一『不』字,但其說非也。訾, 量也。量是有度量,不量是無度量,是『不訾』有『不拘束』亦即『不 羈』之意。『厲』即『砥礪』字,高訓爲高遠,亦非。」訾訓量是計量,

<sup>[</sup>註 2] 文廷式《純常子枝語》卷 15,收入《續修四庫全書》第 1165 册,上海古籍出版社 2002 年版,第 215 頁。

<sup>{</sup>註3} 《銀雀山漢墓竹簡 (壹)》,文物出版社 1985 年版,第111 頁。

<sup>[</sup>註 4] 馮振《呂氏春秋高注訂補(續)》,《學術世界》第 1 卷第 12 期,1935 年版,第 28 頁。

引申則爲計較。《文子·上義》:「博達而不訾。」《說苑·善說》:「蒙 羞被好兮,不訾詬恥。」此二例「不訾」亦爲不計較義。「厲」疑當作 「廣」。廣,寬廣、寬大。句言寬容大度不計較而心胸很廣闊也。

#### (6) 其鄰畜之數年,而不取鼠

按:許維遹曰:「而不取鼠,《事類賦》卷 23 引作『不能取鼠』。」蔣維喬等曰:「《御覽》卷 905『取』作『敢』。」陳奇猷曰:「《事類賦》誤也。此狗不是不能取鼠,乃傲小物而志屬於大,故不取鼠也。『敢』乃『取』之誤。」景宋本《御覽》卷 905 引「取」作「噉」,四庫本作「不敢噉鼠」,又卷 644 引作「不取鼠」,《事類賦注》卷 23 引作「不噉鼠」。許、蔣皆失檢,陳氏未覆核,而據誤字生說。作「噉鼠」亦通。

#### (7) 趨翔閑雅

按:楊樹達曰:「翔假爲覽。《說文》:『覽,行貌。』」陳奇猷曰:「張足疾行謂之趨,張拱徐行謂之翔。楊以翔爲覽,非。若謂翔假爲覽,毋寧謂翔假爲蹌,古人本有『趨蹌』之成語。」王利器曰:「楊說非是。」陳氏所釋是也,但謂楊說爲誤,則未會通也;其說「趨蹌」,本于《尊師篇》畢校。鳥徐行曰翔,人徐行曰覽,字亦作蹡、蹌,俗字作詳,皆同源字。另詳《貴直》校補。

### (8) 骨節蚤成,空竅哭歷,身必不長

高誘注:長,大也。

按:梁玉繩曰:「『哭』疑當爲『突』。」章太炎曰:「哭、歷雙聲。歷,空疏之意。骨節早成者,故有空竅(此空竅猶孔竅,非謂空虛也)。哭則以雙聲引長之耳。案《管子·地員》云:『五觳之狀婁婁然。』注:『婁婁,疏也。則哭讀爲觳,言其疏也。』」王利器從章說。陳奇猷曰:「空讀爲孔。『哭歷』爲稀疏或上通下達之意,詳《適音》注。梁、章說皆非。」陳氏於《適音篇》注,謂「谿極」或作「適歷(秝)」、「哭歷」、「洞歷」,稀疏之意,其說未確。劉如瑛曰:「哭,疑當爲『枯』,聲近而誤。」章說「空竅猶孔竅」,是也。《韓子·喻老》:「空竅者,神明之戶牖也。」《淮南子·精神篇》、《文子·九守》作「孔竅」。「哭歷」

是「鹿歷」的音轉,哭、鹿皆屬屋部,聲則溪母、來母相轉(註 5)。 倒言則作「歷鹿」、「麻鹿」等形,圓轉之義(註 6),此以狀孔竅之形 圓也。

#### (9) 眾無謀方,乞謹視見,多故不良

高誘注:良,善也。

按:孫鳴鏘曰:「未詳。」譚戒甫曰:「謀方猶云謀術。『乞』疑『气』之 誤。『气』即『氣』之本字。氣謹者,所謂『出辭氣斯遠鄙倍矣』。『見』 疑『艮』之誤。艮有限止之義。視艮猶云非禮勿視也。多,『侈』之 省文。侈故不良者,謂氣暴視亂,故不良善也。」陳奇猷曰:「此文 不誤。謀,圖謀。《韓非子·解老》云『所謂方者,內外相應也,言 行相稱也』,即此『方』字之義。乞,求也。『視見』指外表。『故』 謂巧詐。多故猶言多巧詐。此文謂眾人不圖謀於內外相應,言行相稱, 而乞求於謹愼外表,此必多巧詐而不善也。譚說非。」王利器曰:「多 故,謂多詐也。」譚說「謀方猶云謀術」是也,餘說則皆臆改。陳、 王說亦誤。上文云「骨節蚤成,空竅哭歷,身必不長」,此與之對文, 「故」讀爲固,本書《任數》高注:「固,必也。」「多」指眾謀,用 爲名詞。乞,讀爲氣,非誤字。「見」疑「兒」形譌。此文大意謂眾 人沒有謀術,察顏觀色,則意見不一,有各種計謀,必定不好。

# 《上農》校補

#### (1) 古先聖王之所以導其民者,先務於農

按:導,讀爲道。《廣雅》:「道,治也。」《論語·學而》:「道千乘之國。」 《集解》引包咸曰:「道,治也。」《亢倉子·農道》「導其民」作「理 人」,「理」蓋本作「治」,避唐諱而改。

<sup>(</sup>註 5) 「何」字從「可」得聲而讀來母的「來可切」、「朗可切」、「洛可反」,是其例。徐德庵《論漢語古有複輔音說的片面性》一文列舉了大量的來母與溪母相諧聲的例字,可以參考,《西南師範大學學報》1960年第2期,第109~110頁。

<sup>[</sup>註 6] 「歷鹿」等參見蕭旭《「鹿車」名義考》,收入《群書校補(續)》,花木蘭文 化出版社,第 2126~2127 頁。

#### (2) 民農非徒為地利也

按:地、《亢倉子·農道》作「埅」。「埅」是古「地」字,見《篆隸萬象名 義》卷4、《龍龕手鏡》。

### (3) 民農則重,重則少私義,少私義則公法立,力專一

按:畢沅曰:「重,《亢倉子》作『童』。」許維遹曰:「《御覽》引『義』作 『議』,下同。」范耕研曰:「義乃議之省。」高亨曰:「重當讀爲童。 童,愚也。《賈子·道術篇》:『亟見窕察謂之慧,反慧爲童。』」夏緯瑛 曰:「『重』是說民之穩重,作『童』誤。『私議』爲戰國之慣用語,當 從《御覽》爲是。」王毓瑚從夏說釋爲「穩重」,又云:「『私義』就是 『私議』,也就是私下裏議論政事。」陳奇猷曰:「童、重二字古通,此 當以重爲正。范、夏讀義爲議固通,然讀義爲誼亦通。私義即私誼,謂 私人之交誼也。」(a)《商君書·算地》:「私利塞於外,則民務屬於農; 屬於農則樸,樸則畏令。私賞禁於下,則民力摶於敵,摶於敵則勝。」 又《壹言》:「治國貴民壹;民壹則樸,樸則農,農則易勤,勤則富。」 皆可與本書相參證。(b)作「私義」是,景宋本《御覽》卷 77 引同今 本作「私義」,《亢倉子》亦同。「私義」是與「公法」相對的概念,王、 陳說非是。《商子・畫策》:「國亂者,民多私義。」《韓子・飾邪》:「私 義行則亂。」《戰國策·趙策二》:「子用私道者家必亂,臣用私義者國 必危。」皆其例也。亦作「私議」、《管子·法法》:「明君在上位,民毋 敢立私議自貴者。」《商子·修權》:「世之爲治者,多釋法而任私議, 此國之所以亂也。」又「夫倍法度而任私議,皆不〔知〕類者也。」又 「夫廢法度而好私議,則姦臣粥權以約祿。」「私義」是名法家之要旨, 故管子、商子、韓子並言之。(c)「童」、「重」音轉,當作「童」爲正, 高亨說是。夏緯瑛解爲穩重,《亢倉子》何粲注云「如童兒無異志」,皆 望文生義。上文云:「民農則樸,樸則易用,易用則邊境安,主位尊。」 「重」、「樸」同義對舉,「重」正當據《亢倉子》作「童」。童之言童蒙、 癡愚、不慧。「樸重」與下文「好智多詐」相對爲文。《太玄‧玄錯》:「童, 無知。」字亦作憧,《大戴禮記·千乘》:「作起不敬以欺惑憧愚。」**憧** 亦愚也。字亦作僮、《廣雅》:「僮、癡也。」《易・蒙》《釋文》、《慧琳 音義》卷 22 引並作「童,癡也」。王念孫曰:「憧、童並與僮通。春秋

晉胥童字之昧,是其義也。」(註7)字亦作瞳、惷,《淮南子·道應篇》:「惷乎若新生之犢,而無求其故。」《莊子·知北遊》、《高士傳》卷上作「瞳焉」,《文子·道原》作「瞳兮」。成玄英疏:「瞳焉,無知直視之貌。」音轉則爲懂,《廣韻》:「懂,懵懂,心亂。」「僮僕」之名,即取義於「童樸」,言其幼小無知。《淮南子·氾論篇》:「古者人醇工龐,商樸女重。」又《主術篇》:「其民樸重端慤。」二文「樸重」與本書同。洪頤煊曰:「《大戴禮·王言篇》:『民敦工璞,商慤女憧。』重即童字,童、憧古通用,謂憧愿無知之貌。」(註8)俞樾曰:「重本作童,《大戴記·王言篇》云云,即《淮南》所本也。童與憧通。今作重者,形聲相似而誤。」(註9)二氏說皆是,惟「重」不必視爲誤字。(d)力專一,《亢倉子》作「力博深」。「博」當是「摶」形誤。

#### (4) 其產復則重徙,重徙則死處而無二慮

按:「處」上宋邦乂本、四庫本、百子全書本、世界書局本並有「其」字, 《御覽》卷 77 引亦有,《亢倉子・農道》同,陳奇猷本脫。《亢倉子》 「復」作「複」,二「徙」字並作「流散」。何粲注:「複,猶厚也。」

### (5) 舍本而事末則不令,不令則不可以守,不可以戰 高誘注:令,善。

按:孫詒讓曰:「不令,謂不受令也。《亢倉子,農道篇》作『人捨本而事末則不一令』,已知高說之未安而不之從矣。」夏緯瑛曰:「郭沫若改『令』作『合』,最爲近理。」陳奇猷曰:「孫說是。《韓非子,說疑》云『此之謂不令之民』,亦以『不令』爲不聽從號令可證。」諸說皆誤,《亢倉子》及郭沫若皆是妄改。令,讀爲聆。陳氏所引《韓子》,亦同。《說文》:「聆,聽也。」《廣雅》:「聆、聽,從也。」王念孫《疏證》曰:「聆,古通作令。《呂氏春秋,爲欲篇》:『則民無不令矣。』令謂聽從也。」王氏後來又補舉《商子,算地》「故國有不服之民,主有不

<sup>[</sup>註7] 王念孫《廣雅疏證》,收入徐復主編《廣雅詁林》,江蘇古籍出版社 1992 年版,第211 頁。又參見王引之《春秋名字解詁》,收入《經義述聞》卷22,江蘇古籍出版社 1985 年版,第535 頁。《國語·晉語六》章昭注:「胥之昧,胥童也。」

<sup>(</sup>註8) 洪頤煊《讀書叢錄》卷16,收入《續修四庫全書》第1157冊,上海古籍出版社2002年版,第699頁。

<sup>[</sup>註 9] 俞樾《淮南子平議》,收入《諸子平議》,上海書店 1988 年版,第 626 頁。

令之臣」爲證(註10)。

#### (6)是故天子親率諸侯耕帝籍田,大夫士皆有功業

高誘注:《傳》曰:「王耕一發,班三之,庶人終於千畝。」故曰皆有功 業也。

#### (7) 故敬時愛日,非老不休,非疾不息,非死不舍

按:《玉篇》:「敬,愼也。」睡虎地秦簡《爲吏之道》:「君子敬〔終〕如始。」 銀雀山漢簡《孫臏兵法·將德》:「愼終若始。」上博楚簡(五)《弟子 問》簡11:「汝能愼始與終,斯善矣。」《老子》第64章:「愼終如始。」 《左傳·昭公五年》:「敬始而思終。」敬、思皆愼也。《方言》卷1: 「愼,思也。」許維遹曰:「《亢倉子》『敬時愛日』下有『將實課功』 四字。」夏緯瑛引同,並解釋爲「按照其可能生產的標準實數而課其 農作之功」。《亢倉子》作「埒實課功」,何粲注:「埒,量也。」二氏 誤作「將」,陳奇猷亦未覆核。埒實,猶言責實。

### (8) 苟非同姓,農不出御,女不外嫁,以安農也 高誘注:御,妻也。

<sup>[</sup>註10] 王念孫《廣雅疏證》、《補正》,收入徐復主編《廣雅詁林》,江蘇古籍出版社 1992 年版,第14頁。

<sup>[</sup>註11] 沈廷芳《十三經注疏正字》卷 21、47,收入景印文淵閣《四庫全書》第 192 冊,臺灣商務印書館 1986 年初版,第 278、623 頁。

<sup>[</sup>註12] 黃丕烈《校刊明道本韋氏解〈國語〉札記》,收入《叢書集成初編》第 3682 冊,中華書局 1985 年影印,第 242 頁。

<sup>[</sup>註13] 汪遠孫《〈國語〉明道本考異》卷1,武林富元熙刊本。

按:「妻」有動詞用法,娶女子爲配偶曰妻,以女嫁人亦曰妻,高注「妻」 是娶妻義。松皋圓於「妻」上補「迎」字,陳奇猷補「御」字,皆誤。 《亢倉子·農道篇》「農」作「男」、「安」作「方」。言如非同姓、則男 子不到外地娶妻,女子亦不嫁到外地。《韓子·有度》:「故民不越鄉而 交,無百里之感(戚)。」可證此文之誼。松皋圓謂「農」當作「男」, 是也。夏緯瑛謂「農」不誤,「農」指男耕的農夫,陳奇猷從其說,非 是。何粲注:「御,迎也,謂男子不親御。」御,讀爲訝、迓,迎也, 指迎娶。《黑子·非儒下》:「取妻身迎,祇褍爲僕,秉轡授綏,如仰嚴 親。」《戰國策・衛策》:「衛人迎新婦,婦上車,問驂馬誰馬也?」《類 聚》卷 40 引鄭氏《婚禮謁文》:「請期,謂吉日將親迎,謂成禮也。」 《酉陽雜俎》卷 1:「近代婚禮……婦上車, 聓騎而環車三匝。」此迎 娶之確證,至唐代猶然也。于鬯曰:「『出御』當是爲贅壻於他野人家。」 夏緯瑛引《獨斷》「御者,進也,凡衣服加於身,飲食入於口,妃妾接 於寢,皆曰御」,謂「御有男子配妻之義」,「出御」指出贅。陳奇猷從 夏說。皆非是。《獨斷》「御」皆天子事,不得轉用於平民。《亢倉子》 作「方農」亦通。「方」讀爲妨。

# (9) 地未辟易,不操麻,不出糞

按:夏緯瑛曰:「辟與闢通。易,治也。地之辟易,指耕墾而言。」王毓瑚改「辟易」作「除易」,解作「整地」,又云:「『操』字可能原是作『摻』,是『搓捫』的意思。」。陳奇猷曰:「夏說非是。『辟易』係古人恒言。《史記·項羽本紀》云:『項王瞋目叱之,赤泉侯人馬俱驚,辟易數里。』《正義》云:『言人馬俱驚,開張易舊處,乃至數里。』是『辟易』者,其地原爲人或物所佔據而後避開之義。此文既是說耕稼,則田地辟易是相對於田地固凍而言,故辟易即是解凍。『麻』爲『黀』之省文,稽也。」王利器曰:「辟易即開墾平易,謂糞除草穢也。操麻謂績麻。操,把持也。」夏氏謂「辟與闢通。易,治也」,是也,餘說皆誤。陳氏所引《史記》「辟易」,猶言折轉易道而行,音轉亦作「折易」,《吳越春秋・吳太伯傳》:「姜嫄怪而棄於阨狹之巷,牛馬過者折易而避之。」與此文不同。陳氏所解「不操稭」,亦不知何義。此文疑有脫字,當作「地未辟,麻未易」,脫「麻未」二字,下句「不操麻,不出糞」與之對應。《鹽鐵論・園池》:「夫如是,匹夫之力盡於南畆,匹婦之力盡於

麻枲。田野辟,麻枲治,則上下俱衍,何困乏之有矣?」闢,指墾地。 「易」訓治當指治麻枲而言。操,讀爲澡,字亦作藻。《廣雅》:「澡, 治也。」《儀禮‧喪服》:「小功布衰裳,澡麻帶絰五月者。」鄭玄注: 「澡者,治去莩垢,不絕其本也。《小記》曰:『下殤小功,帶澡麻不 絕其本,屈而反以報之。』」賈公彥疏:「注釋曰『云澡者,治去莩垢』 者,謂以枲麻又治去莩垢,使之滑浄,以其入輕竟故也。」《禮記・喪 服小記》《釋文》:「澡麻:本又作藻。」鄭玄注:「其絰帶,澡率治麻 爲之。」孔穎達疏:「云『澡率治麻爲之』者,謂戞率其麻,使其潔白 也。」澡麻,謂浸泡麻,除去其垢也。言地未開墾,則不可出糞;麻 未整治,則不可澡麻也。辛德勇曰:「『辟易』在此,應當是指將某一 塊地撂荒休耕而改種其他地塊,或是在同一塊土地上逐年改種其他不 同種類的作物,交替輪換,也就是實行所謂輪作,以更好地修養、利 用地力。從字義的貼切性和當時的實際可能來說,前者的可能性更大。 『辟易』云者,意即避開此地,改易至他處。《史記‧項羽本紀》『辟 易數里』,應當與之相同。《呂氏春秋》這一記載是中國古代有關休耕 輪作制度的珍貴史料,惜一向無人看破。」[註14]辛氏誤解《史記》 「辟易」,于此文亦未得正解,其「輪作」之說無據,惜看偏了。

# (10) 然後制四時之禁,山不敢伐材下木,澤人不敢灰僇

高誘注: 燒灰不以時多僇。

按:惠士奇曰:「灰僇者,《月令》仲夏『母燒灰』,燒灰者僇。」(註 15) 王念孫曰:「《管子·輕重己篇》:『無戮大衍。』戮、僇古通。」李寶 注曰:「不敢燒灰僇殺禽獸。」譚戒甫曰:「僇與戮通。殺人曰戮,引 申之殺草亦曰戮。」夏緯瑛曰:「『人』字衍。高注非,王說是。」聞 一多曰:「僇疑當爲蓼。灰,燒蓼爲灰也。『人』字衍。」(註 16)陳奇 猷曰:「王氏謂僇、戮通,是,但以《管子》『無戮大衍』即此『不灰 僇』則非。此文『灰僇』蓋即指火耕水耨。『灰』指燒草,『僇』指芟

<sup>(</sup>註14) 辛德勇《中華書局新點校本〈史記〉部分書稿閱讀記》,《經學文獻研究集刊》 第12輯,上海書店出版社 2014年版,第360頁注④。

<sup>[</sup>註15] 惠士奇《禮說》卷 12,收入《叢書集成三編》第 24 册,新文豐出版公司 1997 年版,第 424 頁。

<sup>[</sup>註16] 闡一多《璞堂雜業·呂氏春秋》,收入《闡一多全集》卷10,湖北人民出版社 1994年版,第458頁。

去稻與草。」《管子·七臣七主》:「無割大陵,倮大衍,伐大木。」尹 注:「倮謂焚燒,令蕩然俱盡。」王念孫曰:「洪云:『倮當爲僇,《輕 重己篇》作『毋戮大衍』,古通作勠,謂盡其力也。』念孫案:洪謂倮 當爲僇是也。俗書僇、倮二形相似而誤。僇即疁字也。《說文》:『疁, 燒穜也。《漢律》曰:「疁田茠草。」』《玉篇》:『力周切,田不耕火種 也。』《淮南・地形篇》注曰:『下而污者爲衍。』疁、僇古字通。僇 大衍者,謂火焚其草木也。《輕重己篇》僇作戮,古者戮、勠二字竝與 疁同音,故疁通作戮,又通作僇也。《呂氏春秋·上農篇》曰『山不敢 伐材下木』,即此所謂無伐大木也;又曰『澤人不敢灰僇』,即此所謂 無僇大衍也。」〔註 171 王利器曰:「王引《管子》以釋此文,是也。 灰僇者,蓋『烈山澤』之謂也。王氏又謂『僇即疁字』,說尤微至。」 聞、夏二氏謂「人」衍,是也,劉如瑛於「山」下補「人」字,則誤。 諸家皆未得「僇」字之誼。僇,讀爲燎,《管子》戮亦同。灰者燒草爲 灰,燎者燎木爲炭。睡虎地秦簡《秦律十八種·田律》:「春二月,毋 敢伐材木山林及雍(壅) 隄水。不(「不」字衍) 夏月, 毋敢夜草爲灰。」 (註18) 張家山漢簡《二年律令・田律》:「春夏毋敢……燔草爲灰。」 《居延新簡》EPT5:100:「燔草爲灰。」《淮南子·時則篇》:「仲夏 之月……毋燒灰。」敦煌縣泉漢簡西漢元始五年《四時月令詔條》亦 有「毋燒灰口」的記載(計19)。《淮南子·本經篇》:「燎木以爲炭, 燔草而爲灰。」

# (11) 繯網買罦不敢出於門

按:惠棟曰:「繯即絹字。」王念孫曰:「罥、穲、羂並字異而義同。」楊 樹達曰:「繯,假爲獧。《說文》:『獧,網也。』此用省字。」陳奇猷 曰:「《說文》:『雹,覆車也。』『雹』與『睪』同。楊說非也。《說文》: 『繯,落也。』落即羅落。」(a)《說文》繯訓落,「落」同「絡」,《漢 書・揚雄傳》蕭該《音義》引《說文》作「繯,絡也」,《集韻》二引

<sup>(</sup>註17) 王念孫《管子雜志》,收入《讀書雜志》卷 8,中國書店 1985 年版,第 32~ 33 頁。

<sup>(</sup>註18)「夜」疑讀爲「熫」,同「炙」。參見蕭旭《〈睡虎地秦墓竹簡〉校補》,收入 《群書校補(續)》,花木蘭文化出版社2014年版,第23頁。

<sup>[</sup>註19] 胡平生、張德芳《敦煌懸泉漢簡釋粹》,上海古籍出版社 2001 年版,第195頁。

《說文》同,《廣雅》亦同。繯訓落是指以繩相連絡。陳說「羅落」非也,王、楊說是。《禮記·月令》:「田獵置罘、羅罔、畢翳、餧獸之藥毋出九門。」本書《季春紀》作「田獵罼弋、置罘、羅網、餧獸之藥無出國門」。「繯網」當即「羅罔(網)」。鄭玄注:「鳥罟曰羅罔。」(b)「置學」同「置罘」。《治要》卷7引《禮記》正作「置學」。鄭玄注:「獸罟曰置罘。」孔穎達疏:「知罘亦獸罟者,案《釋器》云:『罬謂之學。學,覆車也。』孫炎云:『覆車是兩轅網。』既是兩轅可以網鳥,非但網鳥,亦可以網獸。《廣雅》云:『網謂之罟。罘,兔罟也。』是獸罟曰置罘也。此罘與學一也。」《說文》:「罟,兔罟。」又「雹,覆車也。學,雹或從孚。」諸字並同。

## (12) 澤非舟虞,不敢緣名

高誘注:舟虞,主舟官也。

按:王利器引《國語·魯語下》:「叔向退召舟虞與司馬。」韋昭注:「舟虞,掌舟。司馬,掌兵。」「緣名」未詳,舊說皆誤。張富祥曰:「疑指出入湖泊中的船隻只歸舟虞管理,不准私人假借各種名義侵佔。『名』在此爲動詞,猶言以某種名義佔有。」(註 20) 其說亦誤。主詞是「澤」,張氏竟易作「船隻」。

# (13) 農攻粟,工攻器,賈攻貨,時事不共,是謂大凶 高誘注:攻,治也。

按:《荀子·榮辱》:「故仁人在上,則農以力盡田,賈以察盡財,百工以巧盡械器。」即「農攻粟,工攻器,賈攻貨」之誼。夏緯瑛曰:「若是時與事不能統一,必然就做不成事,故說『時事不共,是謂大凶』。」王毓瑚曰:「『時事』是四時職貢。『共』可讀作『供』。」陳奇猷曰:「共,同也。時謂農時,事謂農事。時事不共猶言農時與農事不合一。」諸說皆誤。「時事」對應農工賈三者而言,不當專指農時與農事。《亢倉子・農道》「粟」作「食」,「共」作「龔」,又下句「奪之以土功」誤倒在「是謂大凶」上,「奪」作「敓」。何粲注:「君王不恭農事而敓其時以興土

<sup>(</sup>註20) 張富祥《呂氏春秋》校釋札記(二)》,《古籍整理研究學刊》2008年第5期,第31頁。

功,則大凶之道也。」啟、奪,正、借字。共,讀爲恭。

## (14) 奪之以土功,是謂稽,不絕憂唯,必喪其粃

按:王時潤曰:「『唯』讀『思惟』之惟。」譚戒甫曰:「王說甚是。《辯土 篇》注:『粃,不成粟也。』」陳奇猷亦從王時潤說,又曰:「『粃』同 『粊』。《說文》:『柒(粊),惡米。』惡米亦是米。此或因方音謂米 爲粊。」王毓瑚改「必喪其粃」作「必收其粃」。王利器曰:「稽謂剝 掠,譚說爲稽遲,非是。」王時潤讀唯爲惟,譚戒甫稽訓稽遲,是也, 餘說皆誤。上博簡(五)《三德》簡 16 作「敓民時以土攻(功),是 胃(謂) 韻(稽),不趨憂卹(恤),必喪其佖(匹)」。鄔可晶指出「憂 唯」倒言則作「惟憂」,與「憂恤」同義(註21),是也。簡本整理者 李零注:「讀讀稽,延滯。佖讀匹,配偶。」(註22) 王晶曰:「佖通作 粃,俗秕字,《說文》:『不成粟也。』」(註23) 范常喜謂「繳」當即楚 文字中的「繼」,今本作「絕」是形譌,又讀佖爲「匹夫」之匹(註24); 顧史考讀佖爲粃。讀爲粃不通,鄔可晶已駁之,因從李零說,讀爲「匹 偶」之匹,又謂「匹」指統治者的知識朋友,即其友邦(註25)。佖、 粃,當讀爲庇,猶言寄託、依託、供養。言奪民時以土功,這就叫耽 擱農事,則憂愁不斷,失其所庇也。張富祥曰:「『唯』當通『爲』, 用爲語末助詞,無義。」(註26) 非是。

# (15)奪之以水事,是謂籥,喪以繼樂,四隣來虚 高誘注:繼,續也。

<sup>(</sup>註21) 鄔可晶說轉引自劉嬌《西漢以前古籍中相同或類似內容重複出現現象的研究》,復旦大學 2009 年博士學位論文,第 207~208 頁。

<sup>[</sup>註22] 《上海博物館藏戰國楚竹書 (五)》,上海古籍出版社 2005 年版,第 299 頁。

<sup>[</sup>註23] 王晶《釋〈上博五·三德〉簡十六》,《貴州師範大學學報》2009 年第 6 期, 第 112~113 頁。

<sup>[</sup>註24] 范常喜《〈上博五·三德〉札記三則》, http://www.bsm.org.cn/show\_article.php? id=232,2006年2月24日;又范常喜《〈上博五·三德〉與〈呂氏春秋·上農〉對校一則》,《文獻》2007年第1期,第25頁。

<sup>(</sup>註25) 顧史考、鄔可晶說轉引自劉嬌《西漢以前古籍中相同或類似內容重複出現現象的研究》,復旦大學 2009 年博士學位論文,第 208~209 頁。

<sup>[</sup>註26] 張富祥《呂氏春秋》校釋札記 (二)》,《古籍整理研究學刊》2008 年第 5 期,第 31 頁。

按:梁玉繩曰:「籥、喪二字未詳。」王念孫改「虚」作「虐」(註 27)。 俞樾曰:「『籥』疑當作『淪』。《莊子·知北遊》《釋文》:『瀟,潰也。』 瀟即瀹之異文。『奪之以水事』正與潰義相應。『虛』當作『虐』,亦 字之誤也。虐與瀹、樂爲韻。」王毓瑚從俞說。夏緯瑛曰:「《釋名》: 『籥,躍也,氣躍出也。』疑此『籥』即『躍』之借義字,該是今所 謂『冒進』的意思。『稽遲』與『冒進』,二者正相反而亦相應。俞說 『虚』爲『虐』之誤,該是對的。」陳奇猷曰:「俞以『虚』當作『虐』, 至確;但以『籥』爲『瀹』則非。夏引《釋名》文解此『籥』字,是, 餘說均非。『水』當作『本』,形近之誤。『本事』即『農事』也。此 文『籥』字義雙關,一是躍出之意,一是『籥』字之本義,爲樂器之 名。猶言奪之以農事,則民躍而出外。但躍即籥,籥是樂器,樂器所 以使人喜樂。今者喪失其民而又繼之以樂,於是四隣之敵皆來肆虐 矣。」王利器曰:「籥、籲義當相同。籲,和也。下文云『喪以繼樂』, 即樂極生悲之意,則此文籥字蓋相反爲訓,故以籥喪爲言也。」張富 祥曰:「疑『水事』爲『示事』之誤,本指祭祀。『籥』疑通『禴』, 泛指四時之祭,此用作動詞,則指以四時之祭爲歡樂。」(註28)劉守 強、符奎曰:「當爲『奪之以聚事』、『水』爲『聚』字上部形破致缺 失,而誤爲『水』字……『無聚大眾』即『聚事』也。『籥』爲樂器 之名,正與此相符。」(註29)上博簡(五)《三德》簡16作「敓民時 以水事,是胃(謂),喪心係樂,四方來囂」。據楚簡,則「水」 字不誤。上博簡既出,不知張富祥、劉守強怎麼全未參考新資料,還 望臆妄改。簡本「▮」字,整理者李零讀爲「順」,魏宜輝讀爲「激」, 解爲「阻礙」(註30);陳斯鵬釋作「潮」,讀爲「淖」,云:「『淖』本 義指泥淖,引申而有汙濁、沉溺之義。」(註31) 陳劍亦謂當釋作「潮」

<sup>[</sup>註27] 王念孫《呂氏春秋校本》,轉引自張錦少《王念孫〈呂氏春秋〉校本研究》,《漢學研究》第28卷第3期,2010年出版,第318頁。

<sup>[</sup>註28] 張富祥《呂氏春秋》校釋札記(二)》,《古籍整理研究學刊》2008年第5期,第31頁。

<sup>(</sup>註29)劉守強、符奎《〈呂氏春秋·上農篇〉札記一則》,《中國農史》2012 年第 1 期,第 123 頁。

<sup>[</sup>註30] 魏宜輝《試析古文字中的「激」字》, http://www.bsm.org.cn/show\_article.php? id=3102,2006年3月29日。

<sup>(</sup>註31) 陳斯鵬《讀上博竹書(五)小記》, http://www.bsm.org.cn/show\_article.php?id=310,2006年4月1日。

(註 32)。二陳說可從。范常喜曰:「心,整理者讀爲怠。結合傳世本作『以』,當以傳世本爲是。係,義當爲繼、接續。囂,當爲喧囂怨怒之義。」(註 33) 范君說「囂」未得,餘說皆是。王晶曰:「『渊』可能是『淵』字,深也。『籥』通『瀹』,淪有浸漬義。」(註 34) 《莊子釋文》作「瀟,漬也」,《說文》亦云「淪,漬也」。俞樾引誤作「潰也」。王晶讀籥爲瀹,當即襲自俞說,此說亦可取。「虛」字不誤。《說文》:「枵,虛也。」虛、枵一聲之轉。簡文「囂」是「枵」同音借字,枵與瀹、樂亦合韻。四隣來虛者,鄰國來滅亡之也。

# (16) 奪之以兵事,是謂厲,禍因胥歲,不舉銍艾

高誘注:厲,摩也。

按:上博簡(五)《三德》簡 16 僅存「飲民時以兵事,是」七字。陳士元曰:「胥歲,謂追胥捕盜之歲也。」孫詒讓曰:「此當以『厲』字句,與『艾』字韻。」(註35)楊昭儁曰:「高注『厲,摩也』即《左氏傳》『摩壘而旋』之摩,近也。胥,相也,引申爲連。」陶鴻慶曰:「『厲』讀『凶厲』之厲。」夏緯瑛曰:「陶說爲是。然『禍因胥歲不舉銍艾』連讀爲好。『艾』當是『刈』之借字。『銍艾』即收穫之義。胥,皆也。『胥歲』即全年的意思。」王毓瑚曰:「高注『摩也』,『摩』字有『迫』的意思。『胥』有『等待』的意思。『歲』當『年成』、『收成』講。『胥歲』就是『望歲』也就是盼收成。」陳奇猷曰:「陶說是,孫詒讓、劉師培說同。『胥』、『疏』通,疏,曠也。曠歲即荒廢歲月。『銍艾』即鐮刀之類,皆爲田器。」陶說「厲」,陳說「銍艾」,皆是,餘說皆誤。因,猶乃也。胥,讀爲餘。《廣雅》:「餘,久也。」《史記・匈奴傳》:「比余一。」《集解》引徐屬曰:「比余,或作『疏比』也。」《漢書》

<sup>[</sup>註32] 陳劍說轉引自劉嬌《西漢以前古籍中相同或類似內容重複出現現象的研究》, 復旦大學 2009 年博士學位論文,第209頁。

<sup>(</sup>註33) 范常喜《〈上博五·三德〉札記三則》, http://www.bsm.org.cn/show\_article.php? id=232,2006年2月24日;又范常喜《〈上博五·三德〉與〈呂氏春秋·上農〉對校一則》,《文獻》2007年第1期,第26頁。

<sup>[</sup>註34] 王晶《釋〈上博五·三德〉簡十六》,《貴州師範大學學報》2009年第6期,第113頁。

<sup>[</sup>註35] 孫詒讓《籀廎讀書錄·呂氏春秋》,收入《籀廎遺著輯存》,中華書局 2010 年版,第349 頁。

作「比疎一」。馬王堆《三號墓竹簡遺冊》:「卑餘一。」胥、疏並從「疋」 得聲,與「余」聲相通。句言以兵事啟民時,則禍乃連年,不能舉用 銍艾。

## (17) 數奪民時,大饑乃來

按:上博簡(五)《三德》簡16作「驟奪民時,天饑必來」。驟亦數也。

# 《任地》校補

(1)后稷曰:「子能以窒為突乎?」

高誘注: 室,容汗,下也。突,理出,豐高也。陰,猶潤澤也。

按:呂吳調陽曰:「突,疑作『窿』。」 (註 36) 陳昌齊曰:「注『容』當作『谷』,『理』當作『垤』。」姚範曰:「按句俱爲韻。『突』、『陰』二字不協,疑『突』爲『深』字之譌,《說文》『深』作『突』,又省作『笑』,故訛『突』。又按《廣韻》『突』字注:『竈突,《說文》「深也」。』此『突』字或『突』字之訛。」 (註 37) 孫詒讓曰:「陳云『容當作谷』,非也。『容』當爲『答』,形近而譌。《一切經音義》卷 10 云:『凹:《蒼頡篇》作答,墊下也。』窐即墊下之義。」俞樾曰:「疑『突』爲『突』字之誤,突與陰正爲韻。」沈祖縣曰:「高注『理』字衍。」譚戒甫曰:「爲,治也。突,深也。蓋謂將低窐處治之使深,可以藏穢惡爲糞也。」沈祖縣曰:「高注『理』字衍。」 (註 38) 夏緯瑛曰:「陳說『理當作垤』,是;『容當作谷』,則未必然。上句當作『窐,容汙,卑下也』。孫說注『容字當作答,有墊下之義』,反晦而不明,不如作『容汙』爲是。土地卑下,自可容受汙水,正指窐地而言。俞樾疑『突』爲『突』,依韻來說,似亦塙有可憑。然而細看以下文義,還說不通。『空』、『突』二字該是相反的取義。」王毓瑚曰:「俞說不可信。現

<sup>[</sup>註36] 呂吳調陽《〈呂覽·任地篇〉校注》,《國學薈編》1914年第2期,四川存古書局,第68頁。

<sup>[</sup>註37] 姚範《援鶉堂筆記》卷50,收入《續修四庫全書》第1149冊,上海古籍出版社2002年版,第173頁。

<sup>[</sup>註38] 沈瓞民(祖縣)《讀呂臆斷(續)》,《制言》第2期,1935年版,本文第20 頁。

在有一個猜想,此字(引者按:指「突」字)是不是本來作『原』, 是高地或平地。」陳奇猷曰:「俞說得其字,未得其義;夏說得其義, 未得其字。《說文》:『突,深也,一曰竈突。』此用其後一義。『竈突』 爲竈突出之部分,引申之則爲突向上之義。夏釋高注,是,但不必增 『卑』字。」王利器曰:「孫校容當作容,是也。『突』當爲『突』。」 高注之「汙」,不是指汙水,夏緯瑛未得其誼。汙,讀爲窊。《說文》: 「窊,汙衺,下也。」字或作污、圩、洿、窐、窳、窪、漥、窪、溛、 軟,俗字作凹(註39)。高注「容」當作「容」,「理」當作「垤」,陳、 孫說是。「突」、「突」一字,不必改作。「窐突」即「凹凸」,也作「答 突」、「窅晊」、「坳垤」、「坤垤」、「顫荽」<sub>(註40)</sub>,也作「拗胵」、《禁 琳音義》卷 56:「拗胵:又作揬,同。」此文斷之以韻,毋寧斷之以 義,俞氏改字,決不可從。「突」同「深」,訓竈突者,其取義仍是「深」。 段玉裁曰:「此以今字釋古字也。突、淚古今字,篆作突、淚,隸變 作衆、深。以其顚言謂之突,以其中深曲通火言謂之突。」[註41]「突」 決無突向上之義,陳奇猷說殊誤。「以……爲」是固定句式,譚戒甫 訓「爲」爲治,亦誤。地之高低,各有所用,后稷是問,你能把低窪 地作高地用嗎?

# (2) 子能藏其惡而揖之以陰平

高誘注:陰猶潤澤也。

按:姚範曰:「『陰』字讀如『亮陰』之讀鸙,或讀闇亦可。『陰』如《祭義》 『陰爲野土』之陰。『揖』同『抑』。」(註42) 譚戒甫曰:「惡即矢也。 揖當假爲挹。此謂以室治深能藏糞惡,而挹之以沃田地也。」夏緯瑛 曰:「高注是,由下文『其深殖之度,陰土必得』可證。『陰』既指溼 潤之土而言,則『惡』當是指乾燥之土而言了。該是借『惡』爲『堊』。 堊是白土,土乾而色發白,所以稱乾燥的土爲『惡』。」王毓瑚曰:「『惡』

<sup>[</sup>註39] 參見蕭旭《淮南子校補》,花木蘭文化出版社 2014 年版,第 289、539~541 頁。

<sup>[</sup>註40] 參見蕭旭《〈說文〉「脩, 眣也」音義考》, 收入《群書校補 (續)》, 花木蘭文 化出版社 2014 年版, 第 1873~1874 頁。

<sup>[</sup>註41] 段玉裁《説文解字注》,上海古籍出版社 1981 年版,第 344 頁。

<sup>[</sup>註42] 姚範《援鶇堂筆記》卷50,收入《續修四庫全書》第1149冊,上海古籍出版 社2002年版,第173頁。

是垢穢的意思。『揖』是供給的意思。」陳奇猷曰:「高注是也。夏得 其義,未得其字。『惡』當是『昔』之假字。《說文》云:『昔,乾肉也。』 引申之則日曬乾之土可謂之昔矣。《廣雅》:『揖,進也。』此文猶言子 能使日曬乾之土進而爲溼潤乎?夏說殊無此理。」王利器曰:「譚說惡 字是。藏惡,猶今言積肥。輯,合也。輯陰,猶今言施肥。」夏說「陰」 指溼潤之土,「惡」指乾燥之土,是也。陳說「惡」借爲「昔」,殊不 可信;《廣雅》揖訓進指拱手行禮而進之,是動詞,陳氏解爲副詞「進 而」,亦不確。「惡」讀如字,乾燥之土不利於糧食生長,自是惡土。 藏,讀爲臧,善也,文中作動詞用。揖,讀爲浥。《說文》:「浥,溼也。」 《玉篇》、蔣斧印本《唐韻殘卷》並云:「浥,溼潤。」字亦作挹,《詩. 行露》:「厭浥行露。」毛傳:「厭浥,溼意也。」《釋文》:「浥,本又 作挹,同。」「挹」同「揖」。陰,讀爲涪。《說文》:「湆,幽溼也。」 《繫傳》:「湆,今言多言浥湆也。」《玉篇殘卷》引《說文》無「幽」 字,又引《字書》:「涪,欲乾也。」猶今言陰乾也。《廣雅》:「涪,涇 也。」今吳語尚有「湆水」之語,指水滲漏而溼潤。句謂你能改良乾 燥之土, 溼潤之使他成爲潤澤之土嗎?

## (3) 子能使黨數節而莖堅乎

按:洪誠曰:「數節就是密節。」(註43)

## (4) 子能使米多沃而食之彊乎

按:夏緯瑛曰:「『沃』有肥潤之義,俗語說『有油性』。」陳奇猷、王利器皆從其說。洪誠指出後出本字爲「覺」,膏肥貌(註44)。

## (5) 凡耕之大方,力者欲柔,柔者欲力

按:陳奇猷曰:「力謂土性剛強者。」王利器曰:「力謂堅也。」其說是也。 惠士奇曰:「強土爲力。」[註45]

# (6) 棘者欲肥,肥者欲棘

<sup>(</sup>註43) 洪誠《洪誠文集·訓詁學》,江蘇古籍出版社 2000 年版,第87頁。

<sup>[</sup>註44] 洪誠《洪誠文集。訓詁學》,江蘇古籍出版社 2000 年版,第83 頁。

<sup>[</sup>註45] 惠士奇《禮說》卷5,收入《叢書集成三編》第24冊,新文豐出版公司1997年版,第319頁。

高誘注:棘,羸瘠也。

按:惠棟曰:「古『瘠』字《義雲章》作『蕀』、《義雲切韻》又作『脨』(見《汗簡》),字相似,因誤爲『棘』。」(註 46)《集韻》:「脐,瘦也,或作脨、康、瘠、胔。」此「棘」當是借字,而非形譌(註 47)。下文「地可使肥,又可使棘」,亦同。

#### (7) 溼者欲燥,燥者欲溼

高誘注:溼謂下溼近汙泉,故欲燥。燥謂高明暵乾,故欲溼。

按:注「汙」亦讀爲窊,低下。注「高明」,一本作「高垠」。陳奇猷曰:「作 『垠』是。《說文》:『垠,岸也。』」陳說非是。「垠」當作「㫰」或「朖」, 同「朗」。「高朗」、「高明」同義。《漢書·丙吉傳》:「置閒燥處。」顏 師古注:「燥,高敞也。」《素問·天元紀大論》王冰注:「陽明爲燥, 太陰爲濕。」「高敞」、「陽明」是其誼也。

#### (8) 大草不生,又無螟蜮

高誘注:草,穢也。「蜮」或作「螣」。食心曰螟,食葉曰蜮。兖州謂蜮 爲螣,音相近也。

按:畢沅引惠棟曰:「蜮,當爲蟦。」陳奇猷曰:「惠說是。《爾雅》:『食苗心螟,食葉蟘。』《釋文》:『蟘,音特。』《爾雅新義》『蟘』作『蟘』,《春秋·隱五年》《正義》引亦作『蟘』。」《左傳·莊公十八年》:「有蜮。」惠棟曰:「服、杜皆以爲短狐。王伯厚曰:『沙隨《春秋例目》云:「有蜮,或考隸古《春秋》作蛀,蛀音特。」』棟案:蛀亦作蟘,《說文》云:『吏冥冥犯法,即生螟蟘。』即《詩》之『螟螣』也。《唐公防碑》又作蟘。蛀與蜮字相似。《呂覽·任地》高誘云云。螟蜮皆害苗者,故書於《春秋》,若是短狐,不須記也。」桂馥說略同[註48],姚範從惠

<sup>(</sup>註46) 惠楝《九經古義》卷5《毛詩古義》,收入《叢書集成初編》第254 册,中華書局1985 年影印,第59 頁。

<sup>[</sup>註47] 參見馬瑞辰《毛詩傳箋通釋》卷 14,中華書局 1989 年版,第 427~428 頁。

<sup>(</sup>註48) 惠棟《春秋左傳補註》卷1,收入景印文淵閣《四庫全書》第181冊,臺灣商務印書館1986年初版,第130頁。桂馥《札樸》卷2,中華書局1992年版,第62頁。王應麟《困學紀闡》卷6引沙隨《春秋例目》作「或考隸古《春秋》作『有蟘』,《爾雅》:『食葉,蟘。』音特。」四庫本、翁元圻本、萬希槐本、張嘉祿本並同。惠、桂引作「蛀」,不知所據何本。翁元圻《困學紀闡注》,

說(註49)。是惠氏原文作「蟘」也。《說文》:「吏冥冥犯法,即生螟。」 又「蟘,吏乞貸則生蟘。」惠氏引有脫文。「蟘」、「螣」乃方言之音轉, 螣之言騰也,螟之言驀也,取騰躍爲義,許愼「冥冥犯法」、「乞貸」云云,皆望文生義(註50)。

## (9) 今茲美禾,來茲美麥

高誘注:茲,年也。

按:焦竑曰:「茲,新生艸也。艸一年一生,故古人以茲爲年。」高亨從其說,又云:「茲之爲年,實『載』音之轉。載之爲年,實亦『茲』之借字耳。」楊樹達曰:「『茲』無年義,以音同假茲爲載耳。」陳奇猷曰:「茲,此也。『今此』是今年,則『來此』即是明年。高蓋輾轉爲訓耳。楊說亦通。」陳說非,古無「來此」的說法。「今年」的「今」即取「此」爲義,則「茲」決非「此」義。宋·羅大經《鶴林玉露補遺》:「《公羊傳》云:『諸侯有疾曰負茲。』注云:『茲,新生草也。』一年草生一番,故以茲爲年。」楊愼曰:「古人謂茲爲年,取草木繁茂之義也。」朱睦撑說同楊愼(註51)。此皆焦竑說所本。焦竑、高亨說是,楊樹達說愼矣。章太炎曰:「問:『唐虞謂年曰載,當爲何字?』答曰:『字當爲茲,載自才得聲,與茲同在之部。記歲以茲者,謂草木一榮實也。』」(註52)

# (10) 是以六尺之耜,所以成畝也;其博八寸,所以成甽也

高誘注: 耜六尺,其刃廣八寸。古者以耜耕,廣六尺爲畝,三尺爲甽, 遼西之人謂之「堵」也。

收入《續修四庫全書》第 1142 冊,上海古籍出版社 2002 年版,第 584 頁。 萬希槐《困學紀聞集證合注》,早稻田大學藏嘉慶十八年埽葉山刻本,無頁碼。 張嘉祿《困學紀聞補注》,收入《叢書集成續編》第 24 冊,新文豐出版公司 1988 年版,第 348 頁。

- [註49] 姚範《援鶉堂筆記》卷50,收入《續修四庫全書》第1149冊,上海古籍出版 社2002年版,第173頁。
- (註50) 參見蕭旭《「蝗蟲」名義考》,收入《群書校補(續)》,花木蘭文化出版社 2014 年版,第2183~2194頁。
- [註51] 楊慎《丹鉛續錄》卷 1,朱睦檸《五經稽疑》卷 3,分別收入景印文淵閣《四庫全書》第 855、184 册,臺灣商務印書館 1986 年初版,第 133、722 頁。
- [註52] 章太炎《小學答問》,《文始》卷8説同,並收入《章太炎全集(7)》,上海人民出版社1999年版,第456、387頁。

按:高注「廣六尺爲畝,三尺爲甽」有脫誤,王念孫已校正作「六尺爲步,步百爲畝,廣尺爲甽」。耜,四庫本、宋邦乂本、百子全書本作「耟」。「耟」是「耜」俗譌字。《周禮・考工記》:「耜廣五寸。」《玄應音義》卷19引同,《慧琳音義》卷56引作「耟」。《詩・良耜》:「嬰嬰良耜。」蔣斧印本《唐韻殘卷》「畟」條引作「耟」。《可洪音義》卷25:「耟廣:上音似,耒頭金也。」又卷28:「耒耟:下音似,農器掣屬也。」皆是其證。《字彙補》:「耟,其舉切,音巨。」《重訂直音篇》卷4:「耟,音巨。」皆臆說耳。畢沅曰:「『堵』字書無考。」陳奇猷曰:「『堵』字當係高誘據遼西方音所造之形聲字,從土,害聲。高誘之意,蓋謂若此大小之田,遼西人謂之一堵也。」王利器曰:「今東北計畝單位曰墒或曰坰,與『堵』形近而義同。」「甽」同「畎」,是廣一尺的田中小溝。「堵」疑「堨」異體字,《說文》:「堨,壁閒隙也。」水堰亦謂之堨。《集韻》:「堨,堰也。」此文「堵(堨)」指田中小溝,與水堰相類,僅大小之別耳。高誘之意,蓋謂遼西人稱甽爲堵也。

## (11) 草諯大月

高誘注:大月,孟冬月也。

按:陳士元曰:「『草諯大月』未詳。或作端,始萌也。」方以智曰:「諯字無訓,智疑《長笛賦》『冬雪揣封』之揣,音團。」(註53) 姚範曰:「諯,職緣切,義未詳。」(註54) 譚戒甫曰:「『諯』疑讀爲『兩端』之端。端可訓始,亦可訓終,故曰兩端,此即就終言耳。」夏緯瑛曰:「『諯』字於此無義,當是『詘』字之誤。『詘』與『屈』通。」陳奇猷曰:「《說文》:『諯,相讓也。』相讓有二義,一爲相責讓,一爲相退讓,此文當是後一義。草諯大月,猶言草至大月而退讓也,亦即草至大月而萎死也。」王利器曰:「此文有脫誤,疑原文當謂:『諯月草萌生,諯月大月也。』『諯』即《爾雅》『正月爲陬』之陬,而『陬』又『菆』字之誤也。『菆』與『諯』音近,故得通用。蓋此爲少數民族語言,對音字無定準,不能望文生義,故高誘於此字無訓。」張富祥曰:「諯,通

<sup>[</sup>註53] 方以智《通雅》卷 12,收入《方以智全書》第 1 册,上海古籍出版社 1988 年版,第 466 頁。

<sup>[</sup>註54] 姚範《援鶉堂筆記》卷50,收入《續修四庫全書》第1149冊,上海古籍出版社2002年版,第173頁。

『耑』,即古『端』字,指植物開始萌發。」(註55) 諸說皆誤。《說文》:「端,數也,一日相讓也。」「數」即責讓義,許君所列二義實是一義(註56)。《廣韻》:「端,相責也。」《廣雅》:「蘿、譙、讀、請、詰、端,讓也。」諸字同義,皆責讓義。音轉又作「敦」。陳奇猷杜撰出「退讓」義,又謂指草萎死,亦牽強至極,殊不可信。洪誠讀諯爲端,黃黑色(註57),此說是也。字亦作難、鞼、煓,另詳《達鬱篇》校補。呂吳調陽改乙此文作「使草腨而土緩,大月冬至後五旬七日,菖始生」,注曰:「腨,膊也。」(註58) 妄改妄注。

#### (12) 冬至後五旬七日, 菖始生, 菖者, 百草之先生者也

按:呂吳調陽曰:「菖之言倡。」(註59) 蔣維喬等曰:「《御覽》卷999『菖』作『昌』。《齊民要術・耕田》引『菖』作『昌』,無『生』字。李善注《文選·永明九年策秀才文》引無『生』字。昌、菖古通。」陳奇猷曰:「無『生』字誤。」《文選》李善注引無「後」字,不脫「生」字;《齊民要術》引作「昌生」,無「始」字,《亢倉子・農道》同。蔣氏失檢,陳氏皆未覆核。始,《歲時廣記》卷1引作「葉」。《御覽》卷28引作「冬至後五旬七日,菖蒲百草之先生也」,又卷999引作「冬至五旬七月,昌本者百草之先生也」,《初學記》卷3引作「冬至後五旬七日,菖者百草之先生也」,有脫文。

# (13) 孟夏之昔, 殺三葉而穫大麥

<sup>[</sup>註55] 張富祥《呂氏春秋》校釋札記(二)》,《古籍整理研究學刊》2008年第5期,第32頁。

<sup>(</sup>註56) 「諯」訓數,一般認爲是責讓義,鄭知同認爲是煩數義,黃侃、胡吉宣認爲是疾速義;馬敘倫則認爲訓「數」是煩數義或數責義,首持兩端。黃氏曰:「此數當讀爲速,諯與遄往之遄同。」鄭知同《說文商義》(殘本),收入丁福保《說文解字計林》,中華書局 1988 年版,第 3125 頁。黃侃《說文解字斠詮箋識》,收入《說文箋識》,中華書局 2006 年版,第 347 頁。胡吉宣《玉篇校釋》,上海古籍出版社 1989 年版,第 1815 頁。馬敘倫《說文解字六書疏證》卷 5,上海書店 1985 年版,本卷第 110~111 頁。

<sup>[</sup>註57] 洪誠《洪誠文集·訓詁學》,江蘇古籍出版社 2000 年版,第83~84 頁。

<sup>[</sup>註58] 呂吳調陽《〈呂覽·任地篇〉校注》,《國學薈編》1914年第2期,四川存古書局,第68頁。

<sup>[</sup>註59] 呂吳調陽《〈呂覽·任地篇〉校注》,《國學薈編》1914年第2期,四川存古書局,第68頁。

高誘注:昔,終也。大麥,旋麥也。

按:王利器曰:「宿麥者越冬作物,旋麥者當年生作物也。《方言》卷6:『秦晉凡物樹稼早成熟謂之旋。』《集韻》作『爨』,云:『麥也。』此爲『旋』之後起字。今四川猶謂臨時興作爲旋。」王說是也,程瑤田曰:「旋之言疾也。與『宿麥』對言,是謂大麥爲春麥也。」(註60) 戴震《方言疏證》亦引《廣韻》「旋,疾也」以說之(註61)。

## (14) 五時見生而樹生,見死而穫死

高誘注:五時,五行生殺之時也。見生謂春夏種稼而生也。見死謂秋冬 獲刈收死者也。

按:陳奇猷曰:「高謂『五時』爲『五行生殺之時』是也,但釋『見生』、『見死』則非。『見』讀《詩·褰裳》序『思見正也』之『見』。疏云:『見者,自彼加己之辭。』今語『見外』、『見殺』等『見』字亦此義。此文謂:五行之時以生加於某物則種植某物,以死加於某物則收穫某物。」高注是,陳說非也。《亢倉子·農道》作「事農之道,見生而藝生,見死而穫死」,何粲注:「因天時而興民利也。藝,種也。穫,刈也。」此文謂五行之時,出現生時則種植,出現死時則收穫也。

# (15) 天下時, 地生財, 不與民謀

高誘注:天降四時,地出稼穡,自然之道也,故曰不與民謀。

按:《亢倉子·農道》作「天發時,地產財,不與人期」。王利器引本書《應同》及《管子·形勢解》以證此文,皆是也。《禮記·禮運》:「故天生時而地生財。」《家語·禮運》:「天生時,地生財。」期,讀爲基、諶。《爾雅》:「基,謀也。」《釋文》:「基,本或作諶。」字亦作諆、諅、基,《玉篇殘卷》:「諆,《爾雅》:『諆,謀也。』野王案:謂謀謨也,今亦爲基字。」《廣韻》:「諅,謀也。」又「惎,謀也。」

## (16)知貧富利器,皆時至而作,渴時而止

高誘注:利用之器,有其時而爲之,無其時而止之。

<sup>[</sup>註60] 程瑤田《九穀考·麥》,收入《程瑤田全集》第 3 册,黄山書社 2008 年版,第 49 頁。

<sup>[</sup>註61] 戴震《方言疏證》卷6,收入《戴震全集(5)》,清華大學出版社 1997年版,第2383頁。

按:呂吳調陽曰:「『渴』、『竭』同,盡也。」(註 62) 王念孫曰:「渴,盡也。」李寶注曰:「『渴』疑應作『竭』。」范耕研曰:「渴,今皆借『竭』爲之。」譚戒甫曰:「渴,疑假爲朅。《說文》:『朅,去也。』又《說文》:『渴,盡也。』此用本義亦得。」(註 63) 王毓瑚曰:「『渴』是『終止』的意思。」諸說皆誤。「渴」是「過」形譌。《亢倉子・農道》作「無失人時,迨時而作,過時而止」,何粲注:「迨,及也。」下文「不知事者,時未至而逆之,時既往而慕之」,與此對應,「過時」即「時既往」也。《管子・國準》:「時至則爲,過則去。」尤爲確證。王利器已引《管子》,而失之交臂,惜乎!王利器引《晉語八》「忨日而激嵗」、《左傳・昭元年》「翫歳而惕日」,皆非是,彼「激(惕)」是貪義,與此文無涉。

# 《辯土》校補

#### (1) 苗若直獵

按:譚戒甫曰:「『獵』假爲『巤』。謂禾苗若馬巤之直立,今之旱禾似之。」于省吾、夏緯瑛說同。陳奇猷曰:「『獵』當爲『猎』。『直猎』蓋『踧踖』音近之假字。踖,《說文》云:『一曰踧踖。』《一切經音義》引《字林》云:『踧踖,不進也。』《說文》訓『踖』爲『長脛行也』。《曲禮》『毋踖席』,鄭注云:『踖,躐也。』據此,可知『踧踖』是不進或進而過分之義。以『踧踖』形容苗稼,則謂苗有不長進者,亦有過分長進者。若,猶乃也。」陳氏妄說音借,又對所引文獻理解亦有誤。「踧踖」訓行而不進者,形容恭敬之貌(註64)。鄭注踖訓躐者,是踐踏義。《說文》踖訓長脛行者,又別是一義。陳氏把三個不同的詞義混在一起,生造出「進而過分」的詞義,進而又指爲「過分長進」,其說殊不可信。獵,讀爲儼,字亦作鬉。《說文》:「儼,長狀儼儼也。《春秋傳》曰:『長儼者相之』」《左傳・昭公七年》、《國語・楚語上》並作「鬘」。

<sup>(</sup>註62) 呂吳調陽《〈呂覽·任地篇〉校注》,《國學薈編》1914年第2期,四川存古書局,第69頁。

<sup>[</sup>註63] 譚戒甫《校呂遺誼》,國立武漢大學《文哲季刊》第3卷第4期,1933年版,第790頁。

<sup>[</sup>註64] 「趑趄」亦訓行不進,形容敬慎之貌,是其比。

《說文》:「鬘,髮鬉鬉也。」《廣雅》:「儠,長也。」字亦作巤,《說文》:「巤,毛巤也。象髮在囟上及毛髮巤巤之形。」「儠儠」、「鬉鬉」、「巤巤」並同,長貌。直獵,猶言直而長。苗若直獵者,言苗稀疏而直長。

## (2) 見風則儼, 高培則拔

高誘注:培田側也。

按:夏緯瑛曰:「培即培土。」下文「熟有耰也,必務其培」,同。《漢書·食貨志》:「苗生葉以上,稍耨隴草,因隤其土以附苗根,故其《詩》曰:『或芸或芋,黍稷儗儗。』芸,除草也。芋,附根也。言苗稍壯,每耨輒附根。比盛暑,隴盡而根深,能風與旱,故儗儗而盛也。」顏師古曰:「耨,鉏也。隤,謂下之也。儗儗,盛貌。能,讀曰耐。」附、培一聲之轉。

# (3)下得陰,上得陽,然後咸生

高誘注:陰,溼也。陽,日也。咸,皆也。

按:咸生,《亢倉子,農道》作「盛生」。蓋「咸」形誤作「成」,又易作「盛」。

# (4) 莖生有行,故遫長;弱不相害,故遫大

按:孫詒讓曰:「《亢倉子》作『立苗有行,速故長;強弱不相害,故速大』,此『弱』上疑亦棁『強』字。」夏緯瑛曰:「言苗既有行,弱小時不相妨害。」陳奇猷曰:「夏說是。《亢倉子》不知此義而增『強』字,不可據。」夏、陳說是,《齊民要術·種穀》、《農桑輯要》卷2引作「吾苗有行,故速長;弱不相害,故速大」。王利器曰:「『立苗』蓋秦漢人常言也。」王叔岷曰:「『吾』蓋『立』之誤。」蓋「立」形誤作「五」,又改作「吾」。《鼠璞》卷下引《亢倉子》亦誤作「吾苗」。莖指苗莖。

# (5) 正其行,通其風,夬心中央,帥為泠風

高誘注:夬,决也。心於苗中央。帥,率也。嘯泠風以搖長之也。 舊校:「夬」或作「使」。

按:《文選·永明九年策秀才文》李善注引作「夬必中央,師爲泠風」,引高 注作「泠風,和風,所以成穀也。夬,决也。必於苗中央。師師然肅冷

風以搖長也」。《亢倉子・農道》作「正其行,通其中,疏爲泠風」。呂 吳調陽曰:「夬,決也。決若心星中央,謂縱行也。楊慎云:『師同篩。』 原文作『帥』。」(註65)譚戒甫曰「『使』、『必』是也。必者,畢也。『爲』 讀譌,化也。蓋謂不獨畝之四周,亦當使畢盡中央,相率化其和風也。」 蔣維喬等從譚說,又指出《玉海》卷 176 引「心」亦作「必」。夏緯瑛 曰:「『夬』今通作『缺』字。此『夬』指苗之行間言,作『使』者,誤。 《文選》注所引原文及注文作『必』,是。『帥』即『率』,有『白』、『循』 之義。」陳奇猷曰:「諸說皆非。『夬』當爲『夫』,『夫』、『扶』同。『扶』 與『搏』通,《說文》:『搏,索持也。』是『搏』有以索束之之義。『心』 當從《選》注作『必』。《考工記》鄭注:『必讀如鹿車縪之縪,謂以組 約其中央爲執之,以備失隊。』是必即組也。帥,聚也。謂以組束苗之 中央,則聚爲冷風。」王利器曰:「師師,眾也。則師師狀眾苗隨風波 動。」諸家校「心」作「必」,是也。夏緯瑛謂「夬(缺)」指苗之行間, 近是。陳奇猷妄改,亂說通借,殊不可信。《小爾雅》:「缺,隙也。」 「心」是副詞,表示必須。夬必中央者,指通風道必須在苗田的中央, 這樣更能發揮通風效果。「帥」當從《選》注作「師」,注文亦當從之。 「師師然肅」狀冷風之貌。(a)《世說新語·容止》:「(嵇康) 肅肅如松 下風,高而徐引。」《御覽》卷 495 引袁山松《後漢書》:「朱公叔肅肅 如松柏下風。」高注「肅」字義同。專字爲鸝、飀,《廣雅》:「鸝,風 也。」《集韻》:「鸝、飀:寒風。或從宿。」字或作蕭,蕭古讀如肅,《戰 國策·燕策三》:「風蕭蕭兮易水寒,壯士一去兮不復還!」字或作題, 《廣韻》:「飀,涼風。」字亦作謖,《世說新語‧賞譽》:「謖謖如勁松 下風。」翟灝曰:「肅肅,通作臟,又作謖。」(註66)(b)注「師師然」 者,是「颸颸然」的記音字。《廣雅》:「颸,風也。」《說文新附》:「颸, 涼風也。」《六書故》卷 20:「颸,風之輕涼者也。」《宋書・樂志四》 《有所思曲》:「秋風肅肅晨風颸,東方須臾高知之。」唐,溫庭筠《寒 食節日寄楚望》:「颶颸楊柳風,穰穰櫻桃雨。」唐·鄭嵎《津陽門詩》:

<sup>[</sup>註65] 呂吳調陽《〈呂覽·辨土篇〉校注》,《國學薈編》1914年第3期,四川存古書局,第20頁。

<sup>[</sup>註66] 翟灝《通俗編》卷35,收入《續修四庫全書》第194冊,上海古籍出版社2002 年版,第626頁。

「飛霜殿前月悄悄,迎春亭下風颶飔。」俗作「斯斯」、「絲絲」。師古音莎,故音轉則作「洗洗」、「洒洒」、「灑灑」、《千金要方》卷 36:「肝中寒者,其人洗洗惡寒,翕翕發熱。」又卷 24:「洒洒寒熱,頭目眩倒。」又卷 38:「咽乾頭痛,洒洒惡寒。」又卷 52:「病苦脛寒不得臥,惡風寒灑灑。」《外臺秘要方》卷 8「灑灑」作「洒洒」。俗記音作「沙沙」、「梭梭」。諸詞皆是「淒淒」音轉。(c)師爲冷風,言颸飔然而起冷風。「爲」不讀譌訓化。

## (6) 是以先生者美米,後生者為粃

高誘注: 粃,不成粟也。

按:孫蜀丞曰:「《御覽》卷 823 引『美』作『爲』。」蔣維喬等曰:「『美』 疑『爲』字之誤,律以下文可證。」陳奇猷曰:「蔣說非是。」景宋本 《御覽》卷 823、《王氏農書》卷 3、13、《農政全書》卷 1 引仍作「美」, 《亢倉子·農道》同,孫氏所據爲誤本。王叔岷曰:「案訓『不成粟』, 則字當作『秕』,《說文》:『秕,不成粟也。』(『粃,惡米也。』與『秕』 異義。)《御覽》卷 823 引『粃』正作『秕』,下同。」道藏本《亢倉 子》亦作「秕」。不成粟者爲秕,俗音轉作癟;惡米爲粃,此其別也(參 見段玉裁說)。

# (7) 樹肥無使扶疏,樹燒不欲專生而族居

高誘注:專,獨也。

按: 俞樾曰:「高注未得。專讀爲摶。摶,聚也。若訓專爲獨,則與『族居』義反矣。」夏緯瑛、陳奇猷並從俞說。譚戒甫曰:「俞說云云。按疑本作『不欲專居』,『生而族』三字或衍文。族亦聚也。」高注是,俞、譚說誤。《亢倉子·農道》「族居」作「獨居」,此文當據訂正。何粲注:「境,瘠也。專生獨居,不奈(耐)風旱也。」扶疏者茂密,專生而獨居者稀疏,正相反爲義。二句言肥地宜密,薄地宜疏。

# (8) 肥而扶疏則多粃,境而專居則多死

高誘注:專,獨也。根扇迫也。專,獨。不能自蔭潤其根,故多枯死也。按:專居,《亢倉子,農道》作「獨居」,義同。

# 《審時》校補

## (1) 凡農之道,厚之為寶

按:夏緯瑛謂「厚」是「候」之誤或同音借字,借爲「時候」、「時令」。王 毓瑚曰:「夏的解說是不錯的,『候之爲寶』也就是《管子·白心篇》 『以時爲寶』的意思。此外『厚』字也許是『序』的誤文。」陳奇猷 曰:「夏說非也。『之』字爲代詞,即今語『他』。『候之爲寶』殊不可 通。『厚』字不誤,厚猶重也。『之』當爲『時』字之譌。猶言重時爲 寶。」王利器說同陳氏。蔣禮鴻曰:「當作『時之爲寶』。」張富祥曰: 「『厚之』疑當作『厚天』,猶言尊重天時。」(註67) 陳、張二氏未得 其句法,又妄爲改字,其說殊誤。夏說亦非是。「之爲」是上古漢語固 定句式,語法學家稱其用於賓語提前。「寶」是動詞。「厚之爲寶」猶 言寶其厚,以厚爲寶。「厚」指財物豐厚、收穫多。

## (2) 斬木不時,不折必穗;稼就而不穫,必遇天菑

高誘注:折,猶堅也。穫,得也。

按:姚範曰:「高誘注『折,猶堅也』,余謂如字讀。」(註68) 于鬯曰:「折訓堅,惟見於此。考『折』聲之字,惟『悊』爲敬謹之意,或于堅義尚相近,然則高豈讀折爲悊與?竊疑『折必』二字,本一『悊』字,而誤析爲二,又誤心爲必。高訓猶堅,正釋『悊』字,非釋『折』字。」譚戒甫曰:「此篇言五穀種殖當審天時,不應言『斬木不時』,且又接以『必穗』字。疑『木』爲『禾』之誤。『時』當讀爲『蒔』。斬者,斷也,亦折也,正與『不折』對文。蒔,更種也。謂禾莖不可使斷,斷禾將不能更種也。」夏緯瑛曰:「高注當作『不折猶堅也』。大概高氏所見之本是作『不折而穗』的,但高注顯係強說。『不折必穗』當作『不時而種』。斬木就是伐木,穫就是收穫。」王毓瑚曰:「『斬木』二字也許本來是『種禾』。『折』就是半路上夭折,高注『堅』字顯然是錯了。『穗』字是誤文,原來應該是一個當不結穗講的字。按《齊

<sup>[</sup>註67] 張富祥《呂氏春秋》校釋札記(二)》,《古籍整理研究學刊》2008年第5期,第33頁。

<sup>[</sup>註68] 姚範《援鶉堂筆記》卷50,收入《續修四庫全書》第1149冊,上海古籍出版 社2002年版,第173頁。

民要術》裏面有『稴堂不成穂』這樣一句話,『稴』、『堂』二字都有 『禾不實』的意思,可能這二句應作『不折必稴』或『不折必漟』。 不過這兩個字不與『時』、『菑』爲韻,顯然是還有問題。」陳奇猷曰: 「譚謂『木』爲『禾』之誤,是,但餘說非也。此文當作『蘇禾不時, 必折而穗』。蕲者,蓋束聚一叢之草,使之相包裹而生之意。『而』猶 其也。蓋苗在熟時(即結穗時)欲相扶持。如何使其相扶,則於一叢 禾之中腰處以繩索束之。」蔣禮鴻曰:「『不折必穗』當是斬木不時之 害。『折』當爲斷折之折。『穗』疑『殭』字形近之譌。謂不斷折則必 殭仆也。 蓋木枝繁盛而不斬伐,則必動搖其本而致斷折殭仆。」 王利 器曰:「此文疑當作『斬艾不時,必折不穗』。」張富祥曰:「『穗』字 不可通,疑本作『撝』,猶裂。」(註 69) 諸家皆妄改,決不可信。王 毓瑚已駁于鬯說。陳奇猷謂以繩索束禾中腰云云,更是臆說。除非病 禾,農人何有束禾腰之舉?夏緯瑛說「斬木就是伐木,穫就是收穫」, 是也。古人斬木必以其時、《周禮・地官・司徒》云「仲冬斬陽木、 仲夏斬陰木」,又《考工記》云「輪人爲輪,斬三材必以其時」,《大 載禮記・曾子大孝》云「草木以時伐焉,禽獸以時殺焉」、《孟子・梁 惠王上》云「斧斤以時入山林,材木不可勝用也」,皆是也。此文「穗」 是涉「稼」形誤的衍文(註 70),「不折必」下脫一字。二句言如果斬 木不以其時,則其爲材也不折必口;莊稼成熟了而不收穫,必遇天災。 皆篇名「審時」之旨。《爾雅翼》卷 27:「白螘狀如螘卵,凡斬木不以 時,木未及燥而作室,或柱礎去地不高,則是物生其中。」然則斬木 不時,則其材易生白螘,此其所以不折必口也。譚戒甫說「不應言斬 木不時 1, 是未得其文脈也。

# (3) 是以得時之禾,長秱長穂

按:惠棟曰:「秱,禾盛貌。長穗,元版作『而穗』。」王利器曰:「惠氏

<sup>[</sup>註69] 張富祥《呂氏春秋》校釋札記(二)》,《古籍整理研究學刊》2008年第5期,第33頁。

<sup>[</sup>註70]《韓子·難二》:「夫惜草茅者耗禾穗,惠盜賊者傷良民。」《潛夫論·述赦》: 「夫養稀稗者傷禾稼,惠姦宄者賊良民。」《齊民要術·種穀》引《鹽鐵論》: 「惜草芳者耗禾稼,惠盜賊者傷良人。」《韓子》「禾穗」是「禾稼」之誤。「穗」 異體字作「穟」,「稼」形誤爲「释」,因改作「穟」,復改作「穗」。參見蕭旭 《韓非子校補》,花木蘭文化出版社 2015 年版,第 226 頁。

秱字之訓,本《玉篇》,是狀詞,非此文之義。《六書故》卷 22 引此 文而釋之曰:『秱,禾辜節間,猶竹之筒,得時則長透。』《正字通》 同,此其義也。」(註71)夏緯瑛曰:「下文『得時之麥,桐長而頸黑』, 宋刊《御覽》卷836引作『种長而頸墨』。二者必有一誤,我以爲宋 刊《御覽》『和』字不誤。『和』就是穗子的總梗。大概是禾穀的穗子 若頭,而穗子的總梗如同頭之有頸項一樣,故亦稱之爲『項』,作爲 一個禾穀上的專門名詞,其字從禾向聲而作『和』。」陳奇猷曰:「夏 謂秱爲總花梗是也,但改『秱』爲『和』則非也。査《御覽》各種刻 本皆作『秱』,僅宋刻本作『秱』,而所從之『向』作長方形,似是『同』 字的花筆。又此條見《御覽》卷838,夏誤。」檢宋刊《御覽》,確在 卷 838,字形作「桷」,亦確是「秱」字。蔣維喬等指出「宋刊《御覽》 卷 836 (838) 『秱』誤『秱』,『黑』誤『墨』」(註72)。「秱」字是, 《亢倉子·農道》亦作「秱」(註 73),何粲注:「禾,粟也。秱,穗 頸也。」《玉篇》:「秱,禾盛貌。」《集韻》同。胡吉宣曰:「本爲侗, 《說文》:『侗,大皃。』《繫傳》引《字書》云:『長大也。』《論衡》: 『上世之人,侗長佼好。』秱因言禾稻而變易偏旁。」(註74)劉寶楠 曰:「秱,稾節間之稱,猶竹稈曰筒也。《玉篇》:『秱,禾盛貌。』別 一義。」(註75) 朱駿聲曰:「機,禾穎貫穗者也。」「機」有三說,一 日禾盛貌,二日穗頸、禾穎貫穗者,三日禾稁節間,當以穗頸說爲近, 「禾盛貌」非別義,蓋誤訓也。胡吉官謂其語源是「侗」,亦誤。秱 之言筒,語源是「洞」,取誦達、通洞爲義。《說文》:「筒,通簫也。」 夏緯瑛「頸項」云云,非是。

# (4) 大本而莖殺, 疏機而穗大

<sup>(</sup>註71) 引者按:王氏引《六書故》脱『透』字,徑補。《正字通》無「透」字。

<sup>[</sup>註72] 蔣維喬、楊寬、沈延國、趙善詒《呂氏春秋彙校補遺》,《制言》第33期,1937 年版,本文第22頁。

<sup>[</sup>註73] 此據道藏本,四部叢刊影印宋刊本《新雕洞靈眞經》作「稠」,有注:「當作 〔秱〕。」王筠據誤本《亢倉子》作「稠」,引以證《説文》「稠,多也」,非 是。王筠《説文解字句讀》,中華書局 1988 年版,第 257 頁。

<sup>[</sup>註74] 胡吉宣《玉篇校釋》,上海古籍出版社 1989 年版,第 2949 頁。

<sup>(</sup>註75) 劉寶楠《釋穀》卷1,收入王先謙《清經解續編》卷1075,上海書店1988年版,第4冊,第891頁。

高誘注:本,根也。莖稍小,鼠尾桑條穀也。機,禾穗果羸也。 舊校:「殺」或作「小」。

按:《說文繫傳》「穖」字條引「穗」誤作「惠」。注「果蠃」讀作「果蠃」 或「果贏」。朱駿聲曰:「按『果贏』疊韻連語,猶花蕊之言骨杂也。」 [註 76] 朱說是。《說文》:「機,禾機也。」《繫傳》:「《呂氏春秋》云云, 穖,莖也。」《六書故》卷22:「穖,禾莖節也。」《正字通》:「穖,徐 鍇曰:『莖也。』按:機,禾莖節也。鍇說未得。」程瑤田曰:「禾采(穗) 成實,離離若聚珠相聯貫者謂之機,與『珠璣』之璣同意。高注是也。 而徐鍇以爲禾莖,失之矣。」(註77)程說是也,段玉裁取其說,又云: 「穖貴疏者,禾采緊密,每顆皆綻,而後能疏也,穖疏而穗乃大。」 劉寶楠取其程、段說(註78)。珠璣、穂穖皆圓形,故高注謂之「果贏」。 夏緯瑛曰:「『本』不是根的意思,應當是指植株。『殺』有收斂而不 徒長之義。程瑤田以『珠璣』作解,恐未必得當。絲之分曰『紀』, 時代之分亦曰『紀』,年之分曰『季』,數之分曰『幾』,都與『機』 爲同音之名,也都由『分』而爲引申之義。那末,也就可以說穗之分 曰『幾』了,『穖』之取義或在於此。」陳奇猷曰:「『小』乃讀者之 旁注,非異文。但此『殺』字不當訓小。夏謂『本』指植株,『殺』 有收斂而不徒長之義,未聞。高訓本爲根,甚是。『殺』與『肆』通。 肆者,放肆也。放肆者,四散於外而不拘束於某一狹小範圍之意。『大 本而莖殺』猶言禾根大而莖又四散於外不密聚爲一束。高訓亦非。」 高注是,夏、陳說皆誤。夏緯瑛謂程瑤田說不當,是不知程氏指珠璣、 穗穖皆圓形,取義相同,而亦不知高氏「果贏」之訓也。至謂「紀」、 「季」、「幾」皆取「分」爲義,亦是臆說。「季」是小稱,次之末也, 四時以末月爲季月,舉四末月爲四季,此「季」之義也。「幾」作數 詞,當是借字(本字無考),非取「分」爲義。殺,所拜切,讀爲衰, 猶言衰減,「豐殺」、「鴻殺(降殺)」,皆取此義。大本而莖殺,言根

<sup>[</sup>註76] 朱駿聲《說文通訓定聲》,武漢市古籍書店 1983 年版,第562 頁。

<sup>[</sup>註77] 程瑤田《九穀考·粱》,收入《程瑤田全集》第 3 册,黄山書社 2008 年版,第 21 頁。

<sup>[</sup>註78] 段玉裁《說文解字注》,上海古籍出版社 1981 年版,第 324 頁。劉寶楠《釋穀》卷 1,收入王先謙《清經解續編》卷 1075,上海書店 1988 年版,第 4 册,第 892 頁。

大而莖則減小,故高注云「莖稍小」。此是根、莖相比較而言,非「殺」有「小」義也。

(5) 先時者,莖葉帶芒以短衡,穗鉅而芳奪, 秮米而不香 舊校:「奪」或作「奮」字。

按:洪頤煊曰:「字書無『秮』字,當是『秳』字之譌。《說文》:『秳,舂米 不潰也。』」俞樾曰:「『奪』者,『脫』之本字。後人借作『敓』而本義 晦矣。『芳』字當讀爲房。房者,柎也。言穗雖大而其房必脫落也。」 朱駿聲謂「奪」是「奮」誤字(註79)。查愼行曰:「秮,高誘無注,字 書、韻書俱不載,疑當作胎。」(註80) 于鬯曰:「『秮米』當乙作『米秮』, 下文『小米鉗而不香』,句法可例。『秮』即下文『如此者不飴』之飴。」 王毓瑚曰:「『飴』字可讀作『餲』, 意思是『味變』。」譚戒甫曰:「『奪』 如字。又疑『芳奪』二字係誤倒。『房』、『香』協韻。」夏緯瑛曰:「俞 說『奪』、『芳』是對的。『鉅』該是作『鈍』。『秮』當依洪說。」王毓 瑚從夏說。陳奇猷曰:「俞說是也,但訓爲大則非也。夏改『鉅』爲『鈍』, 尤謬。鉅,剛強也。『秮』乃『利』之異文,蓋假爲『黧』,黑色。」于 鬯乙作「米秮」,是也,餘說皆誤。「芳奪」讀如字。芳,香也。「奪」 是失去義。下文說「小菽則摶以芳,稱之重,食之息以香」,「芳」亦讀 如字,陳奇猷讀爲「摶其房」,亦誤。「秮」當是「紿」的形譌字,本字 作「飴」。《說文》:「飴,米檗煎也。」指煎米粉而製成的餳飴。《世說 新語·汰侈》:「王君夫以紿糒澳釜。」《御覽》卷 852、《蒙求集注》卷 下引作「飴」,此用本義。引申之則有甘甜義,景宋本《亢倉子‧農道》: 「米紿而香。」道藏本作「飴」、《記纂淵海》卷90引誤作「粘」。何粲 注:「紿,甘味也。」二句言穗大但失去了芳香,米雖甜而不香。

# (6)後時者,莖葉帶芒而末衡,穗閱而青零,多粃而不滿

高誘注:青零,未熟而先落。滿,成也。

按:《亢倉子·農道》作「穗銳多粃而青蘦」,何粲注:「銳,細也。青蘦, 其米青也。」何注皆得之。(a) 孫詒讓謂「青零、蒼狼一聲之轉」,

<sup>[</sup>註79] 朱駿聲《說文通訓定聲》,武漢市古籍書店 1983 年版,第685 頁。

<sup>[</sup>註80] 查慎行《得樹樓雜鈔》卷5,民國適園叢書本。

解爲「靑色」。夏緯瑛從高注,陳奇猷從孫說。孫說是,其語源是「清冷」,已詳《離俗篇》校補。(b)孫詒讓曰:「銳、閱聲同字通。」夏緯瑛謂「閱即銳的假借字」,解爲「突出於外」。陳奇猷曰:「『閱』有聚束之義。『穗閱而青零』猶言穗聚束而又色青也。」當以何粲注訓細小爲是。「穗鉅」、「穗銳」相對爲文,指穗的大、小而言。

## (7)得時之黍,芒莖而徼下,穗芒以長

按:章太炎曰:「『徼』借爲『檄』。《釋木》云:『無枝爲檄。』黍莖本無別枝,謂之檄者,言無芒也。莖上有芒,下無芒。」夏緯瑛曰:「『徼』疑是『徹』字之誤。芒莖而徼下,言其莖細長而通至上至下也。」陳奇猷曰:「章謂『徼』借爲『檄』,無枝爲檄,是也;但謂『謂之檄者,言無芒也』,則非也。『芒』即芒刺。所謂枝者,木別生條也,是枝爲木歧出之條。黍無枝條,僅有葉自莖歧出,與木歧出枝條相仿,故黍莖無葉歧出之處亦謂之檄。芒莖而徼下,謂莖皆生芒刺,而莖下部無葉歧出也。」諸說皆誤。《御覽》卷842、《農政全書》卷1引同今本作「徼下」。徼,遮繞也。

## (8) 舂之易,而食之不噮而香,如此者不飴

高誘注:香,美也。「噮」讀如「餲厭」之餲。

按:畢沅曰:「飴,《御覽》卷 842 作『餲』,竊疑上注『讀如餲厭之餲』當在此句下。據《御覽》,『噮』音北縣切,決不當讀餲也。」許維適曰:「畢謂上注當在此句下,非。上注本作『噮讀如餲厭之餲』,『餲』形近致譌。考『噮』即『餲』之借字。《說文》:『餲,厭也。』《廣韻》:『噮,甘而厭也。』《集韻》引伊尹曰:『甘而不餲』,《本味篇》作『甘而不噮』(原作『噥』,誤,據《玉篇》引改正)。」譚戒甫曰:「文廷式云:『飴,當作餳。』按:文校是。『餳』與上文『長』、『糠』、『香』叶。『餲』亦『餳』之誤。又上句注『讀如餲厭之餲』,亦皆『餳』之誤。不餳者,猶言不厭耳。」蔣維喬等曰:「《御覽》卷842 引『飴』作『餲』,注云:『音遏。』松皋圓云:『未詳。據上文「秮米而不香」,疑即「秮」字訛。』義不可通。譚戒甫說疑亦非是。疑當從《御覽》作『餲』爲是。上文『不噮』已含『不厭』之義,即不過甘之意,此似不當再重。《說文》:『餲,飯餲也。』餲原訓味變。

引申則爲植物壞敗之名。『不餲』猶言不壞敗也。」吳承仕曰:「《御 覽》卷842引作『餲』,據此,則『讀如餲厭』一語當在『餲』字下。 今本作『不飴』,亦形近之譌。」黃侃曰:「『餲』無厭義,案《說文》: 『餲,厭也。』《廣韻》『噮』與『餲』同紐,云:『噮,甘不厭也。』 是此注當云『噮讀如餲厭之餲』。其下文仍當依《御覽》作『如此者 不餲』。」王利器從黃、許說。夏緯瑛曰:「『餲』字《集韻》或作『餧』, 《玉篇》『飯臭也』;『飯』字《集韻》『與飴同』,《廣韻》『飴也』。據 此,『餲』、『飭』、『飴』三字可相通用。今刊本此句或有衍文。『飴』 字不作飴餳解,與『餲』、『該』同義。高注原本是作『該』的,故注 說『該當讀如餲厭之餲』。『該』與『噮』之字形下半略似,因字壞而 又誤爲『噮』。此句當作『舂之易而食之香,如此者不飴』(高注原本 作『該』) 纔是,作『厭』解可通。」陳奇猷曰:「畢說至塙。『飴』 古隸咍部,自晚周以後轉入脂部,高誘爲漢時人,則『飴』早已讀入 脂部而與『餲』同音,故其注云『讀如餲厭之餲』。『餲』謂食物經久 而味惡也,與此文之義亦正合。許謂『噮』即『饋』之借字,甚是, 但改上注則非。」黃侃、許維遹說是。夏緯瑛引《集韻》、《廣韻》謂 「該」與「飴」同,非是。考《廣韻》:「該,飴也。」《集韻》:「該, 《方言》:『飴謂之該。』」今本《方言》卷 13:「餳謂之餦餭,飴謂之 **該,餳謂之餹,凡飴謂之餳,自關而東,陳楚宋衛之閒通語也。」敦** 煌寫卷 P.2011 王仁昫《刊謬補缺切韻》卷 1:「飭:飴。」此自是餳 飴字,與此文無涉。此文「飴」當據《御覽》作「餲」,形近而譌。 夏繶瑛解作「厭」,於義犯複,因刪去「不噮而」三字,非也。陳奇 猷解作「食物經久而味惡」,是也。此文「餲」謂不易變餿。

# (9)後時者,小莖而麻長,短穗而厚糠,小米鉗而不香

按:舉沅曰:「鉗,《御覽》作『令』,注云:『令,新也。』」惠棟說同。 夏緯瑛曰:「『鉗』當作『黚』或『黔』。《廣韻》:『黚,淺黃黑色。』 (註81)又『黔,黑黃色。』『黚』、『黔』同音同義,當本是一字。《御 覽》作『令』當是『黔』之誤。」王毓瑚、陳奇猷、王利器從夏說。 王利器已指出宋本《御覽》卷842引作「今」,注作「今,新也」,又 云:「以注訓新觀之,作『今』是也。」畢氏所據爲誤本。鉗、今,

<sup>[</sup>註81] 陳奇猷引脱『黑』字。

當讀爲甘。上文「秮(紿)米而不香」,「紿」亦甘也。《御覽》「今」訓新,蓋臆說。

#### (10) 得時之稻……摶米而薄糠

按:摶,《御覽》卷839引誤作「搏」。

#### (11) 如此者不益

高誘注:益,息也。

按:畢沅曰:「舊校云:『益,一作蒜。』《御覽》卷 839 作『菻』,注『益, 息也』,義亦難曉。」惠棟校同。陳昌齊曰:「『益』當作『嗌』,籀文 『益(引者按:當作「嗌」)』作『森』,舊校作『蒜』,《御覽》作『菻』, 皆形譌。王石臞亦云然。」俞樾、李慈銘、金其源說略同,俞氏又引 《方言》「嗌,噎也。秦晉或曰嗌,又曰噎」,云:「然則『不嗌』者, 言食之不噎也。呂氏秦人,故言秦耳。」李氏又引《說文》「嗌,咽也。 噎,饭窒也」。姚永概曰:「俞氏讀益爲嗌,是也。《詩》傳:『噎,憂 不能息也。』然則注『息也』上有脫文,或是『氣不息也』。」張富祥 曰:「『不益』當讀作『不燕』,通『不偃』,指不倒伏。」(註82)諸家 謂「益」同「嗌」,「蒜」、「蒜」為「嗌」之誤,皆是也,但解為「飯 窒」則誤。馬王堆帛書《天下至道談》:「益(嗌)乾因(咽)唾。」 亦以「益」作「嗌」。張家山漢簡《脈書》:「則嗌乾,面驪。」則用本 字。高亨曰:「俞、李說非也。益疑借爲饐。《說文》:『饐,飯傷濕也。』」 高說是也,嗌亦讀爲饐。「如此者不益」與上文「如此者不飴(餲)」 字異而義同。《爾雅》:「食饐謂之餲。」邢疏引李巡曰:「饐,飯臭也。」 《論語・郷黨》:「食饐而餲。」二字同義連文。高注「息」疑是「臭」 形誤。

# (12) 先時者,大本而莖葉格對,短秱短穗,多粃厚糠,薄米多芒 高誘注:對,等也。

按: 秱,《御覽》卷 839 引誤作「秱」。夏緯瑛曰:「高注不明。『格對』當 與『格鬭』義近。這裏當有互相迫近之意。」陳奇猷曰:「《說文》:『格,

<sup>(</sup>註82) 張富祥《呂氏春秋》校釋札記(二)》,《古籍整理研究學刊》2008年第5期,第33頁。

木長貌。』對猶揚也。謂本大而莖長葉揚也。」王利器曰:「格對者,正對也。《方言》卷3:『格,正也。』」戴震《方言疏證》引《孟子》「惟大人爲能格君子之非」趙岐注「格,正也」(註831,則格訓正是動詞,而非副詞,王說非是。格,讀爲格。《說文》:「格,枝格也。」本爲名詞,指木枝之橫者,轉爲動詞,則爲遮禦、抵觸等義,《說文》:「嫸,好枝格人語也。」《淮南子·時則篇》:「行冬令格。」高誘注:「格,妓也。象冬斷刑,恩澤妓格不流下。」「枝格」、「妓格」、「枝格」並同,單言則曰「格」。「對」亦抵敵、對擋、匹敵之義,高注訓等,亦此義。二字同義連文。莖葉格對,言莖葉相遮擋也。

(13)後時者,纖莖而不滋,厚糠多粃, 庭辟米, 不得恃定熟, 卬天 而死

高誘注:辟,小也。

舊校:「恃」或作「待」。

按:舉沅曰:「《御覽》無『虔』字,字書無考。下作『辟米不大』,注止『辟小』二字,正文『得恃』及注『恃或作待』皆無。」孫志祖曰:「『虔』疑即下句『定』字之譌衍。」王念孫曰:「不得恃,舊本《御覽》引作『不得待』,今本作『不大』者,妄人改之也。竊謂『不得待定熟』五字當作一句讀,言後時之稻不得待成熟之時即卬天而死也。」陳昌齊從王說。聞一多曰:「王說亦未達一間。『得』即『待』之譌衍。王以定熟爲成熟,至確。定、成古同音字。」(註84)王利器曰:「王校作『待』,是。『待』謂待時也。」朱駿聲曰:「恃,叚借爲庤,《呂覽・審時》:『辟米不得恃。』注:『或作待。』」則解爲「儲置屋下」(註85)。松皋圓曰:「『虔』疑『痿』字訛。『痿躄米』,蓋言其米味淡少力,如痿躄也。『定熟』殆言將熟也。『卬』、『仰』同。」譚戒甫曰:「孫校是。『辟』即『闢』省文,謂剖開也。蓋厚糠多粃,闢穀未必得米,故云『米不得恃』也。」蔣維喬等曰:「凌本『虔』作『庭』。按譚以孫校

<sup>[</sup>註83] 戴震《方言疏證》,收入《戴震全集(5)》,清華大學出版社 1997 年版,第 2343 頁。

<sup>[</sup>註84] 闡一多《璞堂雜業·吕氏春秋》,收入《闡一多全集》卷10,湖北人民出版社 1994年版,第457頁。

<sup>[</sup>註85] 朱駿聲《說文通訓定聲》,武漢市古籍書店 1983 年版,第 161 頁。

爲是,近當。松皋圓疑『痿』字訛,於義迂回。凌本作『庭』亦誤。」 夏緯瑛曰:「當作『厚糠多粃,辟米;不得待定熟卬天而死』。」王毓 瑚曰:「『恃』是『待』的誤文,『辟』有『詐』、『空』以及名實不相符 的意思。『得』字很像是『待』字的誤文。」陳奇猷曰:「王以『定熟』 二字連此爲句,甚是。原文當云:『走得辟米,不待定熟,卬天而死。』 《廣雅》:『辟, 半也。』『辟米』謂一顆穀子內僅含半粒米, 故高誘訓 辟爲小。『定熟』即『熟定』,猶言完全熟透。『卬』同『仰』,向上之 義。『庚』蓋是『僅是』之義,與『徒』同義。『庚』是表示屋內步行。 屋內步行,備受限制,僅容數步,故『脻』有『僅是』之義,可知『脻』 即『徒』之本字。乃後人疏於考訂,以意妄改,皆不通,並失去古字 之僅存者。」《御覽》卷839引作「辟米不得待定熟,仰天而死」。四 庫本「庚」亦作「庭」。《亢倉子・農道》作「失時之稻、纖莖而不滋、 厚糠而菑死」。孫志祖、聞一多說是。《廣雅》「辟,半也」者,取中分 爲義,辟之言劈也,剖也,陳氏以爲副詞「半」,非是。辟,讀爲稗。 《廣雅》:「稗,小也。」「徒」訓步行,言無車者,故引申訓獨訓空訓 僅,陳氏謂「庚」,表示屋內步行,是「僅是」義的本字,臆說耳。定 熟,猶言成熟,王念孫得之。王利器曰:「定猶成也。《淮南子‧天文 篇》:『蔈定而禾熟。』高注:『定者,成也。』」亦是也。松皋圓解爲 「將熟」,陳奇猷解爲「熟定」,皆誤。

(14)得時之麻,必芒以長,疏節而色陽,小本而莖堅,厚枲以均,小 本而莖堅,厚枲以均

按:許維遹曰:「《御覽》卷 841 引『必芒以長』作『必莖長』,『色陽』作『危陽』。」景宋本《御覽》引作「必芒以長,疏節而危陽」,僅「色」誤作「危」,許氏所據爲誤本。《亢倉子·農道》作「得時之麻,疏節而色陽,堅枲而小本。」陳奇猷曰:「『枲』爲牡麻之稱,非此文之義。竊疑此『枲』字乃『秸』字形近之誤,『秸』爲『稭』之異文。」王利器曰:「『枲』當爲『稾』,字形近之誤。稾,稈也。」陳、王說非也,《御覽》卷 841 引同今本作「枲」,《亢倉子》同。「枲」本指麻,此指麻實而言。劉寶楠曰:「《列子·楊朱篇》:『昔人有美戎菽甘枲者。』《呂氏春秋·審時篇》:『得時之麻,厚枲以均。』《列子》、《呂覽》

所云,並謂枲實。」孫詒讓取其說(註86)。斯爲得之。

## (15) 大菽則圓,小菽則摶以芳,稱之重,食之息以香

按:夏緯瑛曰:「『息』是气息。言其吃著有香气。」陳奇猷曰:「段玉裁《說文注》:『人之氣息急曰喘,舒曰息。』是息爲氣舒暢之義。夏非是。」二說皆誤。《說文》「息」指呼吸緩慢,陳說尤誤。《亢倉子·農道》「稱之重,食之息。」何粲注:「息,猶盈也。」王毓瑚曰:「『息』有『增加』的意思。《釋名》:『息,塞也,塞滿也。』也可以這樣來理解。」王氏引《釋名》是也,但所釋則誤。息、塞一聲之轉。句謂吃著嘴裏充滿芳香。下文「食之致香以息」,亦同。

#### (16) 得時之麥, 秱長而頸黑

按:夏緯瑛曰:「『頸』是『穂』字之誤……疑有本作『穎』者,故誤爲『頸』。穎亦穗也。」王毓瑚、陳奇猷從其說,謂本當作「穎」,陳氏又謂「禾麥無所謂頸」。《御覽》卷 838 引作「長秱而頸墨」,《農政全書》卷1引作「秱長而莖黑」,《永樂大典》卷 22182 引作「秱長而頸族」,《廣博物志》卷 42 引作「長秱而頸族」,《亢倉子・農道》亦作「長秱而頸族」。俗語以麥擬人,有腰,然則亦當有頸,不得謂「頸」字誤。王利器曰:「頸謂莖也。」是也。

# (17) 薄糕而赤色

按:《亢倉子·農道》作「薄翼而蔚色」,何粲注:「蔚,吐見切。薄翼,糠 也。蔚,黄色也。」注語當作「吐昆切」。

## (18) 使人肌澤且有力

舊校:「肌」或作「肥」。

按:許維遹曰:「《御覽》卷838引『肌』作『肥』,《亢倉子》同,惟《御覽》無『澤』字。」夏緯瑛曰:「『肌』作『肥』亦通,有『澤』字無『澤』字皆可。」陳奇猷曰:「澤是滋潤之意,滋潤是肌膚之形容詞,則作『肌』爲是,『肥』字誤。《御覽》既誤『肌』爲『肥』,見『澤』義不相蒙,遂刪去『澤』字,非《呂氏》之舊也。」夏、陳說俱誤。

<sup>[</sup>註86] 孫詒讓《周禮正義》卷10,中華書局1987年版,第380頁。

肌澤,《永樂大典》卷 22182 引同。《乾坤鑿度》卷下:「厥土厚肌。」鄭玄注:「肌,音肥,實也。」鄭氏以注音改誤字,「肌」當是「肥」形譌,與本文正同。「肥澤」是秦漢人成語。《釋名》:「酪,澤也,乳汁所作,使人肥澤也。」(註87) 彼言食乳酪使人肥澤,此言食麥使人肥澤,其義一也。「肥」是壯實義。《御覽》、《亢倉子》俱脫「澤」字。

#### (19) 如此者不蚼蛆

按:譚戒甫曰:「『蚼蛆』二字異義。疑『蚼』讀如局,『蛆』讀苴之入聲, 與上文各句協韻。局蛆,不知何物,或人腹中迴蟲之類歟?」(註88) 夏緯瑛曰:「蚼蛆,今不知其是何蟲。」陳奇猷曰:「蚼蛆,無考,當 是食麥之蟲。不蚼蛆,不生蚼蛆也。」「蚼」指蚼蟓、玄蚼,《方言》 卷11:「蚍蜉,齊魯之閒謂之蚼蟓,西南梁益之閒謂之玄蚼,燕謂之 蛾蛘。」《廣韻》:「蚼,蚼蛘,蚍蜉。」今吳語稱小麥中成蟲曰「蛘 子」,稱其幼蟲曰「蛾子」,學名稱作「米象」。「蛆」當作「螟」,指 蝗蟲,《永樂大典》卷22182引已誤。《商子·農戰》:「今夫蛆螣蚼蠋, 春生秋死,一出而民數年不食。」《意林》卷4、《御覽》卷24引作「螟 腦」。

# (20) 先時者,暑雨未至附動,蚼蛆而多疾

高誘注: 附動,病心。 附,讀如痛。

按:畢沅曰:「洪亮吉《漢魏音》引此注云:『胕,讀如疛。案:肘與疛音同,知胕、肘本一字也。又今本疛誤作痛,從舊本改正。』(註89)《亢倉子》『胕動』作『胕腫』。」梁玉繩曰:「當是『痡』字,傳譌作『痛』。 附與疛不仝(同)音,未必是一字。」王念孫曰:「『蚼蛆』二字疑因上文而衍。『胕』當作『肘』,注『病心』當乙轉。」譚戒甫曰:「此言過早之麥,暑雨未至,人若食之,則六胕有蚼蛆迴動,令多疾也。」

<sup>(</sup>註87)「乳汁所作」今本誤作「乳作汁所」,據《類聚》卷72、《御覽》卷858 所引校正。

<sup>(</sup>註88) 譚戒甫《校呂遺誼》,國立武漢大學《文哲季刊》第3卷第4期,1933年版,第800頁。

<sup>[</sup>註89] 此上皆洪亮吉語,許維適、陳奇猷皆誤以「案」下爲畢沅按語,引文亦有脱誤,蓋未檢洪氏原書故也,今徑改正。洪亮吉《漢魏音》卷2,收入《續修四庫全書》第245冊,上海古籍出版社2002年版,第579頁。

(註 90) 夏緯瑛曰:「『胕』當作『府』,與『痡』同字。注當作『讀如痡』。痡,病也。『府動』就是生病的意思。作『胕腫』不合。王念孫疑『蚼蛆』二字爲衍文,恐不然。」陳奇猷曰:「《亢倉子》作『胕腫』固不合,蓋麥無所謂胕腫也。原文當云『暑雨未至〔而〕胕動,蚼蛆而多疾』。『肹』當爲『腐』字之訛。動,生也。今先時之麥,暑雨未至而已有霉爛之現象發生,故曰『暑雨未至而腐動』也。蚼蛆而多疾,猶言生蚼蛆而又多疾病也。」梁玉繩說是,「胕」與「疗」音義皆異。此句是言小麥之疾,譚氏誤解作人的疾病,且以「胕動」爲「六胕有蚼蛆迴動」,尤所未聞。陳奇猷讀誤,釋「胕動」爲「腐動」亦誤。仍當以「暑雨未至」句,「胕動蚼蛆而多疾」句。胕動,《農政全書》卷1引作「朋動」,《天中記》卷45引作「腑動」,皆誤。《永樂大典》卷22182引作「暑雨未至,胕腫、蚼蛆而多病」。《亢倉子・農道》作「失時之麥,胕腫多病」,何粲注:「胕腫,謂根莖麤而且蟲。」何注是。「胕腫」是指寒熱氣及水氣所聚集之疾,另詳《情欲篇》校補。

#### (21) 其次羊以節

按:高亨曰:「羊疑借爲癢。《爾雅》:『癢,病也。』『節』疑即後起之『癤』字。《廣韻》:『癤,癰也。』癢以癤謂禾稼病而生癰癤也。」譚戒甫曰:「次羊,不知何義,疑當假爲『資養』,即『滋養』。蓋謂胕有蛆疾者,當滋養之以節食,不令過飽也。」〔註 91〕夏緯瑛曰:「當作『其粢羸以節』。麥粒可謂之粢。羸,瘦也。節,約也。此言其麥粒瘦小而不飽滿也。」王毓瑚、陳奇猷從夏說。王氏又謂「『節』有『限制』的意思,可以引申爲『小』……這裏的『節』字也許是『蓈』之誤文,可以理解爲麥粒不成。」「粢」是穀類總稱,無「麥粒」之義。羊,讀爲洋。《爾雅》:「洋,多也。」郭璞注:「洋溢,亦多兒。」俗字作鲜,《玉篇》:「鲜,多也,亦作洋。」《篆隸萬象名義》:「鲜,多,洋字。」普通小麥 5~6 節,多節則易倒伏。「其次」是一詞,言小麥多節之害次於上文所說的「附動蚼蛆而多疾」。

<sup>(</sup>註90) 譚戒甫《校呂遺誼》,國立武漢大學《文哲季刊》第3卷第4期,1933年版,第800頁。

<sup>[</sup>註91] 譚戒甫《校呂遺誼》,國立武漢大學《文哲季刊》第3卷第4期,1933年版,第800頁。

(22) 故得時之稼興,失時之稼約

高誘注:興,昌也。約,青病也。

按:夏緯瑛曰:「興即興盛,言其增產。約即節約,言其減產。」王毓瑚、陳奇猷從其說,是也。王毓瑚又曰:「『興』字與『約』字對舉,原本也許是作『豐』。」高注訓昌,「興」字必不誤。《亢倉子·農道》「興」作「豐」。陶鴻慶謂「興」當作「與」,「約」屬下句,訓禾束,又謂下文「粟之多」衍文,王毓瑚謂「陶說更有道理」,非是。

# 《呂氏春秋》佚文校補

(1) 人之有民,如木之有根,根深則本固(《類聚》卷88引《呂令》)

按:蔣維喬等曰:「『人』字當譌,疑是『國』字。」陳奇猷曰:「『人』或爲『君』字之譌。」「人」與「國」或「君」無緣致譌。「人」下當脫「主」字。《文子·上義》:「人主之有民,猶城之有基,木之有根,根深即本固,基厚即上安。」《淮南子·泰族篇》:「國主之有民也,猶城之有基,木之有根,根深即本固,基美則上寧。」疑《類聚》所引是《文子》,誤標出處。《御覽》卷 624 引其文,又誤標出處作「《國語》」。

(2)《劍伎》云:「持短入長,條忽縱橫之術也。」(《史記·司馬相如列傳》《索隱》引《呂氏春秋》)

按:陳奇猷曰:「『劍伎』當是書名。」《史記·刺客列傳》《集解》引《呂氏 劍技》曰:「持短入長,條忽從橫。」《索隱》當是誤衍「春秋」二字, 所引當是《呂氏劍技》語。

(3) 桂枝之下無離木(《埤雅》卷 14 引)

按:四庫本、《叢書集成新編》本《埤雅》卷 14 引原文「離」並作「雜」, 蔣維喬等誤錄,陳奇猷承其誤而未檢核。藏用指出:「『離』當作『雜』, 《夢溪筆談》卷 4 引作『雜』不誤。《爾雅·釋木》:『梫木,桂。』 郭璞注:『桂·····叢生巖嶺,枝葉冬夏常青,間無雜木。』·····《廣 韻》「桂』下云:『木名,叢生合浦巴南山峯,間無雜木。』 [註 92] 此

<sup>[</sup>註92] 引者按:原文誤作「叢生合浦巴南山峯間,無雜」,徑據《廣韻》正。

皆作『雜』之證。」(註93)《夢溪筆談》卷4引《楊文公談苑》引作「雜」,非《筆談》徑引。《爾雅翼》卷12、《類說》卷53、《通志》卷76、《事實類苑》卷41、《本草綱目》卷34引亦作「雜」。

(4) 黃帝建五官以人立(《玉海》卷 122 引)

按:合璧本、四庫本、光緒九年浙江書局本《玉海》卷 122 引並作「黃帝建 五官以正人位」,蔣維喬等誤錄,陳奇猷承其誤而未檢核,王利器已改 正。

(5) 長盧子曰:「山岳河海,水金石火木,此積形而成乎地也。」(《御 覧》卷37、《書鈔》卷157引)

按:蔣維喬等曰:「《漢書·藝文志》道家有《長盧子》九篇,劉向《上荀卿子表》:『楚有尸子、長廬子、芋子皆著書。』盧、廬古通。《列子·天瑞篇》:『長廬子聞而笑之曰:「虹蜺也,雲霧也,風雨也,四時也,此積氣之成乎天者也;山嶽也,河海也,金石也,火木也,此積形之成乎地者也。」』」《御覽》卷37引作「長廬子曰:『山海岳河,水金石火木,此積形成乎地也』」、《書鈔》卷157引作「山丘(岳)河海,金石水火,此積形而成乎地者」、字本作「廬」。

(6) 精神勞則越。注:「越,散也。」(《文選・七發》李善注引)

按:蔣維喬等曰:「此文及注均見《淮南·主術篇》,誤引無疑。」陳奇猷 從其說。藏用指出:「《止觀輔行傳弘決》四之三引亦作『勞者精神則 散也。』李善、湛然都是唐人,兩引俱有此文,想來唐時本是這樣。 至於《淮南》,本多抄寫《呂氏》的地方。」[註94]

(7) 大旱用玲瓏 (宋祁《漢書·楊雄傳》校引)

按:《漢書·揚雄傳》校引作「大旱用瓏玲」。「玲」是衍文。《酉陽雜俎》卷 1:「大旱用龍。」自注:「龍節也。」禱旱用龍,以是玉製禮器,故作 「瓏」字。

<sup>[</sup>註93] 藏用《評呂氏春秋彙校》,《圖書季刊》新第8卷第1~2期,1947年出版,第32頁。

<sup>[</sup>註94] 藏用《評呂氏春秋彙校》,《圖書季刊》新第8卷第1~2期,1947年出版,第 32頁。

本稿前 13 卷的部分內容,曾以《呂氏春秋解詁》的名稱發表,其中卷 1~4 發表在《上古漢語研究》創刊號,卷 5~6 發表在《文津學志》第 8 輯,卷 7~9 發表在《東亞文獻研究》第 15 輯,卷 10~13 發表在《古典學集刊》第 2 輯。另外,《〈呂氏春秋·本味篇〉校補》發表在《澳門文獻信息學刊》第 14 期。各刊都是 2015 年出版。

# 後記

2005 年的春天,我調動了工作單位,生活自此稍稍安定。這一年,我整四十周歲。搬家時,有二紙箱手稿,我望著盈尺的手稿,覺得必須吸取黃季剛的教訓,不能等到五十歲去著作。也就在這一年的六月,我開始學會電腦,把手稿輸入電腦。

至今,整整十年過去了。這十年中,滄海桑田,三千多個日日夜夜,我斷絕了交遊,每天工作 10 多個鐘頭,陸續出版了《古書虛詞旁釋》、《群書校補》、《群書校補 (續)》、《淮南子校補》、《韓非子校補》,加上這部《呂氏春秋校補》,以及電腦中還有的一部分其他的稿件,已有 550 萬字。算一算啊,平均每 2 分多鐘才能寫 1 個字。著述之艱辛,可見一斑。

《呂氏春秋校補》手稿 2003 年在北大曾交給龐光華博士,龐兄 2006 年 爲我的《古書虛詞旁釋》作序,曾轉錄過 10 來條。這次借助電腦的資料庫, 重新作全面的整理、修訂。

早年,有博士訪學於我。他說,等我年紀老了,幫我整理文稿。我曉得,這只是一時戲言,斷當不得真。這個時代,每個人都忙,有誰會在乎別人的事兒?不是嗎,當年段玉裁 68 歲時生了一場重病,而《說文解字注》才進行到第九篇,段氏擔心不能完成,於是給王引之寫了一封信,想託付王氏,請他幫助續成全稿。結果王引之沒有回音。當然段氏後來病竟痊癒,在《說文解字注》刊成後四個月也就過世了(詳見《段玉裁評傳》第 44~46 頁)。這真是前車之鑒,我不能心存依賴。

我讀王叔岷回憶錄,他在新加坡南洋大學教書,指導博碩論文,盡其心力,擬定大綱,修改補充內容,並推薦出版;他感慨地說:「男生能記情誼

的,真是鳳毛麟角!甚至出版後,書都不送我一本。」(《慕廬憶往》第 135 頁) 王叔岷先生的際遇,我也有過。這十年中,也幫助十來個博碩士修改過論文,贈送他們書籍等資料,甚至把我當時未曾發佈的手稿也提供給他們參考。其中有二個博士的各種論文著述,都有上百萬字,我幫他們詳加審閱,細細批註。他們博士畢業後,從此杳無音訊,書出版後,也都不送我一本。世情如此,夫復何言!我耽擱自己的事情,浪擲精力,甚無謂也。

手稿中還有《戰國策》、《史記》、《韓詩外傳》、《大戴禮記》、《新序》以及《荀》、《墨》、《列》、《莊》。其中《戰國策札記》,何建章教授在其遺著《戰國策校釋》中有所引用(文稿 2013 年已交中華書局,何先生 2014 年 4 月 26 日已歸道山);《大戴禮記校補》,方向東教授在《大戴禮記匯校集解》中曾引述過十餘條。我期待將來都能有精力修訂定稿。我做的一切準備,都是爲了最終完成《莊子校補》。天假以時,但願能遂舊願。

短筆孤燈,一曲微茫;青山無夢,白髮浮名。黃季剛云:「不求爲千萬無 識者所譽,但求不爲一有識者所譏。」吾以此自勉云爾。

> 蕭旭 2015年6月25日謹記於三餘齋



[General Information] 书名=古典文献研究辑刊 二二编 第4册 《吕氏春秋》校补 下 SS号=14699247